

3 3433 06829845 8





(Gerbert)

ZM

DE
RECTO
ET
PERVERSO USU
THEOLOGICÆ
SCHOLASTICÆ.

AUCTORE
P. MARTINO GERBERT,


Monacho O. S. B. e Congr. D. Blasii in Silva nigra,
Em.mi & Rev.mi S. R. E. Cardinalis DE RODT,
S. Q. R. I. Princ. & Episcopi Constant. &c. &c.
Theologo.



Permissu Superiorum.

Litteris SAN-BLASIANIS. 1758.

EPISTOLA
AD
AMPLISSIMUM
PRÆSIDEM
ET
SVO QUEMQUE NOMINIS SPLENDORE
ERUDITIONISQUE LAUDE
ILLUSTRES
SOCIOS
INCLYTÆ
SCIENTIARUM ACADEMIÆ
SUB AUSPICIIS
AUGUSTÆ IMPERATRICIS
ET REGINÆ
MARIAE THERESIAE
ROBORETI
ET PER ORBEM LITTERARIUM
FLORENTIS



CImpense nobismet gratulati sumus ego & sodalis meus, insigne, quo nos ornaſtis, decus, dum ſocios nos academix litterariæ adſciſiſtis ex ultimo hercyniæ ſilvæ angulo. Venit nobis in mentem & alterutrum affati ſumus, ac compellavimus MELIBÆI apud MARONEM verbis:

*Tytire tu patulæ recubans ſub tegmine fagi
Silveſtrem tenui Muſam meditaris avena!*

Ac felices nos deprædicavimus, ſtudioſique quomodo veſtris reſponderemus votis cogitavimus, ut etiam publicum grati animi extet monumentum. Opportunæ mihi eam in rem viſæ ſunt diſſertationes iſtæ eo ſaltem



nomine, quod ante non paucos annos ejus-
modi in conventu quodam philomusorum
primum conceptæ sint, ad restituendam
scientiarum principis theologiæ christianæ
dignitatem & florem: cui, quantum sequio-
ri ævo, perverso theologiæ scholasticæ usu
decesserit, nostris equidem, sed feliciter trans-
fretastis Syrtes has cum amœnioribus de-
gentes Musis & Apolline in Parnasso vestro.
Ubi tanquam in aliqua specula prospicitis,
non abs re me juvenilem hunc partum e-
tiamnum edere, istamque resumere mate-
riam, ac *κινεῖν καμάριον*.

Neque vero est, cur indignemini, quod
vestram ex longinquo quæram tutelam, ne
causa, alio & propinquo avvocato, cadam.
Quemadmodum enim patronis se suaque so-
lent committere clientes, & tuta præstare,
ea ego mente hanc pupillarem vobis
adscripsi opellam, amplissimæ clientelæ di-
catam; etsi usibus destinatam aliorum, ru-
dium inquam & tironum saltem: ne pœ-
nitendam insument operam, consument an-
nos, prima mox fallente institutione in cur-
riculo theologiæ scholasticæ, disciplinæ uti-
lissimæ, si rectus illius usus fiat, prout in
pri-



prima sua fuit origine, & scholastica audit, ad imbuendos in scholis principiis theologiæ christianæ candidatos, exercitandosque complexu quodam sacræ doctrinæ; quo se contineat, neu extra ambitum feratur perverso multorum temporum more, usuque inolito.

Unde mihi jam olim, cum primum stadium hoc scholasticum essem emensus, exarsit animus *de recto & perverso usu theologiæ scholasticæ* non tam meam, quam doctorum fama & eruditione celebriorum edisserere mentem, & depromere sententiam. Ut intelligent, qui legent hæc, me nihil temere asseverasse, aut propriæ dedisse opinioni, sed commodis usum auctoritatibus virorum celebrium & probatissimorum. Quibus si vos arbitri accedatis socii humanissimi, næ ego mihi de victoria plaudam & fructu studiosæ juventutis, rei que theologicæ incremento.

Valete.

P. MARTINUS GERBERT,
Roboretanæ academix scientiarum socius.

SUM-

S U M M A R I A.

Caput I.

Descriptio theologiae scholasticae prout a prima origine primisque tractatoribus fluxit.

Caput II.

De theologia scholastica doctoribus & virtutibus.

Caput III.

De depravatione theologiae scholasticae quere monia.

Caput IV.

De vitiis theologiae scholasticae generatim.

Caput V.

De vitiis dictionis theologiae scholasticae.

Caput VI.

De logomachiis theologicis.

Caput VII.

De multis vanis & inutilibus questionibus scholasticorum.

Caput VIII.

De nimio rationis usu, & neglectu fontium.

Caput IX.

De nimio dialectices, ac philosophiae usu.

Caput X.

De neglectu artium, & subsidiorum, quae perfectum theologum efficiunt.

Caput XI.

Impediunt scholastici augmenta scientiae theologiae, quia in magistrorum dictatis acquiescunt.

Caput XII.

De morum corruptelis ex scholasticis vitiis oriri pronis.

Caput XIII.

Mala ex depravationibus scholasticis in ceterum christianum redundantia.

Caput XIV.

Mala ex depravatione scholasticis in ipsos theologos viros ecclesiae addictos, & ceteros religiosorum redundantia.

Cap. XV.

SUMMARIA.

Caput XV.

De restauratione contra depravationes theologicas, & ratione servandi illius dotes.

Caput XVI.

De remediis contra vitia dictionis, & logomachias scholasticas.

Caput XVII.

Quomodo, & quales quaestiones inutiles, ac vana declinanda.

Caput XVIII.

Quomodo cavendum, ne nimium rationis usum in theologia admittamus.

Caput XIX.

De recto dialectices usu in theologia.

Caput XX.

De recto philosophiae usu in theologia.

Caput XXI.

Quomodo reliqua scholasticas vitia recto theologia studio corrigenda.

Caput XXII.

Ex superioribus recta vera theologia ratio describitur & adumbratur.

Caput XXIII.

Fructus, uberrimi talis theologia.



DE



DE RECTO
ET
PERVERSO USU
THEOLOGICÆ
SCHOLASTICÆ.



CAPUT I.

*Descriptio theologiæ scholasticæ prout
a prima origine primisque tractato-
ribus fluxit.*

I.



Conquestum olim Cicerone Theologia
NEM legimus, jus rerum in ordi-
civilium dispersum, ac nem & sy-
dissipatum per septem & stema re-
triginta scriptores, duo- dacta.
bus pene millibus librorum esse, nullis
præceptionibus illigari, nulla doctrina
A certa

certa tradi; quod fieri tamen e re maxime futurum censebat. Voti compos fieri Cicerō non valuit, dum vixit, istius enim operis moliendi gloria ad Justiniani ævum servata est. Par quidpiam de amplissima theologiæ christianæ doctrina primis nascentis ecclesiæ sæculis expeti, & desiderari poterat. Ea disciplina multis millibus ecclesiasticorum scriptorum, pontificum rescriptis, canonum decretis diffusa, atque explicata: librorum non certus & definitus numerus, sed maxima multitudo erat, in quibus doctrina christiana explicata, illustrata, perpetuis incrementis ampliata fuerat. Igitur quod jurisprudentia digestoribus suis, compilatoribusque acceptum refert, hoc theologia scholasticis gratanter debere observat *Franc. VAVASSOR* oratione de theologia scholastica, quod hinc inde vagam, liberam, & solutam adunarint, copularintque; & quod caput est, ad certas singula sedes revocaverint, atque in loca communia universam doctrinam christianam, & theologicam digestam ordinarint: ut omnia continuata serie ubique conclusionum, demonstrationum, ac argumentorum connectantur.

De prima
scholasti-

II. Quod prius illud antiquorum do-
ctri-

Strinam disperfam colligendi studium ces insti-
attinet, palmam reliquis præripuit *Pe-* tutionePa-
trus ille LOMBARDUS Parisiensis, qui trum sen-
Patrum sententias ad rem theologicam, tentias
& dogmata fidei pertinentes, quadam colligen-
do.

methodo in unum volumen sub certis
titulis adstrinxit, ut idcirco nomen *Ma-*
gistri sententiarum meruerit, eosque qui
ante ipsum in simili argumento versati
sunt, longo post se intervallo reliquerit.

CASSIODORUS (a) EUGIPIUM abba-
tem laudat, qui postquam se replevit
lectione scripturæ sacrae ac operum S.
AUGUSTINI inde composuerit theolo-
giæ corpus in 338. capita distinctum.

Videre est in veteribus analectis Jo. MABILLONII præfatio TAJONII episcopi
Cæsar-Augustani in 5. libros sententia-
rum ab eodem TAJONIO ex D. GRE-
GORII M. operibus congestos: cujus
operis MABILLONIUS in suo tractatu
de stud. Mon. meminit, ac singulorum
librorum argumenta succincte refert,
cum TAJONIUS jam sæculo VIII. flo-
ruerit. Ex libris S. AUG. similem tamen
jam antea collectionem PROSPER fecit,
in libello sententiarum. CYPRIANI li-
bri tres contra Judæos, & AUGUSTINI
speculum simile quid ex scripturis con-
tinent. Postea licet HILDEBERTUS

A 2

pri-

(a) Institut. divin. L. IX. c. 18.

primum Cenomanensis dehinc Turonensis episcopus ac alii simile quid elaborarint, tamen præprimis LOMBARDI opus occasionem, ac materiam amplissimam disputandi de rebus divinis posteris dedit, quo factum est, ut varii doctores hunc librum publice sint interpretati, eumque commentariis plurimi doctrina, & sanctitate præstantissimi viri, quicunque fere in theologicis quidquam moliti sunt, illustrarint, diversisque disputationibus mirum in modum amplificarint.

Systema
theologi-
cum quis
primus
adornarit?

III. Quatenus ad alterum illud caput, de universæ theologicæ doctrinæ sub suis sedibus locisque communibus comprehensione, attinet; quamvis hujus instituti delineationes quædam apud antiquos Patres CLEMENTIS *Alexandri* *Stromaton* octo libris: itemque *Hypotyposeon* non unius auctoris: ORIGENIS etiam libris *περὶ ἀρχῶν*, & variis AUGUSTINI operibus contineantur: *De vera religione*, *enchiridio*, *de dogmatibus ecclesiasticis*: primus tamen, qui summam theologicam adumbraverit, *Johannes DAMASCENUS* habetur, quatuor libris de fide orthodoxa inscriptis. Ejus exemplo haud dubie Latini incitati, ac institutum secuti, *μεθοδικῶς* theologiam tra-

tractare cœperunt, quævis ad destinata capita reducendo, indeque tot summæ theologicæ emanarunt. Scholastici ut alia pleraque, hoc etiam ARISTOTELIS fecerunt exemplo: is enim primus quæcunque tractavit, in artis formam ac faciem redegit: *Quo nomine*, inquit LUDOVICUS VIVES, (a) *haud facile quis dixerit, quantum ei studia & disciplina omnes, quantum studiosi ipsi debeant: sparsa enim collegit, congesta digessit, confusa distinxit, obscuris attulit lumen, omnia ita reddidit concinna & apta, ut percipi facile ac teneri queant.*

IV. Ut vero res tantopere diffusa, ac tam late patens, cujusmodi doctrina theologica est, explicari commode, combinari opportune, & perstringi summam posset, opus fuit dicendi genere compresso, quo paucissimis verbis quam plurima comprehendere possent: istud suppeditavit, vel potius ejus consilium suggessit ejusdem ARISTOTELIS philosophia, quæ tunc temporis ex Asia Arabibus illis doctissimis AVINCENNA, qui circa medium sæc. XI., AVERROE, qui centum annis post vixit, aliisque primo in Hispaniam, tum reliquam Europam, cum aliis scientiis medicina, ma-

Dicendi
genus
scholasti-
corum, a
quo primus
ortum?

A 3 thema.

(a) Lib. I. de causis, corr. artium.

thematica &c. illata, inclarescere, studiofissimèque coli cœpit; jamque pressus ille, & concisus ARISTOTELIS differendi, docendique mos præ PLATONIS uberi, & copioso, quo antiquiores Patres uti sunt, increbuit.

Philosophia hac occasione inducta in theologiam.

V. Quingenti anni sunt, & quod excedit, cum hi alii que Arabes, Alcorani somnia pertæsi, totos se studio, & disquisitioni naturæ tradiderunt, ARISTOTELIS philosophia comprimis usi: inde etiam christianos aggressi telis ex ARISTOTELE petitis, doctoribus christianis necessitatem imposuerunt, eadem contra eos arma sumendi. Qua occasione dialectica in scholas christianas introducta est: hacque theologia etiam contra sophistas istos armata est. Sed hæc ipsa ferventior philosophiæ Aristotelicæ impensa opera, cujus initium TRITHEMIUS *Petro* ABAELARDO tribuit, in causa fuit, ut non differendi solum ratio dialectica, ac disputandi modus in theologiam invecus sit, sed humanæ rationis etiam frequens usus ratiocinationes, rebus partim fide cognitæ, partim naturæ lumine philosophiæ ope illustrato perspectis, mixtæ invaluerint: atque jam tota theologia per organum logices, & metaphysices transfigeretur.

ARIST.

ARISTOTELES hoc modo summam auctoritatem est nactus, ut in naturalibus, & ad lumen rationis pertinentibus pro oraculo haberetur, nec cuiquam in mentem veniret ejus sententiæ refragari. Istis quidem principiis constitit, istis ex incunabulis scholastica theologia pro-
 vecta, tali lacte pota excrevit, ex qua tot fortes athletæ, invicti heroes, *fontes vitæ, doctores irrefragabiles, fundatissimi, solemnes, illuminati, resoluti, facundi, universales, singulares*, præclara nomina! egressi sunt.

VI. Qui impensius huic scholastice De prima favent, & addicti sunt, his primordiis non contenti, ejus originem vel ab ipso mundi exordio ab ADAMO reperunt, aut saltem illius initia ad CHRISTUM Dominum, & apostolos ponunt: *Siquidem*, ut ait CARBO (a) insignis scholasticus, *hujus doctrinæ substantia in hoc sita est, ut disputando vera religionis dogmata confirmet, & defendat, erroresque adversariorum refellat.* Sed hæc (cum bona viri venia dixerim) generaliora sunt, quam scholæ theologicæ suæ patrocinentur. Origo illi ab ADAMO ducta, certe non aliam stemmatis nobilitatem conciliat, quam cuique hominum,

De prima
origine
sua opi-
niones
scholasti-
corum.

a

A 4 si,

(a) Lud. CARBO Intr. in theol. L. I. c. 8.

si, se ab ADAMI stirpe ortum jactare collubeat. CHRISTUS Dominus, & apostoli, PAULUS comprimis, acute disputarunt, Judæorum objectas nonnunquam fallacias, & sophismata diluerunt; sed sicuti loqui hominibus, sic unum ex alio concludere rationi humanæ commune est, atque omnis, qui ratiocinatur, uti quidem ratione dicitur, scholasticus esse non probatur. Sed hoc illis condonandum est, qui partium suarum studio longius aberrant, & causæ bonitati parum fortasse confisi, optimos patronos, ceu causidicos, inquirunt.

Vera scholastica o-rigo.

VII. Nobis de scholasticæ hujus theologiæ crepundiis ita videtur: scilicet accidit theologiæ christianæ, quod videmus aliis scientiis evenire, ut pro diversis hominum ingeniis ac studiis variam accipiant faciem. Non solum autem hæretici, ac infideles in causa fuerunt identidem, ut theologis necessitas incumbere, prout varia arma illi ad laceffendam fidem struebant, hi iisdem se instruerent ad eos debellandos. Hinc a principio statim christianismi, prout errores innumeros philosophica commenta proferebant, ita iisdem occurrendum fuit. Verum diversa studia doctorum etiam catholicorum, varietatem in divinam intulit

tulit philosophiam. Accidit autem ut post plura sæcula a data per CHRISTUM cœlesti, ac revelata doctrina, fontes isti sacri non tam frequenter biberentur, aut tantum in rivulis. Deinde paulatim magis ac magis ad cisternas veteres rationis & philosophiæ itum: rem eo devenisse, quo eam partim oculis cernimus, partim proximorum temporum historia litteraria intelligimus, mirum non est. Sed illa, de qua modo agimus, theologiæ mutatio ultra undecimum sæculum proferri non potest: post hæc enim tempora fuerunt quidam, qui theologiæ tractationem nonnihil interpolarent, sed studio innocuo. Inter hos LANFRANCUS, quem secuti sunt GUITMUNDUS, HUGO *de S. Victore*, alique: mox tamen in abusum res tracta. Unde de ABÆLARDO extant S. BERNARDI querelæ, quod dialecticam ARISTOTELIS theologiæ intulerit. Idem ab OTTONE *Frisingensi* carpitur, quod incaute miscuerit theologiæ philosophica: & TRITHEMIUS libro de scriptoribus ecclesiasticis de ABÆLARDO agens, *ab hoc, inquit, tempore philosophia secularis sacram theologiam sua curiositate inutili fœdare cepit.* Deinceps autem hoc studium scholasticum nomen indeptum est, quod illis temporibus a CAROLO usque

M. vocarentur scholastici, qui litteras docerent ac profiterentur, sed alio instituto; haud minus ac antiquiores hoc nomine vocati: quemadmodum PRUDENTIUM BEDA scholasticum nominat, aut quos GENNADIUS nonnunquam sic appellat. Qui olim in cœnobiis cæteris in scientia scripturarum excellentiores *scholastici*, vel ut tales teste MABILLONIO ECCARDUS vocat, *schola magistri* ponebantur. Apud hos si primordia scholastices quærantur, non refragamur, hincque non dubitamus nomen scholastices venisse: sed est aliter res intelligenda, quam olim de se S. HIERONYMUS faterur, se aliquando de rebus divinis scholastico more egisse. (a)

Quam late
in orbe
christiano
& littera-
rio perva-
gata sit, &
fines suos
porrexerit
theologia
scholasti-
ca.

VIII. Scholastica nostra disciplina, quam modo descripsimus leviter, paulo post vivis coloribus exprimenda, non solum omnes scientias, & artes sua methodo invaluit, verum etiam in omnes scholas & academias penetravit. Nul- lum claustrum, quo ipsa non pertigerit: nullum arcanum adytum ipsi impervium: in sacra omnia se ingessit: omnium ingeniorum contentiones, omnium ordi-
num

(a) Vid. Theol. V. & N. circa præsentiam
CHRISTI in Eucharistia, c. 9.

num christianorum studia sibi dicavit, ac pene totum eruditionis campum possedit, vindicavitque. Ea personabant omnia doctorum pulpita, studiosorum quarumvis scientiarum subsellia: libros quoscunque viri doctores edebant, ad scholasticam fere palæstram pertinebant: ut, quos etiam verustas servaverat alios libros variarum linguarum, arrium, & disciplinarum, vix legerentur, vix locus in bibliothecis concederetur nisi in angulis, ubi cum blattis & tineis pugnarent: cum interim scholasticis concertationibus, & speculationibus omnia essent completa. Nec brevi tempore perduravit hic studiorum, ac studiosorum armariorum status, nec hætenus ubique mutatus est, etiam apud religiosos cætus. Nolo hoc meis asseveratum esse verbis. Audiatur doctissimus Bernardus BEZIUS, qui hoc nostrum sæculum D. BENEDICTI, ordinem, hancque nostram Germaniam eruditione sua illustravit: *Omnia fere, inquit is (a), religionis bibliothecarum pegmata & plutei scholasticis Aristotelicoque theologicis scriptis onerati sunt, omnia scholasticis concertationibus & syllogismis personant, in omneque librorum genus offendas sæpius, quam in criticorum, utilium, exquisitorumque.*

CAP. II.

(a) BEZ. contra FONTIJUM dissert. p. 55.

CAPUT II.

De theologiae scholasticae dotibus & virtutibus.

Præcipue I. **Q**uinq̃ue potissimum virtutes statuit P. Fr. VAVASSOR (a), vir humaniorum & sanctiorum litterarum laude celebris, quibus scholastica præcipue resplendeat, eique tanquam propriæ & insitæ sint. Primo loco ORDINEM habet, deinde BREVITATEM, hinc PERSPICUITATEM, inde SANITATEM & SECURITATEM OPINIONUM & SENTENTIARUM; demum VIM atque EFFICIENTIAM ARGUMENTATIONUM.

ORDO
virtus
scholasti-
ces, in qui-
bus confi-
stat?

II. Quod de ordine differit primum VAVASSOR, habet aliquid momenti, cum, quam concinne & gnaviter materialiarum inter se dispositionem excogitaverint scholastici, aperit & declarat his verbis: *Quid ordinatius, quam generatim de DEO ut parente nostrum omnium, eodemque summo fine speciatim, quo singula aptentur inter se, & in idem collineent, disceptari.* Quod alterum ordinis in scholasti-

(a) Orat. X. Quid script. schol. juvet

laſtice caput ponit, atque in eo ſitum eſt, quod octo partes theologiæ in quatuor annos, quo ſpatio quivis theologicum ſtudium emeriretur, ſint diſpertitæ, neſcio num ordinate fieri ſine omni exceptione dici queat. Quid enim eſt ad certa, & conſtituta tempora ſcientiarum conſecutionem adſtringere, quam eodem pede omnia hominum ingenia metiri? Quantis vero præjudiciis ordo hic, viam non ſternit, ut tam arctis limitibus concludatur, certi fines præſtiantur, ac breve tempus concedatur diſciplinæ, cui integra vita, quam longe etiam protrahatur, nunquam ſuffecerit? Niſi experientia doceret, hæc fraudi multis fuiſſe, qui tenacius ſcrupuloſiusque fixo, & determinato ſyſtemati inhærendum ſibi duxerunt, eique totum theologiæ ſtudium addixerunt, non hæc monuiſſem. Gaudeat igitur, & ſe commendat ſcholæſtice ordine illo, quo omnia ſuis locis aprat, ad ſuas claſſes, & capita revocat; ut quævis inter ſe congruant, univerſa latiffime diſfuſa theologica doctrina perpetuo nexu ſit producta, & ſingula continuata ubique concluſionum, ac demonſtrationum, omniumque argumentationum ſerie conneſtantur, ut jam a nobis dictum; ſicque, veluti corpus plene omnibus ſuis

con-

constans membris, integritatis decorem ostenter.

Brevitas
quæ lau-
danda in
scholasti-
ca.

III. Altera scholastices virtus est bre-
vitas, quam jure sibi vendicat, nec quis-
quam in jus vocet: *Quæ vel ex eo liquido*
constat, inquit VAVASSOR, *quod effi-*
ciat scholastice duobus tribusque argumen-
tis tanquam punctis ea, quæ paginam apud
antiquos utramque impleant. Quid argu-
menta dico, pergit idem doctissimus vir,
cum ternis voculis, quibus rem negent, con-
cedant, distinguant in tempore, earum
una maxima sæpe secuntur, & multi ser-
monis quæstiones? Non mihi perinde
postrema hæc a VAVASSORE dicta pro-
bantur, ac priora, in quibus omnem
vim, & præstantiam scholasticæ brevi-
tatis collocatam esse puto; quatenus nul-
lis verborum ambagibus nuda, & aper-
ta veritas proponatur, omnis dicendi
superfluitas amputetur, denique quid-
quid duobus verbis expediri valet, tri-
bus non fiat.

Perspicui-
tas, quate-
nus scho-
lasticæ
conve-
niat.

IV. Ex ista brevitate, etiam tertia
illa scholastices virtus descendit, nempe
perspicuitas, quod primo intuitu mi-
rum cui & παράδοξον videri possit: cum
brevitas & perspicuitas inimicæ inter se
alias sint, & sæpe altera alteri obsit, ut
vix unquam simul consistere soleant.
Sed

Sed qui intelligendi cupidus est, quemadmodum brevitatis & perspicuitatis in scholasticæ, si recte sit constituta, non solum jungantur pulchre, & scite, verum etiam altera alterius sit causa, in memoriam revocet naturam scholasticæ brevitatis superius explicatam, eamque accuratius dispiciat; deinde præjudicatam opinionem de obscuritate modernæ scholasticæ, utpote ei perverso studio illata, non cum ea nata, deponat necessarium est: quæ qui fecerit, rem, quæ incredibilis antea visa est, veritati ita consentaneam deprehendet, cui nemo sanæ mentis obsistat. Nimirum usu venit, ut, si res verborum ambagibus, & involucris veluti obnubamus, nox quædam, & obscuritas rebus offundatur: secus fit, si ad vivum omnia refecantur: & ita ceu in pugno, aut puncto sistuntur veritates, ut uno obtutu oculis mentis expositæ pateant. Hæc qui perpenderit eum facile concessurum puto, contra quam vulgus hominum existimet, brevitatem matrem interdum perspicuitatis esse, & re ipsa in theologia scholastica, si a recto tramite non deflectat, existere. Sed obscurarunt perspicuitatem brevis sermonis, obscuritate subtilium quæstionum, perplexitate vocum technicarum, & notionum.

V. Has

Securitas
opinio-
num scho-
lastica-
rum.

V. Has scholasticas virtutes quarta sequitur, eaque, ut mihi videtur, præcipua, securitas seu sanitas opinionum, & sententiarum, cui rute & sine omni erroris periculo committere quivis se possit. *Non labi vero, inquit de hac dote l. c. VAVASSOR, nihil offendere, sine metu prolapsionis consistere, aut ingredi, quam cautionem schola magna ex parte præstat, quanti sit, quamque rarum sanctissimi juxta ac doctissimi Patres exemplo docent, ex quibus admodum paucos excipias, ad quos nexus aliquis, aut etiam gravis error non adhæserit.* Hanc laudem ita sibi perpetuam hucusque conservavit disciplina scholastica, ut cæteris pene omnibus suis virtutibus perditis, nunquam dimiserit, atque quæ fidem attinent, ad ea sustinenda constantem & firmissimam se hucusque præbuerit; errores omnes cautissime declinet, nec a veri semita deflecti se sinat. Inde quidem jure a gravissimis doctoribus assertum, seu omnium potius consensu probatum merito est: temeritate non vacare eum, qui in re gravi, communi scholasticorum sententiæ contraeat; deinde hæresis suspicionem ingerere, contra unanimem eorundem omnium de fide, ac moribus opinionem stare, & sentire. Hanc autem securitatem eo facilius

cilius conservavit scholastice, quando pugnas de rebus ad dogmatis cujuspiam caput non attinentibus confert, & acerrime decertat, materiasque adia-phoras habet propositas.

VI. *Excipit hanc salubritatem, verba* Vis & effi-
sunt VAVASSORIS, doctrinae vis qua- cientia ar-
dam, atque efficientia, quae suprema scholae gumenta-
virtus: non hic fallacibus praestigiis, & tionum
captionibus contortis, pergit ille, locus, aut scholasti-
dialecticis facie sophismatum inquinatis, rum.
quae dolo malo rem gerant, itemque pari-
bis declinentur effugiis &c. Quis non
 vider doctissimum VAVASSOREM veræ
 theologiae virtutes narrare, depravatae
 vitia non curare? Atque qualis quidem
 scholastice, si in sua natura propius
 spectetur, sit, ac esse debeat, eum deli-
 neare, non quid illi e suo decore suis-
 que viribus decesserit attendere: certe
 enim si ipsi sibi semper constaret, & si-
 milis esset hæc disciplina, neque a suo
 rumpiter aberraret officio; si pari sem-
 per robore instructa incederet, nihil
 foret, quod cum ejus fortitudine com-
 parari posset, nihil quod suæ non ex-
 pugnarent machinae: adversus praesti-
 gia, circumspecta, ad captiones atten-
 ta, contra dolos & sophismatum tela
 parata, denique in hostem armata sem-

B

per

per confisteret, & munita: adversarii cujusvis impetum sua strenuitate repelleret, facile labefactaret vires, & propulsaret, atque hæc de quinque ab eruditissimo VAVASSORE in scholastica theologia notatis commendatisque dotibus & virtutibus prorsus singularibus.

Quantum
præsidii in
scholastice
adversus
hæreticos
fit.

VII. Ex istis scholæ theologicæ virtutibus, tum maxime illa, quam ultimo loco positam vidimus, vi & efficientia argumentationum, summa illa efficacia, & robur enascitur, quo hæreticis, & quicumque demum apertæ veritati obsistunt, formidandam horribilemque se præstaret, si suas semper nosset vires, nec ipsam sese enervaret. Quid enim ad hæreticorum detegendas fallacias accommodatius esset, quam nudam apertamque veritatem ob oculos ponere, involutas fraudes in medium diem producere, obfusas veritati tenebras dissipare? Quid ad errores refellendos opportunius, quam tam pressio semper pede adversarium insequi, nulla ei effugia concedere, quosvis nodos scite explicare, invitis, ut paucis rem expediam, semper armis cum adversario decertare? Hoc enim ceu proprium sibi sumit pugnatrix hæc theologia, nunquam non fortiter, utpote armis assueta, bellis enutrita, ad pu-

pugnas, ad certamina exercitata, congregari cum hoste. Quam in re illud etiam non minimum valere puto, ornatus illud, copiosiusque dicendi genus utilissimum quidem esse apud eos, qui non adversantur; quippe quod magis delectet, afficiatque, ac voluntatem commoveat, cum veritatem intellectus jam tenet, & agnoscit; adversus eos tamen, qui sese veritati opponunt, qui in acie dimicare volunt, non ita lacertosum atque robustum reperitur, ut stridita, & compressa scholasticorum docendi ratio; quæ quasi loricata, & galeata, clypeum, & hastam tenens, contorta tela repellit, & retorquet, adversariosque ferit, ut CARBO (a) ait.

a

VIII. Quod perspicue sentiunt hæretici, & ut videtur, multo exploratiores habent scholasticæ vires, quam ipsi scholastici. Hinc tantopere exosa illis est; ut qui jam veritati bellum indicunt, huic etiam ceu veritatis assertrici, & comiti individuae simul se hostes pronunciant; & quod virtute adversus eam non efficiunt, calumniis tentant, ac convitiis: cum tamen ipsi diffiteri nequeant, etiam fervidissimos disputatores scholasticos nullo acri verbo quoscunque adversa-

Hinc hæreticos infensos habet.

B 2

rios

(a) Lud. CARBO Intr. in theol. L. I. c. 8.

rios impetere, quod non postrema ejus est laus. Utinam vero non tam amplam ministrassent materiam carpendi ipsi scholastici, nec tantopere hanc præclaram prostituissent disciplinam, suo nomini, & ecclesiæ melius utique confuissent. Verum de his paulo post, quæ non ipsam scholasticas naturam afficiunt, sed usum solum ejus depravatum ostendunt. Suis enim est nata cum armis belatrix hæc dea, quod de Pallade olim finxerant, eam e Jovis cerebro armatam prodiisse: verius nos dicamus divino consilio ortam in orbe cum armis scholasticen, quæ contra hostes veritatis invicte pugnaret, & adversus eos in acie semper consisteret. Quo suo munere si perfungitur, quid mirum, si contra eam adversariorum conatus exurgunt, linguæ evacuuntur? Vel hinc autem eo studiofius eam esse excolendam dudum fuit mens summi pontificis SIXTI V. sic enim in constitutione sua septuagesima septima effatur: *Hæreticorum insidia, & diabolicæ machinationes, quibus sacra theologia, quæ scholastica appellatur, hoc luctuoso sæculo impugnatur vehementissime, nos magnopere admonent, ut eandem theologiam, quæ nihil ecclesiæ DEI fructuosius, omni studio retineamus, illustremus, propagemus: divino enim illius munere, qui solum dat Spiritum*

vitum scientiæ, sapientiæ, & intellectus &c. inventa est a maioribus nostris sapientissimis viris. Notarunt etiam docti, LUTHERUM, MELANCHTONEM, BUCERUM, CALVINUM, POSTELLUM, SERPIUM; eo potissimum nomine tam graviter invecos esse in ARISTOTELEM, quod beneficio solidioris methodi, quam ab eo scholastici mutuati sunt, falsæ rationes melius revinci valeant, quas proferunt ad ecclesiæ doctrinam destruendam, ac errores suos firmandos. (a)

IX. Sed neque apud fideles etiam Quid in theologia scholastica fructu suo caret: doctrina imprimis enim, quantum lucis præbet divinis oraculis elucidandis, explicandis ^{catholica} ^{valeat} ^{scholastice.} difficilibus mysteriis, eique doctrinæ, unde nostra salus, ecclesiæ status, & christiana religio pendet, confirmandæ, & amplificandæ. Quod enim primo divina oracula attinet, quibus doctrina revelata continetur, quid ad eorum dilucidationem faciat scholastice, nemo inficias ibit, qui noverit, in hoc præcipue occupari hanc disciplinam, ut junctis iis rebus, & principiis, quæ nobis DEUS partim singulariter revelare non dubita-

B 3

vit,

(a) Vid. RAPINUS : La comparat. de PLAT. & ARIST. p. 412.

vit, partim autem naturæ indidit, & rationi humanæ pervia fecit, alia inde concludat. Ista ratione efficitur, ut plurima, quæ minime quæсивисsemus, prodant, & luculenter se pandant, quæque prius pugnare cum ratione videbantur, jam ei optime congruere, & consentire deprehendantur. In quo etiam secundum momentum illud versatur, quod ad explicanda sublimiora mysteria fidei nostræ theologia scholastica affert. Veritas supernaturalis veritati naturali contraria non est: *Verum enim*, ut etiam
 a ARISTOTELES (a) perspexit, *vero semper est consonum*, nec fides, ut constans omnium est sententia, destruit, sed perficit naturam: & quæ sunt altiora fidei nostræ mysteria, rationis vim superant, non ei adversa sunt. Id quod, cum aliquando corporis hujus compagibus soluti erimus, apertius liquebit: tum enim *quæ nunc videmus in ænigmate, cernemus, uti sunt*. Ad hanc vero futuræ vitæ felicitatem tanto propius vel nunc accedimus, quanto altius divina mysteria rimamur, & ratione nostra pervadimus. Restat tertium illud universæ doctrinæ factæ rectæque conservandæ, cui nostra salus, ecclesiæ status, & christiana religio nixa est, quod præstari nobis scholasti-

(a) ARIST. L. I. Ethic.

laſticeſcen vel inde conſtare puto: quod univerſitatem rei theologicæ latiſſime diffuſam, congeſſerit, & adunarit, ea- que, quod caput eſt, ſemper cautione reddat & fidelitate, ea ſecuritate tractet & diſpenſet, cui tuto ſe credat quis, & committat. Claudam univerſam hanc de laude, & virtutibus ſcholæſticæ theologiae orationem MABILONII verbis, cujus hæc de theologia ſcholæſtica eſt ſententia, & mens, quam in tractatus ſui de ſtudiis monaſticis parte ſecunda capite ſexto ſequentibus verbis declarat: *Scholæſtica facultas, inquit, perquam utilis eſt, ad recte diſſerendum de rebus ad materiam religionis ſpectantibus; ad ſtabiliendas ſententias, quibus nitendum eſt: ad decidendas novas controverſias, quæ paſſim inſurgunt; ad enodandas æquivocationes, paralogiſmos, & hæreticorum ſophiſmata; ad conciliandos denum veterum exprimendi modos cum iis, qui nunc in eccleſia uſurpantur.* (a)

2

B 4 CAP. II.

- (a) Vid. Melch. CANUS lib. VIII. de locis theol. Lud. CARBO Intr. in theol. L. I. c. 8. & alibi. MORINUS de pœnit. L. VIII. c. 1. 4. p. 526.

CAPUT III.

*De depravatione theologiæ scholasticæ
querimonia.*

Summorum
pontifi-
cum de
corrupte-
lis theolo-
giæ scho-
lasticæ
querelæ.

I. **I**nnumeris malis fensim in sacra theologica sese insinuantibus, non defuit vel summi in terris CHRISTI-vicarii vigilantia, vel virorum etiam perspicacium & prudentum, theologos in pejus ruentes ad meliora studia adhortantium cura; sed nullum admonitionibus, aut precibus multi reliquerunt locum, suis jam vitiis inveterati, pravis studiis educati homines. Incunte jam sæculo XIII. a GREGORIO IX. ad magistros Parisienses præscriptam epistolam legimus, qua se graviter admოდum, & permolestè ferre significat summus ille præsul, theologos ad varias descendisse philosophorum tricas, inanesque quæstiones *ostentandi tantum ingenii causa excogitatas*; qui, spiritu vanitatis ut uter dissentit, theologi postos a patribus terminos profana novitate transferre satagerent, ut videantur non theodidacti seu theologi, sed potius theophanti. Quid legati tum hujus summi pontificis GREGORII IX. tum aliorum Parisiis in
hac

hac causa egerint, multis prosequitur suo de varia ARISTOTELIS fortuna libro LAUNOJUS. Eadem de corrupta rheologorum doctrina sæculo XIV. quæsum JOANNEM XXII. epistola itidem ad theologos Parisienses legimus: *quidam theologi (verba sunt hujus summi pontificis) posthabitis, vel neglectis necessariis, utilibus, & edificativis doctrinis, curiosis, inutilibus, & supervacuis philosophiæ questionibus, & subtilitatibus se immiscent, ex quibus ipsius studii disciplina dissolvitur, luminis ejus splendor offenditur, & studentium utilitas impeditur.* (a)

a

II. Pontificum de depravatione theologiae querelis, quorundam ex antiquis virorum in hac ipsa palæstra præstantium, & digne versatorum testimonia adducam. TRITHEMIUS ad ea tempora delapsus in suo chronico, quibus ABÆLARDUS docendi munere functus est, *ab hoc, scribit, tempore philosophia secularis theologiam sacram curiositate sua inutili fœdare cœpit.* In ABÆLARDO S. BERNARDUS & GUALTHERUS de S. Victore graviter castigant. Et STEPHANUS Tornacensis ep.

Item aliorum doctorum.

B 5

251.

(a) Vid. etiam GRATIANUS P. I. dist. 37. tota, præsertim autem cap. Nonne. 3.

251. malum hoc quotidie augmentum accipere vehementer conqueritur. Nec defuerunt deinceps, qui amaras eam ob rem querelas funderent. Inter quos NICOLAUS *de Clemangis*, & Joannes GERSONIUS (a) facultatis Parisiensis cancellarius, sidus præfulgidum, decus singulare ævi sui. Hic nobis veluti numerato recenseat, quibus scholam theologicam emendatam jam olim sua ætate desideret, quæ carpat vitia, quæ detrimenta ex ipsis in ecclesiam, doctrinam, & doctores theologicos dimanare sentiat, si malo obviam non eatur. Imprimis igitur necessariam facultatis theologicæ reformationem super hæc inter cætera requirit: ne tractentur ita communiter doctrinæ inutiles, sine fructu, & soliditate, quod per eas doctrinæ ad salutem necessariae, & utiles in neglectum abeant; quique talibus se dedunt, biblia, & sacros doctores negligant; terminos a sanctis Patribus usitados transmutare non dubitent, ex quo velocissima scientiæ alicujus corruptio sequatur; tales item se aliis deridendos præbeant, ut phantastici appellentur, qui nihil de solida veritate, moralibus & sacra doctrina noverint. Docet porro per inutiles quæstiones *multiplices talium ineptorum*:
theolo-

(a) Jq. GERSON. in epist. ad coll. Paris.

theologorum vias aperiri: Quia enim, verba sunt laudati GERSONIS, loquuntur, & fingunt sibi ad placitum terminos, quos alii doctores, & magistri non intelligunt, nec intelligere curant, dicunt incredibilia, & absurdissima. Pergit deinceps enumerare incommoda ex perversa tali theologiae pertractatione provenientia: sed hæc sufficere possunt, unde pateat, mediis theologiae scholasticæ temporibus fuisse, qui correctionem peterent, & deterrimum illius statum deplorarent. *Jodocus CLICTHOVEUS* in eadem Parisina academia doctor, ac primus, qui ex illa calamum contra LUTHERUM strinxit, sermone de B. THOMA Aquinate a LAUNOJO relato deplorat miseram sui temporis theologiae faciem, qua, inquit, tam fertilis & fecunda doctrinae seges passim negligitur, & pro nihilo ducitur: anfractuosa vero dogmata, captiunculas, fallacias, paralogismos ubertim eructantia habentur in pretio, diurna pariter & nocturna versantur manu. Siccine, præstantissimi Patres! abstrusa divinarum litterarum sensa reclusum iri putandum est, cum sophismatis, tendiculis, & argutiolis nil nisi futile quiddam & inane molientibus, alios ut peduis irretire, implicare, illaqueare contenditur? Omnium vero oculatissimus in perspiciendis theologorum scho-

lasti-

lasticorum corruptelis fuit *Melchior CANUS*, qui passim in opere suo elegantissimo de locis theologicis perversa ple-
 rorumque theologorum sui ævi, & uti-
 nam sui solum, studia perstringit, & in-
 clinatum theologiæ statum sæpius luget,
 ut supervacaneum ducam aliquod ex eo
 depromere testimonium. Ita vero com-
 munita & pervulgata sunt facta mala
 scholasticæ, ut qui ea etiam agnosceret
 & detestaretur, ab illis tamen tempera-
 re sibi non auderet. Id de se fatetur in-
 genue *Jo. MAJOR* Ep. ad *Natalem BEDAM* & *Petrum TEMPESTAM*, Parisien-
 ses doctores: *Duobus*, scribit, *ferme jam*
saeculis transactis theologiam tractantes qua-
stiones mere physicas, & metaphysicas, &
nonnunquam mathematicas, suis scriptis in-
gerere haud sunt veriti, quorum vestigiis
tametsi invitus, illorum tamen exemplo in-
nixus, similia in disputationibus nostris
pertractare non erubui. Non est hic so-
 lus e grege scholasticorum, qui contra
 conscientiam suam operam ingenii illis
 commodaverit. Nec hæc solum sunt ju-
 dicia virorum doctorum, qui, quo tem-
 pore mala plurima theologiam invase-
 runt, quantum a colluvie ista abhorre-
 rent, sunt testati; afferri & alia *Joan.*
AVENTINI, *Jac. FABRI* Stapulensis,
Thomæ MORI, *Orthovini GRATII*,
 Al-

Alberti PIGHII, Aug. STEUCHI, MEDINÆ possunt; sed modus est dictis ponendus, & hæc sufficiunt.

III. Nostrorum temporum, aut eorum etiam, qui hanc ætatem proxime anteiverunt, non est opus calculos sollicitè disquirere. Est enim eadem constans, & pervulgata de hac causa opinio, quam optimi quique non verbis sunt professi, sed factis suis, quod multo satius est, præclare jam docent. Ut adeo ei, qui miseratus afflictam præstantissimæ, & divinæ theologicæ disciplinæ sortem, eam pristino nitore suo restitutam avert, vestigia, quæ premar, non desint, modo in via eligenda sit circumspectus. Qua in re illud sapientis cujusdam consilium talis sequi debet: *Per viam communem ne eas*. Eam vero, quæ sit, præcognitam habeat, oportet, qui sibi cavere ab ea petit: si nimirum qua vulgus theologorum hucusque incesserat (eam enim communem esse quis ambigat?) declinet.

IV. De ea, cum jam passim generatim quædam perstrinxerim, nunc etiam articulatius, quantum valuerò, aliqua prosequar. De invidia minus sollicitus sum: non enim a me excogitata obtrudam.

Nostris temporibus multi vitia theologiæ scholasticæ exploserunt.

Nostrum propositum de illis tractandi.

dam. Ea solum ratione ad dicendum provocatus accedo, ut si quid dignum in medium attulero ad theologiæ malis medendum, occurrendumque, id in effectum producat. Viri quibus cordi est theologiam suam in sedem, ac dignitatem pristinam restitui, in me desiderium dudum quidem excitatum, ac ardens, incenderunt, atque etiam promoverunt animum, hoc tractandi argumentum. Neque eorum laudi istis quidquam detractum volo, qui jam in palæstra ista strenue decertarunt, qui ingenti numero sunt: quorum heroica facinora si reticere vellem, ingrati nomen incurrerem, cum & ab illis utilitates ego maximas perceperim, & inde etiam mali hujus odium in me exarserit, desideriumque vindicandæ theologiæ inflammatum sit: quod me ad ausus istos provexit, ut ad classicum tandem hoc succinendum monitis, & hortationibus induci me sim passus. Qui vero istud effectum eam, accinamque? Non tuba, non buccina, sed velut in Palladis scuto horridum Medusæ caput oculis ea, qua potero, Minerva adumbratum exponam.

CAP. IV.

CAPUT IV.

De vitiis theologiæ scholasticæ generatim.

I. **E**a est, nonnunquam humani sensus, & iudicii perversitas, ut quæ in artes, & scientias irreperunt vitia, seseque tacite, quod plerumque fit, insinuarunt, ut plurimum eorum causa in ipsas disciplinas rejiciatur, & eæ jam in despectum abeant, dirisque devoveantur; quo injustius statui, nihil queat. Ista enim ratione pulcherrimæ artes in invidiam adductæ negliguntur: convitiis scientiæ laceffuntur, consiliis non juvantur: deliberatur, quemadmodum disciplinæ ipsæ, non depravatio illarum tollatur. Quod ego multo deterius existimo, longeque plus damni afferre iudico, quam si, qua cui libuerit via, ea incedere permittatur. Sunt sui humanæ menti oculi; sunt lumina, quibus persæpe, quæ sint offendicula, patefcunt, & deteguntur, ut ab iis cavere sibi quis possit; ab itinere autem abstertere plurimum detrimenti conjunctum habet. Cujus rei, qui auctores aliis sunt, meo iudicio pessime illis consultum volunt: Sapientiusque suaderent,

Vitia theologiæ eo fine afferenda, ut illis medela adhibeatur, non scientia ipsa deferatur.

rent, & consilii sui gratiam merito inirent, si, qui se scopuli sint objecturi, proderent, quæ plana, & optima via, quæ diverticula fugi debeant, ostenderent. Uti vero scientiarum nulla existit, quæ utilitate careat, suumque cuiusvis constet pretium, dignitas, & fructus, ita singulæ pravo usu vitari valent, & passim vitiantur: ut malevolis nunquam deesse queat, quod carpant, & apud sui similes desidiosos invidiam optimis artibus conflent, cum plerumque, quo est præstantior & sacratior disciplina, tanto perniciosioribus corruptelis pateat, & infestetur.

Brevis &
compendiosa
recensitio
vitiiorum
scholasticorum.

II. Non est mihi sermo, de errorum fœditate, de doctrinarum & opinionum spurcitiis, quibus malefanorum capitum pervicacia, perversi homines incontaminatum castissimæ theologiæ torum commaculare sunt annisi, & quotidie anniti cernimus: a quibus ceu impudentissimis prolis illibata in sinu matris ecclesiæ, & CHRISTI sponsi intacta conservatur. De illis solum maculis loquor, ac theologiæ christianæ labibus, quæ, ipsa in sese intemerata persistente, nec quoquam ejus decori, dignitatique decedente, veluti habitum, & ornatum solum ejus consperserunt, conspur-

spurcaruntque ; non tam impii , quam imperiti ; & inertes homines ; quibus illius majestati multo amplius detractum est , quam multorum temporum acies mentis perspicere potuit. Ubi auri soliditas ? Quid solidi in tot de mero nomine litibus , & pugnis ; in tantis tam futilium inaniumque quæstionum texis ? Quid dignum divina scientia ? Personant pulpita curiosis , clamorisque disputationibus , jejunis distinctiunculis , syllogismis ; in quibus sæpius sophistice , quam veritas regnat : metaphysicarum ac dialecticarum contentionum ferra stridet , speculationum nescio quæ ambages trahuntur. Anne pondere illo sanctuarii theologicæ materiæ librantur & appenduntur ? An non potius res leves leviter pertractantur ? Subtilitatum regnat affectatio , nescio cujus inanis gloriolæ ex speculationibus captatio , acuminis ostentatio , veritatis illa non inquisitio , sed contra obstinatio , Scientiarum illam multipliciter , quibus ceu ancillis theologia præclare , & commode utitur , desidero , quas multi non solum neglexerunt , verum etiam vilipenderunt , & deriserunt. Quorum tamen tam amplius est usus , tam præsens opitulatio , vel ad asserendam , vel illustrandam doctrinam sacram. Metho-

C

dus

dus ratioque res theologicas pertractandi eadem semper barbara, & obsoleta est: cum vicissitudo quædam tam grata, ac varietas tantopere delectet, eadem vero crambes sæpius recocta, fastidium ac nauseam parit. Delectus earum rerum requiritur, quibus muniri theologiam condecet, unde arma contra adversarios peti, argumenta ad rutandum veluti mœnia strui, & quidquid ad invictissimæ arcis hujus communionem facere possit, ex scriptura, traditionibus, conciliis, pontificum scitis, Patribus ex omni antiquitate accumulando, ut tuta, & immota consistat adversus quovis insidiantium impetus, & irruptiones: Cum frivolis plerumque rationibus, ac argutiarum acervis solum muniat, præcipua vero illa, ac primaria munimenta neglectui habeantur.

Res confirmatur
 testimonio
 niis eruditum.

III. Hanc querelam *Franciscus Roserius* Tullensis archidiaconus contra eos etiam instaurat, quibus maxime cordi esse debebat theologiam illibatam sacratamque tueri. *Multi*, inquit in hist. cap. LXXII. *religiosi sacræ theologiæ rivulos e purissimis & limpidissimis fontibus illorum patrum manantes in disputationes aliasque barbaras interpretationes pluribus anfractibus, & ambagibus retorserunt; adeo*

*adeo ut quod sincere a piis quaereretur, in
 quæstiones futes recideret & antiqua scri-
 pturæ claritas sophisticis elenchis subvertere-
 tur: hinc illæ lacrimæ.* Alius majoris ad-
 huc auctoritatis vir, de hoc misero scho-
 lastices statu, prout in scholis, acade-
 miisque viget, adhuc graviolem inter-
 ponit sententiam. Est is *Fr. HARLÆUS*
archiep. Rotomag. cujus verba ex tomo
 III. mysterii Eucharistiæ ab *AUGUSTI-
 NO* explicati extant, referunturque a
LAUNOJO de varia *ARISTOTETIS*
 fortuna. *Istud, ait, superat caprum, ju-
 ratorum scholarium, qui non mittuntur in
 academiam, ut artes ipsas totas, & scien-
 tias combibant, sed ut litigandi, & an-
 dabatarum more pugnandi rationem per-
 discant, & ut sese in variis disputationum
 generibus exerçant. Crediderunt nonnulli
 erigere se, novas vires colligere, atque er-
 rores vitare, si scripturam & sanctos patres
 desererent propter studium hujus methodicæ,
 seu potius nominalis theologiæ, quæ nunc
 dierum viget. Sed illi vehementer halluci-
 nati sunt, ut id, quod dubium est, fugiant,
 in arrogantiam, quæ semper immodicam se-
 cum trahit fiduciam, incurrunt, religio-
 nem affligunt, enervantque dum illam de-
 bilibus rationum momentis sustentare co-
 nantur. Ob nonnullos professores, sunt
 verba insignis theologi Hieronymi HAN-*

GESTI libro quem contra LUTHERUM de academiis edidit, *nequaquam declaranda est scholastica theologia in sophismata paulatim delapsa: Siccine apud hujusmodi vanos residet universa scholæ auctoritas? Revera minime. Ac potius exploduntur illi, ac risu habentur. Et CANUS lib. VIII. c. I. quemadmodum, inquit, nemo justus, & prudens universos adolescentes accusat, quamvis plurimum sunt libidinosi: sic quoniam ista scholastica pertinacia theologorum levium est, non omnium, inique profecto, ut modo dicebam, schola traducitur propter ea vitia, quæ non sunt scholæ, sed inertis vanæ contentiosæ scholæ.*

CAPUT V.

De vitiis dictionis theologiæ scholasticæ.

Decere res sacras ornatu quodam dictionis efferre.

I. **U**t quemdam dicendorum ordinem servemus, primum a dictionis vitiis ordiamur, quæ minoris videntur momenti, & certe videri possent, nisi & multa experientia, & virorum doctorum judicio comprobaturum novissemus; ubi sermonis sit neglectus, vix rerum delectum adesse, nimiram-

miamque dictionis impuritatem res etiam bonas corrumpere, nec modicum de earum pretio diminuere. In sublimi illa, & cœlesti sacrae theologiæ disciplina reverendum esset, ne res sanctissimæ verborum spurcitiis, & quisquiliis fœderentur. Quis in fœtente stabulo res sacras recludere irreligiosum non putet? Profundissima vero fidei mysteria sermoni, qui culinam oleat, & plane barbarus sit, commendentur? Ædes, ubi res sacrae tractantur, & continentur incultas esse non ferimus, aut incomtas: exornantur tabulis, picturis auro, argento, & lapide pretioso vestiuntur templa, ad splendorem cuncta comparantur, & nitorem; in ea vero scientia, ubi de rebus sacerrimis tractatio est, sublimissima divinæ sapientiæ arcana referantur, ubi altitudo divitiarum scientiæ DEI promitur, ornatus non solum omnis negligatur, verum etiam contemnatur, pretiosissimæ margaritæ in cœno vocabulorum lateant? Sed satis est.

II. Omnis doctrina theologica ad linguam Latinam a primo scholasticos ortu ad nostra usque tempora rediit. Ingen-
Præmit-
tuntur
quædam
de linguæ
Latinæ u-
su, & fa-
tis medio

est perpeſſa, quibuſcum barbaries litterarum ſimul illata eſt; ut ingeniorum & humaniorum artium cultus ſenſim emarceſceret, ſcientiæque cum ſermonis puritate in occidentali imperio miſere prolaberentur. Jam ſæculo ſeptimo pauciſſimi, & vix unus ISIDORUS *Hiſpalenſis*, ſæculo dein ſequenti *Venerabilis* BEDA, & PAULUS *Diaconus* cum paucis, litteris politioribus erant inſtructi, ac ſermonis laude florebant. Eadem temporibus inſequentibus Latinæ linguæ fuit ſors, aut deterior potius, ut ſemper in pejus labi ſit viſa. Et quamvis nono ordiente ſæculo CAROLUS M. ſcholas in occidente excitare iterum cœpiſſet, non tamen eoſque profecerunt litteræ, ut barbaries ſermonis Latini, quæ tam altas egerat radices, expelli potuerit. Inde enatæ linguæ illæ Italica, Hiſpanica, & Gallica, & ſi quæ aliæ hiſ ſimiles ex Latina nempe & barbaris conflatae. Quibus neſcio an non etiam illam aſſociem, ad quam hæc maxime tendunt; quæ quidem nomen Latinitatis ſervavit, proprietatem tamen multum amiſit.

Scholasti-
ci quan-
tam ſibi
in linguam

III. Iſte Latinæ linguæ ſtatus erat, cum ſæculo XII. theologia ſcholastica exorta, ac mundo illata eſt. Huic ſe totam

tam nova hæc enascens disciplina cre-
didit, & omnia sua commisit; atque vi-
cissim integram etiam illam Latinam lin-
guam jure suam factam non dubitavit:
ut jam cum illa pro libitu ageret, adde-
ret, mutaret, detraheret, quod veller.
Quod enim in humanis ex nimia fami-
liaritate usuvenire nemo nescit, ut con-
temptus paulatim nascatur; sic perpetuo
ac quotidiano usu hujus linguæ tanta
libertate, tantaque licentia in eam de-
bachari non erubuerunt scholastici, ut
nihil non attentare in eam auderent, &
quocunque libido barbaræ novitatis
provocabat, impediri aut prohiberi nul-
la ratione poterant, quin jam deprava-
tam linguam multis vitiis indies magis
deformarent. Portenta verborum illis co-
gitatum haud absimilia procudebantur,
vix ullus grammaticæ concessus locus,
puriori saltem, imo etiam convitiis tra-
ducta, in contemptum & invidiam ad-
ducta est; ut non solum omnis gene-
ris barbarismi libere grassarentur, sed
nec ipsi solæcismi multum refugerentur.
*Nam quando de linguis desperave-
rant, sunt verba Lud. VIVIS, (a) tum
auditores suos ad omnia, quæ traderentur,
sequaces; tum populum minime repugnan-
tem in eam opinionem adduxerunt, cultu*

Latinam
sumserint
licentiam.

C 4

illa

(a) L. II. de causis corrupt. art.

illo atque ornatu sermonis magnas atque excellentes artes tradi non posse, quidquid sic diceretur esse grammaticam, quidquid suo illo more fæde ac sordide, id demum esse ex disciplinis altissimis ac præcellentibus. Quoties illud mihi Jo. DULLARDUS ingessit? Quanto eris melior grammaticus, tanto pejor dialecticus & theologus. Quantum vero multi sibi licentiæ tribuerent in linguam hanc, alias jam satis destitutam, quam illibatam conservandi, semper studiosi fuerunt veteres, documento esse potest leptotaton illud Latine subtilissimum de nova dialecto metaphysica viri cujusdam illustrissimi, qui in eo argumento versari se dicit, ut novas DONATI regulas, & verborum flexiones præscribat, novamque Latino sermoni formam ac dialectum effingar, quæ nulli adhuc tentata, id autem potissimum agit, quam varie mutari vocabula possint, ad res commode exprimendas.

Fons barbariei affectatio metaphysicarum notionum.

IV. Istæc hic commemorasse opportunum judicavi, quod unde omnis scholasticorum Latinum sermonem corrumpendi natus est pruritus, ex metaphysicarum notionum affectatione, auctor iste eodem ex fonte somnia etiam sua, & deliramenta sumpta referat, ut vel titulus,

ac

ac libri inscriptio declarat. Sed pleraque ejusmodi ridicula & futilia sint, oportet: sensu veluti extra orbem ferri, & naturæ ordinem relinquere, nulla nec necessitatis, nec veræ utilitatis cogente ratione, nescio quo Fanatico abducen- te spiritu, ad transcendentia quævis tan- quam mundos imaginarios pervolare. Quid adegit ipsum hunc auctorem, quod ubi in Vulgata nostra *Matth. I. v. 9.* legitur: *JOSEPH vir ejus cum esset justus, & nollet &c.* dialecto sua meta- physica ipse efferri posse censeret: *JO- SEPH autem vir essens justus, & non vellens &c.* Atqui quam plurima scho- lasticorum nova vocabula hujusmodi sunt, quæ effingendi nulla necessitas fuit: cum aut Latina pura suppetent, quæ idem prorsus significant, aut mo- dica inflexione vel mutatione eadem res Latine ac proprie reddi potuisset. Ni- mirum assueri metaphysicis imaginatio- nibus, & semper extra se rapti, similes voces, notionibus, quas mente conce- perunt, procudere non dubitabant, om- nino vanas, fanaticas, non nihil affecta- tæ subtilitatis, nihil solidæ veritatis præ- ferentes. Quare, non paucorum ju- dicio, hic barbarus & horridus sermo simul in theologiam invexit spinosas quæstiones, distinctionesque, quæ in-

star telæ araneæ acumen aliquod ostentant, sed soliditate carent.

Neglectus
proprieta-
tis in si-
gnificatu
vocabulo-
rum.

V. Huic alia vicina in sermonem Latinum invec̃ta est labes, proprietatis nimirum neglectio, & Latinarum vocum ad sensus minus idoneos detorsio: dum ea significare vocabula coguntur, eaque illis potestas subjicitur, quam minime sustinent. Quod malum superiori latius patet, & in totam orationem diffunditur. Voces invitas ad significandam rem trahere, ad quam significandam institutæ non sunt, est omnium fere orationis vitiorum sentina, & scaturigo. Hinc aspera, detorta, insulsa & enervis emergit dictio: cum sic vi quadam, & violentia omnia trahi necessarium sit, tum nativus etiam linguæ color deficiat.

Inde ori-
tur obscu-
ritas.

VI. Indidem aliud longe deterrimum proficiscitur in dicendo virium, obscuritas. Dum enim is, qui scribit, potestatem vocabulis subdit, non quam in se habent, sed quam affingere placet, quidni & lectori liberum relinquitur, sentire quod lubet, ac omnia alia potius divinare, quam scriptoris mentem assequi? *Intelligendi sermonis difficultas*, inquit,

inquit (a) Jo. CLERICUS, non ex alia
re major nascitur, quam ex vocibus, qui-
bis est obscura potestas subiecta: hinc pas-
sim contingit, ut videamur nobis perspicue
intelligere, quod non assequimur: aut fru-
stra laboremus in querendo, quæ clara notio
voce quapiam designetur, cum nulla clara
notio ei sit subiecta. Quam vero hæc
 duo mala a CLERICO commemorata
 sint communia, & frequentia, ut aut
 intelligere quis se putet, quod minime
 assequitur, aut multum se defatiget in
 notionis significatione disquirenda, quo-
 tidiana experientia docet. Nec vero
 aliunde ortum suum hæc trahunt, quam
 quod alienæ vocibus significationes tri-
 buantur, suis spolientur. Quei vero
 fieri potest, ut qui in talium lectione se-
 se detinet, non subinde nubem, quod
 dici solet, pro Junone amplectatur,
 reique ac notionum ideas concipere sibi
 frustra persuadeat? Cum e cerebro au-
 ãtor suo vocabula, licet non finxerit,
 transfuderit tamen in alium sensum,
 nec ad ea significanda usurparit, ad quæ
 nata sunt. Hinc perit principalis illa
 virtus, superius brevitati scholasticæ ut
 singularis adjudicata; nascitur autem
 perplexitas, quæ jam in schola & phi-
 losophica, & theologica regnat, & om-
 nia

(a) Art. crit. P. II. c. 8.

nia intricatissimis nodis implicuit. Nec multi anni multis sufficiunt, ut vis quam vocabulis tribuunt, plene intelligatur. Hinc qui ad hanc disciplinam novissime adveniunt, in alium orbem delati videntur. Quo vero plus in lingua Latina pura illa, & nativa versati antea sunt, eo plus fere difficultatis reperiunt, ut assuetas de significationibus nominum ideas, & notiones deponant, & novis plane sese inferciant. Taceo quid fastidii, ac stomachi ii superare debeant, qui ab optimorum, elegantissimorumque auctorum lectione ad tales infectias accedunt, aut identidem, dum his ipsis student, resumunt.

Malum indefinitarum notionum ac vocum.

VII. Tractu temporis difficultate videamur levare, dum diuturno usu ideis hujuscemodi assuescimus, ut nova hæc plane lingua, sic enim appellare non dubito, ut alia quævis peregrina studio, & assiduitate addiscatur tandem. At contra accidere quotidie experimur; vocum abusus caliginem etiam affundit peritissimis suis tractatoribus, atque eos ipsos latet, quos maxime infecit & corripit. Admittunt termini scholastici innumeras limitationes, ita ut ne decima pars sæpe significationis locum habeat. Patet hæc res ex distinctionum perpetuo

tuo usu ac conflictu, quibus nulla non pars, quam in diversas etiam abeatur sententias, pro se uti novit. Nec hoc aliunde provenit, quam quod nulla fixa, certa, perspecta, & explorata vocibus subsit potestas; sed diversa pro genio, & lubitu cujusvis indatur, unde necessario accidit, ut quam quis de notione quadam mente conceptam habet ideam, eandem alii etiam obversari inconsulto reetur, qua sua opinione dum decipitur, ut primum est, evenit, ut ob falsum de notionibus iudicium, perperam etiam de opinione, & assertionem quapiam decernatur. Imo non raro accidit, voces scholasticas aut omnino notione destitui, aut ita esse obscuras, ut iis auditis nihil cogitare liceat. Hoc modo facile est in disputando ludere ac deludere adversarios. Tales nimirum, affectatio terminorum technicorum, technas facit. Non equidem negarim magnam esse vocum technicarum utilitatem necessitatemque; sed fatendum est, eas maximam stragem scientiis scholasticis intulisse, quod definitæ satis & determinatæ non sint sensu & significato, & sic in omnes partes & facies veritumini instar mutari se sinant. (a)

CAP. VI.

(a) Ad voces technicas quod attinet, *sunt verba*

CAPUT VI.

De logomachiis theologicis.

De vocibus recte inquiritur an ad res & dogmata significanda commodum usum præstent.

I. **D**uplici ratione quæstio aliqua, aut lis de nomine instituta dici potest: primum cum de vocis aliqujus significatu disceptatio oritur, an id quod sana fides, aut recta ratio petit, exprimat? ita apud nos jam certum, & indubitatum, auctoritate nimirum ecclesiæ stabilitum est, voce ista *ὁμοῦσι* idem prorsus innui, quod illis verbis apud JOANNEM indicatur: *Ego & Pater unum sumus*, quam *consubstantialitatem* nos Latini dicimus Filii cum Patre. Eadem ecclesiæ auctoritate assertum tenemus, vocem *θεοτόκῃ* recte B. V. MARIE congruere, quæ DEUM nobis peperit; de quibus olim concertatio fuit. Detestanda est illa quorundam Neoteri-

ba GAUSENI commentatione de utilitate philosophiæ ad theologiam, hoc liquet dejerare, me quinque abhinc annis nihil usque adeo obscurum & perplexum audivisse, quod ego & mecum alius quilibet, qui modo annitatur, non possit sermone vulgari & quotidiano declarare: quod itaque scholæ glossematibus & nos utimur, in eo orationem nostram, quod omnino æquum est, usui recepto mancipamus: quibus & illud accedit, quod audito-

tericorum protervitas, qui inter NE-
STORIUM & orthodoxos dissensum in
verbis solum fuisse docuerunt. Ejus-
modique quæstiones de nomine, seu
potius istiuscemodi novorum nominum
invectio tantum abest, ut vituperari de-
beat, ut sæpe summopere laudabilis,
imo ad tuendam fidem necessaria sit vi-
sa. Sic nomen *transubstantiationis* cum
pluribus aliis ecclesia invicte propu-
gnat. Non frustra etiam inter Græcos
& Latinos tempore S. HIERONYMI illa
de hypostasibus mota est quæstio, ac
disceptata, donec de sensu, & intellectu
inter utramque partem constitit. Quam-
vis diffitendum non sit suspicionem er-
roris in verbis potius non satis intelle-
ctis

ditoribus nostris ad scholasticorum scripta
viam munimus, & simul brevitati consulimus,
cum quod longus verborum ambitus vix com-
prehendit, id terminus technologicus sæpe fe-
liciter expediat: quamquam sane quæsitæ illa
brevitas exortis de ipso vocum usu odiosissi-
mis concertationibus multo majoris sæpe con-
stitit, quam quidquid illud erat, quod per hæc
compendia lucrifacere studebamus. Quodsi
quis de iis nobis non credat (etsi sane non
video, cur expertò non credatur) tum hoc
uno argumento pugnabo; quod omnia scho-
lasticorum glossæmata CHRYSOSTOMUS,
HIERONYMUS, AUGUSTINUS & alii
ignorarunt, quibus nemo doctior velit esse
& haberi.

Etis, quam doctrina fuisse. Hac in re notabile est, quod a VIGILIO (a) scriptum ad propositum est: *Ecclesiastica, inquit, semper moris fuit disciplina, si quando hereticorum nova doctrina exurgit, contra insolentes questionum novitates, rebus immutabiliter permanentibus nominum vocabula immutare, & significantius rerum naturas exprimere, quæ tamen existentium causarum veritatibus congruant & quæ magis easdem antiquitus fuisse demonstrent, non ortus novitatem mensuret.* Quin & illud extra omnem controversiam positum est, posse oriri occasiones, & passim oriri, ubi de nominibus acriter & subtiliter disquiratur, ac pugnetur: ut dum, exempli causa, novis rerum exurgentibus vocabulis, num ea apta sint, disquiritur?

Item num
verum eorum
apud
auctores
sensum attigerimus.

II. Sæpe etiam de veterum scriptorum vocibus dubitatio exoritur, quid per eas significare illi maxime voluerint. Ut puta, quid PLATO per illa sua tria principia (seu ante eum PARMENIDES, qui similiter tria principia rerum statuisse perhibetur) velit, & intelligat? Num aliquam habuerit mysterii Trinitatis notitiam? Quod a multis creditum est. Anne personarum in divinis Trinitatem,

(a) VIGILIUS M. disp. inter Ar. & Athan.

tem, qualis a nobis fide retinetur, per illa indicare voluerit, vel potius longe aliam significationem suis vocibus inditam, aliasque ideas mente conceptas habuerit? *Primum autem principium dicebat PLATO: TO ON AITION APANTON: Ens causam omnium rerum: secundum ΛΟΓΟΝ: Verbum seu rationem &c. & rectorem praesentium & futurorum: tertium denique ΨΥΧΗΝ ΚΟΣΜΟΥ: animam sive spiritum mundi: Secundum quidem principium a primo genitum, tertium vero a secundo affirmat. Quis etiam damnet eas Thomistarum contentiones, quibus se extricare a Jansenistarum causa nihil non tentarunt: dum hi eandem cum illis sententiam se habere videri voluerunt, suamque palliare haeresin, ceu logomachia tantum JANSENIUM a Thomistis separaret. De his & similibus nominum quaestionibus non est dubium persaepe quaeri recte, & commode, si modo novitatem, temeritatem, & contendendi libidinem effugiamus.*

III. Est quoddam alterum litis de *Malum lo-*
 nomine genus, tanto pestilentius, quan- *gomachia-*
 to imperceptibilis. A quo eo magis *rum quam*
 cavendum sibi quisque ducere debet, *frequens*
 quo obscurius latet. Ejus jam aliquem *& ma-*
 veluti praegustum sub finem praecedentis

D

tis

tis capitis, sed necdum fatis explicatam nec dignis coloribus depictam speciem dedimus. Est hoc vitium ut malignitate sua, sic etiam temporis diuturnitate, ex quo detestabile esse coepit, inveteratum maxime malum; jam enim antiquissimis temporibus ὀνοματόμαχοι male audierunt, olimque a Critolao PHILOTE sunt notati ignominioseque traducti. De nostris temporibus quid dicam? integri jam libri de hoc gravissimo morbo, & contagione curanda prodierunt, cujusmodi a Samuele WERNFELSIO nuper liber editus *de logomachiis eruditorum*. Ex quo facile elucescit, quam malum hoc in omni scientiarum genere late dominetur, quamque grave sit, ac formidandum; quam sit etiam res difficillima ei mederi; quam vero proficuum maxime, & summe necessarium, huic morbo afferre remedium.

A logomachiis nec theologia immunis,

IV. Hoc ex auctore adducere testimonium, quantas istud malum comprimis in sanctissimam theologiam invasiones tentarit, religione prohibeor, a quo ut in doctrina sic in judicio isto nihil æquum expectandum sit. Uti revera inter logomachias capitales nonnullas fidei sententias refert: illam e. c.
de

de CHRISTO adoptivo secundum humanam naturam filio a FELICE Urgelitano motam controversiam. Utinam vero ea potissimum theologia facultas, quæ in plerisque scholis catholicis vigeret, esset tam libera a vanis verborum pugnis, inanibus de nomine litibus, quam est aliena ab errore, intemerata in doctrina; esset quod universæ rei theologicæ gratularemur. Sed longe aliter res sese habet, pro vocibus passim, quasi pro aris & focis, decertatur, dum interea plerique, aut disputationis æstu ad istas vacuas disceptationes abrepti, aut opinionis præstigiis obcæcati, nihil tale advertunt. Non loquor hic de illis exitiis logomachiis, quæ nonnunquam esse possunt schismatum causæ, & unionem christianam scindunt: dum præsertim semel animorum aversionibus, ac odiis locus est datus. De suis temporibus dicit GREG. *Nazianz.* orat. in laudem ATHANASII periculum aliquando fuisse, ne orbis terrarum fines cum syllabis a se invicem distraherentur. Quod hodie tam misere lacerata sit ecclesia, fuerunt quidem causæ reales, & capitales. Quis nescit tamen, multa apud adversarios invidia solius vocis ac nominis laborare? Sed de his modo non est agendi locus: de illis solum

controverſiis agimus , quæ catholicos
théologos in partes ſcindit ac ſectas ;
nec dubitamus , logomachiis hanc ſepa-
rationem multum deberi. De quæſtio-
nibus agimus tot millenis , in utramque
partem agitatis , ſubtilibus , humano
ingenio imperviis.

Referun-
tur quæ-
dam lo-
goma-
chiarum
ſcholasti-
carum
ſpecies.

V. Quid ſunt , ſi intimius conſide-
rentur , quam vanæ verborum concer-
tationes , cum tanta contentione diſqui-
ſitio de rebus fit , quæ cum nunquam
futuræ ſint , ſi tamen ex ſuppoſito , ut
loquuntur , contingerent , quales futuræ
eſſent , quæritur ? Eſt & aliud quoddam
quæſtionum genus non infrequens , cum
res inquiruntur , quas humanæ rationis
acies pertingere nequit , a DEO vero
tantum abeſt , ut quoquo modo pate-
factæ , & revelatæ ſint , ut potius eas
nobis occultas ad tempus , quouſque e-
vacuetur , quod imperfectum eſt , vo-
luerit. Huiusmodi ſunt complures quæ-
ſtiones *de viſionis* , ut loquuntur *beatifica-
ratione* , *de luminis gloriæ natura* , de cui-
bus rebus dum homines inter ſe confe-
runt , quid plerumque niſi verba per-
dunt , rerum ipſarum penitus ignari ?
Utpote *quas nec oculus vidit , nec auris au-
divit , nec in cor hominis deſcenderunt*.
Quæ etiam qui vidiffet , loqui fas non
eſſet.

esset. Sic PAULUS censuerat, in tertium cœlum raptus. De quibus rebus, postquam totis viribus, multis annis solliciti disquisivimus, multo incertiores sumus, quam ante. Quam multo vero utilius verba funderentur, si fassi hæc talia esse, quæ nec sermone explicari, nec sensu humano percipi possint, nos ipsos præmii magnitudine exstimularemus ad digna, hac mercede, opera præstanda: si meditando, aut aliis exponendo divinæ in nos munificentiae largitatem perspecta divina misericordia, ac nostra miseria, divinam clementiam exaltaremus, missis inanibus verborum litibus, de rebus, quæ intellectum nostrum superant. *Stultissimum omnium fuerit*, (recte in hanc rem ait CYRILLUS (a) Alex.) *examini subicere, quæ mentem nostram transcendunt, & tentare intelligere, quæ intelligere impossibile est.* Logomachi certe nulli sunt, si non hi: cum enim de iis rebus disputatur, disquiriturque, de quibus a DEO notiones nullas accepimus, fieri aliter nequit, quam ut verba, quæ funduntur, sensu destituantur.

VI. In tot vero disceptationibus, & Logomachiarum ob controversiis, sæpissime ob vitiosam notionum scholasticarum, quibus abundat

D 3

hæc

(a) De recta fide.

voces notionibus vacuas aut obscuras.

hæc disciplina, obscuritatem, verbis inter se dissentiunt, contendunt, & digladiantur, nullo rerum existente dissenſu. Dum neutra pars alterius mentem assequitur, aut fortassis etiam præter verba, & apparentem verborum sonum, nihil verbis notionis subjicitur. Cum eum in finem, sunt verba auctoris laudari de logomachiis (a), *theologia omnis tot horridis, menteque cassis vocibus obtenebrata esse videatur, ut in tanta caligine lites eo magis ab hominibus, omnem in disputando eruditionem collocantibus augeri possent, & ubi de rebus disputandi materia eos deficeret, de obscuris & a neutra parte satis intellectis verbis contenderent.* Plura hic non addam, alio loco plura allaturus de logomachiis in disputationibus multo frequentissimis. Nunc materiam D. PAULI verbis finiam. (b) *Si quis aliter docet, & non acquiescit sanis sermonibus Domini nostri JESU Christi, & ei, quæ secundum pietatem est, doctrinæ, superbus est, nihil sciens, sed languens circa quæstiones & pugnas verborum, ex quibus oriuntur invidia, contentiones, blasphemiae, suspensiones malæ, conficiationes hominum mente corruptorum, & qui veritate privati sunt, existimantium quæstum esse pietatem.* CA.

(a) WERENFELS, c. 2. §. 3.

(b) 1. Tim. 4.

CAPUT VII.

De multis vanis & inutilibus quaestionibus scholasticorum.

I. **P**ost hanc inaniam de verbis, & Inutilibus
 nominibus litium in theologiam & vanis
 invecam perversitatem, proxi- quæstioni-
 me sequitur frequentissima de rebus fu- bus scho-
 tilibus vitilitigatio, per hanc sacram lastica
 scientiam grassata, in eaque tota fere il- theologia
 lius corruptio vertitur. Aliquæ jam su- maxime
 perius summorum etiam pontificum, & in crimen
 virorum doctorum sunt auditæ quere- vocatur.
 læ, nunc rei necessitate poscente, ac tra-
 ctationis ordine ita flagitante, singilla-
 tius quædam discutienda sunt de hac re;
 quæ ea, de qua modo diximus, aliquan-
 to est deterior: *Namque*, quemadmo-
 dum sapienter a *Bacone* VERULAMIO
 (a) dictum est, *ut rerum dignitas ver-*
borum cultui præcellit, sic e contrario odio-
sior est vanitas in rebus, quam in verbis.
 Libet hoc negotium D. PAULI verbis
 ordiri, sicut præcedens illud de logo-
 machiis ejusdem effato clausimus. *De-*
vita, TIMOTHEUM suum hortatur,
profanas vocum novitates, & oppositio-
nes falsi nominis scientiæ. In hæc ver-

D 4

ba

(a) L. I. de augm. scient.

a **ba** BACONEM (a), cujus paulo ante mentionem injecimus, differentem jam ad propositum audiamus. Interpretatio, inquit, illa Paulina non magis ad suam aetatem referri, quam ad sequentia tempora deduci potest; neque theologiam tantum, sed etiam omnes scientias respicere videtur: his enim verbis duo signa indiciaque scientia suspecta, atque eminentia proponit: primum est vocum novitas & insolentia; alterum rigor dogmatum, qui necessario oppositionem, & dein altercationem inducit. Certe quemadmodum plura corpora naturalia; dum valent integra, corrumpuntur saepius, & abeunt in vermes, eodem modo sana & solida rerum cognitio saepenumero putrescit, & solvitur, in subtiles, vanas, insalubres, & (si ita loqui fas sit) vermiculatas quaestiones, quae motu quodam, & vivacitate nonnulla praedita videntur, sed putida sunt, & nullius usus. Hoc genus doctrinae minus sana, & seipsam corrumpentis invaluit praecipue apud multos ex scholasticis, qui summo otio abundantes, atque ingenio acres, lectione autem impares.... ex non magno materiae stamine, sed maxima spiritus, quasi radii agitatione operosissimas telas, quae in libris eorum extant, confecerunt. Ex istis apum instar, quae sunt salubria, non pauca
pro-

(a) Id. l. c.

promamus. Profecto non parum vigor & integritas doctrinae scholasticae, quam ei ut propriam maxime in superioribus vindicavimus, emarcuit. Sana & solida dogmatum doctrina in subtiles, & vanas quaestiones declinavit, & praeter λογισμαχίας complures etiam σκιαμαχίας, ut olim Græci inanes rerum ventilationes vocabant, in theologicis numeramus. Jure eam ob rem DU-PINUS (a) conqueritur *regnare in scholastica vanam quandam subtilitatem, humilemque vitilitationem, gravitate scholarum christianarum prorsus indignam.*

II. Ne vero hæc exterorum, qui vel omnino a fide catholica, aut saltem a theologia scholastica alieni sunt, parvipendat quis testimonia, neve mea aliquid hic conficere velle videar auctoritate tenui: juvat aliorum etiam hac de re audire sententiam; cum jam omnes, qui paulo supra vulgus scholasticorum sapiunt, ultro confiteantur, hic potissimum a scholasticis delinqui: hæcque præcipua existit causa, & ratio, ob quam passim tam male audiat scholastica theologia. *Diuturna experientia compertum, & exploratum habemus, verba sunt doctissimi GRAVESONII ora-*

Quod ab
ipsis etiam
scholasti-
cæ theolo-
giæ patro-
nis agno-
scitur.

D 5

tione

(a) Traité de la doct. Chrét. ch. 19.

tionem de recta theologiam discendi, docendique methodo, ex ea bellatrice theologia innumeras prodire fuites quaestiones, de quibus dum theologi magno animorum aestu inter se altercantur, tumultuantur, digladiantur, non aliud quam temporis jacturam faciunt, cavillandi artem edocent, quodque caput, aeterna discordia semina serunt, ac fovent, quibus pax ecclesiae haud parum perturbatur. Cardinalis de AQUIRRE non uno loco hanc querimoniam instaurat, deploratque temporis jacturam a scholasticis fieri consuetam. Quadam ad MABILLONIUM epistola, saepe, scribit, non solum in scholis publicis, sed etiam privatis monasteriorum, magna temporis pars insumitur, jactura irreparabili, in quaestionibus prorsus inutilibus, similibus aranearum telis, in quibus nihil est, praeter scholasticam quandam subtilitatem. Id mihi etiam contigisse pro more saeculi, qui etiam in religiosos viros, & claustra monastica irrepsit, fateor non absque dolore cordis mei. Multa dictavi, scripsi, & typis mandavi parum utilia, quamvis plurima ejusmodi refecaverim. Quaecunque de cetero edere contigerit, absque ea labe sane prodibunt. Quin etiam ante jam edita, si recudenda erunt, ab ejusmodi quisquiliis libera erunt, quantum mihi licuerit, nec enim omnia illa, quae primo aspectu talia videntur.

videntur, refecari penitus debent, cum multa eorum deferviant ad exercitationem congruam ingeniorum, & viam aperiant ad graviores alias quaestiones penitus intelligendas. CARBO (a) qui quo tempore theologia maximas corruptelas, nemine fere id percipiente, tulerat, vixit, scripsit similia. Monuisse generatim non contentus singulari capite de quaestionum bonitate & pravitate differit, quæ scholastici hominis præclara monita, utinam secuti essent, qui cum eo eandem profitentur disciplinam; longe melior rerum suarum foret status, sequæ utiles, & fructuosos præbuisent ecclesiæ. Sed tantum abest, ut ab his inanium quaestionum vitiis immunes se servaverint, ut etiam dum maxime gloriosi sibi visi sint, cum de rebus inanissimis quam plurima coacervare, copiose loqui, acerrime contendere possent; modoque non
sq-

- (a) Non quævis, *inquit*, conclusio, quæ in theologia a quovis theologo demonstratur, theologica putanda est; cum nonnulli in suis scriptis quasdam conclusiones tractaverint, quæ ad theologiam minime pertinent. . . . quæ ab instituto theologico quam longissime absunt, quas qui tractant, apud quosdam, & jure quidem optimo non satis bene audiunt, Deinde non quæcunque conclusio, sive quaestio, quæ agit de rebus divinis, vel ad theologiam
ali-

solum, qui ab his sordibus repurgare velit, scholasticam ingentem laborem suscipiat, verum is etiam, qui solum omnium istarum ineptiarum numerum inire cupit.

Aliorum
virorum
doctorum
observa-
tiones de
quæstioni-
bus inuti-
libus.

III. *Melchior* CANUS libro XII. de locis theologicis capite præsertim quinto, præclaras non solum de hac re præceptiones dat; verum etiam ex antiquis Patribus refert, quænam illi tanquam quæstiones superfluas aut parum, aut omnino non attingendas fenserint, quæ cum sint in hac materia insignia, legi apud ipsum merentur, sufficit locum indicasse. *Ant. POSSEVINUS lib. III. c. 12.* vel ex ipso D. THOMA magnum numerum quæstionum annotavit, quæ sint aut ex aliis scientiis supponendæ, aut omnino non tractandæ, qui est ad- eundus. Item *Ludovici* ELLIES DUPIN methodus studii theologici recte insti-

aliquo modo pertinentibus theologica cense- ri debet, cum aliquæ inutiliter, & inepte tra- ctentur: ut quid DEUS ante mundi moliti- onem fecerit: si duo conjuges ab inferis exci- tarentur, an priori matrimonio essent ligati, & aliæ harum similes quæstiones. Memor ita- que prudens theologus nominis atque officii sui seria, & ad rem pertinentia tractet, & inanes, frigidas, alienasque disputationes a PAULI monitis vitet. *L. IV. Int. tb. c. 15.*

instituenti præsertim capite III. Videnda etiam abbatis ROGERII opuscula de ratione studii theologici, ubi præclara in hanc rem occurrunt. D. GREGORII *Nazianz.* prima de theologia oratio cautos reddere potuisset scholasticos: docet ibi qualem esse theologicæ rei professorem oporteat: atque quando & apud quos, & de quibus rebus, & quousque disputandum ipsi sit, ostendit: queriturque omnes eo temeritatis prorumpere, ut sibi fas esse putent, de sublimissimis quibusque atque obscurissimis pietatis christianæ mysteriis disputare.

IV. Liceat, quoniam in hoc sumus **Quæstio-**
per singula ea maxime capita, ad quæ a **nes inuti-**
doctissimo CARBONE omnis quæstio- **les primo**
num pravitas revocata est, paucis quæ- **de rebue**
dam perstringere. Igitur non satis mun- **manifestis.**
di videntur scholastici a quæstionibus,
de rebus vel sensui vel rationi omnino
manifestis, quas primo loco inter inuti-
les ponit CARBO: illi enim in hoc de-
mum videntur curas suas omnes ac ope-
ras collocare, ut de omnibus rebus quam
longissime disputare valeant, ut potius
spiritus & vita deficiat, quam verba &
subtilia ratiociniorum tela. Non opus
est hic specimen aliquod hujus rei in-
quirere, dum statim primas eorum pa-
ginas

ginas legenti occurrunt ejusmodi: diffundunturque per omnes scholasticos tractatus. Quæso, quot quæstiones disputationi subjiciuntur, quibus in se oppido perspicuis theologi demum aliquid perplexitatis addunt, luci caliginem offundunt? Termini scholastici obvia quævis & luce clariora perplexa reddunt: methodus autem scholastica de rebus omnibus novit in infinitum disceptare: etiam in illis, quæ primis naturæ principiis videntur resolvi posse; sed dum scholasticis subtilitatibus involvuntur, nescio quid ambiguitatis, ut in quæstionem vocari possint, accipiunt.

De rebus
ptorfus in-
percepti-
bilibus
quæstio-
nes inuti-
les.

V. Deinde quod ad ea quæ sita spectat, quæ fiunt de rebus, quæ ab hominibus nullo modo percipi possunt, quas secundo loco inter vanas collocat CARBO; eoque in genere multa reponit, quæ ad perfectam divinæ naturæ cognitionem pertinent, & alia nostræ religionis arcana: quid non sibi in hoc genere indulgent? quid in sublimissimis mysteriis inaccessum putant? Disputant de rebus diviniissimis, confidenterque de illis pronunciant? quid nostra interest? aut quomodo etiam humana acie ingenique viribus nos assecuturos confidimus, intimam decretorum divinorum

ab

ab æterno operationis, cognitionisque divinæ rationem omnem & naturam, circa creaturas præsertim rationales in tempore futuras, de modo loquor, eo-que in theologia revelata indagando, ubi principia silent. Frustra fidei merito nostram committimus salutem, si istorum theologorum sagacitate omnia explorata & aperta fierint. Frustra ad alteram vitam tantopere aspiramus, exspectamusque tanto ardore faciem Domini; cum nihil magis insignes quosvis theologos ad revelationem illam velaminis divinorum mysteriorum suspirare faciat, quam eorum arcani recessus. Jam olim a S. GREGORIO *Nazianz.* improbatam eam in divinis, qua ratione quævis fiant, indagandi audaciam, damnatamque novimus, cujus nixus auctoritate hæc attuli. (a)

a

VI. Venimus ad tertium illaudabilem quæstionum genus contra pietatem, vel bonos mores. Nolo hic quidquam eorum attingere, quæ in speculatrici illa theologia sine omni pietatis sensu contentionibus, & ostentandi acuminis ingenii gratia pertractantur, quæ velle cognoscere pietatem nihil juvar, so-

Quæstiones contra pietatem, & mores.

(a) Vid. Dissert. de Radiis divinitatis in operibus providentiæ, & gratiæ.

solam curiositatem stimulat. Nihil dicam, quantum pietati derogent plurimæ disceptationes de modo, & ratione ple-
rorumque mysteriorum, & rerum divi-
narum; quas dum modulo parvæ &
exilis nostræ intelligentiæ metiri volunt,
sæpe id efficiunt, ut nodis omnia in-
volventes, nec aliquid dignum pro rei ex-
plicatione afferentes apud sagaces quan-
doque & sciolos rem ipsam & myste-
rium dubitationi, aut etiam contemtui
exponant. Nihil hic afferam de illa ca-
coethe, dum scholasticorum de omnibus
rebus contrariæ inter se existunt senten-
tiæ & contentiones, multis ad scepti-
cismum horrendum, omnis impietatis
summum apicem, occasio præbetur: de
his enim omnibus postea recurret di-
cendi locus. Eam solum commemorabo
corruptelam, depravationemque, quæ
omnis pietatis extinctionem post se tra-
hit, atque in morali doctrina reperitur.
Ibi ad singula capita, & momenta mil-
lies releges, *est peccatum mortale, non est
peccatum mortale*, nulla pietatis, & de-
cori habita memoria. Nullum ibi ad
bonum stimulum senties, solumque a
malo cessationem inculcatam, tum tan-
dem, si mortale, si æternarum poenarum
jam ferax sit. Quid mirum, si hinc in
hominum cœtu tam frequentia sint illa
con-

2

Ma-

E

1a

- 2 MABILLONIO (a), *perniciosissimus scholasticae facultatis abusus*) mundo christiano illapsa est ? Quid tum egerint fideles, quidve modo agatur; quæ veterum morum ratio, quæ nostrorum temporum, loco laudato refert verbis pii & sapientis episcopi Vincinensis MABILLONIUS, in epistola ad fideles, posita in fronte versionis novi testamenti ab ipso concinnatæ: ubi vehementer optat, sacrum istum librum ipsi esse loco doctoris, ad rectam morum vitæque rationem.

Quæstiones super-
vacaneæ,
statim ini-
tio theo-
logiæ.

VII. Quartam speciem istiusmodi quæstionum CARBO constituit, earum, quæ in re inutili & supervacanea versantur: cujusmodi cum multæ sint in theologia scholastica, eas solum in præsentiarum commemorare liceat, quas prin-

la nati legem CHRISTI non solum suam reddere conati sunt, sed etiam ejus onus penitus ab humeris nostris excutere contra totius antiquitatis normam, & sententiam. O apostolorum tempora infelicissima, *exclamat pius Carthusianorum quondam generalis* G U J O, o viros ignorantiae tenebris involutos, & omni miseratione dignissimos, qui ut ad vitam pertingerent propter verba labiorum DEI, tam duras vias custodiebant, & hæc nostra compendia nesciebant.

(a) De stud. mon. P. II. c. 7.

principio statim ad frontem theologiæ constituere solent, & tam operose disputant, *an sit scientia, & qualis: quod sit ejus objectum, materiale, formale, formale quod terminativum, quod motivum,* & hujusmodi, quæ omnia, si omnino excusseris, non plusquam ante, quid in theologiæ decursu sis edocendus, scies. Theologus quidam narrare solitus erat, se cum adolescens philosophiæ operam daret, atque dictata præceptoris, uti tum moris erat, domi diligenter describeret, patrem supervenisse, atque arrepta charta, cum vidisset prolegomena esse logica, cum in aliis satis longa, tum vero in logicæ genere demonstrando, sit ne ars an scientia; tum vero patrem indignatum, vanæque filii diligentiae miserum dixisse, apage has ambages: discce logicam tuam, parum sollicitus, sit ne ars appellanda, an scientia. Idem theologiæ studioso, quid obest, quin suadeamus.

VIII. Nihil quæstiones tam operosæ & tam contentiose ventilatæ in recessu habent, quod non ex definitione theologiæ recte efformata possit derivari: constituto enim genere theologiæ patebit an, & ad qualem intellectus habitum sit revocanda: differentia vero definitio-

Ostenditur earum ex definitione decisio.

nis declarabitur ex objecto. Quid enim aliud hoc est, quam ipsa intima rei essentia, & natura, qua a cæteris discernitur? *Differentiam*, inquit PETAVIUS cap. 8. prol. theol. *res subjecta, quod vocant objectum: vel hujus tractandi modum ostendit &c.* Igitur ex notitia objecti differentia rei consequitur, nec objectum a definitione separandum: ut cum primum rei differentiam fixam statuisti, postea eandem inconstantissime quæstioni subicias, & veluti labefactes. Objecti considerata amplitudo eam etiam dirimit, qualis sit scientia: an speculativa & practica, hæc enim tum ex objecto ipso, tum illud tractandi modo elucescunt. Quoniam vero humanus intellectus quodvis objectum non eadem ratione contemplatur, eaque diversitas scientiarum etiam generat diversitatem, patet necessario ad rei definiendam ab aliis secretionem, rationem attendi debere, qua suum attingit objectum, v. c. an theologia lumine naturali, an revelationis, conjunctæ cum ratiocinatione, utatur; hinc deducitur, quid naturale, quid supernaturale in nostra sit theologia. Itemque ex objecti & principiorum perspecta natura de subalternatione theologiæ nostræ cum illa beatorum solvitur litis contestatio. Eadem reliquarum quæstionum est ratio. IX.

IX. Quoad quæstiones, quarum *medium* ex se non est idoneum, & accommodatum ad eas probandas, quas item CARBO inter vitiosas rejicit: non utique is omnia ea a theologica tractatione arcenda putabit, quorum *media* penitus accommodata non sunt, nisi omnem fere theologiam evacuare lubeat; terreni enim, cum de divinis tractamus, quid idoneum afferre nos posse, putemus? Sunt quædam in divinis; quorum etiam in natura intellectus & ratio humana quædam vestigia deprehendit; sunt contra, ad quæ nostra capacitas ne a longe quidem accedere valet. Sed scholastici omnia sua sagacitate pervestigare conati sunt. Nihil est tam sublime in divina natura, quo ipsi non avolare studuerunt: nihil tam altum in divinis consiliis ac decretis circa gubernationem universi, quod non indagarint: nihil tam abditum & arcanum in mysteriis, quod de- tegere non allaborarint. Et quod fodes! *medium* in his omnibus rebus adhibuerunt? Scilicet rationes, ratiocinationesque humanas, commenta a se excogitata & inventa, cum solus DEUS hæc nos docere possit. Sicut enim sensum hominis, juxta apostolum, nemo novit, nisi spiritus, qui est in homine; ita DEUM nemo novit, nisi Spiritus

Quæstio-
nes ad
quas dis-
ceptan-
das vi-
res nostræ
intelligen-
tiæ sunt
impares.

DEI. Beatus dicitur SIMON, de eo, quod ei caro & sanguis non revelavit, sed Pater cœlestis. Eæ igitur sunt veræ theologicæ quæstiones, quæ medio fidei discimus, & eatenus in scientia theologica progredi debemus, quousque fide prælucente pertingere licet.

Nam quod ultra humani sensus intelligentiam Dominus de se professus est, inquit

2 HILARIUS (a) *quantis potest potentia exemplis ad intelligentiam fidei coaptat innuens, ut quod ab homine per naturam habetum non capitur, id fides tamen rationabili scientia consequatur, quia neque non credendum de se DEO est, neque opinandum extra rationem fidei esse intelligentiæ potestatem.* Ista sanctissimi viri monita optandum esset, secutos esse scholasticos, & hos limites præstitutos non nimium quantum hucusque excessissent, rationi humanæ tanta tribuentes, quod palmare scholasticæ est vitium, de quo paulo post amplior dicendi locus erit. Quemadmodum etiam quæ a CARBONE sexto loco de scopo theologicarum quæstionum dicuntur, qui sit præfigendus, in sequentibus, quantum a scholasticis delinquatur, dicetur.

X. Dum

(a) Lib. I. de Trinit.

X. Dum septimo dicit, posse quæ-
 stionem, alias honestam, ratione perso-
 narum, locorum, & temporum incon-
 gruam reddi; cum ex rerum, ac perso-
 narum circumstantiis pendeat, ut circum-
 stantiæ occurrunt, sic sunt judicandæ.
 Istud generatim redarguendum videtur,
 nihil minus esse accommodatum tempo-
 ri, & præcipue ingeniorum delectui, &
 diversitati, quam plerasque eorum ar-
 gutias, & subtilitates, quibus omnes,
 qui ad ipsos accedunt, obruunt. Quæ
 cum a multis minus acutis non satis ca-
 piuntur, postquam optimam ætatem in
 illis consumserunt, a reliquis etiam stu-
 diis absterrentur, aut ob profectiorem
 jam ætatem, vel etiam alias causas inepti
 redduntur: cujus rei quotidiana exem-
 pla summo animi mœrore contueri co-
 gimur. Demus autem omnes quæstio-
 nes, & disceptationes, a scholasticis theo-
 logis agitari solitas, sua non carere uti-
 litate, atque ad asserenda, illustranda,
 declaranda fidei dogmata aliquid con-
 ferre: anne ex tempore est teneræ ju-
 venturi, dum prima scientiæ theologicæ
 fundamenta jacet, ac principia haurit,
 omnia ista tradere, atque tantopere ex-
 spaciari in omnes partes, & divagari:
 contentionibus, & digladiationibus per-
 petuis obrui: Omnia pacate transigenda

Alia quæ-
 stionum
 inutilium
 genera ex
 circum-
 stantiis.

forent, dum primis rudimentis animi imbuuntur: nec nisi summe necessaria tradenda: diffusæ nimis disceptationes scholasticæ, si etiam aliquid scitu dignum continerent, ad ea tempora differenda forent, ubi majori otio iis incumbere liceret.

Ultima
quæstio-
num su-
perflua-
rum spe-
cies.

XI. Ad postremam inutilium quæstionum farraginem delabitur oratio, quarum numero eæ censentur, quæ quidem proponi a theologo possint, sed tamen satius sit, earum explicationem, & notitiam theologiæ divinæ, & beatorum relinqui. Si hoc consilium consecutarentur scholastici, quot, & quantæ quæstiones de DEO, de angelis, de visione beatifica &c. emigrare e theologia deberent, quorum hic catalogum texere longum foret. Juvat tamen ex DU-PU-NIO (a) exemplum de angelis afferre: *Scriptura sacra, inquit, de angelis nos non vix pauca edocet, ratio multo etiam minus de illis detegit: nibiloque tamen minus scholastici innumeras hac de re formarunt quæstiones; vasta composita sunt volumina, quæ nihil præter ingentem quæstionum otiosarum molem continent, e. g. de principiis angelos specificantibus, de modo cognitionis angelorum, de duratione, de*

πξ,

(a) Meth. stud. theol. c. 3.

πῶς, quod occupant, de motu eorundem, de operationibus, de modo, quo secum invicem loquantur, aut conceptus suos communicent, de donis, quæ a DEO acceperunt, de serie & statu, & quæ sunt hujus generis alia, quæ nullibi nisi in eorum tantum perturbata imaginatione fundantur, qui de rebus sibi plane incognitis formare tamen ideas usque gestiunt.

CAPUT VIII.

De nimio rationis usu, & neglectu fontium.

I. **H**actenus utrumque earum rerum Quantum reos scholasticos vidimus, quæ rationi, & eos de rationis, hominibus singulari DEI munere concessæ, dialecticæ neglectu tribuat arguere videantur: cum perspeximus, scholasticæ. tales res ab illis tractari, quibus aut nihil rationis subsit, undique verborum foni, ac concertationes sint; aut si quid rationis habeant, totum illud inane, inutile, & vanum existat. Deinceps con-
tueri licebit, quemadmodum nimium etiam rationi indulserit scholastice, & inde vitiosa effecta sit; cum hoc malum illud sit, quod jam inde a prima sua origine contraxit, ut multis deplorat P. GRA-

E 5

VESON,

a VESON (a). Accidit, ut dialecticis abducti studiis theologi plus omnino rationi humanæ, quam æquum erat, tribuerent: sic ex uno, eodemque malo dialectices usu duo jam mala, seu ut verius dicam, plurium aliorum malorum fontes descenderunt: abusi enim sunt theologi rationis directrice dialectica, & ratione ipsa, quibus dum frena undique laxarent, omnemque sacram committerent doctrinam, theologia regina scientiarum secus, ac decebat, fervire dialecticæ, & humanæ rationi visa est; quo ut nihil iniquius fieri potuit, ita nihil damnosius ei unquam accidit. Juvat hic breviter præcipua quædam enumerare damna, quibus ratio, & dialectica rationis moderatrix theologiam, quas in subsidium vocaverat, sed quovis hoste perniciosiores experta est, confecerit. A ratione exordium sumamus.

II. Mel-

(a) Paulo plus, *verba ejus sunt*, studii, quam par esset, impensum est promovendo theologiæ scholasticæ imperio, dialecticæque subtilitatibus excogitandis, magis quam cæteris liberalibus artibus excolendis ita, ut gravissimi deinceps emerferint abusus. Nonnulli quippe pro doctrina ARISTOTELIS acerrime decertantes, justæ mediocritatis terminos prætergressi, vitiosam omnino, & theologiæ professoribus plane indignam invexerunt theolo-

II. *Melchior CANUS* (a) infelicitatem sui ævi satis deplorare non potest, atque malam theologiæ scholasticæ sortem, ob nimium rationis usum. *Hoc vero, inquit, sæculo fuisse etiam in academiis multos, qui omnem ferme theologiæ disputationem sophisticis, ineptisque rationibus transegerint, utinam ipsi non fuisset ex-perti. Egit hoc diabolus, quod sine lacry-mis non queo dicere, ut quo tempore adver-sus ingruentes ex Germania hæreses oportebat theologos optimis esse armis instructos,*

Quam ma-
le consul-
tum sit
theologiæ
per pro-
babilium
rationum
usum.

eo

giam, graves nimirum seriosque, & sua ma-
jestate sacros tractatus futilibus quæstionibus,
vanis inventionibus, frigidis, & jejunis ar-
gumentationibus, ridiculisque distinctionibus,
& solutionibus dehonestantes. Alii bellatri-
cem theologiam sic in deliciis habebant, &
cæsim ac punctim ita in arena digladiari ge-
stiebant, ut in suis argutiis, subtilibusque de
rebus theologicis disputationibus, ne verbum
quidem de scriptura patribusque ultro, citro-
que proferrent; & quod festivum, ac lepi-
dum erat, omnes quæstiones theologicas ad
frivolas exilis dialecticæ regulas exigent,
quasi ex *PORPHYRII* artificio, vel ex *ARI-
STOTELIS* argumentationibus nostra suspen-
sa esset religio. Graphice sane sunt hæc de-
scripta, accurata malorum enumeratio, qui-
bus infecta in theologiam dialectica, & plus
ultra, quam decuisset, provecta sacra hæc di-
sciplina contaminata est. *Hist. eccl. T. IV.*

P. II. coll. 5.

(a) De locis theol. L. IX. c. 1.

eo nulla prorsus haberent, nisi arundines longas, arma videlicet levia puerorum. Ejusmodi nimirum in theologia arma existunt, quæ ex putido & corrupto rationis nostræ cœno repetuntur, maxime si probabilia tantum sumuntur axiomata, unde necesse est, tota naturalis evadat disceptatio: dum opus est ipsum rationis principium probare, & confirmare: acciditque disputantes variis argumentis velut fluctibus modo in hanc, modo in illam partem jactari, ut nesciant tandem, quo se recipiant: ideo rem in dubio relinquentes, concludunt, si in hanc velis transire sententiam, ita respondendum, si in contrariam, isto modo. Plena sunt hujusmodi opinionibus scholastici libri, quæ tandem ad academicam *σκέψιν* ducunt. Prudens enim quivis, cum cernit, theologos opinionum diversitate in varias partes & sectas abripi: dum in seipso experitur, se probabilium rationum quasi fluctibus nunc hac, nunc illac ferri, neque unquam certas & fixas posse figere veritatis sedes, facile ad iudicium suspendendum inducitur, ne imprudens parti uni se addicat pervicaciter, sine urgente ac necessaria causa; aut ne inconstans modo huic, modo alteri opinioni se committat. Hinc lata aperitur ad Pyrrhonif.

honissimum via: ut jam de omnibus rebus dubitetur, quando de omnibus rebus cernuntur docti incerti, & in diversas opiniones scissi: nec ratio reperit aliquid satis firmum, & inconcussum, cui insistat.

III. In morali vero theologia ad Epicureos morum canones sic via complatur. Sane deprehensum est a viris piis, & sagacibus, non aliam corruptæ casuisticae theologiae causam & originem, quam rationis humanæ in decisionibus hujusmodi adhibitum judicium, quæ post primigeniam ADAMI labem, nisi divina gratia illustretur, quam plurimis est exposita aberrationibus, & in malum prona fertur, atque facile ingenii & sagacitatis nervos ad velificandum carni, & mundo impendit. Ratio labe originali corrupta quam prona in malum ruat, constat exemplo omnium philosophorum, qui solo usi rationis ductu quam studiosi etiam æquitatis videri voverint, tamen in multis rebus prava morum principia, & regulas sunt consecrati.

Ex nimio corruptæ rationis usu mala in theologia morali.

IV. Hæc cautos reddere debent, ne nimium rationi nostræ fidamus, sed potius per regulas humilitatis, simplicitatis, modestiæ, ac prudentiæ christianæ fidamus.

humana-

humanæ rationis aberrationes corrigamus, eamque ab arbitrio in rebus divinis ferendo arceamus. *Namque* (prout facultas Parisiensis in quodam antiquo decreto, quod a LAUNOJO cap. 10. de variâ ARISTOTELIS fortuna est relatum, cavet) *philosophicas, & naturales rationes applicare, & adaptare rebus divinis, & maxime in arduis fidei articulis, sepe dat causam & occasionem errandi.* Hinc eadem facultas eodem loco, etiam ipsi doctori angelico in iis, quæ secundum rationem argumentatur, auctoritatem abrogat, & quidem secundum principia ipsius D. THOMÆ. *Sequitur, sic verba habent, quod cum auctoritas vel doctrina S. THOMÆ in multis fundetur in ratione humana, saltem in illis non oportet, quod sit ita firma &c.*

Non tamen omnis, sed nimius rationis usus damnatur.

V. Non vero omnis rationis usus damnandus in theologia est, qua & prisci sancti patres usi quam maxime sunt, sive veræ religionis cultus Ethnicis suadendus esset, sive religio christiana contra adversarios propugnanda, sive etiam christianus populus in fide esset corroborandus. At si istæc humana ratio longius a præstituto sibi termino excedit, si sibi ipsi relinquitur, ubi se in tam altæ ac cœlestis disciplinæ culmine sitam

con-

conspicit, superbiæ tumore elata, nescio quas subtilitates texere incipit, quæ cum a vulgi opinione sint paulo remotiores, pro mysteriis venditare non veretur; tuncque se quam altissime sapere putat, si sublimia quædam commentatur, ad quæ intelligenda acri ingenii acumine sit opus; sicque imitari divina a communi hominum sensu abeuntia mysteria velle videtur, & alia comminisci, non ea, quæ nobis nota facere divinæ sapientiæ suæ arcana DEUS dignatus est, explanare. Hæc est humani ingenii perulantia, quam disciplina theologica non sustinet, ut pertractando doctrinam theologicam humani ingenii potius phantasiæ lectoribus, & discipulis obtrudantur, quam divina mysteria explicentur. Ut humana ratio sua figmenta pro mysteriis exponat, vera divina mysteria negligat. Et quid aliud illi factitant, qui suæ fere inixi rationi, scripturæ sacræ, sanctorum Patrum, & aliorum fontium theologicorum limpidissimis aquis spretis, auctoritate posthabita, argutiis subtilitatibusque omnia infarciverunt, innumeras *scrutando scrutationes defecerunt*: in quibus nihil solidum, nihil majestati sanctæ adeo disciplinæ congruum deprehendere sit.

Subtilita-
tum affe-
ctatio.

VI. Nihil inconvenientius; quam eam scholam, quæ divina mysteria, altissima divinæ sapientiæ arcana, pandere nobis deberet, ea etiam adhuc involvere, humanique ingenii acutis, & longe petitis ratiunculis terminare. Primis statim ecclesiæ sæculis Artemonitæ hæretici vituperationem meruerunt, quod demonstrationibus EUCLIDIS, ARISTOTELIS, THEOPHRASTI, GALENI argutiis sacra involvebant, & obscurabant: alii alias subtilitates infrugiferas invexerant. Non quidem eo hætenus minutiarum, subtilitatumque studium apud scholasticos pervenit, ut ad capitalem usque errorem pertingerent, eoquod plerumque in ipso cordice eorum disquisitiones persistant: in accessoriis quibusdam sublimia & subtilia excogitarunt, & scrutati sunt, quæ humanum omnem captum excedunt, atque in iis, quæ assequi non possunt, definiunt arroganter plurima, non cunctantius, quam si manibus atrectassent. Eos non ferimus, qui suo quivis judicio & ratione sacras paginas metiuntur, privatoque, ut vocare solemus, spiritui tantam libertatem concedunt; scholasticos omnia rationi tribuere impune sinamus? Nec quid moremur ab illis sacros mysteriorum fontes derelinqui, omnia levibus ratiocina-
tio-

tionibus peragi, subtiles quasdam relas
 texi, vento quovis rumpendas. In hanc
 perversitatem acriter invehitur *Nicolaus*
 de CLEMANGIIS libro de studio theo-
 logico, quem edidit *Lucas DACHERIUS*
T. I. spicil. in fol. p. 473. &c. (a)

VII. Legatur S. THOMAS, articu- Ob ni-
 lo octavo summæ suæ, quem locum in mium ra-
 theologis habere debeat ratio, vel ma- tionis u-
 xime sobrium: ut auctoritati plurimum sum fon-
 committatur, ratione tanquam ministra tes theo-
 theologia utatur, cui fides limites præ- logici ne-
 scribat. In hunc D. THOMÆ locum gliguntur.
 etiam sæpius laudatus *Ludovicus CARBO*
 egregie differit, & commentatur, qui con-
 sulendus in *Introd. theologica L. IV.*
 Hujusmodi theologos etiam graviter
 per-

- (a) Miror, *inquit*, theologos nostri temporis
 paginas divinorum testamentorum ita negli-
 genter legere, & nescio quarum satis sterilium
 subtilitatum indagine sua ingenia conterere,
 utque verbis utar apostolicis, languere circa
 quæstiones & pugnas verborum. Quid est au-
 tem languere circa quæstiones ac pugnas ver-
 borum; & quid sibi volunt illa verba aposto-
 lica? illos procul dubio reprehendere volunt,
 qui omissa fertili & fructuosa arbore sacrarum
 scripturarum, in sylvaticis & sterilibus pabu-
 lum doctrinæ requirunt. Inter quos langue-
 re dicuntur, id est fame, & jejuniis, nullo
 ibi reperto fructu, tabescere; & si quem for-

perstringit *Melchior CANUS*, qui usque adeo argumentis a ratione ductis addixerunt se, ut sive disputent, sive scribant, scripturam sacram, sanctorumque Patrum libros ne legisse quidem videantur: ut ipse loquitur initio libri *noti de locis theologicis*. Sane quotus quisque est ex scholasticis, qui non sæpius verset, & studiosius, obvium quodvis systema theologicum, quam scripturam, quam sanctorum Patrum scripta, conciliorum acta, aliaque ecclesiastica monumenta. Et si etiam subinde quidquam de his rebus in medium affertur in tractatibus, & disputationibus suis, fit tantum per tritas aliquas jam olim excerptas sententias, *quas*, ut inquit *Lud. VIVES* lib. I. de causis corrupt. art. *passim jactant, & ubique inculcant, quantumcunque sint iis, de quibus loquuntur alienæ.*

Quæ-

te illis fructum invenire contingat, similis est pomis Sodomorum, quæ exteriore quidem specie pulchra & decora videntur; ubi vero ea manu carpes, in pulverem ac fenum solvuntur. *Et paulo post*: Nunc autem, ait, plerosque videmus scholasticos sacrarum inconcussa testimonia literarum tam tenuis æstimare momenti, ut ratiocinationem ab auctoritate ductam velut inertem, ac minime auctam, sibilo ac subfannatione irrideant, quasi sint majoris ponderis, quæ phantasia humanæ imaginationis invenit, quam quæ divinitas coelitus aperuit.

Quædam etiam a principibus suæ sectæ citata traduntur per manus, cum eo intellectu, & interpretamento, ad quod torst illa, qui ad placiti stabilimentum inducebat. Ita nunc, ut idem paulo post ait, HIERONIMUS, AUGUSTINUS, CHRYSOSTOMUS, & prisci illi non ex suis ipsorum monumentis cognoscuntur, sed ex collectaneis sententiarum Petri LOMBARDI, ex eatena aurea D. THOMÆ, &c.

CAPUT IX.

De nimio dialectices, ac philosophiæ usu.

I. **H**æc quidem de ratione humana, quantum sibi in theologia arrogarit, quove licentiæ sit prolapsa: jam quædam etiam dicenda de rationis directrice dialectica, quam late dominari in hac sacra disciplina eam, multi indulserint. Insanus sit, qui usum dialectices in theologia neget; tantum hic de nimio usu sermo est, qui tunc committitur, quando non amplius ut famula servit, sed dominatur: quando nimirum ex topicis suis regulis contra assertiones theologicas argumenta format,

F 2

at-

atque conclusiones arcessuntur: dum positionibus constitutis, ad ea probanda axiomata logica & *maxima* topica, aut iis etiam aliquid minus pro fundamento aut medio termino sumitur, neglectis fontibus theologicis. Atqui hoc nomine theologiam scholasticam vituperari, ac dudum sese probro exposuisse, jam senatus academicus Parisiensis an. MDXXX. professus est, uti in ejus historia ad eum annum refertur, *academiam Parisiensem summo ludibrio hactenus exteris nationibus fuisse non aliam ob causam, quam quod omissis evangeliiis, & sanctis ecclesiae doctoribus CTPRTANO &c. sophisticem nescio quam, ac dialecticem in qua non placuit DEO salvare suum populum, nostrates tamen theologi profiterentur.*

De alter-
candi pru-
ritu.

a

II. Deinde quantis omnia clamoribus, & contentionibus perverso dialecticae usu scholastici implere siverint, ut dicamus ordo exposcit. *Disciplina disputationis* teste S. AUGUSTINO (a), *ad omnia genera questionum, quae in sacris litteris sunt, penetranda, & dissolvenda plurimum valet, tantum cavenda est ibi libido rixandi.* Sed id ipsum est, a quo minime in hac disputandi disciplina sibi cavent, qui ad disputandum accedunt, non tam ut veri-

(a) L. I. de doct. christ.

veritatem propugnent, quam suam opinionem. Quotidie disputatur in scholis, nec quidquam efficitur: solus enim contradicendi conatus plerosque ad disputandum provocat, non veritatem aut discendi, aut docendi studium: nec pro veritate pugnatur, sed pro victoria: & plerumque is victor evadit, qui inani garrulitate cæteros prævertit, ut graves ante me notarunt auctores. Nemo alteri facile ultimum dicendi locum concedit, ne si non ultimus locutus sit, victus videatur. Etiam qui humi prostratus est, clamat, & tandem clamore vincit: & cum semel quisquam aliquid se valere in ista rixarum schola conspiciat, nihil jam disputandi licentiæ anteponit, omnem in contradicendo voluptatem, omnem in altercando gloriam reponit. Nemo est, quem talis non provocet: nihil tam certum, & exploratum, quod in dubium vocare non audeat. Non tali satis est, eos, quorum opiniones suæ contrariæ sunt, laceessere: sed etiam contra istos, quibuscum consentit, in arenam descendit. Quid tam leve, cujus gratia ipse non superos, acherontaque movendos putet? fac, ut talis adversarium non nanciscatur, ipse sibi facit: quidquid ab alio profertur, habet, quod ei opponat, quod oblatret.

F 3

Quid

Quid mirum, si his a teneris, quod ajunt, unguiculis assueti homines, hoc lacte in in scholis enutriti, eam altercandi, contradicendique consuetudinem contrahant, quam deinceps per omnem vitam non deponant. Graviter conqueritur de hac re *Ludovicus VIVES* (a) his verbis. *Puer in scholam deductus primo confestim die jubetur disputare, & docetur jam rixari, qui fari nondum potest.* Adiri sane meretur auctor iste, & legi loco a nobis laudato: ubi insignibus eloquentiæ coloribus depingit hunc male sanum altercandi pruritum, tum in aliis scientiis, tum etiam in theologia vigentem; nullo alio studiorum fructu, quam præsentī animo non cedere adversario, intrepide eum vel aggredi, vel sustinere, & callere, quo robore, qua arte, qua supplantatione sit subruendus. (b) Qui sane litigiosus disceptandi modus, nulla pietate conditus, omnibus viribus &

(a) De caus. cor. art. L. I.

(b) Miretur aliquis, *inquit loc. cit.* quei possint in rebus apertissimis, simplicissimis, primis? nihil est tam liquidum, tam clarum, quod quæstiuncula aliqua velut vento excitato non perturbent. Inertissimæ datur torpedini, nihil invenire, etiam fulgore solis, quod obscures in rebus explicatissimis, quod invol-

vas

& artibus e theologia est propellendus, unde tot tumultus & tragœdiæ excitantur magno animorum æstu, de rebus quandoque flocci & inutilibus, quandoque ejusmodi, quas non tam perscrutari, quam adorare, ac summa modestia suspicere præstaret, tempus interim piis & utilibus collocando disquisitionibus.

III. Nemo ignorat, quantam is sibi in scholis mereatur laudem, qui in utramque partem disputare ex tempore queat, Græcorum more, nimirum gentis loquacissimæ. Sed discamus vel etiam Ethnici Ciceronis exemplo & testimonio, istud vanæ gloriolæ aucupium deridere, & repudiare: qui cum in libro suo de amicitia hunc Græcorum morem eruditorum hominum esse affirmare videatur, ita de eo in persona LÆLIi differens:

F 4

ferens:

vas in durissimis, ac inflexibilibus; quod plices & replicas. *In eosdem etiam calamum stringit.* CANUS L. VIII. de loc. theol. c. I. *theologos*, quasi ad discordiam natos, qui tum optime differuisse se putant, cum contra doctores dixerint, ut non tam verum invenisse velle videantur, quam adversarios convincere, concertationibusque & rixis totas charitas implere: qui sane cum omnia ad pugnam referant, nihil cogitant, quam vera sint, quæ asseverant, sed quam possint ea ipsi tueri, quæcunque semel defendenda suscepissent.

ferens: (a) *Doctorum est ista consuetudo, eaque Græcorum, ut iis id ponatur, de quo disputent, quamvis subito: in quaestionibus suis Tusculanis sic ATTICUM loquentem facit, atque hoc oblatum munus detrectantem: Quid mihi nunc vos tanquam alicui Græculo otioso, & loquaci, & fortasse docto atque erudito, quaestunculam, de qua meo arbitratu loquar, ponitis?* Deinde in iis concertationibus, ubi non quod sentiendum quis putet, illud asserendum fuit, sed in quo ab altero dissentiat: ut si adversarius ajat, ille neget; si iste neget, ille affirmet, quis non videt de veritatis indagatione nihil agi? Possè hæc exercendi ingenii causa alibi usum habere concedendum; sed a theologia, ubi æterna veritas discutienda est, melius omnis, quæ ob veritatis amorem non fit, relinquitur disceptatio. Et tamen fere scholastica ejusmodi problematicis quaestionibus absoluitur: ubi studiose ex universa theologia ejusmodi res selectæ videntur, ut eo melius & securius possent disceptationibus inservire. Quo enim ex tempore in academiis tam scrupulose facultates theologicæ sunt discerpæ, ut scripturista, polemicus, canonista prosequeretur sua, scholastico nihil relictum est

(a) CIC. de amicis. & 1. Tuscul.

est circa ipsas principales christianæ doctrinæ causas. Hinc pleraque tractant, quæ sine periculo in utramque discipulari possunt partem. Orta hinc sunt sectarum nomina *Nominalium*, *Scotistarum*, *Thomistarum*, *Recentiorum*, & alia; unde fieri nequit, ut non studia partium, rixæ, contentiones, odia oriantur inter tot opinionum diversitates.

IV. Quod ea spectat, quæ salva fide in utramque partem disputari valent; sicut nemo cohibeat, ut quis, quam velit, sententiam complectatur; ita haud scio, an cui prudenter probetur, ut quam quis semel propugnare cœperit sententiam (quod est alterum extremum, in quo multi turpiter hærent) eam jam veluti indubitatam, & inconcussam jactet. Quem morem a VAVASSORE pulchre adumbratum, damnatumque videmus: *Estne*, inquit (a) *quidam*, qui de omnibus facile pronunciet (quam multi autem generis hujus sunt?) qui nulla de re dubitet, qui audacter affirmet, qui nihil retractet, qui verbum illud consideratissimum usitata consuetudinis, arbitror, aut, fortasse, aut, videtur, quo nos etiam tunc magis utimur, cum magis ætate proveci, magisque de humana errandi facilitate edocti experiendo sumus.

F 5

ex

(a) Orat. 8. ed. Amstelodam.

ex tota oratione sua tollat: & quæ loquitur, omnia certe se scire dicat? Hic vero est inveteratus scholasticorum mos, quæ semel visa sunt, indubitata concludere, invictaque pertinacia tenere: summa contentione propugnare, ad ravim usque inculcare, ac omnia potius moliri, quam a sententia deflecti. Idem fons & origo hujus est corruptelæ, qui superioris. Quam parum vero in his partium studiis ipsa ratio, ipsaque veritas in consilium vocetur, vel inde patet, ut jam habitum aliquem induere idem sit, ac sententiam, ac sectæ opinionem suscipere. Tantum opus est, ut vestem Dominicanorum suscipias, jam Thomista es; Franciscanorum sacris imbuaris, Scotista efficiaris; Jesuita fias, & recentior audias; & pro hujus, aut illius opinionibus, tanquam pro aris & focis pugnes, potiusque vitam exuas, quam ut in levi aliqua re a ducis tui sententia decedas. Est equidem hoc opportunum contra Pyrrhonismum remedium, in quem incidere ob varias scholasticorum partes & sectas pronum est, sed alias perversitates & mala post se trahit.

Philosophandi
studium
nimium

V. Causa & sentina malorum, quorum quosdam e schola theologos reos egimus, nimium est philosophandi studium, quod diu-

diuturno tempore theologiam detinuit, in schola-
 torque Sophistas progeneravit, atque e- sticis, at
 -jusmodi theologos, qui in problemati- non tam
 -cam quandam artem theologiam pro- periculo-
 -cuderunt. In mysteriis & capitibus re- sum ut o-
 -ligionis ludere sic non licuit; separatis lim.
 igitur, ut paulo ante memini, dogma-
 -tibus ipsis maxime controversis cum hæ-
 -reticis, atque polemicæ relictis: reli-
 -quis scripturistæ, canonistæ &c. appro-
 -piatis, scholastice libere suis commen-
 -tis, & disceptationibus indulgere potuit:
 dum nihil residui permanebat præter
πάρεργα quædam & ramenta: hæc phi-
 -losophicis conceptibus sunt incrustata,
 atque de ejusmodi lana caprina perpe-
 -tuis contentionibus, dissensionibusque
 fuit actum. Unum commodum hinc
 enatum illud est, quod idipsum in cau-
 -sa esset, ne ullis capitibus religionis in-
 -ter se dissiderent, cum de nullis capita-
 -libus rebus contenderent. Aliter anti-
 -quis contigit, quando homines malefa-
 -ni philosophiam christianæ doctrinæ mi-
 -scuerunt, plerumque enim in adiapho-
 -ris opinionationibus non permansit res, sed
 ad hæreticas usque sententias perven-
 -tum. Noti sunt, qui ex PYTHAGO-
 -RÆ, PLATONISQUE schola emanationes
 divinas, eorumque Syzigias, & Plero-
 -mata in christianam religionem impor-
 -tarunt.

tarunt. Noti qui ARISTOTELIS olim inventis, ac præsertim dialectica ad exitium, & pestem abutentes in absurdos sermones delapsi sunt, errores suos acriter subtiliterque contra veritatem defendentes.

Non tamen sine
excessu.

VI. Non eousque dæmonis conatus invaluerunt, quando posterioribus temporibus philosophia theologiam occupare cœpit. BOETIUS in occidente, & DAMASCENUS in oriente philosophiam theologiæ junxerunt, sed innocuo studio; intra suos enim limites res constitit. At postea eousque res venit, ut non sint veriti, ARISTOTELEM cum PAULO contendere, & theologiam philosophicis subtilitatibus implicare, ut in theologia philosophia regnaret, & vix jam umbra genuinæ theologiæ in scholis superesset, atque una prope ex philosophia & theologia scientia redderetur. Nimirum est hæc humani ingenii indoles & curiositas, ut sua commenta, & figmenta extollere nitatur ad divinas usque res & mysteria; cum cœlestis doctrina potius in eum finem data sit, ut humanas emendet aberrationes. Hinc christiana fides ab ejusmodi hominibus prædicata est, qui sapientiam hujus sæculi, Græcorumque philosophiam contem-

tem-

remnebant, huncque contemptum in magna etiam laude ponebant. A primo mundi exordio patriarchæ, & pii homines pietatem potius & fidem coluerunt, quam humanas scientias ac philosophiam.

Ut autem, sunt verba illustrissimi H U E-
TII (a), *fidem aspernari cœpit ratio, tum
extitit philosophia, nihil non sibi pervium,
nihil non sibi licitum rata.* In ipsum etiam
christianismum, ut comperimus, expe-
rimurque, sese ingessit, atque ad hæc
usque tempora grassatur maxime in
scholastica, quamvis quodammodo in-
nocua, & sine palmaribus erroribus.

VII. In hoc autem maxime abusus In quo po-
iste versatur, ut principia rationis & tissimum
philosophiæ adhibeantur tanquam fun- abusus
damentum ad probandas propositas the- philoso-
ses, & conclusiones; sicque mixtum phiæ in
quid ex theologia & philosophia effici- theologia
tur, confusio disciplinarum, transcen- consistat.
susque a genere in genus: dum non ex
principiis artis, id est, doctrina chri-
stiana, verboque revelato, sed ab extra-
neis materiæ ipsæ ac quæstiones, aut
firmamenta causæ petuntur. Non scri-
ptura sacra, sed philosophia profana in
subsidiū vocatur, & auctoramentum
præ-

(a) Alnet. quæst. I. I. c. 5. n. 2.

- a præstat. *Hujusmodi*, inquit CANUS (a) *nos ipsi, præsertim in Italia, vidimus multos, qui scriptura sacra neglecta, ad horum philosophorum doctrinas tanquam ad Syrenum scopulos adharebant.* Alia ex
- b *Melchior. CANO* affert (b) *Lud. El. DUPINIUS*, nec dubitat, pessimorum fructuum in scholastica culpam in philosophiam & dialecticam esse conferendam. Recenset etiam abusus, qui contingant dialectices præprimis.

CAPUT X.

*De neglectu artium, & subsidiorum,
quæ perfectum theologum efficiunt.*

De neglectu aliarum artium theologum juvantium. I. **P**ostremo jam fere loco illud multorum ex scholasticis vitium pono, quod sua malignitate non modo postremum est, sed e præcipuis unum & capitale: quod omnibus illis disciplinis ad theologiam instructi non accedant, quæ rem theologicam juvent, perficiantque. Quotus enim quisque est, qui ad theologiam præter Latinæ linguæ, & philosophiæ alia adjumenta afferat, aut etiam afferenda censeat? Quin etiam

(a) Lib. IX. c. 9. de loc. theol.

(b) Meth. stud. theol. c. 3.

etiam sunt, qui contemnant, & quidquid suas subtilitates, & araneorum telas non sapit, ut profana, ut sacrilega traducant; theologo christiano indigna, aut nihil necessaria, ac inutilia judicent. (a)

a

II. Inscitam hanc quorundam opinionem, qui artium saltem profanarum studium ad sacram theologiam non adjungendum rentur, refellam non meis, sed D. HIERONYMI (b) verbis ex quadam illius epistola, qua nimium scientiarum sæcularium apud christianos scriptores usum exprobranti, ita responder: *Quod autem*

Contra veterum monita, & exempla.

b

(a) Scribit nostrorum hominum quispiam, loquitur in hanc perversitatem, alias etiam artes contaminantem, VIVES L. I. de caus. corrupt. art. de philosophia, de jure, de theologia, de re medica, admiscet historiam ineptissime narratam; & falso negat, hoc suum esse institutum: attingit aliquid de cosmographia inscite, negat esse suum institutum: loquitur de vi verbi imperite, negat esse suum institutum: de arbore, de animante indocte; negat esse suum institutum. Quid est ergo tandem tuum institutum? Nihil statuisse, recte dicere. Quam esse putamus ejusce rei causam, nisi quod veteres & evolvebant omne librorum genus, & intelligebant: isti nec inspiciunt, & frustra inspicerent egeni lucis illius, quæ nos ad intelligentiam artium, quæ in istis nulla est prorsum, adducat.

(b) Ep. ad magnum orat. Rom.

autem quæris, inquit, in calce epistolæ tuæ, cur in opusculis nostris secularium litterarum interdum ponamus exempla, & candorem ecclesiæ Ethnicorum sordibus polluamus; breviter responsum habeto. Nunquam hoc quæveres, si scripturas S. legeres; si interpretes earum omisso supercilio evolveres. Quis enim nesciat, & in MOSE, & in prophetarum voluminibus quædam assumpta de gentiliū libris &c. Nimis longum foret, omnia afferre, quæ ibi in hanc rem quam maxime apposite porro differit. Qui plura desiderat, adeat S. AUGUSTINUM, & quæ hic sanctissimus doctor in suis libris, quos de doctrina christiana inscripsit, de secularium scientiarum utilitate, quam ad rerum divinarum intelligentiam conferunt, pluribus profequitur, legat. Nolo in hac re longior, molestiorque esse, aut nimis multa ex peregrinis artibus flagitare, cum hætenus adduci plerique nequiverint, ut domesticis etiam quam maxime, ac propriis suis principiis, quibus theologia niti debet, si firmiter standum illi est, scripturæ sacræ, conciliis, patribus, & reliquis theologicis fontibus operam navarent.

Ac rei exigentiam.

III. Ex scientiis theologiæ studium juvantibus, facile, meo quidem iudicio, in

in theologo desiderari queant nonnullæ, quæ non nisi parcius aliquid ad rem theologicam conferunt, si modo linguarum politiorum, humaniorumque litterarum, historiarum, & quæ ad eas necessaria sunt auxilia, omnisque antiquitatis aliqua non superficialia notitia & facultate, quibus molestius caret theologia, imbuti accederent. Hunc neglectum facunde P. VAVASSOR(a) in scholasticis carpit, cujus verba non possum non hic afferre, ut ut prolixa sint.

CAP. XI.

(a) Age, *inquit arat. 9. de vit. curios.* quisquis ea re plurimum te scire putas, quia unum agis, ac sollicitas, in eodemque hæres, & commoraris ætatem, nescis, mihi crede, quanta nescis; quot tibi ad res aditum isto tuo in consulto consilio præcluseris, quam varias, quam eximias, quam salutare ac necessarias; ut tuum illud nescio quid unum, quod altius impressum, obrutumque reris, effoderes. Quodne dubitetis ipsi, proponite, auditores, ob oculos vobis theologum aliquem unum isto de genere, ut prædicari de se, ac nominari volunt, profundorum, quem schola, seu junior theologia, in gremio, sinuque suo eduxit longum otium contemplando exercuit, altercatio perpendendo corroboravit. Is totum se in hanc facultatem, sine ulla exceptione operæ, ac laboris immerferit: huic pueritiam, huic juventutem, huic ætatem firmam consecratam esse, additamque voluerit, discendo, docendo, scribendo: idem præterea non aliud in vita

G

ego

CAPUT XI.

Impediunt scholastici augmenta scientiæ theologicæ, quia in magistrorum dictatis acquiescunt.

Scholasticorum defidia propria industria augendi theologicam suppellectilem.

I. **S**upereſt & alius quidam varietatis multipliciſſimæque defectus; quem dudum in ſcholasticis redarguit *Baco* **VERULAMIUS** augmentorum ſcientiarum ſitientiffimus, vitiſſimus obſervator callidiſſimus; quo non modo neglectarum aliarum artium incuſantur, ſed etiam intermiſſi ſtudii contemplandi, ac varias lucubrationes aliorum ruminandi rei aguntur. Unde quidem ſi **BACONEM** (a) audimus, ſcholſtices omnis depravatio ſuum ortum maxime trahit. Ipſius verba audiamus: *Certiſſimum eſt,*
in-

egerit: nihil Græce ſcire, parum Latine curare: rerum geſtarum hiftoriam, velut hominum fide, ac teſtimonio nixam repudiarit: ordinem temporum, ceu fluxa quædam; ſitus locorum, ceu bruta, & rudia: gentium leges ac morem ceu mortalia, & caduca aſpernatus ſit: cæteras artes, & doctrinâs liberales præ ſua ſicut **ULYSSES** Ithaca, aut ſicut **PARIS HELENA**, viles duxerit; ſic ut neque aditu, neque conſpectu dignas iudicaverit; non earum cauſa manum verterit. Amabo ejusmodi viro qualem de-

(a) De aug. ſcient. L. I.

inquit, *si modo scholastici ad inexple-*
bilem sitim veritatis, & continuam agi-
tationem ingenii, varietatem lectionis, &
contemplationum adjunxissent, insignia
profecto illi extitissent lumina. Fortasse
 miretur aliquis, quod contemplationum
 varietatem in scholasticis desideret, qui
 a continuis suis speculationibus etiam
 nomen sunt sortiti. Et superius satis
 est ostensum, quam multum & nimis
 etiam, quam par sit, in excogitandis sub-
 tilitatibus sibi indulserint, omniaque sua
 anxie quæsitæ, scrupulose excogitata,
 perplexitatibus involverint. Sed hæc
 ipsa in causa sunt, quare contemplatio
 jam in scholasticis requiratur. Hæc con-
 templandi copia, contemplationum ino-
 piam in theologiam intulit. Coguntur
 enim modo scholastici suum tempus con-
 sumere, ut probe eas subtilitates intelli-
 gant, quas jam in aliis repererunt, ipsis
 interim, ut etiam sua, in lege Domini

G 2

con-

descripti, cum sua hac, quam afflictim depe-
 rit, anicula, quid infantius? Quid spoliatus?
 Quid incultius, atque horridius? prætereo,
 quam sit puer, qui, quid antea, quam natus
 sit, acciderit, nesciat. Sileo quam mutus,
 idemque surdus, qui vix aliena lingua loqua-
 tur, vix loquentem exaudiat. Meminisse qui-
 dem volo, quam barbariem pronunciatione, ac
 vocis sono, quam imperitiam rerum quotidiana-
 rum, & in medio litarum præferat &c. &c.

contemplandi, facultate utantur, aufer-
tur tempus: ut hinc omnis augendæ rei
theologicæ spes præcisa sit, & evanescat.

Reducta
scrupulose
theologia
in formam
artis ejus
augmenta
impedit.

II. Huc accedit, quod alibi luget BA-
co (a), reductio hujus amplissimæ doctri-
næ in certam methodum & artis formam,
a qua deflectere nefas putetur. *Quod
cum fit, inquit, plerumque scientia,
aut parum aut nihil proficit. Nimirum,
pergit, ut Ephebi, postquam membra, &
lineamenta corporis ipsorum perfecte effor-
mata sunt, vix amplius crescunt; sic scien-
tia, quamdiu in aphorismos, & observa-
tiones spargitur, crescere potest, & exurgere,
sed methodis semel circumscripta, & con-
clusa, expoliri forsitan, & illustrari, aut
ad usus humanos edolari potest, non autem
porro mole augeri.*

Item ser-
vitus, qua
magistris
addicun-
tur in quo-
rum verba
juratur.

III. Quam in rem ab iis puto potissi-
mum peccari, qui sibi semel dictato-
rem aliquem selegerunt, in cujus verba,
si non omnino juraverint, quod tamen
fieri passim videmus, toti tamen conce-
dant, & conquiescant. (b) Mirum vi-
dea-

(a) Loc. cit.

(b) Ah! exclamat VIVES lib. I. de causis cor-
rupt. art. quanto se fructu disciplinarum frau-
dant, quod semper aliis credunt, nunquam
ad

deatur, quare in mechanicis primos inventores pauca excogitasse cernamus, quæ tempus deinde suppleverit, & perfecerit: inscientiis vero primos auctores longissime penetrasse, tempus vero pluri-
ma detrivisse & corrupisse experiamur. Nec aliam hujus rei rationem esse putat VERULAMIUS, quam quod in artibus & scientiis liberalibus ingenia multorum sub uno succubuerint, quem tamen ipsum sæpe numero sequaces potius depravaverint, quam illustraverint: quod in theologia factum esse, puto a nemine resciri. Idem quamquam eam sibi regulam non displicere ajat: *Oportet discen-*

G 3 *tem*

ad se ipsi revertuntur, nec se vocant in consilium, ut examinent, cujusmodi sint, quæ tanta cura addiscunt. *Joan. GERTSON* suam jam tempore notavit maxima mala, quæ in theologiam irreperunt, quod doctores in certas factiones abeant, & partes consecantur: Quod, ait *epistola ad studentes collegii Navarre*, contentiosæ opinionum atque sententiarum partialitates quædam illic nimis pertina-
ces perstrepunt, quæ & studium veritatis interrumpunt plurimum, & totum corpus universitatis actuosum, inquietum, & parum modestum, & tumultuosum magis, quam requireret professio, constituunt. . . . Obsunt præterea partialitates quædam affectatæ, & vincendi pertinax animositas; personarum insuper, nationum, vel acceptio vel contemptus. Non enim ambulare sinunt in domo DEI cum consensu per veritatis atque charitatis iter &c.

tem credere ; ei tamen hanc jugendam esse auctor est : *oportet jam edoctum iudicio suo uti*. Ita ut discipuli magistris temporariam quidem fidem , iudicii que suspensionem , donec penitus combiberint artes , concedant ; plenam autem libertatis ejurationem , perpetuamque ingenii servitutem non statuunt , discipulos se præbeant , mancipia non vendant. An vero illi , qui in verba magistri jurant , aut etiam servitutem non juratam quidem , religiosissime tamen , observant , discipuli sunt , vel mancipia ?

Et piaculum ducunt aliquid præter ipso-
rum dicta docere.

IV. Quid illi ? qui nihil in theologia afferendum , docendumque putant , quod non aliunde , ab aliis jam dijudicatum , depromserunt. Qui studiosissime cavent , ne quam periodum , ne dicam sententiam in medium producant , quam ab alio non mutuaverint ; ne quid doceant , aut teneant , quod ab aliis non hauserint , paucis illis quidem , & sibi etiam invicem succinentibus scholasticis commentariis. Attris coloribus pro suo more hanc pravam consuetudinem scholasticorum depingit ERASMUS Roterod. (a) quo scholastice nullum unquam

(a) *Quam æquum illius sit iudicium , penes alios sit decidere : Omnes fere , inquit L. I. antib. can.*

quam infensiolem hostem est experta, nec eloquentiorem. Certe carpendus jure merito est, ille scholasticorum neglectus varietatis, & lectionis maxime propriæ contemplationis, qui intra paucorum auctorum congestorumque spacia conclusi, his totam suam judicandi, contemplandique facultatem consecrant, mancipantque, eorum solum verba & sententias colligentes, veritatem ipsam non satis ipsi ruminantes.

G 4 CAP. XII.

eandem cantilenam canunt, & coccyx coccyi succinit. Est enim huic scriptorum generi moris, nihil suum ponere, sed diversorum dicta, atque hinc decerpta congerere, non modo diversa, verum etiam aliquoties inter se pugnantia: sat habent coadjuvasse, ceterum judicii onus lectori relinquentes. Cui ubi jam longa lectione cerebrum vertigine rotari, & caligare acies cœperit, non multo certior surgit, quam DEMOPHILO ille TERTENTIUS.

CAPUT XII.

*De morum corruptelis ex scholasticis
vitiis oriri promis.*

Corrupta
morum
doctrina.

I. **H**ucusque eæ depravationes sunt
positæ, quæ ipsam hanc sacratissimam disciplinam infestarunt,
eius ornatum dehonestarunt. Quid dicam de corrupta morum doctrina, quæ regnante potissimum scholastica invaluit, quando non amplius spiritus christianismi in regulis morum attendi cœpit, sed ex dictamine perversæ rationis *solipsissimus* quidam introductus est; atque pro norma actionum humanarum habita est utilitas propria, suo cujusque judicio æstimanda. Non gratiæ, sed nostræ miseræ naturæ viriûm ratio inita est: neque in Ethica christiana ipsa virtutis præcepta data, aut via ac ratio patefacta, sed de objecto, subjecto, causis, definitione, divisione multa in utramque partem agitata sunt, quæ nihil ad profectum christianum faciunt. Doctissimus MABILLONIUS fontem hujus rei, atque discrimen veteris & novæ moralis clare indicat, dum scribit *P. II. c. 7. de stud monast. Moralis doctrina putius ac sincerius expendebatur, nec tot tan-*

tantisque dubiis metaphysicis, ut nunc, erat obnoxia. Verum ex eo tempore ad tot speculationes deventum est, ut ex nimio, ac inmoderato ratiocinandi acumine nonnunquam vel ipsa ratio desierit.

II. Sunt aliæ præterea corruptelæ, Scientia quibus eorum animi, & mores inficiuntur, qui ætatem, ingeniumque terunt in scientia tot vitiis scatente. Philosophi illi veteres quanto in honore fuerint ob honestatem vitæ antiquis temporibus omnes norunt; sed postmodum, corruptis moribus, pessime audierunt, ut etiam civitatibus pellerentur: illi nimirum, quos EPICTETUS insectari, teste ARIANO (a), & GELLIO, (b) solebat: ἀνευ τῆ πράττειν μεχρὶ τῆ λέγειν, τὰ τοῦ ζῶον ἔ πάντες κατὰ γελῶσιν. *Sine opere solis verbis perstreptentes esse ejusmodi animal, quod ab omnibus derideatur.* Theologia quo studiosius est suscipienda, si bona sit, ac sui similis, divina nempe; tanto diligentius a vitiis est custodienda ac repurganda. Maxime si ad eum non conducatur scopum, quo unice collimare debet, ut vitam religiosam, & christianam instruat, mores formet, mentem salutaris doctrina imbuat,

a
b

G 5

pieta-

(a) L. III. c. 21.

(b) L. XVII. c. 21.

pietatis feminibus respergat. Namque sic EPICTEtus eos philosophos deridendos putavit, in quibus sola verba, operis vero nulla industria: theologi, qui idem agunt apud christianos etiam sunt deplorandi, quod a sua meta fœde aberrant, & in negotio, quod æternæ salutis pondus operari natum est, nec verbis utique, sed operibus pendi debet, rectum non attendant momentum.

Sed pleraque vana, & futilia scholasticæ hoc non præstant.

III. Ad quid vero inanes rixæ, contentiones, & lites sæpe de solis verbis, frequenter de anilibus, ut ita dicam, fabulis, vanis, frivolis, & futilibus questionibus, in quibus omnia vanitas, nulla utilitas? Cui bono eæ speculationes, & subtilitates; quibus sua involvunt, neglectis interea sacræ scripturæ, & sanctorum Patrum scriptis, quæ pietatem instillare, devotionem excitare, & fovere accommodatissima sunt? *Nicolaus de CLEMANGIIS* libro de studio theologico in hoc vitio scholasticorum carpendo totus fere est. Semel postquam illum Paulinum locum 1. Tim. III. 16. attulisset: *Omnis scriptura divinitus inspirata utilis est ad docendum, ad arguendum, ad corripiendum & erudiendum in justitia, ut perfectus sit homo, ad*

om-

omne bonum instructus: Ad quæ, (a) inquit, illa sunt parum utilia, in quibus quotidie plurimi exercentur, quæ licet intellectum utcumque acuant, nullo tamen igne succendunt affectum, nullo motu excitant, nullo alimento pascunt, sed frigidum, torpentem, aridum relinquant.

IV. Cui ex integris perfectis scholasticorum non bonæ notæ voluminibus, Inepta scholastica unica devotionis scintilla enata est? ad fovendam pietatem, & inflaman- Quis melior ab eorum scriptis recessit, dam devotionem. vel recedere potuit, ubi omnia elata, præpedita: quæ omnes quidem intellectus vires exhauriunt, animum nihil prorsus movent? Cum econtra, si quis unicum paginam ex quovis obvio sancto patre pervolvat, unctione S. Spiritus, haud obscure sit experturus, animum ad pietatis exercitia excitari, ad devotionem inflammari, ad virtutis exstimulari prosecutionem. Quod vero horum omnium aliquis unquam ex scholasticorum illis scriptis persensit, quæ cum totum hominem ad sublimes cogitatus, & speculationes intentum flagitent, nullum otium relinquunt piis motibus, & affectibus, quos ex divinarum mysteriorum contemplatione, considera-

(a) Apud *Lucam DACHERIUM* T. I. spicil. in fol. P. 476. b.

fideratione divinæ erga nos benevolentiae, & misericordiae in dispensandis gratiarum suarum & innumerabilium beneficiorum largissimis muneribus, & thesauris exurgere necessum esset.

Imo vitiis
quibus-
dam nu-
triendis
apta vide-
tur.

V. Porro si *littera* est, *quæ occidit*, secundum PAULUM: quid sunt pugnae illæ verbosissimæ, concertationes pugnacissimæ, quid illæ de verbis lites, nisi Paulinæ litteræ? Si *scientia inflat*, quæ magis apta est progignere inflantes spiritus, quam ea, in quibus sibi homines excogitatis subtiliter humani ingenii telis placent quam maxime? Dum se tam excelsa, a communi hominum sensu remota intellectu affecutos esse, perspicacia penetrasse, inspiciunt. Dum integras horas, & dies gloriosissime cum adversario disceptasse se ipsos mirantur, in quibus nunquam defuerit, quod obijcienti reponerent, verborum fundementa concatenatas series, fortiter starent. Id quod non solum pronitatem, & fomitem ad superbiæ, & elationis vitium, ex vana scientiæ opinione nasci proclivem præbet, quin & jam præsentis, & radices agentis temeritatis, & arrogantiae indicium præbet. Audiant *Nicolaum de CLAMENGHIIS*, hominem pium, ac judicem justum loco mox a nobis laudato.

10. *Quid aliud est scientia, quæ omni pio affectu exuta solam intelligentiam instruit, nisi fomentum vanæ gloriæ, & lampas sine oleo, quæ a regni cælorum ingressu fatuæ virgines laudibus hominum delectatæ excluduntur? Illæ luciferum luce cognitionis adeo sublimiter insignitum in illam infamissimam extulit superbiam, quæ a summis cælorum ad ima inferorum præcipitatus est. Quo alio spiritu ducti quidam tantis clamoribus omnia complent, tam variis subtilitatum nexibus, & involucris omnia distendunt, ut hinc gloriæ aliquam auram capere possint? Qui in ea persuasionem versantur, theologi præstantiam, cognitionem illam veritatis secundum pietatem in altercando constitutam, & pugnantissimum quemque optimum esse rentur. Sapiente SENECAE (a) monito & consilio huc apprime congruente rem hanc concludam: ita vero loquitur ille: *Quid mihi profuturum est scire, an aliud sit sapientia, aliud sapere? Quid mihi profutarum est. Scire illud bonum esse, hoc non esse? Temere me geram; subito hujus voti aleam tibi sapientia, mihi sapere contingat: pares erimus. Potius id age, ut mihi viam commonstres, qua ad illud perveniam. Dic mihi, quid vitare debeam, quid appetere. Hæc est sapientia, hoc est sapere, non disputatio.**

(a) Epist. 117.

sputatiunculis inanibus subtilitatem inanissimam agitare. Tot quæstiones tibi fortuna posuit, nondum illas solvisti, jam cavillaris. Quam stultum est, cum signum pugnae acceperis, ventilare? Remove ista lusoria arma: decretoriis opus est. O auream Ethnici hominis (cum non liceat PAULI discipulum agnoscere) sententiam. Utinam ruborem multis christianis iis etiam, qui se divina tractare jactant, non incuteret.

CAPUT XIII.

Mala ex depravationibus scholasticis in cætum christianum redundantia.

Obscuritas I. terminorum facit ut fidelibus pleraque mysteria explicari nequeant.

Ex pluribus malis, quæ ex ista theologiæ scholasticæ depravatione in universum christianorum cætum dimanarunt, aliqua solum levi brachio perstringere liceat. Impri-
mis hinc accidit, ut cæteræ quævis optimæ artes, & disciplinæ in contemptum abirent, & negligerentur: cum ii, qui scholasticorum semel subtilitatibus & tricis essent immerfi, optimamque ætatem consumsissent, aliarum scientiarum gustum nullum haberent, & quæ ignorarent, facile despicerent. Sed de hac re
jam

jam quædam prælibata, & paulo post plura dicenda sunt. Etiam inde prove-
nit, ut omnis doctrina theologica iis so-
lum jam possit esse cognita, qui se totos,
& integros huic scientiæ dederunt, a
cæteris vero, quod nisi ingenti studio, &
multo tempore vel *technici*, ut vocantur,
termini, nedum ipsa scientia compre-
hendi possit, majorem partem ignoren-
tur sublimiora quævis fidei nostræ my-
steria, quæ scholasticis formulis impli-
cata, nec populo fideli in concionibus
explanari, nec etiam, a doctis, ac peri-
tioribus, sed ad alias res longius abstra-
ctis, ex libris hauriri possunt. (a)

a

II. Haberent quidem, quod justæ ex-
cusationis loco afferre possent scholastici,
dicendo, non oportere quemque quævis
altiora scire, & intelligere nisi & hinc
fieri quam maxime primum esset, uti-
lia etiam a christianis populis, & quæ
animum ad pietatem & gratitudinem er-
ga divinum Numen accendere queunt,
dum proponuntur, non capi, aut ma-
ximum

Priventur.
que fructi-
bus ex
mysterio-
rum co-
gnitione
orituris.

(a) Hoc dudum agnovit NICOLAUS de CLE-
MANGIIS libro a me ante laudato: Inde,
ait, est, quod ad prædicandum tardi adeo &
ignavi sunt, quia scientiam ad hoc utilem mi-
nime didicerunt, supervacuisque occupati,
utilia & necessaria omiserunt.

ximum negotium proponentibus facere, ut evolvantur suis involucris. Quis dubitet, multo melius cum doctrina christiana agi, si explanentur, quæ in illa obscura, dilucidentur, quæ abdita & recondita explicentur, uti fecerunt sancti Patres, quam si, ut hodie dum fit, ubi difficultas etiam nulla erat, adderetur.

Optima ingenia revocantur a theologiae studio ob spinas scholasticas.

III. Quin etiam multorum eorumque aptiorum peritiorumque animi a studiis adeo spinosis revocantur. *Obscuratis artibus*, sunt *VIVIS* (a) sæpe laudati verba, *remotis a sensu communi, conversis ad ludicra quadam spinosa & inamœna, sine ullo prorsus emolumento ad vitam, præclara ingenia & solida, at cum magno cum suo, tum publico fructu studiis vacatura, ab schola refugerunt. Nam ubi paululum modo ad illas se litteras, artesque applicuissent, ceu specimine quodam & exemplo capto resiluervnt protinus, non a peritia, quam illa ingenia unice expetebant, sed a carnificina animorum inutili seu potius damnosissima: videbant enim sub tot corticibus tam duris nihil occultati nuclei, inanem sumi laborem, ubi nihil speraretur fructus, tum se a rectis & naturalibus sensibus studio illarum artium ad*

(a) De causis corrupt. artium L. II.

ad detortissimas, ac depravatissimas deduci artes ac disciplinas, illas jusserunt valere, & earum possessione cesserunt ingeniis cum artibus congruentibus, ut similes haberent labra lactucas. Itaque vacuam & derelictam possessionem artium obscuri homines, & abjecta ingenia occuparunt. Quod si hic non sapit veritatis testis, dabo alium, qui testimonii veritatis causa purpuram gessit. Ultro se offert ratio, (in hanc rem differit Emin. THOMASius in Indiculo Intr. theol.) quamobrem theologica scripta Patrum in omnium olim manibus haberentur, & haud magna difficultate intelligerentur a quovis, dummodo inferiora rudimenta liberalium artium didicisset, & sano prudentique judicio præditus esset: cum recentiora e contra scripta scholasticorum viri ceteroqui sani judicii, prudentes, doctique in ecclesiastica historia, sanctisque conciliis & canonici juris professores, nec primoribus labris gustent, nec extremis digitis attingant; sed soli scholastici legant, solique scholastici, si tamen omnes intelligant: imo si ipsimet acutarum questionum auctores, quæ argutissime tractant, non intelligunt, ut festive dicebat theologus eximius Melch. CANUS, certe hic non aliam video rationem, quam quod alius modi sit stilus Patrum ac scholasticorum: ille planus aptatus ad omnes,

H

hic

hic subtilitatibus, acuminibus, ac tricis refertus, reservatus ad paucos.

Etiam ad officia publica re-
ctus ingeniorum selectus impeditur.

IV. Sed ad aliud ex bellatrice theologia progrediens, isto etiam pejus, malum descendamus. Illud in eo firum est, quod facile contingat, ut quo quisque confidentissimus est, & ad asserendum, aut inficiandum projectissimus, ita idem scientissimus, & litterarum copia instructissimus non solum ab imperitorum natione, sed etiam ab iis habeatur, a quibus cathedræ, munera, & officia publica penduntur: Is econtra, qui has inanes tricas, & subtiles telas ingenii magnitudine despiciat, qui probitatis sensu, & modestiæ imbutus a perpetuis digladiationibus alienus est, alteri in asserendo impudenti, in contendendo temerario postponatur. Magna sæpe injustitia hac ratione optimæ indolis, & ingenii maturique judicii, & perspicacis juvenibus, & viris fit, dum hi relinquuntur naturæ sedatioris, & hinc plerumque melioris, illi assumuntur, qui lingua quidem pronissimi, audacia pervicacissimi, sed forte ingenio minus pollent; namque, ut FABIVS (a) advertit: *Quo quisque ingenio minus valet, eo magis attollere se ac dilatare conatur.* Et PLINIUS

(a) L. IV. Instit.

NIUS etiam observavit, recta ingenia verecundia debilitari, perversa confirmari audacia. Sed quam multo aliud apud multos iniquos rerum æstimatores est de selectu ingeniorum iudicium! quam multos inanis clamorosas mirandos facit; sui quædam diffidentia cum optimo ingenio conjuncta contemptibiles reddit?

CAPUT XIV.

Mala ex depravatione scholasticæ in ipsos theologos viros ecclesiæ addictos, & cætus religiosorum redundantia.

I. **S**unt etiam aliqua singulati-
 cenda de iis incommodis, quæ
 theologia scholastica apud viros
 ecclesiasticos religiosorumque cætus ef-
 ficere valet: quæ meo iudicio non pau-
 ca sunt, nec etiam exigui momenti.
 Non est mihi hic sermo de iis perturba-
 tionibus, quas in disciplina ecclesiastica,
 & monastica relinquit, quæ tamen ma-
 gnæ & multæ sunt. Etenim multum
 temporis, & opimos annos, in multis
 vanis, & inutilibus speculationibus con-
 terere, quæ nihil ad ædificationem pro-
 ximi, ad propriam utilitatem parum
 conferunt, num permittere institutum

Perversa
 studiorum
 ratio in
 causa,
 quod qui-
 dam stu-
 diis his
 fuerint in-
 fensi præ-
 fertim mo-
 nasticis.

ecclesiasticum, ac monasticum cumpri-
mis censendum est? Sane hæc in causa
esse reor, cur nostra ætate tam infensi
quidam studiis monasticis fuerint, ut
vel dissidium circa studia litteraria in-
ter BUTILIERIUM & MABILLONIUM
ostendit: quod scientiæ philosophicæ &
theologiæ juxta methodum, qua nunc
in scholis traduntur, nonnisi curiosita-
tem, dissipationem, cavillationesque ex-
hibeant, in jugibus siquidem, sunt ipsius
MABILLONII (a) verba, disputationi-
bus, vocumque obstrepentium fragore
major horum studiorum portio consi-
stit. Sed de his ut dixi nunc non est ser-
mo. Sunt alia detrimenta, quibus theo-
logia scholastica religiosum institutum
afficit & affligit.

Cur theo-
logi post
scholæ ab-
solutum
curricu-
lum non
admodum
ad studia
ferveant.

II. Sæpenumero mecum cogitavi,
quæ causa sit, quamobrem multi ex il-
lis, qui sunt singillatim ecclesiæ, & re-
ligioni sacre addicti, postquam cursum
suum, ut vocamus, scholasticum philo-
sophiæ, & theologiæ absolverunt, con-
feceruntque, dum jam sibi ipsis relinquun-
tur, non eo ardore, quo optandum fo-
ret, deinceps ad studiorum prosecutio-
nem ferantur. Ingenii vires deesse exi-
stimandum non est, cum antequam mu-
niis

(a) Tract. de stud. monast. P. I. c. 13.

niis ecclesiasticis addicantur, sacris disciplinis instruantur. Priusquam etiam ad sacros ordines admittantur candidati, ratio & delectus habetur, nec hebetes quivis aut inepti suscipiuntur; sed qui felicibus, ut dicitur, astris, & propitio Jove nati sunt, feliguntur. Plerisque nec animus etiam deest ad ea molienda, quæ suo nomine, suoque instituto digna sunt: cum alios ipsa naturæ probitate, alios vi quadam mentis, & impulsu ad ea eniti cernamus, quæ cum decore, & decentia conjuncta sunt. Non pauci tamen existunt, qui hæc potius in aliis quibusvis demum rebus, quam scientiarum studiis consecretantur. Quod quam recte ab illis fiat, nunc non disputo; causam solum inquirō, unde ita accidere soleat. Mihi potissima videtur scholastica illa theologia, in qua toti juventutis anni jam transiguntur, omnis illa ætas, quæ capiendis scientiarum principiis, & jaciendo ei fundamento, cui reliquæ vitæ occupationes superstruantur, unice apta & accommodata est. Cum vero scholasticum studium ejusmodi sit, quod, ut ita dicam, omnia sua secum portet, quod nihil ex aliis scientiis & artibus subsidii, & adminiculi admittat; omnia etiam aliarum optimarum disciplinarum studia negliguntur, nec mens in annis juveni-

libus ulla eorum semina percipere allaborat; profecta deinde ætate, primum discere, & veluti repuerascere pudet, pigetque: ætatem vero omnem in scholasticis subtilitatibus consumere, multæ causæ & rationes sunt, quibus absterreatur animus, quarum aliquas tantum, quas securius afferre audeo, hic recensabo.

Cur animi
a terenda
perpetuo
scholastica
abster-
reantur.

III. Imprimis enim, cum studium istud pungere subtilitatum illis spinis nunquam desinat, ægre semper, ac veluti renitens ad illud intellectus se applicat, qui & suis nonnunquam delectari avet bellariis, & dulces, suavesque merere flagitat fructus, posteaquam tulit labores; florem veris post asperitatem hiemis, maturitatem autumnii post ardorem æstatis desiderat. Sed hac spe plane destituere suos cultores videtur scholastice: eadem semper, ac sibi similis, aspera, dura, & spinosa persistit. Postquam jam putamen rejecisse, nucem perfregisse videberis, & ad nucleum penetrasse, quo miti, mollique vescare; novi se prodent cortices, ac putamina subtilissima. Deinde cum theologia ista semper sit contentiosa, nullasque pacis pactiones ferat, atque adeo humano commercio parum idonea; facile accedente iudicii maturitate, postquam

quam æstus juveniles deferbuerint, vilipenditur, & abjicitur. Cui accedit, quod eas etiam maximam partem pertractet res, quarum usus in rerum natura nullus fere est, quæque a communi hominum sensu sunt remotæ, & peregrinæ: ut mihi hæc disciplina peropportune AGAR illa dici posse videatur, quæ nobis nonnisi ISMAELES progignat, qui sint contra omnes, & omnes contrarios sibi habeant.

IV. Demum ut scapha semper est scapha, sic scholastice semper scholastice eadem dictione, qua utitur squalida, inculta, hybrida; rebus quas pertractat, ad nauseam constans; quippe quæ easdem semper materias eodem modo inculcet. Mille auctores postquam perlegeris, millies de iisdem rebus jejune, aride, disputatum inveneris. Rerum ordine, methodi ratione itidem eadem perpetuo est: in qua nihil quod sua varietate delectet, novitate alliciat, fastidium avertat. Nec abs re est, bilem tandem movere cuivis hujusmodi studium (etiamsi delicati adeo non sit palati) incomta illa & horrida plerorumque scholasticorum tractandi methodus. Revera hæc causa est potissima, quod multi etiam viri sacris initiati alienum a mu-

Scholasticæ theologiæ brevitas tædet homines.

sis animum nanciscantur; cum istorum pertæsi, in quibus jam integros annos suos scholasticos multo cum sudore consumserunt, aliarum scientiarum nullis principiis imbuti, discendi optimo tempore, & ætate elapsis, palæstram prorsus abjiciant, quo nullum deterius malum monasteriis præsertim studiorum, bonarumque mentium seminariis, esse potest.

Spiritus
contrarius
evangelio
fovetur
per scho-
lasticam
metho-
dum.

V. Alterum quoddam est malum, isto adhuc perniciosius multo & deformius quidem, sed infrequentius, nec nisi naturæ quadam malignitate accedente contingere solitum: scilicet isto contentioso studio veluti ali, nutrir, ac foveri *spiritum* christianæ mansuetudini, humilitatique adversum, quo exemplo CHRISTI maxime ornati esse debent illi, qui sunt ecclesiæ muniis adscripti. Negare non possumus, magnam habere vim, & potestatem in humanis rebus, & ingeniis consuetudinem, quæ vulgo etiam altera natura habetur. Nemo inficias ibit nisi ratio moderetur, & pietas, istum perpetuum contendendi, objiciendi, contraeundi, subtilitates excogitandi usum, & exercitationem funesta sæpe quædam in mentibus respersa relinquere semina, ex quibus proni ad obnitendum, diffi-
ciles

ciles ad morem gerendum, contumaces ad obsequendum, ipsa quodammodo consuetudine evadant; minusque, quam decet, tractabiles, mites, & mansuetos se præbeant: & qui prompti sunt ad lites intendendas in scholis, etiam projecti ad eas sint in conversatione, ac vita societateque humana. Aliarum contra disciplinarum maxime subsidiorum illorum & fontium theologicorum studio ingenia, etiam alias atrocia, mansuescunt: eoquod hæc ad emolliendum animum, & movendum accommodata sint; illa etiam ad obfirmandum, & obstinandum. Quod dum fit, primarius theologiæ finis amittitur, pervertiturque: cum propheta regius prius bonitatem & disciplinam, quam scientiam a DEO doceri petierit, & Jo. GERSON (a) theologum describat: *Quod sit vir bonus rerum divinarum peritus: præposita semper peritiæ probitate.*

VI. Sed est aliquando finis statuen- Excusatio
dus querelarum, cum jam longius pro- auctoris.
cesserit oratio, quam eam protrahendi
propositum fuerat, & voluntas: dum
fortasse rei necessitas, & indigentia longiorem etiam adhuc ferre non recusasset. Si quæ sint in schola theologica

H 5

alia

(a) L. IV. de conf. pr. 4:

alia adhuc animadversione digna perspicient, majore sagacitate, & perspicacia præditi, quæ advertentiam fugerint. Si vero in multis secus esse deprehenderint periti, quam a me fuit expositum, dedoceri nunquam recuso. Sed tamen omnia non ejusmodi esse, ut universim rejiciantur, virorum expertorum, clarorumque, quorum testimoniis sum usus, & auctoritate, ut confidam, adducor. Quibus nihil non tribuo: & etiam, quidquid boni hic continetur, ut justis possessoribus, facile permitto. Quoniam vero antequam vitia, & incommoda scholasticæ enarravi, etiam virtutum ejus commemini, ac de illius natura, quædam, priusquam depravaretur, disserui, restat, ut exponatur, quid boni ex ea sumendum theologiæ vindicandæ cupidus sibi putet, quid mali, & qua ratione fugiendum existimet.



CAP. XV.

CAPUT XV.

*De restauratione contra depravationes
theologicas, & ratione servandi illius
dotes.*

I. **E**x jam dictis abunde conjicere est, Quantum scholam theologicam (ut in ple- descive-
risque rebus humanis fieri so- runt a pri-
let, quæ multorum variorumque homi- mævo in-
num manus, & industriam subeunt, stituto suo
quorum non eadem semper sunt fensa, scholasti-
diversa studia, impares vires) esse mul-
tis rebus commendabilem, multis item
vituperabilem; ut quod in agrorum hor-
torumque cultura advertimus, inter bo-
narum frugum spicas loliorum, ziza-
niorumque frutices interfitos semper
excrefcere, hic etiam locum habeat.
Quantam optimarum frugum messem,
quam optatam segetem polliceri pote-
rat, si omnia illa seminum genera, quæ
unus ager ille, in se complexa, efferre
gestiebat, cum antea dispersa erant,
suam maturitatem essent emensa, neque
extinctis illis, majorem partem inutiles
caules, vacuæ arundines, asperi sen-
tes, pungentes & acuti vepres extulif-
sent sese.

II. Pro-

Multa e-
gregie in
prima
scholasti-
ces consti-
tutione fa-
cta, sed a
malis co-
lonis in u-
sum per-
versum
tracta.

II. Provide plantarunt vineam suam
scholastici, sepem circumdederunt ei,
& torcular in ea foderunt, ac turrim
ædificaverunt; sed imprimis ineptorum
agricolarum desidia & ignorantia, qui-
bus vinea ista locata est, factum est, ut
fructu sperato destitueretur. Cum enim
sepes essent ad vineam ab alienis custo-
diendam, mali vinitores factas putasse
visi sunt, ut nullis etiam operibus exco-
lenda pateret, nullis accessionibus pro-
pagaretur, nullis novis stirpibus sarcire-
tur. Torculari, quod fossum erat, ad
dulcem maturi botri liquorem funden-
dum, stulti crudos accinos subjecerunt,
qui dum suapte natura nonnisi succum
amarum redderent, nimia etiam, & im-
mani compressione amarissimum stilla-
runt. Et quod omnium insanissimum
oxalme hoc suum, spreto vetere vino,
ipsi avidissime hauserunt, orbique terra-
rum propinaverunt. Turrim suam, quo
munimento maxime gaudere poterat
vinea ista, & tuta stare, instruxerunt
quidem provide, sed inanium cavillatio-
num, & pugnarum, inter seipfos di-
gladiati sunt, debachati immiti & turgi-
do musto suo pleni homines. Quare
quidem primi illi scholastices institutores
laudem evangelici illius patrisfamilias
sibi conciliarunt, vineam theologicam
sepi

sepi claudendo, torcular fodiendo, turri muniendo : dum omnem doctrinam christianam adunarunt, ac veluti ordinatissima vitium inter se serie disposuerunt, rationis autem veluti torcular addiderunt, cui non primæ tribuerentur partes, sed præeunte illa scripturæ cæterarumque auctoritatum calcatione; demum turri illa dialectices communierunt, qua ad pugnas exercerentur operarii, & contra adversariorum imperus & insidias vallati consisterent. At vero, qui hæc omnia subsidia, & propugnacula aut in perversos usus commutaverunt, aut iis imperite & præpostere usi sunt, tanto detestabiliores existunt, quod optimis rebus pessime abusi sint, ac munimenta in ludibria converterint. Ut non immerito tot, & tam graves de mala vineæ custodia, de botri amaritudine, de spinis illis pro uvis natis, querimonie passim fiant. Itaque cura suscipienda est, ut vinea hæc Domini sabaoth, primæ suæ dignitati & robori restituatur, florique: subsidiorum, adminiculorum munimentorumque usus rectus fiat, abusus vero tollatur. Et qui deinceps operandæ vineæ conducti fuerint, eorum, quorum ineptæ fuerunt operæ, neutiquam sequantur ductum; primos illos gnavos & industrios, non imperitos, & desidiosos sectentur.

III.

De virtutibus scholasticis aut servandis, aut restituendis.

III. Quinque virtutes in superioribus ex P. Fr. VAVASSORE relatas vidimus singulares prorsus, & conspicuas, quas sibi proprias vindicer scholastice: sunt vero *ordo, perspicuitas, brevitās, doctrinæ sanitas, argumentationum vis & efficientia*. Has sibi adjungendas esse, qui perfecti theologi munus, & officium explere avert, non ambigat. Sunt enim cum primis accommodæ ad theologiam tractationem: ut in tanta rerum varietate ordo, multitudo brevitās, sublimitate perspicuitas, errandi proclivitate, periculi vero magnitudine securitas; in summi momenti, & arduitate negotio, dissentendi pervicacia, adsit argumentationum vis & efficientia.

Quatenus theologia scholastica virtutes suas servavit aut amiserit.

IV. Has omnes tamen virtutes scholasticas, frustra fortasse in mundo scholasticorum quæras. Non tamen æque in omnibus sunt prolapsi, cum multo minus in ordine peccent, quam in brevitate: brevitatis etiam majorem adhuc conservent cultum, quam perspicuitatis, quæ penitus ex eorum scriptis exulat: sanitas doctrinæ etiamnum in schola custoditur (ne quid tamen de morum doctrina molliori dicam) ut, quæ tractant, cum fide quidem congruant, sed ad illam non æque omnia conducant, eique

eique profint. De vi & efficientia argumentationum postea mentem aperiam meam. Quid vero in hac tota causa agendum est? Nempe quod adhuc immune a vitio atque a lapsu servatum est, ambabus ulnis amplectamur; ea vero, quæ vitiata sunt, restauremus; quæ prolapsa, a ruina vindicemus.

V. De ordine scholasticæ multa sunt, Quomodo
quæ in suum usum convertat, vindi- virtutes a
candæ theologiæ, ac pristino nitori suo VAVASSO-
restituendæ cupidus. Materiarum illa RE recen-
cohærentia, & perpetuum rerum vin- sitæ vindi-
culum, quo omnia inter se connexa, & candæ.
aptata, idem doctrinæ filum trahunt.
Brevitas non sicca & hiulca, sed floridior quædam, & veluti gravis eligatur: ut omnis quidem superfluitas, non omnis tamen ornatus & festivitas sermonis desit. Perspicuitate nihil est amabilius, nihilque jucundius: cujus proin theologo summa cura, & studium esse debet. Id enim muneris suscepit, ut scripturas exponat, mysteria explanet, arcana fidei dilucidet, deque veterum intellectu pronunciet: ad quæ omnia si perspicuitatem non affert, plus nocet, & involvit, quam juvet. Eam doctrinæ sanitatem tute mutuare a scholasticis quis potest, ut, quæ eorum consensu
sunt

sunt probata, fidei etiam probari non ambigat. In id enim maxime semper incubuerunt, ut fidem intemeratam custodiant, nullas etiam temerarias opiniones tueantur, sed securitatem undique præstent. Utilissima ergo theologo & summopere necessaria hæc indemnitas, quam cynosuræ instar nunquam ex obtutu dimittat. Quodsi etiam efficientiam scholasticarum argumentationum explodere luberet, doctrinæ tamen illam vim probemus oportet. Multa in veterum Patrum scriptis sunt sparsa persæpe, quæ ad rei intentæ consensum pellicere quidem valent, evincere non possunt, quæ illi non inviti tamen, aut imprudentes posuerunt: scholastici vero nonnisi firma, quæ assensum etiam a nolente extorqueant, afferre conantur. Antiqui illi nonnunquam blanditiis, phalerisque sunt usi; nostri scholastici machinis, & arietibus rem agunt. Illorum argumenta admitte sæpe poterant, quin quod inde petebant, concederetur; his, si argumenti vim non elidis, quod inde deducitur, cogaris admittere.

Methodum & rationem tractandi

VI. His jam veluti sparsis in theologicam scholam virtutibus ita se habentibus, præcipua illa non tam virtus, quam

quam ipsa natura scholasticæ prodat, theolo-
 & se theologo commendat, nempe ra-
 tio, methodus, & disciplina, qua totius
 doctrinæ universitatem complexam re-
 fert, ac exhibet, atque ceu terminis cir-
 cumscriptam in scientiæ forma repræ-
 sentat. Exurgant, quotquot velint, scho-
 lasticen damnent, diris devoveant, ipsi
 theologiam aliam comminiscantur, do-
 ctissime eruditissimeque materias per-
 tractent, omnium scientiarum, & artium
 adminicula adferant, quæ ad perfectum
 theologum conferunt; antiquitatis lu-
 mina undique succendant, theologiam
 politissimam, elegantissimamque procu-
 dant; si scholasticæ nomen aspernentur,
 ingratos traducere non verebor: ab iis
 enim primum ratio profecta est res
 theologicas disciplinæ & artis methodo
 pertractandi, quam laudem, qui illis de-
 trahunt, justitiæ leges perfringunt, sua-
 que suis possessoribus impie abjudicant.

VII. Hæc sunt, quæ modo retuli-
 mus, quæ adhuc ex funesta illa schola-
 sticæ ruina, ceu rudera quædam relicta
 sunt, quibus arcem theologiam resus-
 citaturus ædificii sui molem, ac structu-
 ram, quam meditatur, superstruat. Sed
 antea locus repurgandus est, quod, ut
 initio statim dixi, duplex jam theologo
 I nego-

Corruptæ
 vero theo-
 logiæ vitia
 corrigen-
 da.

negotium faceſſunt. Profecto ii ipſi, quos ſcholaf-
tices ſuæ honori, & dignitati ve-
lificantes, perſpeximus, ejus amore ob-
cæcari haud eo poſſunt, ut non etiam
quam plurimas labes ab ea abſtergendas
notaverint, complurium macularum
eam admonuerint. (a)

VIII. Di-

(a) *Juvat iterum doctiſſimum VAVASSOREM loquentem audire : uti eſt eorum mos, qui ne offendant, anxie cavent, ut non tam ſua, quam aliena ſenſa referre ſe ſimulent. Jamne vides, affatur ſcholaf- ticeſ, ex iniquis tuis, qui opponant, abs te grandia nimis minute; dubia nimis pertinaciter; ſupervacanea nimis laborioſe; ſoluta & libera chriſtiani juris licentia nimis anxie & moroſe, & quadam cum ſuperſtitione, ac miſeria tractari? quid ſi ipſi illi, qui tua cauſa cupiunt, ac debent, te tantum indulgere novitatibus nolint; pluſculum largiri ſacræ hiſtoriæ, Patrum ſenectuti, juris chriſtiani incunabulis velint; non prophanas auctoritates omnino defugere, non aperte contrarias in tuam ſententiam ingratiis detorque- re, non difficiles, primumque auditas ſubito, atque ex tempore interpretari audere? Tuos autem vel profeſſores, vel alumnos aſpi- ce, ut dum rerum curam affectant, te deſor- ment verbis: dum uni tibi vacare velle diſ- ſimulant, reliquarum ad te magnarum rerum ignoranceſ velut præter dotem afferant. Quis tam amica monita non peramanter amplectatur? Tam officioſam voluntatem non amet? Benevolum non ſequatur conſi- lium?*

VIII. Dicitur solet, cuilibet rei veluti duas esse adversas partes, ac facies ex quarum altera commendetur, altera vituperetur. Hoc si ulla in re; in nostra scholastice verum deprehenditur. Accidit ergo, ut pro studio partium, & affectu animorum complures unum ejus latus aliquod intuentes aut vituperarent, damnarentque penitus, aut laudarent, probarentque prorsus. Ad prius genus referendi sunt LUTHERUS, CALVINUS cum suis, atque ex catholicis etiam cum ERASMO multi huic theologiæ infensi. Ex altera parte stant, qui eam nimis depereunt. Nobis curæ fuit, ut quantum licuit, ambo ejus latera inspiceremus. LUTHERUS, qui eam ex odiosa parte solum aspexit, quam atris eam coloribus describit apud HANGESTUM? *Scholastica theologia est ea, quæ a Parisiensium Sorbona mixtione quadam ex divinis eloquiis, & philosophicis rationibus, tanquam ex centaurorum genere biformis disciplina conflata est.* Huic definitioni in odium fabricatæ HANGESTUS in sua academiarum defensione hanc legitimam opponit definitionem: *Scholastica theologia est divinarum scripturarum peritia, recepto, quem ecclesia approbat sensu, non spreto orthodoxorum doctorum interpretationibus, & censu-*

Theologia scholastica hinc commendabilis, illinc vituperabilis.

ris, & interdum aliarum disciplinarum non contempto suffragio. (a)

CAP. XVI.

(a) *Hanc descriptionem mihi LAUNOJUS supeditavit: De varia ARISTOTELIS fortuna C. XII. ubi plures ejusdemmodi postquam in medium attulisset, ea commentatur, quæ hic referre baud importunum. Ex iis (definitionibus) modus præstituitur, quo multorum expostulationi juste satisfaciat. Igitur sumat quis in manus scholasticos doctores quoscunque, legat, & perlegat, & cum inciderit in quæstiones, articulos, membra, capita, partes, sectiones, vel alios similes titulos, quibus allatæ definitiones theologiæ convenient, tunc studiose amplectatur, & auctorem ea in re verum esse de schola theologum ingenue pronunciet. Sed cum incurrerit (quod non raro fiet) in quæstiones, articulos, membra, capita, partes, sectiones, vel alios similes titulos, quibus allatæ definitiones theologiæ non convenient, procul amandet, & auctorem ea in re falsi & e mentiti nominis esse theologum intrepide dicat, & nunc negari immerito non poterit, quin auctor ille scholæ, quisquis fuerit, dogmata theologica tractaverit ad normam definitionis, quam LUTHERUS composuit: Dicenda profecto sunt cum veritate, quæ veritas ipsa gessit. Quidquid id est, brevibus enunciabitur, sic quis cum facultate theologiæ in hoc vel illo argumenti genere, quod tractat, non loquitur theologicè, sed philosophicè, repellendus ergo est, quia theologum non agit, sed philosophum. Et fane qui dogma vere theologicum philosophicis,*

CAPUT XVI.

De remediis contra vitia dictionis & logomachias scholasticas.

I. **A**ge articulatius quædam de præcipuis momentis prosequamur, quæ ad repurgandam a vitiis theologiam scholasticam faciunt. Quod ut ordinate fiat, quæ hic promiscue sunt recensita, ea ordinis serie, quam superius servavimus, expendamus. De vitiis dictionis ordiamur. Verborum, & sermonis deformitate, ut se purget scholastice, opus est Ethnicorum scriptorum lectione. Quis enim verat, has gemmas tanta sollicitudine conquiritas, quas illi ad profanos usus adhibuerunt, a nobis ad sacros transferri, si

De emendandis vitiis dictionis in scholastica theologia.

I 3 mode-

cis, non theologicis rationibus probat, id prodece citius, quam probare mihi videtur. Tum sibi objicit, non omnes quæstiones, in quibus solvendis defudant scholastici, tractari posse quemadmodum tractandas esse allatæ definitiones theologiæ præscribunt. Cui sic respondet: quid aliud inde, quæso, sequitur, nisi quod quæstiones hujusmodi a theologo tractandæ non sint, sed philosopho relinquendæ, si tamen relinqui debeant, & non potius abjici, & obliterari.

- 2 moderate id fiat. (a) Modus, ut in aliis rebus, ita hic sese quam maxime commendat: ut enim superstitionem quandam nemo approbet, ita nec illa licentia, ac desidia ferenda, qua nullo selectu habito, nulla, ut pura & defœcata fluat oratio, adhibetur cura; & dum probata usu & antiquitate supererunt verba, sordida potius & horrida afferuntur. Termini scholastici magnum usum præstant, si modo sint accurate definiti. Pronum esset eorum exempla producere, qui in errores inciderunt ob hunc neglectum: nobisque jam inveteratus usus, & præsertim exortæ controversiæ, necessitatem fecerunt logicis & metaphysicis terminis, & conceptibus utendi. Sed his nihil obstantibus sermonis tamen potest conservari mundities,

(a) *Optimum nobis hic præbet* JO. GERSON *consilium epistola ad studentes coll. Navarra*: Scriptis gentilium se non tradere, sed commodare, & ea velut peregrinando percurrere nequaquam improbaverim, tum pro copia sententiarum moralium, tum pro stilo, & ornatu verborum, tum pro poematum, & historiarum qualicunque peritia, demum pro oblectamento quodam ex varietate lectionis, quamquam & in sacris doctoribus, ut in AUGUSTINO de civ. DEI, in OROSIO, HIERONYMO, LACTANTIO, & similibus ista abundanter, nec minus, si non plus utiliter invenienda crediderim.

diries, quæ non tam in singulis verbis, quam in eorum nexu, apta conjunctione, totiusque sermonis concinnitate consistit. Jam suo exemplo multi docuerunt, philosophiam, & theologiam etiam, ut in scholis traditur, emendatum stili nitorem, & comitatem non recusare. Sed quod id passim non fiat, humaniorum & politiorum litterarum neglectus in causa est. Multa lectione, multa observatione, subacto iudicio opus est, ut & verba ipsa in numero sint, & eorum usus non ignoretur. Illud vero caveamus, ne res etiam utiles, quando suavitatem sermonis non condiuntur, abiciamus. Habemus multos stili inculti auctores, qui res scitu cognituque dignas litteris mandarunt. Distinguunt periti duplex incultorum scriptorum genus: alterum, quod dicendo se prodit, res interim utiles, ac salutares docendo, quod modis omnibus probari, ac conservari par sit: alterum istorum genus auctorum ut verbis, ita & rebus inutile, quod quoquo modo abolendum sit.

II. Contra logomachias, de quibus De remedio secundo loco dictum, quædam hic a diis logomachiarum laud. WERENFELSIO (a) remedia constituta in medium proferam. Primum

I 4. putat

(a) Logom. c. 9.

putat *Lexicon aliquod universale logomachiarum adornandum. Item purgationem artium & disciplinarum a vocibus, & locutionibus non modo nullam aut confusam, sed etiam incertam significationem habentibus.* Hac ratione v. g. Stephanus GAUSSENSUS hanc quæstionem, num theologia ars sit, an scientia, esse meram logomachiam deprehendit, ipsius GAUSSENSI verba audiamus : *Vis rem experiri, inquit, dubitabile illud nomen ars, scientia, sapientia aliquantisper seponere, & quanam sit, theologiæ natura extra hoc nomen hodiernos istos disputatores interroga; eos videbis de rei summa plane inter se consentire, at in vocibus occupatos, quod fatale est hujus sæculi malum, inanes sonos fundere.* Sane cum, qui hæc GAUSSENSI verba, & observationem accuratius perspexerit, & aliis materiis theologicis permultis applicuerit, multam lucem, & utilitatem, inde percepturum puto. Qua in re insignem usum præstant definitiones nominales, quas nostræ memoriæ philosophi tantopere commendant. Istis siquidem cavetur, ne nobis voces notionis vagæ, aut prorsus nullius obtrudantur. Ipsi etiam termini non solum aptis descriptionibus, circumscriptionibusque evolvuntur, & depositis paulisper verbis technicis res ipsa ob oculos veluti ponitur: suis depicta

pieta nativis coloribus, sepositoque sono unice vocum sensus explicatur. Tertium remedium contra logomochias constituit WERENFELSIUS: *Si controversia, & pugna, cum hominibus mutantur, quantum fieri potest, in pugnas cum sententiis. Quartum: Si, quantum res patitur, disputationem transferimus a genere ad speciem, ab universalioribus ad minus universalia.* His quatuor generalibus alia specialia addit, sed ad hæc facile reduci possunt; quæ quidem non parum conducere possunt ad latentes hos momulos detegendos; sed industria, sagacitas, iudicii perspicacia, & assiduitas optimum sunt, & præsentissimum remedium. *Videatur dissertatio de ratione exercitiorum scholasticorum, ubi hæc copiosius tractantur.*

CAPUT XVII.

Quomodo, & quales quæstiones inutilles, ac vana declinanda.

I. **Q**uæstiones inutiles ab utilibus distinguere difficultate non caret: sæpe enim, quæ alicui inutiliter tractari videntur, alii secus obversantur; eoquod non æque omnia ab omnibus momenta expendi semper valeant, aut humana sapientia pervadi. **MABIL-**

Regulæ ad evitandas quæstiones inutiles.

LONIUS (a) suo de studiis monasticis tractatu tres nobis insignes hanc in rem canones statuit. Ad quos si materias suas expenderit theologus, puto fore, ut multæ scholasticæ tricæ refecentur, atque perenni obruantur silentio (quæ passim otiolissima occupatione ventilantur) earum vero loco res theologia dignæ tractentur, quæ nimirum scripturæ sacræ, aut traditionis, historiæ ecclesiasticæ, ac doctrinæ christianæ notitiam juvare, vel fidelibus pietatis semina instillare possunt.

Eæ quæstiones o-
mittendæ
quæ nullo
pietatis &
morum
profectu
discuntur.

II. Primo autem loco eæ quæstiones sunt declinandæ, quæ pietati possent quoquo modo adversari. *Nisi ipsa fortasse aliquando pietas a nobis postulet*, ut Jo. MALDONATI (b) verbis utar, *ut cum aliquo suo periculo minore a majore periculo liberemus. Quapropter nolim equidem eas quæstiones in theologicis scholis unquam audiri, an corpus CHRISTI potuerit esse in Eucharistia ante Incarnationem eodem modo, quo nunc est; an Filius DEI fieri potuerit fœmina, an potuerit assumere naturam, nescio quam, quam pudet me sane nominare: deinde rebus aut inuti-*

(a) P. II. c. 7.

(b) Apud LAUNOJUM de varia ARIST. fortuna. c. 12.

inutilibus, aut alienis, aut ridiculis abstinendum esse censeo. Profecto præcipua theologi cura sit oportet, ut eæ omnes profanæ & falsæ opiniones proscriptæ, nec in hominum animos unquam veniant, quæ lascivienti hominum indoli libidinique indulgent.

III. Quæstiones etiam curiosæ ar- Quæstio-
nes curio-
sæ, a captu
nimium
remotæ
cavendæ.
cendæ a theologia sunt. Quæ regula
rum in ipso materialium selectu atten-
denda est, cum etiam in modo & ra-
tione disquisitionum theologicarum ob-
servanda; ne nimirum in communibus
etiam controversiis simus in inquirendo
nimii, ut propositæ quæstionis omnes
oras sinus & recessus, peragraré fatage-
mus. (a) Ad hunc censum pertinent
etiam quæstiones nimium ab intelligen-
tiâ & captu nostro remotæ atque subli-
mes. A S. CYRILLO *Alexandr.* ejusmo-
di de rebus omnino imperviis quæstio-
nes damnatas alibi notavimus: stultissi-
mum

- (a) Habet enim, *sunt verba Dion. PETAVII*
Proleg. theol. c. 5. n. 7. infinita illa curiositas
tum ingratam ac fastidii plenam operam; tum
jacturam rei omnium pretiosissimæ, temporis,
quod utilius in rebus aliis, hac impensâ di-
gnioribus occupari potuit; tum male apud
homines audit eo nomine plerumque theolo-
gia, & in eorum sermones ac reprehensiones
non prorsus negligendas incidit.

mum is est rarus, ea examini subji-
 cere, quæ mentem nostram transcendunt,
 ac conari intelligere, quæ percipi ne-
 queunt. Quamvis sæpe contingat, nos
 ab adversariis ad hujusmodi lites con-
 stringi: contra quos in arenam descen-
 dere oportet, ut eorum superbia fran-
 gatur, & errores confutentur, quos cu-
 riose contra pietatem & fidem solent
 progignere. Hujus consilii multa no-
 bis in sanctis patribus exempla suppe-
 tunt: ac imprimis contra Eunomianos,
 qui sibi divinitatis doctrinam haud mi-
 norem quam sui ipsorum arrogabant:
 contra quos linguam & calamos strin-
 xerunt inter alios S. CHRYSOSTOMUS
 pluribus in homiliis, ac ille theologus
 κατ' ἐξοχήν. S. GREGORIUS Nazianze-
 nus (a) eo loco præprimis quo disquirat
 de quibus sit disputandum, & quatenus?
*De his solum, inquit, ad quæ humani in-
 genii acies pertingere potest, & quatenus
 conditio auditoris & facultas quiverit asse-
 qui: ne ut intentior vox auribus, ut ali-
 mentum inmodicum corpori, ut onera pau-
 lo graviora subeuntibus, ut denique terra
 crebriores pluvie nocent, ita sane & auditores
 quæstionibus altioribus & quasi solidioribus
 degravati, pressique, damni aliquid acci-
 piant.*

IV. Ut

(a) Orat. I. de Theol.

IV. Ut scopuli etiam vitandæ sunt ^{Quales} quæcunque quæstiones, quæ ad finem ^{quæstio-} theologiæ præstitutum, quæ est erudi- ^{nes tan-} tio, & salus nostra, nihil conducunt. ^{quam su-} Optat CANUS (a), theologiæ candi- ^{perfluæ} dato talem præceptorem, doctoremque ^{rejicien-} obtingere, qui satis in hac re sagax sit ^{dæ.} & cautus: *Præclare autem cum eo agetur;* ait, *cui præceptor contigerit, & eruditus* *& pius: qui cum certa ab incertis separet,* *tum vanis quæstionibus declinatis, utiles &* *necessarias seligat, doceatque discipulos esse* *quandam doctam ignorantiam, sapientius-* *que esse, quædam nescire, quam scire. Qua-* *re nemo sibi dedecori esse putet, in ejus-* *modi rebus ignorantiam suam confiteri:* *si quando a stultis harum rerum amato-* *ribus ejusmodi aliqua proponantur ac ex-* *citentur dubia. Modum agendi cum tali* *homine nobis S. AUGUSTINUS (b) præscri-* *bit, maxime, qui de verbis contentiosas* *lites movet. Quisquis, inquit, id faciat, si* *imperitia facit, docendum esse, si malitia,* *deserendum. Si doceri non potest, monen-* *dum, ut aliquid aliud potius agat, quam* *tempus in superfluis, operamque consu-* *mat: si non obtemperat, negligendum. MA-* *BILLONIUS suo de studiis monasticis* *tractatu huc revocavit quæstiones de* *quo-*

(a) Lib. IX. c. 7. de loc. theol.

(b) Lib. III. contra Acad. c. 13.

quomodo, sed id male habuit correctores Romanos, ut refert auctor historiae diffidii litterarii circa studia monastica. Mihi vero dubium non est; quin sapientissimus, ac modestissimus vir cum eo moderamine sumenda haec voluerit, quo a sanctis Patribus, quorum auctoritate nititur, sunt dicta. Non ut nihil ejusmodi disquiratur, sed ne quid nimis. Ut enim opportune prorsus ad rem loquitur auctor confutationis quarundam propositionum inter opera D. ATHANASII, sive sit M. MERCATOR, sive THEODORETUS, sive MAXIMUS:

(a) *Hoc ex scriptura discimus, ut sciamus, querenda quaedam esse, ut quae apprehendi possint. Ut enim audacter omnia perscrutari pium non est, ita omnium prorsus inquisitionem negligere, non est sanctum. Quid porro adoremus, nosse omnes oportet, secundum id quod scriptum est: Nos adoramus, quod scimus. Querere autem, quantum, qualiter, quomodo, ubi, insipientium est. Egregia sunt quae Lud. El. DU-PINUS de quaestionibus ejusmodi in sua methodo studii theologici recte instituendi capite tertio inter alias tradit: Notandum, inquit, insuper est, quaestiones τῆ quomodo dari, quae usum aliquem praebeant, & per principia sacrae scri-*

(a) Inter opera ATHAN. T. II. p. 563. C. D.

scripturae sive traditionis decidi possint. Has nullo modo inter inutiles, atque ex sana theologia exterminandas referimus, sed eas tantummodo rejicimus, quæ neque in sacra scriptura, neque in traditione, ut decidi possent, fundamentum habent, hasque ob idipsum ne quidem sub nomine quæstionum theologicarum venire debere dicimus; huc omnes quæstiones de mera possibilitate pertinent e. g. an Spiritus sanctus a Filio non procederet, si non esset persona a Filio distincta.

V. Non itaque omnia, quæ morosis quibusdam cavillatoribus in theologia displicent, sunt exterminanda. Exercitationis gratia quæstiones etiam quandoque non omnino necessariae sunt ventilandæ: quod a sanctis Patribus factum esse comperimus, etiam a S. AUGUSTINO. Attamen non habent patroni scholasticarum quæstionum, cur in exemplo illo S. AUGUSTINI triumphent, qui in libris de civitate DEI quæstionem illam operose disceptat; an DEO nomen *Dominus* ante creationem & ab æterno jam competierit: attendere debuissent ad præceptum, quod dedit, theologis in similibus controversiis sedulo animadvertendum. *Redeo igitur,*
inquit,

Quæ quæstiones non necessariae exercitii causa tractandæ & quousque.

- a (a) inquit, *ad id quod creator noster scire nos voluit, illa vero quæ vel sapientioribus in hac vita scire permisit, vel omnino perfectis in alia vita scienda permisit, ultra vires meas esse profiteor. Sed ideo putavi sine affirmatione tractanda, ut qui hæc legunt, videant a quibus questionum periculis debeant temperare: nec ad omnia se idoneos arbitrentur, potiusque intelligant, quam sit apostolo obtemperandum præcipienti salubriter, ubi ait: Dico autem per gratiam, quæ data est omnibus, qui sunt in vobis, non plus sapere, sed sapere ad temperantiam: sicut unicuique DEUS partitus est mensuram fidei.*

CAPUT XVIII.

Quomodo cavendum, ne nimium rationis usum in theologia admittamus.

Ratio nostra corrupta cæcutit in naturalibus, ac magis in supernaturalibus. I. **E**st intellectus nostri non tantum magna imbecillitas, verum etiam malignitas, crassa ignorantia, ac temeraria petulantia post lapsum, & depravationem originalem. Ei quidem gratia regenerationis medetur, ut tamen reluctetur sæpe, & ad antiquum redeat ingenium refragaria ratio per in-hæren-

(a) S. AUG. Lib. XII. c. 15. De civit. D 21,

herentem sibi pervicaciam, & ignorantiam. Quæ cum tanta sit etiam in naturalibus, ut multum in illis cæcutiat, quomodo in divinis, ac supernaturalibus satis oculata, ac perspicax esse queat? Quotidiana nos docet experientia, homines in diversissimas de iisdem rebus abire sententias; ut adeo nihil rati, firmi, ac certi sperari queat, ubi perpetuæ existunt dissensiones; ubi pro diversa apprehensione, & capacitate aliter ac aliter statuitur. Quomodo ergo lumen ratio inferre mysteriis poterit? Cum maxime in divinis, ac spiritualibus sit vanitati, erroribus ac tenebris implicata, ut si se rebus ejusmodi ingerat, potius ea obscurari contingat.

II. Id enim theologus præ oculis Auctorita-
semper habeat, in ea se versari discipli- teque non
na, cujus principia ultra, & supra ratio- ratione ni-
nem se efferant. Ipsa autem sana ratio, ti theolo-
& recta logica docet, unamquamque giam no-
scientiam propriis, non alienis principiis verimus,
niti debere & probari; ut adeo is theo-
logus verus non habeatur, qui neglectis
propriis principiis omnium præstantissi-
mis, fallibili corruptæ, depravatæque
basi molem ædificii theologicæ super-
struere cogitat. Nihil opus est, pluri-
bus ista inculcare, huc enim omnis no-
K ster

ster istic susceptus collimat labor. Deprehendisse videmur, omnem corruptæ theologiæ causam in hoc esse rejiciendam, quod multi potius rationis suæ commenta venditarint, quam documenta, monumentaque ecclesiastica. Idemdem occasio se obtulit ista monendi, eorum cohortationes, clamoresque afferendi in medium, qui longe majore suada, energia, & auctoritate hoc efficere potuerunt. Utinam, quibus hæ factæ sunt commonitiones, iis se obsequentes præstitissent, & saltem summos in terris arbitros audiissent Romanos pontifices, qui nunquam non hunc præposterum usum rationis damnarunt, eumque, cum primum invalescere cœpit, sublatum voluerunt. *Magistri vero, ex illis GREGORIUS IX. ad academiam Parisiensem scribit, & scholares theologiæ in facultate, quam profitentur, se studeant laudabiliter exercere, nec se philosophos ostentent, sed satagant fieri theodidacti &c.*

Qualia
principia
rationis
usum in
theologia
habeant.

III. Quando autem contingit, nos principiis theologiæ propriis ac revelatis jungere rationis principia, ea sic sint comparata, ut de illorum firmitate non oriatur lis. Hoc dum non observatur, ex theologicis philosophicæ evadunt disquisitiones. Quod accidit omnibus illis
scho-

scholasticis disceptationibus, in quibus abusum rationis committi cernimus. Si enim rationes, quæ in argumentis ad probandas conclusiones theologicas adhibentur, necessariae non sint, erunt aut probabiles tantum, & contingentes, aut sophisticæ. Neque vero decet theologicam majestatem in talibus occupari, hærereque, neglectis suis rebus. Quod si enim rationes illæ non sint firmæ, aut adversarium nanciscuntur, qui eas neget, aut alia indigebunt probatione. Quo casu jam amplius in theologica materia disquisitio non erit, sed de re naturali disceptabitur, eaque tali, quæ prout sunt diversissimæ ac adversæ hominum opiniones, nihil certi habebit; sicque circumferemur omni vento doctrinæ. Pro principiis ergo rationis ea solum sunt adhibenda, de quibus apud omnes, quibus sanum est sinciput, convenitur: quæque numerantur inter axiomata & veritates omnium, aut minime suspectorum hominum consensu probatas, atque sese ipsas per sui evidentiam & perspicuam veritatis lucem probant. Caveamus vero, ne neglecta veritate opiniones consectemur: quod contingeret, si rationibus probabilibus solum, & contingentibus fidamus, nosque atque theologiam concredamus no-

stram. Non sumus igitur in tam sacra scientia opinatores, qui ad nullam pervenire queant firmam ac constantem scientiam. Opinionibus meris imbuti facile a vero abimus, discedimusque, dum quivis opinione sua se veritatem tenere sibi persuadet.

Non in
omnibus
mysteriis,
ac dogma-
tis ratio
æqualem
usum præ-
stat.

IV. Inter ipsa autem doctrinæ theologicæ capita hic quædam intercedit distinctio dogmatum: sunt, de quibus nobis non tantum per fidem constat, sed etiam per rationem: e. c. DEI tum existentia, tum insignes ejus proprietates, creatio, & administratio mundi, humanarumque rerum, & alia, quæ adæque etiam probationes ex fonte rationis hausas admittunt. Deinde inter quæstiones illas, de quibus nobis ex fide constat, est itidem aliquod discrimen. Sunt quæ præcise divinæ veritates existunt, atque ejusmodi propositiones, quæ totæ ex terminis theologicis consent. Aliæ mixtæ sunt ex termino revelato, & altero naturali: ut hinc dum prior terminus a fide cognoscitur, alter a lumine tamen rationis explicandus veniat. Inter mysteria etiam alia ita sunt a ratione humana, captuque remota, ut frustra acies mentis ad ea se offerat, in quibus non multum sunt defati-

fatiganda ingenia. Alia non ita sunt remota, ut non scintillæ quædam rationi etiam affulgeant. Ad prius genus referri possunt mysterium Trinitatis, Incarnationis, incomprehensibilium DEI iudiciorum. In secunda classe locantur quæstiones pleræque ex mixtis: scilicet quæ notionibus partim naturalibus, partim supernaturalibus constant: in quibus ut notiones quæque ex sua sphaera repetantur, nihil impedit, modo cum fide non pugnent naturales notiones.

V. Hoc enim in omni rationis usu est attendendum, ut ratio componatur ad præscriptum fidei, nec alia conditione in consortium fidei admittatur, quam ad confirmandum fidei dominatum; cuius non socia, particepsque, sed adiutrix tantum, & famula est, ut recte H U E T I U S (a) sciscit, atque concordiam

Ratio semper componenda ad præscriptum fidei.

K 3. fidem

(a) Esto, *inquit Alnet. quæst. L. I. c. 6.* adiutrix, ut voles, vel etiam defenstrix fidei ratio, auctor non sit: ancilla sit, administra sit, domina non sit: sit instrumentum fidei, non causa credendi: præstet motivum credibilitatis; non objectum formale fidei: suadeat suscipi fidem; non jubeat: præcedat fidem; non introducat: incedentem comitetur; non nutantem sustineat: præeuntem sequatur; non regat: vela faciat, rudentes torqueat, stet vel in prora, vel in puppi; clavum non teneat.

fidem inter & rationem paciscitur. Ac recte is docet, quando etiam accidit, ut ratio penitus obmutescat, nullamque omnino lucem mysteriis foeneretur, integritati fidei nihil inde decedere debere; ut nihil de splendore suo deperdit sol, si ad eum lucerna non adhibeatur. Quidquid homini ad credendum proposuit DEUS, id credi iussit non propterea, quod esset rationi consentaneum, sed quod a se, qui prima veritas est, revelatum id sit, & ad credendum propositum. Sed de his omnibus in alia tractatione pluribus agendum differimus, quatenus spectant ad rite in theologia argumentandum, disputandumque.

C A P U T XIX.

De recto dialectices usu in theologia.

Theologia I. necessario usum dialectices requirit.

Quod olim PLATONIS scholæ affixum, ne quis ἀγανμέτρῃ⁹ ingrederetur, id hodie ad theologiam accedenti fixum esse debet, ne sit ἀδιαλεκτικός. Fides consistere potest, ac salva esse, neutiquam theologia sine logicis usu. Quærit D. THOMAS P. I. q. I. a. 8. an theologica disciplina sit argumenta-

mentativa? & respondet: *Licet sacra doctrina, sicut alia scientia, ad sua principia probanda non argumentatur; contra negantes tamen procedit illa, vel ex concessis illos redarguendo, vel eorum apparentes rationes dissolvendo, ex principiis tamen ad conclusiones argumentatur. Item: Hac doctrina non argumentatur ad sua principia probanda, quæ sunt articuli fidei; sed ex illis procedit ad aliquid ostendendum, sicut apostolus 1. Cor. XV. ex resurrectione CHRISTI argumentatur ad resurrectionem communem probandam.*

II. Hoc modo patet, quomodo, dum etiam usus logicæ in theologia conceditur, neutiquam tamen rationi iudicium committi videatur de mysteriis fidei. Est theologia in se spectata supra omnem scientiam humanam: habet etiam principium suum singulare & unicum, in quod rationi humanæ iudicium competere nequit. Tractat de rebus multo sublimioribus, quam ut logica de illis arbitrari queat. Nihilominus debet illa opportune hanc ceu ancillam, quidquid hodie demum philosophi obstrepant, cum e re sua sit, in ministerium advocare; sed ancilla nec affectare dominium, nec de quæstionibus theologicis iudicare ausit. Has leges periti logicæ præscri-

bunt in sacrarium theologicum aditum
molienti.

Moderatione opus
est in usu
logicæ.

III. Moderatione hîc summa opus, ne
iis irretiamur laqueis, atque in scopulos
impingamus, a quibus sibi non satis ca-
visse multos, superius indicavimus. Non
solum mihi de illis est sermo, qui hujus
artis perverso usu in barathrum erro-
rum inciderunt, ut hinc jam olim LO-
GICUS patriarcha hæreticorum sit no-
minatus a TERTULLIANO, semperque
hæretici dialecticis versutiis, & sophisti-
ca arte usi sint, ad evertendam veram
catholicam doctrinam, & circumvenien-
dos simplices. Solum mihi sermo est
de dialecticis contentionibus, & subti-
lium disputationum tricis & ambagibus,
a quibus multi orthodoxi theologi non
satis immunes se præstiterunt: ut ca-
lumniandi locus sit datus, foedatam esse
theologiam, atque pristina gravitate, &
majestate amissa in sophisticam degene-
rasse versutiam. Illud GELLIANUM (a)
non solum cuivis pro canone, sed etiam
pro deplorandæ experientiæ documen-
to servire potest. *Huic studio, inquit l.*
16. c. 8. si modum non feceris, periculum
non mediocre erit, ne ut plerique alii, tu
quo-

(a) Adversus eos, qui dicunt ita accipiendam
&c. Confut. P. IX. T. II. p. 571. B.

quoque in illis dialectica gyris, atque meandris, tanquam apud sirenios scopulos, confenesces.

IV. Duo hic adversi scopuli vitandi sunt, cum utrinque homines in eos impegisse cernamus. Primum genus eorum est, contra quos auctor inter opera ATHANASII agit, qui, inquit ille, *omnia, quæ ad homines attinent, evertere contenderent, ac satagerent, ut homines non ultra rationales essent.* Qui scilicet omnino nihil disquisitioni dabant. Alter eorum est scopulus, qui nihil in theologia transigendum putant, sine ratiociniorum, ac syllogismorum nodis. Multam partem eruditionis theologicæ conficit simplex & plana doctrinæ enarratio. Quare recte is mihi usum logicæ in theologia constituisse videtur, qui non solum AJACES aut ACHILLES cum verbi divini catapaktis, sed NESTORES etiam adjungendos, addendosque ULYSSES est ratus, ut non tantum ferro spiritus vincamus hostes, sed & ingenio, quod suis suadere solebat PERICLES: ACHILLIS arma non AJAX, sed ULYSSES reportavit; de quo Poeta: *Fortisque viri tulit arma disertus.* Optimam hic regulam GREGORIUS Naz. tradit

Extrema
vitanda in
usu logi-
ces.

K 5

orat.

orat. de modestia in disput. *Non omnibus, nec semper, nec omnia de DEO philosophari conceditur, sed est, quibus, & quando, & quantum.*

Disputationibus non indulgendum prima artium sumuntur principia.

V. Præsertim in accessoriis non tam acriter disceptandum: nec etiam disputationibus ante nos ingerere debemus, quam principia probe intellexerimus, antequam fundamenta veræ sanæque theologiæ posuerimus. Quare mihi semper visum, si etiam scholasticæ velitationes utiles forent, & proficiuæ, tamen oneranda illis non esse tironum ingenia, nec iis dicandum illud tempus, quo prima artis principia hauriuntur, tradunturque.

Nec omnia in vellemus decidere.

VI. Nec omnia intelligentia nostra pervadere velle debemus, atque de omnibus non solum sententiam dicere, & tota arte logica, omnique ingenii contentione defendere. Quare eruditissimis quibusdam nominatim illust. HURTIO præ ceteris philosophorum disciplinæ christianismo convenire visæ sunt, quæ assensiones animi cohibendas esse decernunt, utique illis tantum in rebus, quibus ea nihil infidelitatis, incredulitatisque maculæ inurit. Fateor tamen doctissimum virum hic ultra limites

mites prolapsus in opere posthumo de imbecillitate intellectus humani. In hanc rem est insignis AUGUSTINI (a) doctrina eo ipso in loco, quo contra academicos agit: *accipiendum inde, inquit, quod intelligitur; quod explicari non potest, relinquendum. Si autem modus in aliquibus rebus latet penitus homini, scientiam ejus non esse quærendam.*

VII. Plures eo loci sanctus Pater dat insignes præceptiones, quæ se dialecticæ debere, ne ingratus videatur, scribit. Et sane magnus & multiplex ejus est in theologia usus, ad ipsum etiam eruendum scripturæ sensum, tum ad aptas rerum definitiones, divisionesque, præsertim vero argumentationes tum nostras rite instruendas, tum dissolvendas adversariorum strophas, technasque feliciter detegendas. *Accedens, inquit CLEMENS Alexandr. (b) Græca philosophia, non veritatem facit potentior, sed debilem adversus eam facit sophisticam argumentationem, & propulsat dolosas adversus veritatem insidias.* Tantum vero abest, ut ea confusionem theologiæ cum philosophia faciat, ut potius præcepta det & consilia ad evitandam hanc mix-

(a) Lib. III. c. 13. contra Acad.

(b) Lib. I. Stromat.

tionem. Rationi etiam humanæ limites ponit, ne ultra principia theologia se efferat. Discretionem item principiorum rationis veræ, & falsæ ostendit; atque docet rationi arbitrium contra fidei fundamenta ineptissime tribui.

CAPUT XX.

De recto philosophiæ usu in theologia.

Est philosophiæ usus in theologia.

I. **M**agnis semper animorum, & opinionum diversitatibus decertatum fuit in christiano orbe, an aliquis in theologia debuerit esse philosophiæ usus. Cum hæreses inde a prima christianismi origine, plurimum ex philosophandi libidine enatæ sint, sancti Patres eloquentiæ suæ vires contra philosophiam omnes exeruerunt. Sed nihilominus illi ipsi in his ipsis errorum monstris debellandis philosophiæ arma adhibuerunt. VALENTINUM JUSTINUM, & IRENÆUM, MARCIONEM TERTULLIANUM, alii alios errores propriis confecerunt armis, ac summi quique doctores christiani, CLEMENS *Al.* EPIPHANIUS, CHRYSOSTOMUS, AUGUSTINUS, Jo. DAMASCENUS philosophiæ periti fuerunt. Neque enim veri-

veritates philosophicas adversari divinis, quamvis immensum excederent, sibi in animum induxerunt, sicut deinceps ad nostra usque tempora persuadere hominibus multi allaborarunt. Hanc opinionem multi viri docti nostro ævo disceptarunt tam ex catholicis, quam etiam Protestantibus: fueruntque insignes in re litteraria viri, qui causam philosophiæ in usu theologico defenderunt. Et ex sanctis Patribus etiam multi id præstiterunt: ex antiquioribus, præsertim S. CLEMENS *Alexandr.* Qui tamen necessarias semper addunt cautiones, ne divinis & præstantioribus neglectis, humanis mereque philosophicis contemplationibus indulgeatur. Quod idem faciendum fuit ab illis, qui posterioribus nostris temporibus hoc argumentum tractarunt, quando a scholasticis tantus in hac re excessus est commissus. *In quibus, utor verbis Jo. GERSON epist. ad studentes collegii Navarræ, hoc unum minus placet, quod pure physicalia, aut metaphysicalia, aut quod amplius pudet, logicalia sub terminis theologicis involuta miscuerunt.* Quod sane est confusionem artium & disciplinarum inducere, & majestatem sublimitatemque divinæ theologiæ ad exilitatem naturæ deprimere. Quare acuti quidam opas-

optassent, ut nunquam mysteria religionis notionibus philosophicis implicata fuissent, negaruntque justam fuisse causam, receptis cœlo apostolis; ut qui postea vixerunt christiani doctores philosophiam in theologiam inferrent: quod minime fecerint scriptores sacri, primi doctrinæ christianæ præcones, qui nobis purum, defœcatumque DEI verbum dispensarint. Legi etiam meretur DU-PINII caput tertium methodi recte instituendi studium theologicum.

Caute tamen illa utamur.

II. Neque aliter fieri potuit, ut ne inter tam varia hominum studia dogmata christiana & revelata conceptibus humanis, eorum præsertim, qui sapientiæ studium profiterentur, involverentur: quod si etiam orthodoxorum voluntas tulisset, per hæreticos tamen non licuisset, qui deinde catholicis doctoribus necessitatem imposuerunt, saltem refutandi causa nosse, ac usurpare easdem notiones, & illis respondentes terminos. Nec ipsa etiam ecclesia in suis oraculis & decisionibus facile semper potuit ab his abstinere, dum contra hæreses dogmata catholica definienda fuerunt. Solum itaque superest, ut parce & caute nobis in theologia philosophandum

dum esse putemus, modumque ac limites præfigamus, illius sententiæ apostoli memores (a) *Videte, ne quis vos decipiat per philosophiam, & inanem fallaciam, secundum traditionem hominum, secundum elementa mundi, & non secundum CHRISTUM.* Memores item corruptæ simus naturæ, ignorantiae & cæcitatis nostræ, non in divinis tantum, verum etiam humanis rebus: ut hinc etiam de philosophia, quocunque sapientiæ excelsæ nomine se jactet, in hac imbecillitate non sit sperandum, ut ac semper veritatem tangat, & nunquam vitium innatæ depravationis experiatur.

III. Sæpe ratio decipiet, & idcirco illud apud nos prudens efficiet judicium, ut non admodum illius confidamus dictatis, ac principiis. Quæ si quo modo connexa sint cum veritatibus divinis, ad harum normam, decreta accommodanda sunt, quidquid obmurmuret ratio, quidquid sapientia hujus sæculi contra molitur, ac philosophi hujus mundi contra dicant. Quo enim superior theologia, eo minus philosophia in illam arbitrium arroget, eoque parcius se negotiis ejus misceat. Neque unquam sibi pronuntiandum de mysteriis ducet: nec sua argu-

Eam accommodare dogmatis debemus non magisterium, illi concedere.

(a) Coloss. II. 8.

gumenta, ut propria sed extranea iudicabit, ab illisque adhibendis aut omnino abstinebit, aut *ἐκ περιστάσεως* solum addet, ut consensus luminis gratiæ cum natura appareat. Et ita quidem se geret quisque, quo plus divinæ gratiæ lumen de cæcitate naturali abstulerit; nihil enim sanæ rationi congruentius, quam superiora se non judicare.

Notiones
e philoso-
phia ne-
cessarias
habet
theologus.

IV. Quando autem ita comparatum est cum theologia, ut magnum numerum notionum philosophicarum sibi dicarit, illas inde repetere e re erit. (a)
Exem-

(a) An verò contra Sabellianos, inquit *Petravius Proleg. dogm. theol. c. 5.* & Arianos, & hujusmodi Trinitatis hostes catholica propugnari potuit doctrina sine limata & exquisita quarundam rerum notitia, velut quid natura sit, quid hypostasis, persona, essentia, relatio, ac reliqua similia? Quis *Apollinarem*, *Nestorium*, & *Eutychen*, ac multiplicem illius sectæ hydram perdomare posset, nisi iisdem in disputationibus probe, luculenterque versatus? Ecce postea Græci homines, in *Aristotelis* palæstra multum exercitati de personarum divinarum processione litigare cœperunt, ut Spiritum sanctum solo ex Patre ortum esse dicerent. Nonne de principii unitate, quod eorum præcipuum est firmamentum, quæri a nobis, ac disputari debuit, si illis repugnare vellemus.

Exempla complura adferri possent, cum sit prope innumerabilis copia harum notionum, quibus maxima etiam religionis nostræ mysteria & capita doctrinæ christianæ singula tanquam in axe quodam vergunt, ut adeo exquisitè & distinctè de his rebus differere ac *θεολογεῖν* vix liceat, nisi accuratam omnium eorum terminorum notitiam habeas, quos theologia ex philosophia assumit, qui proin ex philosophia explicari, & intelligi debent. Dummodo philosophia non nimium sibi hic arroget, & res naturæ ignotas, aut certe valde sublimes & obscuras facile explicandasumat. Quandoquidem magna est naturalium rerum pars, quarum essentias parum notas habeamus, nedum divina penetremus.

V. Atqui hoc ipsum id est, quod difficultatem maximam ingerit in illis etiam dogmatis explicandis, assensuque, quæ duplici termino naturali, & supernaturali constant: ut enim nihil dicam de termino supernaturali, si nec de naturali inter disputantes conveniat, imo si plerasque rerum intimas naturas, & essentias ignoremus, quomodo de his judicabimus, si præter obscuritatem naturalem accedat sublimitas mysterii? Res pater vel in uno Eucharistiæ sacra-

Usus philosophiæ, quando dogmati accedit terminus unus naturalis.

L

men-

mento ex contentionibus, quæ non solum Catholicos cum Protestantibus, verum etiam Protestantes inter se disciderunt, in varias opiniones factionesque. Petit natura judicium de corpore, Calvinistæ hinc etiam de corpore CHRISTI judicium sumunt, Lutherani negant, Catholici arcem veritatis tuentes, nec rem contra naturam credunt, nec supra naturam inquirunt, & quantum licet, dogmate de transubstantiatione explicant. Sed tamen nec in istis licet theologum philosophiæ esse rudem, ut sciat ea, quæ adversarii argumenta afferunt, solvere & confutare, quod minus promptum ei erit præstare, qui in philosophicis disciplinis non fuerit exercitatus. Maxime autem hoc opus est, quando contradictionem in mysteriis urgent, ac conantur fidem cum ratione committere, ac si invicem contrariantur, cujus insimulationis falsitas semper ostendi potest: ad id vero opus est philosophia.

Multiplex
philosophiæ
usus
in theologia.

VI. Universim autem existit usus philosophiæ in theologia non unus. *Philosophia*, inquit MABILLONIUS (a) *inspecta rei veritate, plurimum valet, nedum ad ratiocinandum, ac judicandum, verum & ad rerum universales ideas habendas, mora-*

(a) Tract. de stud. mon. P. II. c. 9.

moralem facultatem addiscendam, & ad fidem orthodoxam propugnandam adversus paralogismos, & captiosas sophistarum argumentationes. PETAVIUS theologus summus, quique si unus, rectam tradendi theologiā rationem iniit, triplicem philosophiæ in theologia usum nobis exponit, vel ad ornandam, vel ad tuendam, vel ad formandam divinarum rerum scientiam. Neque licet dubitare theologiā ex complexione omnium doctrinarum, quarum maxima pars ambitu philosophiæ continetur, novum accepisse ornatum, validumque præsidium ad retundendos hæreticos, & exarmandos omnes fidei, & sanæ doctrinæ hostes.

VII. Maxime autem usui est in theologia scholastica, quæ potissimum philosophiam in consortium adscivit, quæ de re sciscit JOANNES *Dun Scotus* (a): *Magistros scholarum philosophiam cum theologia maximo cum fructu miscuisse.* Quidquid sit, post hanc consociationem non modo utilem, sed etiam necessariam esse philosophiam theologiæ constat: imo hoc dici potest de omni illo tempore, ex quo theologia a philosophis tractata, cujus rei primordia a primis ecclesiæ sæ-

Nunc maxime necessarius.

a

L 2

culis

(a) Lib. III. sentent. dist. 24. q. 1.

culis est repetenda. Et ut usui philosophiæ in theologia adhuc amplius fa-
 veamus, dicere possumus, magnis vi-
 ris, ac imprimis AUGUSTINO, aucto-
 ribus, ad sacrae scripturae intelligentiam
 plenam, & perfectam necessarium esse
 philosophiæ studium. Quamvis enim
 hæc necessitas tanta non sit, nec etiam
 usus, quam nunc est, ex quo tempore
 omnes theologorum ordines, quotquot
 aut olim aut nunc sunt per christianum
 orbem sparsi, in id summo consensu
 conspirarunt, ut philosophica theologi-
 cis substernerent: ut adeo, plane sine
 alis, quod dici solet, volare instituat,
 qui sine philosophiæ subsidio theologo-
 rum tractatus se intellecturum confidit.
 Ipsa scriptura sine omni humana additio-
 ne multarum rerum notitiam includit,
 quæ ex philosophia peti debeat. Quare
 D. AUGUSTINI (a) hic monitum sequi
 debemus: *Qui, ait, philosophi vocantur,
 si qua vera & fidei accommoda dixerunt,
 ab eis tanquam ab injustis possessoribus in
 usum nostrum vindicanda sunt.*

Quænam
 singula-
 rum par-
 tium phi-
 losophiæ
 sit utili-
 tas?

VIII. Quamvis vero omnes philo-
 sophiæ partes usum in theologia etiam
 sanissima, & tota in explicando, asse-
 rendo, illustrandoque verbo divino oc-
 cupata, utilitatemque præstent, non
 æque

(a) Lib. II. de doct. christ. c. 39.

æque tamen omnes necessariae sunt. De dialectica mentem nostram superius jam exposuimus, & plura dicemus *de ratione exercitiorum scholasticorum*: quæ ad omnem theologicam disquisitionem adhibetur. Ipsæ etiam scripturæ sacræ, cum ubique ratiocinia includant, logicam requirunt. Nec alias disciplinas philosophicas, quæ vel res vel mores tractant, respuit. In moralibus enim patebit doctrinam christianam principiis juris naturalis in omnibus convenire, & veræ rectæque rationis dictaminibus optime congruere. Quod physicam spectat, verum quidem est, naturam mysteriorum plerumque supra naturam nostram se extollere. Alia in cœlestibus rerum facies, alia & inexplicabilis incolarum ratio; atque ejusmodi etiam principia rerum, in quorum cognitione assequenda physica nostra parum proficit; & plerumque disputationes, quæ de his rebus in scholis vigent, potius philosophicæ sunt dicendæ, quam theologicæ. Cum enim volunt rerum cœlestium comparationes, & paradigmata in terrenis quærere, atque id aliunde, quam in verbo DEI quærunt, accidit, ut de cœlestibus terreno & naturali, hoc est philosophico modo, conjiciant. Nihil tamen vetat, quo minus theologus quan-

doque a rebus corporeis ad incorporeas, a natura ad auctorem naturæ contemplatione ascendere possit, sed hic summa moderatione opus est. Illustrationis, & explicationis causa major est usus physices tum in scripturis ac omni theologia. Quamvis scriptura se in his rebus potius opinionibus vulgaribus quandoque accommodasse videatur, quam naturæ penitiora arcana refferasse.

Præsertim
metaphy-
sica.

IX. De metaphysica nihil est fere, quod addam. Theologia inde potissimum notiones suas haurit, de quarum usu jam diximus. Illud solum adhuc notandum, primos religionis nostræ fontes, primosque præcones conceptus hujusmodi non sibi usurpandos duxisse. Non reperias apud eos metaphysicas finitiones rerum, non ratas de substantia accidente, natura, hypostasi &c. sententias. Imo nec fides popularis, quæ tamen idcirco minus pura non est, hæc habet, ut adeo pateat ad ipsam eorum etiam dogmatum medullam, & essentiam non spectare has technicas voces, quæ maxime sunt ejusmodi vocibus implicata. Quare si quando contingeret illis mysteria evolvi, aut si cum iis res sit, qui his conceptibus assueti non sint, sine illis ipsa doctrina tradi queat. Et sane consul-
tum

tum fit, quantum licet omnia nativis depingere coloribus, eoque potius uti sermone, quo usi sunt, qui organa, & instrumenta Spiritus S. fuerunt, quam philosophorum & sapientum hujus sæculi: cum vera μεταφυσικά sint ipsa ad nos divinitus delata, naturam omnem excedentia, arcana verba.

CAPUT XXI.

Quomodo reliqua scholasticæ vitia recto theologiæ studio corrigenda.

I. **V**ia ac ratio illud scholasticorum πολυμαθίας theologiae vitium emendandi, quod neglectu artium, & eruditionis ad theologum formandum necessario committunt, hæc est, ut theologi πολυμαθίας rationem habeant, siue qua hodie cum primis in nulla scientia se doctorem quis exhibere valet, maxime in theologiæ amplissimo campo. Juvabit in hanc rem institutionibus litterariis studii theologici operam sedulo dare. Ex ea non solum de subsidiis necessariis ad perfectum theologum edoceberis; sed etiam digito demonstrabitur, unde omnem suppellectilem theologicam haurias. Observarunt eruditi superioribus

logo ratio habenda, & studii rei literariæ.

saeculis, quibus studium historiae litterariae fruguit, ut philosophi suum **ARISTOTELEM**, jurisconsulti **BARTOLUM**; ita etiam theologos ovium ritu **THOMAM** suum esse secutos: perculsa historia litteraria non solum philosophos, sed etiam jure consultos, historicos, medicos, philologos, imo & theologos factos esse eclecticicos, & ex solido eruditos.

De scientiis ad formandum theologum necessariis.

II. Quatenus ad scientiarum debite explendo theologi muneri necessarium, proficuarumque neglectum resarciendum attinet, multa jam suo loco sunt accumulate dicta. Multi etiam, qui de ratione studii theologici scripserunt, de hac re necessarias praeceptiones dederunt, ostenderuntque, ipsam poeticam, & artes mathematicas fere omnes usum in theologia habere, nec ipsa exclusa musice. Praestitit hoc inter ceteros **LAURENTIUS a Villa Vincentio**, qui *Andreae Hyperii* de recte formando studio theologiae libros expurgavit, usuique Catholicorum accommodavit. Et nos etiam, hanc rem tractavimus in apparatu ad eruditionem theologicam.

Theologi ne uni addicti magistro & syste-

III. Tandem venimus ad illud scholasticum vitium declinandum, quo uni alicui, ac soli addicti duci ceteros omnes sper-

spernunt, certo systemati mordicus inhaerent, sicque amplificandæ scientiæ omnem spem præcidunt. Hic fontium theologicorum studium omne feret momentum, de quo alias jam est dictum.

mati, augmentum theologiæ impediunt.

a

Solummodo ex CARBONE (a) scholastico sæpius citato theologum sui officii commonefaciam: *Theologica scientia*, inquit ille, *complectitur cognitionem, & intelligentiam sacrarum litterarum; deinde cognitionem dogmatum fidei, quo pertinet notitia decretorum pontificum, conciliorum, & sacrorum canonum; præterea cognitionem traditionum, rituum consuetudinumque ecclesiæ, & doctrinæ Patrum, quo ecclesiasticarum historiarum notitia reducitur; postremo cognitionem casuum conscientiæ. Verum cum pauci sint, qui hæc omnia cognoscant, pauci etiam sunt perfecti theologi.* Tum maxime autem sanctorum Patrum studium, quemadmodum a theologo fuscipiendum, & cum theologia methodica conjunctum theologum efficiat nobis edisserit. Observat volenti bonum theologum evadere, maxime expedire, versari in scholasticorum classibus, & scriptis, quæ prius audiendo, & legendo percurrenda sint, quam ad Patrum lectionem deveniatur: quorum doctrinam non satis bene is intelliget, nec ex ea

L 5.

mul-

(a) Intr. Eccl. L. I. c. 7.

multum utilitatis percipiet ; imo ni maxima cum pietate eorum libros lectitaverit , facile errabit , qui scripta systematica in quibus brevius , planius , certius , quæ sunt religioni conscriptanea , quam in ulla privato antiquo scriptore continentur , quasi pro regula non habuerit : cum systematici theologi ab omnibus , quod est veritati confinius , atque conformius , acceperint , & quod minus probabile , ac tutum , rejecerint . Et hinc est , quod multi errarint , qui res divinas cognoscere , atque tractare volentes ad Patrum lectionem statim convolarunt , & cum regulis scholasticis carerent , perperam sanctorum Patrum dicta intellexerunt . Adeundi igitur , atque audienti hi prius sunt : deinde Patres toto vitæ tempore volvendi : quod qui faciet , bonus evadet theologus .

Præcepta
quædam
ad selectum
quæstionum
& materiæ
riarum .

IV. Ex sanctis Patribus , aliisque promtuariis eruditionis & doctrinæ veræ theologicæ selectum & modum disquisitionum theologicarum repetere debemus , nec velle minutissima quæque prosequi , atque tam multa definire , quæ excutere aliquando curiositatis , aliquando etiam temeritatis sit . Sed quando nobis fontes nostri theologici nihil satis distinctum & exploratum tradunt , non debemus sen-

ten-

rentiam nostram præcipitare: potiusque sapientem ἐποχὴν amplecti. Alia etiam quæ nil nisi subtilitatem quandam spirant, & sine dispendio salutis, aut aliqua utilitate ignorantur, etiam in medio relinquamus. Neque unquam in rebus problematicis tam pervicaciter suscepta semel hæreamus opinione, ut inde nulla arte, & ratione dimoveri nos patiamur. Quæ res studia partium, & sectas in theologia generavit. Unde factum, ut necessariis relictis, in his solum studium theologicum consummaretur.

V. Quod depravationes alias, in cœtum christianum ex perverso theologiæ studio promanantes, attinet, cum paulo post dicendi occasio de illis commo- Quomodo depravationes morales cavendæ in scholastica.dis sit futura, quæ in cœtum christianum ex recto constituto theologico studio descendent, unum hoc modo commemoro, ac repeto, omnibus morum corruptelis (quamcunque originem habeant sive ex depravata doctrina, sive ex perverso modo tractandi, docendi, discendique proveniant) unicum ac præsentissimum esse remedium veram eruditionem theologicam, præsertim quæ ex studio fontium theologicorum hauritur. Neque enim alii causæ perspicaces quivis corruptelas theologiæ

logiæ omnes præsertim morales, attribuant, quam neglectui sacrae scripturæ, sanctorum Patrum, constitutionum ac decretorum Pontificum, canonum conciliorum: quodque multi theologi acumen rationis suæ ad eludendas leges cum divinas, tum ecclesiasticas, impenderint. *Tamdiu pura*, inquit GRAVESON (a), *sancta, illibata, vereque christiana fuit morum disciplina, quamdiu e suis fontibus, videlicet scriptura sacra, Patrum traditione, conciliorum canonibus, & summorum Pontificum definitionibus derivata est. At ex quo relictis illis fontibus ex ratione pure humana derivata est, atque hinc aliena esse cæpit ab evangelicæ simplicitate, sanctorumque Patrum doctrina, sensim sine sensu a primæva illa puritate atque sanctitate degeneravit.* Idem etiam fontes theologici non solum præceptis & monitis docebunt studium theologicum exercitiis potius veræ pietatis, & virtutis, quam contentionibus & rixis disputationum colere; verum etiam sua amplitudine & diffusionem cogent pascere potius animum jugibus lectionibus, meditationibusque, quam exercere ingenium multis disceptationibus. *Vid. S. BERN. serm. XXXVI. in Cant.*

VI. At-

(a) Dissert. de vera methodo docendi &c. theolog. moralem.

VI. Arque hoc modo corruptelæ omnes in cœtu christiano cessabunt : præsertim si prima institutio theologica rite fiat. Neque tunc adversariis studiorum nostrorum præsertim monasticorum causa erit carpendi sedulam, ac in monasteriis laboris vicem subeuntem in studiis operam : ac si præsertim philosophicæ & theologicæ scientiæ juxta methodum, qua nunc in scholis communiter traduntur, non nisi curiositatem, dissipationem, cavillationesque exhibeant. Sane mihi dubium non est, recte institutum studium non solum in regnis monachorum congregationibus decori esse, verum etiam ubi studia florent, disciplinam monasticam pietatēque florere. *Quique studiis incumbunt, utor MABILLONI verbis (a), ceteris humiliores, disciplina observantiores, & secessus magis amantes esse. Ad summum ergo quidquid mali deprehendi potest, a studiis communibus ortum ducet, quæ in philosophicis, & theologicis cursibus peraguntur.*

Ac studia rite instituenda præsertim in monasteriis.

a

VII. Hæc, quæ sunt principalia, & in quibus cardo rei vertitur, quippe quæ, quem maxime desideramus, formant theologum, aut male effectum cōmen-
Momenta ad perficiendum theologum plurima, non proleterie tractanda.

(a) In respons. ad D. Abb. de Trap. c. 27.

mendant, paucis quidem pro rei dignitate sunt perstricta. Omnia (utpote de quorum utilitate & necessitate nullum dubium moveri poterat) seipsa commendant, ut nihil ambagibus verborum indigerent. Quodsi vero rei summam quis sibi ob oculos posuerit, & perspexerit, non diffitebitur, quæ dici legique potuerunt brevissimo temporismomento, ad ea ut fiant, & in opus redigantur, complures annos non suffecturos. Imprimis enim puri, & emendati sermonis efformatio non est res adeo facilis, ut forte videri queat. Lectio multa, exercitatio, & emendatio jugis rem tandem conficient. Nec omnium, quæ in linguis intelligimus, eorum etiam ad differendum, scribendumque præsentem usum habemus. Deinde ad quæstiones eas, quæ de nomine ab iis, quæ de rebus vere fiunt dijudicandas, aut eas etiam, quæ utiliter, quæ vero minus proficue tractantur, inter se discernendas, quam longo usu, & experientia, ne quid de perspicacia, judicii que acrimonia rursus dicam, opus est, ut æquos nos harum rerum iudices præstemus; nihil temere, inconsiderate, aut injuste decernamus, nec in rerum selectione peccemus unquam. Rationis humanæ, quæ, & quot sint deliquia,

quia, quantis sit exposita labendi periculis, in qualia deliramenta eam incidere sit pronum, si aliunde nobis ex miserrimi status nostri post lapsum conditione non constaret, exemplo eorum erudiemur, qui in hac ipsa sanctissima disciplina, dum sibi nimium indulserunt, genii humani protervitatem, & petulantiam satis sunt experiri. Illa autem subsidia a theologo ex humanis litteris, variisque scientiis reperenda cum sint varia & perampla, multum etiam laboris, multum industriæ, & assiduitatis flagitant. In linguis peregrinitas, maxima anomaliarum abundantia undique per omnem sermonem sparsarum; illa idiotismorum cujusvis linguæ peculiarium varietas, & multiplicitas quantos sudores excutiant, quantas obscuritates involvunt? A criticorum complurium licentia satis sibi cavere, antiquariorum fidelitatem, historicorum sinceritatem vere conjicere; chronologiæ confusione non turbari, quantæ solertiæ & sagacitatis est, quantæve industriæ, & sedulitatis? Istæ tamen theologiæ ratio, semel pervia effecta, & complanata, omnes ad se alliciet; suæque jucunditate, uberrima fructuum ostentatione, suæ demum dignitatis, & majestatis specie trahit, rapitque: omnium ingenia pa-

scit,

scit, omnes denique omnium animos
inescat, demulcetque.

C A P U T XXII.

*Ex superioribus recta veræ theologiæ
ratio describitur & adumbratur.*

Officia &
munia
theologi
junctim
& separa-
tim spe-
ctata.

I. **Q**uis vero fatis deprædicet infi-
gnem theologiæ formam, qua-
lis futura est, illis nævis purga-
ta, illis ornamentis instructa, quæ mox
ad ejus decorem desideravimus. Qua
ratione recte habebitur pro accurata, &
perfecta, qualis in hac vita esse potest,
rerum divinarum cognitione non solum
mentis, sed etiam cordis. Imprimis enim
cavebitur funestum illud discidium, quo
theologiæ partes & capita a se invicem
separatæ robur illius & plenitudinem
perdiderunt, dum veluti scopæ dissolu-
tæ omnia fuerunt exhibita. Talis est au-
tem theologus formandus, qui non so-
lum principia omnia, qualate patent per-
specta habeat, & in numerato; sed qui
etiam ratione, quod consequens est, de-
ducere, & concludere valeat: qui obscura
in lucem claram adducere, involuta ex-
plicare, & aperire, in controversiam vo-
cata & disceptata tueri contra objecta ac
undi-

undique tuta, assertaque præstare quear. Sic, ait, quisquis est auctor, *confutationis* quarundam propos. &c. (a) *adversariis quoque, aut de veritate persuadebimus, aut victoriam reportabimus: sic scripturæ sanctæ concordiam ostendemus: sic mysterii gloriam legitime prædicabimus: sic congruentem fidei certitudinem in animabus nostris recondemus, nec sine verbo credentes, nec sine fide loquentes.* Quare ante omnia notatum, maximeque observatum volo: ut ut ad principale objectum theologiæ doctor cum primis attendere debeat; tamen partes theologicas non ita posse dispelci ac separari, ut non mutuas sibi invicem ferant suppetias, necessumque sit theologo in omnibus occupari. *Videatur POSSEVINUS Bibl. selectæ L. III. c. 10.*

II. Neutiquam perfectos nos theolo- Ea a quog-
vis theolo-
gos esse putemus, nisi singula munia go singula
implenda,
præstemus; præstare autem id non po- nec theo-
terimus, si theologiæ officia separemus. logia in
partes fe-
Si putemus ita nos SCHOLASTICOS canda.
esse debere, ut DOGMATICA seu PO-
SITIVA, POLEMICA nos nihil attineant,
aut MYSTICA, aut etiam (quæ cum
his maxime conjuncta) MORALIA.
Huic enim divortio puto labem maxi-
mam theologiæ deberi. Separationi qui-
dem

(a) Inter opera ATHAN. T. II. p. 582. F.

dem positivæ a scholastica corruptiones theologiæ theoreticæ seu speculativæ; separationi moralis a mystica corruptiones theologiæ practicæ tribuimus, ubi mores christiani sejuncti a virtutibus christianis fuerunt. Jam olim Jo. GERSON (a) talem theologiæ candidato doctorem optavit, qui omnes theologiæ partes noverit explere. *Qui*, inquit, *longo multoque vivendi, legendi, ac bene vivendi exercitio docere faciliter possit, quam amplecti doctrinam interrogantis studium, moresque desiderent, sive pro parte illa theologiæ, quæ inter scholasticos magis utitur; sive pro illa, quæ legentis mores ædificet, regulet, & componat; sive pro illa, quæ prædicantibus congruit.* Hæc autem tria sunt non usquequaque disparata, in quibus quotidie, etsi non æqualiter, tamen vicissim deberet verus theologiæ discipulus exerceri, quorum primum sine secundo inflat, & inquietat; secundum sine primo acumen ingenii sufficiens & resolutum non præstat; tertium denique sine duobus reliquis sæpe non tam erudit alios, quam fastidit & præcipitat. Adi hunc auctorem, qui deinceps diversa subsidia indicat ad has singulas theologiæ partes & munia.

III. II-

(a) Epistola ad studentes collegii Navarræ.

III. Illud vero ante omnia spectandum, curandumque, ne praxin a theoria τὸ ἡθικὸν, ἀπὸ τῆς θεωρητικῆς separemus. Cum enim finis omnis theologiae huc collimare debeat, ut quem cognoscimus DEUM ac Dominum nostrum JESUM CHRISTUM, rite colamus, ac diligamus, omnia nostra ad hunc scopum dirigere ac referre debemus studia. *Est quidem*, inquit S. BERNARDUS, (a) *per se omnis scientia bona, quæ tamen veritate subnixa sit: sed quia tempus breve est, tu qui cum timore, & tremore tuam ipsius operari salutem pro temporis brevitate festinas, ea scire prius & amplius curato, quæ senseris viciniora saluti.* In illis ergo, contra ac vulgo fit, magis occupari theologus debet, quæ ad mores formandos, pietatemque instillandam conducunt. Neque existimandum est, esse ullum dogma, ullam theoriam, finitatur principiis revelatis, atque ex verbo divino sit hausta, quæ non huc faciat. Unica enim ratio & causa institutionis religionis, atque ad nos delati verbi divini est sanctificatio nostra. Spirant hoc, ac produnt singuli sacræ scripturæ apices, in hoc unice intentæ, ut in nobis devotionis, pietatisque igniculos accendant, sanctitatis vero perfectam for-

Officia
pietatis
nunquam
a theolo-
gicis do-
gmatibus
sejungen-
da.

M 2

mam

(a) Serm. 36. in Cant.

mam præscribant. Neque ad hoc solum morum præcepta pertinent, sed etiam dogmata, & mysteria omnia, quæ omnia sic facta sunt, nobisque prodita, ut si rite ea contemplerur, inde mirifice ad colendum, adorandum, amandumque DEUM afficiamur. Semper enim ita DEUS, resque divinæ describuntur, prout erga nos sunt, nobisque salutare, aut prout nobis viam demonstrant, lucemque præbent ad DEI cultum. Hinc S. JOANNES eum mendacem vocat, qui dicit se nosse DEUM, & mandata ejus non servat. Theologus itaque in hoc omnem operam consumeret, ut vinculum cujusque dogmatis cum praxi pietatis, & regula morum perpetuo servet: sicque theologiam suam efficiat ad præscriptum apostoli TIT o datum primis statim epistolæ verbis, *agnitionem veritatis, quæ secundum pietatem est, in spem vitæ æternæ.*

Haud minus cavendum divortium scholasticæ ac positivæ theologiae.

IV. Secundum hoc divortium in theologia, praxis nimirum a theoria, alterum cavendum est, positivæ nimirum theologiae a scholastica. Intellego autem scholasticam nativam, sanam & integram, prout a nobis in superioribus adumbrata est: positivam autem eam intellego, quæ tota occupetur circa locos, & fontes vere theologicos ad sacræ

cræ scripturæ & doctrinæ sanctorum Patrum ductum, ad historiæ, disciplinæ ecclesiasticæ, omnisque antiquitatis christianæ rationem, & veritatem exculta. Hanc multi a disciplina scholastica avulserunt, theologiamque elumbem tradiderunt, atque inermem contra insultus hæreticorum: adversus quos tela, & præsidia sunt petenda ex principiis positivis sacrarum scripturarum, traditionum antiquarum, doctrinæ inde ab apostolis in ecclesia adultæ in conciliis, sanctorum Patrum scriptis, historia, traditæ. Neque enim aliis aliisque principiis niti queat eadem, atque uniusmodi scientia, theologia nimirum christiana. Patet hinc absurditas secernendi, distinguendique positivam a scholastica. Nisi unicum illud discrimen statuere velis in modo, & ratione tradendi easdem omnino res, ac tractandi easdem materias secundum eadem principia: cum secus scholastica debito fundamento careret; & bene tamen ob majorem vim & *authoritatem* adoptet positiva, quod in modo procedendi præsertim contra adversantes quosque accuratiore, peculiare habet scholastica. Sicque ambæ intime sibi jungantur, & in unam copulentur disciplinam. (a) M. 3 V. Hoc

(a). *De hoc connubia præclara docuit singulari differ.*

mam præscribant. Neque ad hoc solum morum præcepta pertinent, sed etiam dogmata, & mysteria omnia, quæ omnia sic facta sunt, nobisque prodita, ut si rite ea contemplemur, inde mirifice ad colendum, adorandum, amandumque DEUM afficiamur. Semper enim ita DEUS, resque divinæ describuntur, prout erga nos sunt, nobisque salutare, aut prout nobis viam demonstrant, lucemque præbent ad DEI cultum. Hinc S. JOANNES eum mendacem vocat, qui dicit se nosse DEUM, & mandata ejus non servat. Theologus itaque in hoc omnem operam consumet, ut vinculum cupisque dogmatis cum praxi pietatis, & regula morum perpetuo servet: sicque theologiam suam efficiat ad præscriptum apostoli TIT 0 datum primis finem epistolæ verbis, *agnitum veritatis, quæ secundum pietatem est, in speciem vite æternæ.*

IV. Secundum hoc circiter in theologia, præcis numerum a theologia, alterum conveniunt est. nimirum numerum theologiae a scholasticis. Intellego autem rem scholasticam numerum, inquit & ita non regnum, prout a nobis et imperatoribus administratur est: nimirum autem cum antequam hoc non accipere ut a nobis. & hanc rem theologiae ac ita

cræ scripturæ & doctrinæ sacrorum Li-
trum ductum, ad historicæ, disciplinæ ec-
clesiasticæ, omnisque antiquitatis chri-
stianæ rationem, & veritatem adducit.
Hanc multi a disciplina scholastica avul-
sunt, theologiamque elumbem tradiderunt,
atque inermem contra insidias he-
reticorum: adversus quas tela, & præsi-
dia sunt petenda ex principis positivæ
sacrarum scripturarum, traditionum an-
tiquarum, doctrinæ inde ab apostolis
in ecclesia adultæ in conciliis, sancto-
rum Patrum scriptis, historia, ecclesiæ.
Neque enim aliis aliisque principis uti
queat eadem, atque universam scienti-
am, theologia nimirum ecclesiastica. Pa-
tet hinc absurditas sententiæ, distin-
guendique positivam a scholastica. Ni-
si unicum illud discrimen inter res
in modo, & ratione tractari eadem
omnino res, ac tractari eadem ma-
terias secundum eadem principia: cum
secus scholastica deum fundamentum co-
raret; & bene rationis regulam vim
& auctoritatis adeoque præstaret, quod in
modo procedendi prædicti contra ad-
versantes quosdam eximios, peculiare
habet scholasticæ. Super omnia intime si-
bi jungantur, & in unum coalescantur disci-
plinam. (a) V. Hoc

(a) De hoc ~~sententiæ~~ tradita docuit singulari
discret.

Theologia
scholasti-
ca nomen
non tuetur
theologiæ
sine prin-
cipiis posi-
tivis.

V. Hoc itaque modo de scholastica
judicare debemus, eam si theologiæ ve-
ræ christianæ nomen tueri velit, non
posse aliis quam positivis niti princi-
piis, nec aliis oportere pugnare argu-
mentis, quam quæ ex locis vere theo-
logicis petantur, præsertim scriptura sa-
cra. Quod si qui viri docti theologi
scholasticam commendarunt, & contra
obtrectatores defenderunt, talem de ea
ideam mente conceptam habuerunt.

Sed

*dissertatione doctissimus A M A T de Graveſon
ubi inter alia hæc paulo a principio ſcribit :*
Sicut theologia scholastica sua tela, seu ar-
gumenta, quibus impetit fidei hostes, mutua-
tur ex theologia positiva, ita ut theologo scho-
lastico, qui ope, ac præsidio theologiæ po-
sitivæ plane destitutus est, nulla fere suppe-
tant tela, seu argumenta, queis fidei hostes
invadere, ac ferire possit; ita theologia posi-
tiva haurit a theologia scholastica modum &
artem hæc argumenta in fidei hostes intor-
quendi, eorumque præstigias, contorta, &
aculeata sophismata dissolvendi, adeo ut theo-
logiæ positivæ cultor, quantumvis eximius, si
in theologia scholastica hospes, ac peregrinus
sit, nunquam possit cum dexteritate & facili-
tate ea tractare arma, seu argumenta, quæ
contra hæreticos ei abunde subministrat theo-
logia positiva, nec etiam dissolvere & extri-
care valeat sophisticas hæreticorum argumen-
tationes. *Et non ita multo post:* Theologia
scholastica, *inquit*, cujus originem ad secu-
lum

Sed in omni oratione, inquit CANUS (a) memento, lector, eam me defendere scholæ doctrinam, quæ sacrarum litterarum fundamentis constituta est. Ex quo id efficitur, quod ego magno cum assensu omnium dicere me video, miseram esse scholæ doctrinam, quæ se titulis magisterii defendat; miseram etiam, atque haud scio an multo magis, quæ detracta scripturæ sacræ auctoritate syllogismis contortis de rebus divinis philosophatur; imo ne de rebus divinis quidem, sed nec de humanis, verum de his, quæ nihil ad nos attinent. Paulo post scholasticum theologum sic definit: Quem vero intelligimus scholasticum theologum? aut hoc verbum, in quo homi-

M 4

ne

lum octavum referendam esse diximus, si spectetur quantum ad sui naturam, & essentiam, eadem plane est scientia, ac theologia positiva. Utraque enim, sive scholastica, sive positiva, versatur circa idem objectum DEUM auctorem gratiæ per revelationem & fidem cognitum: utraque iisdem nititur principiis; utraque discursiva, & argumentativa est, & ex iisdem fontibus, hoc est, ex scriptura sacra, ex traditione, & doctrina sanctorum Patrum, aliisque locis theologicis suas deducens conclusiones, cum hoc solum discrimine, quod theologiæ scholasticæ præcedendi modus sit subtilior, & accuratior, & ad perplexa captiosaque fidei hostium dissolvenda argumenta accommodatior.

(a) De loc. theol. Lib. VIII. c. 1.

ne ponimus? Opinor in eo, qui de DEO, rebusque divinis apte, prudenter, docte, e litteris, institutisque sacris ratiocinetur. Egrege etiam differit in eandem sententiam DU-PINIUS capite II. method. studii theologici recte instituendi: Solet, inquit, plerumque distingui inter theologiam positivam & scholasticam: sed nulus sibi persuadeat, distinctione hac, diversa objecta, principia atque fines indicari, unum ambæ objectum habent, cognitionem scilicet veritatum religionis a DEO hominibus revelatarum, ambæ de materiis iisdem agunt, doctrina scilicet nostrorum mysteriorum, de disciplina ecclesiastica, deque theologia morali. Utraque sacram scripturam & traditionem pro fundamento habere debet; hæc & illa earum veritatibus inniti, doctrinam a CHRISTO traditam in integritate sua conservare, contrarios errores rejicere, paucis, ad vitam homines æternam perducere debent.

Systema-
tum lectio
cum fonti-
bus theo-
logicis fa-
cienda.

VI. Cum enimvero summa studii theologici in scientia, explanatione, assertioneque verbi divini consistat, methodi, controversiæ, ac systemata scholasticorum eousque suscipi, ac tractari debent, quatenus intelligentiæ verbi divini sunt conducibilia. Idcirco methodi ac systemata ejusmodi, quantum fie-

ri

ri licet, ad methodum etiam & systema ipsius scripturæ sunt accommodanda, ut nobis doctrinam in scripturis contentam via quadam & arte ob oculos ponant, sicque ad captum aptiorem reddant, atque in memoriæ levamen cedant. Cui rei maxime profunt systemata. Id verò a theologo requiritur, ut sic ejusmodi lectiones pleni corporis doctrinæ christianæ instituatur, quin hinc abduci se sinat a jugi ipsius sacrae scripturæ evolutione, meditatione, atque a fontium aliorum theologicorum tractatione cesser. (a)

M. 5

VII.

- (a) *Hujus rei commoditates plurimas LAURENTIUS a Villa Vincentio, de recta form. stud. theol. L. III. c. 1. § ante eum AND. HYPERIUS refert, si modo iis ex fontibus collectiones ejusmodi fiant, quos hic requirimus. Quo, inquit, de omnibus, quæ legis, vel audis, recte tandem possis judicare, quo assuescas singula, quæ in sacris libris sparsim occurrunt, prudenter distinguere, neq non ad certa doctrinæ religionis capita apte reducere; quo insuper interrogatus de fide tua, aut de quibuscunque theologicis argumentis semper in promptu habeas accommodas sententias, quibus in respondendo utaris; quo denique de omnibus ecclesiæ dogmatibus verbo DEI, aut divina traditione, vel conciliorum auctoritate aperte confirmatis, perspicua oratione & sine erroris offensio-*
nis.

Systema-
tum theo-
logicorum
studium
necessa-
rium cum
fontium
studio.

VII. Fuerunt non pauci, plerique Protestantes, qui odio, ac prætextu theologiæ scholasticæ, omnem systematicam methodum rejecerunt. Putarunt e re non esse in scholis & academiis per compendia, & locorum communium collectionem theologiam tradere, consiliumque dederunt in theologiæ studio, ut jactis fundamentis linguarum ad ipsum textum biblicum & Patrum lectiones sese conferant studiosi, ac denique ad controversias, nullo vel compendio, vel systemate theologico usi. Sed modum istum studendi theologiam nec suis plerisque persuadere potuerunt: sola enim fontium lectio scripturarum, & Patrum, eum ordinem & nexum doctrinarum non suppeditat, unde nobis vel maxime facilis redditur perceptio rerum, & dilucida intelligentia. Brevior etiam longe est via, dum ad suas quibusve revocatis sedes, quasi

nisque periculo, quotiescunque opus fuerit, differas, perquam est necessarium eos sæpe legas, sæpe relegas libros, in quibus præcipua capita, sive loci communes universæ theologiæ, e scripturarum limpidissimis fontibus, vel divinis traditionibus, aut sacrorum conciliorum decretis hausti, interdum etiam Patrum disputationibus & sententiis illustrati, dilucide ac certa methodo explicantur.

si uno obtutu omnia inspicere licet. Contra longo tempore, ac otio foret opus, si primam theologiæ notitiam, præsertim ex sola operum sanctorum Patrum lectione tam diffusa comparare nobis deberemus. Nullus eorum ordine, methodo, & rerum connexionem omnem theologicam tractavit, quemadmodum deinceps scholastici immensam theologicam eruditionem in variis fontium theologicorum veluti oceanis dispersam artificio & dispositione insigni integram tradiderunt. Est igitur tempus aliquod lectioni systematum tribuendum, sed non omne. Postquam enim in pulvere scholastico satis subacti fuerimus, ad ipsos fontes accedamus oportet, sed non eodem modo. Scripturas sacras, cum primum theologiæ nos mancipaverimus, quotidie versare ordine ac ratione debemus. Reliqui fontes tardius adeundi, neque statim, postquam vix primis labiis theologiam gustare cœpimus, & vix per breve temporis spatium tyrocinium posuimus, ei nuntium remittere debemus, & totos nos, neglectis systematibus, subsidiis theologiæ positivæ committere. Quin postquam etiam satis instructi theologica suppellectili fontibus nos dedimus, non ideo deponere omnem syste-

systematicæ theologiæ curam debemus, sed alternis operis utrique vacare. Sic quas ambo afferunt utilitates, & comoda, in usum redigemus. *Melchior CANUS* in limine statim ac præmio operis sui de locis theologicis, postquam utilitatem veterum & novorum theologorum variam distinxisset, & quid illi, hique præstiterint, exposuisset, idem theologo consiliûm dat, ut utrique legantur. *Nam, inquit, ex illis quasi materiam, ex his tanquam formam differendi mutuatus, potens nimirum erit exhortari in doctrina sana, & eos, qui contradicunt, arguere.*

Eruditionem non solum historicam, sed etiam solidam sectari debet theologus.

VIII. In quem finem maximo usui erunt lacertosæ argumentationum, demonstrationumque scholasticarum formæ ac ordines. Quamvis enim cum iis non omnino faciam, qui non solum theologicam disciplinam in formam artis solidæ redegerunt, sed etiam modum demonstrationum mathematicarum in theologiam introducere conati sunt; sentio tamen in hac scientia non esse acquiescendum in exteriori eruditione historica, sed etiam cognitioni solidæ esse studendum. Nota sunt hac de re consilia, & molimina Protestantium, quorum alii theologiam redigendam, putarunt.

runt ad formam demonstrationum mathematicarum, qua de re in actis eruditorum refertur PUFFENDORFFII *Samuelis* ad fratrem *Esajam* epistola, occasione demonstrationis evangelicæ *Dan. HUETII*, ut talis integræ theologiæ inferatur, quod faciendum non duxit HUETIUS. Alii, duce COCCIO, neglecta penitus philosophia faciliorem, & ut ipsis visum est, rebus sacris accommodatiorem modum inire voluerunt. A qua methodo non multum abludit, quam Jo. CLERICUS proposuit, omnia in theologia tractanda consulens historica ratione. Nos hic iterum connubium aliquod molimur, & sic demonstrationibus indulgendum remur, ut tamen non exiguam partem otii theologici cognitioni dogmaticæ factorum dandam putemus, cum res theologicæ tantopere non solum cum historia antiqua copulata sint, verum etiam cognitio fontium vere theologicorum historica, potissima sua parte, sit, & ingentem factorum notitiam requirat. Exemplum hujus rei præstantissimum dedit laudatus *Daniel HUETIUS* in demonstratione sua evangelica.

IX. Alii insignes quique theologi nostri præsertim ævo, etsi res theologicas

Sic optima omnia theologica

munia im-
plebuntur
& conso-
ciabuntur.

cas non præcise ad accuratam mathematicorum methodum transigant, apodixes tamen etiam suas & demonstrationes ex fontibus theologicis maxime divinis scripturis sumunt. Hæc quamvis in principiis non semper habeant eandem cum geometricis evidentiam, eam tamen & multo firmiorem apertioreque præbent in ipsis demonstrationibus. Ornant autem & illustrant has apodixes varia suppellectili. Huc revocant quidquid præclarum in artibus studiisque humanis & divinis, ad usum sacrum theologiæ; studiose vero devitant muniorum & partium theologicarum discriptionem, quæ ubertatem & plenitudinem disciplinæ hujus divinæ superioribus sæculis multum impedivit, dum scripturæ doctores nefas duxerat attingere, quod ad canonistam, aut scolasticum pertinere putabat, & vicissim non auderet scholasticus, nec præsumeret scripturas, aut canones tractare: ad Patres autem adeundos otium non satis relinquerent perpetuæ contentiones, speculationesque; alias autem artes multo minus discere suum putarent. Sic ergo separatio artium & disciplinarum damnum ipsis artibus, ac ipsi divinæ theologiæ intulit.

X. Nunc

X. Nunc autem artes omnes reflo- Hujusmo-
rescere cœperunt, & jam earum om- di felix
nium fere confociatio in doctore re- theologiæ
quiritur. Unde optimus existit tum re- cōnubium
liquarum, tum etiam theologiæ nostræ facile in
status, postquam scrupulosa finium monaste-
stitutio cessavit, & obsoleta bonorum com- riis initur.
munio postliminio rediit: præsertim au-
tem postquam positiva cum scholastica
theologia pacem & concordiam iniit, at-
que ambæ conjunctis viribus rei christia-
næ satagunt. Quod si tamen in publicis
studiorum curriculis nec dum ubique lo-
corum penitus concepta præjudicia cessa-
runt, ac alicubi adhuc viget insipidum
illud *meum* ac *tuum*, & cum artium di-
scretione obtinet studiorum divisio;
optandum saltem, ut in privatis scholis
apud cœtus præsertim religiosos quibus
illa divisio disciplinarum non adeo inva-
luit, artes & scientiæ cum animorum
confociatione copulentur: ubi non so-
lum artes, & subsidia artium doceantur,
sed etiam amica confœderatione sibi in-
vicem suppetias ferant, operasque jun-
gânt ad ornandam reginam scientiarum
theologiam, non systematicam illam so-
lum, quæ ad scholas redacta est; sed
quaqua late patent sacra cimelia thesau-
rus ille inexhaustus doctrinæ christianæ,
ad quem effodiendum agrum tot in-
signes

signes coloni sacris addicti operas locarunt.

C A P U T XXIII.

Fructus uberrimi talis theologiæ.

Est omnium genis accommodata istiusmodi theologiæ ratio.

I. **F**ructus uberrimi maximique in ecclesiasticam rempublicam redundant, si ita artium & præcipue theologiæ studium instituatur, & hoc modo prima principia tradantur, quomodo omnium genis, ingenique facultatibus accommodatum est; contra theologiæ genus sequius, spinosa, illa subtilitatum tractatio multis, quibus acumen forte deest, nimis dura; aliis, qui delicati sunt palati qui non amant,

*Nisi laterculos
Sesamum, papaveremque, triticum, &
frictas nuces,*

etiam gravis & intolerabilis. Et quoniam inter tot homines, qui operas suas ecclesiæ ac theologiæ locarunt singulari quadam ratione, fieri non potest, quin sit maxima ingeniorum varietas, quid fructuosius accidere queat, quam iis rebus primos annos transigere, ex quibus deinceps quilibet, ut est natura factus, & comparatus, seligendi amplissimam

simam materiam præ se habet, quæ ingenii capacitati sit æquata, & a qua animus non sit alienus? Diverſi enim ad diverſa abripimur ſtudia, quibus omnibus imperare immanis tyrannis foret, ea non multo mitior, quæ omnes ingenii vires in omnibus æquales fruſtra metitur. Sed ut in utroque lanienæ genere ingenia excruciat ſcholafſtices illius vitiatae ſtudium, ſic noſtrum hoc ab ambobus nos vindicat. Etenim non arduum adeo, & intricatum eſt, ut non a quovis, qui non omnino invitis gratiis prognatus, & vel mediocri ingenio pollet, in ſua mediocritate poſſit comprehendere, dum ſcholafſtice annis illius prima jaciuntur fundamenta.

II. Deinde cum plurimarum, & di-
verſiſſimarum in ſe principia rerum &
ſtudiorum contineat, fieri nequit, quin
vel unum ex tot illis arrideat, quibus
poſt complectum ſcholafſticum ſtadium
aut animus, aut vires deficiunt, aut oc-
caſio etiam eripitur, totam molem pro-
ſequendi, & incrementis diſciplinæ iſtius
locupletiffimæ incumbendi, nunquam
exhauriendæ. Imprimis enim (ne quid
de illis dicam, quibus otium præ labore
cordi eſt, qui a ſuo officio turpiter de-
ſectunt) ſi qui flagrantiori operum pie-
tatis abripuntur æſtu, ita ut nihil ipſis

Post ſtu-
dium
ſcholafſti-
cum ma-
xime fru-
ctus pro-
mittit.

N

hu-

humani sapiat, habent limpidissimas sacræ scripturæ aquas, & fluenta; habent singillatim ex sanctis Patribus suos BASILIOS, EPHREM, CHRYSOSTOMOS, BERNARDOS, & sanctorum Patrum plerosque alios, quorum opera undique devotionem & pietatem spirant, ex quibus Patres congregationis S. MAURI collectionem ediderunt pluribus tomis comprehensam: habent theologos mysticos complures, & non unum tantum ex iis omnibus asceticæ puræ doctorem. (a) *Quæ enim pagina, aut quis sermo divinæ auctoritatis veteris, ac novi testamenti non est rectissima norma vitæ humanæ? aut quis liber sanctorum catholicorum Patrum hoc non resonat, ut recto cursu perveniamus ad creatorem nostrum?* Ex ecclesiastica antiquitate habent sanctorum virorum clarissima exempla & vitas: item instituta ac præcepta eorum. Est aliquis, quem sacrorum canonum, & conciliorum notitia, quem fidei controversiæ, seu polemica, quem ecclesiasticæ antiquitatis, quem varia historica, quem critica, philologica, delectent, cum in hac saluberrima disciplina omnium istarum rerum semina & primi prægustus referentur, junioribusque annis instillantur, per reliquam vitam facile deinceps
ad

(a) S. BENED. cap. ult. reg.

ad maturitatem, cultu adhibito, quo maxime fructu conspicuus esse quisque petit, aut ferax est, perducet. Deinde, quod est maximi momenti, tale est hoc studium, ut ad cujuscunque capacitatem se extendat, aut restringat. Est quisquam, cui & occasio, & tempus, & diligentia, & ingenium adest, ut immensum illud autographorum seu ipsorum fontium campum pervadendi ardore perfectus flagret, habet, quibus omnem vitam in pulcherrimis rebus suavissime, solertissimeque degat. Est, cui tantus animus non sit, sed rivos sectari contentus, prout sinum expanderit, ita ingerent se aquæ saluberrimæ.

III. Hinc confectarium est, ut sit vera Eruditio-
 ræ eruditionis ecclesiasticæ, aut qualis-
 cunque homine christiano est digna, nis eccle-
 fundamentum, & veluti clavis. christia-
 Qui jam in orbe litterario cupit publicæ uti-
 litati operam navare, an nostris his promptua-
 temporibus, absque linguarum, quas rium est.
 vocant orientales, Græcæ saltem & He-
 braicæ peritia non solum aliquid ipse
 moliri, sed & vel in lectione erudito-
 rum digne solum versari se posse exi-
 stimet? Quis jam critices, antiquitatis,
 historiæ, & humaniorum litterarum
 ignarus reipublicæ eruditorum sistere se
 audeat, nisi derideri velit, & ludibrio

ab omnibus excipi? Certe vel in ipsis publicis ad fidelem populum concionibus jam omnibus adminiculis istiusmodi aut omnino non, aut ægre caremus, nisi rusticis, & simplicioribus sæpe imponere, & spuria veterum documenta tum historica tum dogmatica pro veris (ut ab hodiernis criticis sunt ventilata) & genuinis venditare non vereamur.

Quomodo
principia
subsidi-
orum theo-
logicorum
primis an-
nis scho-
lasticis
tradenda.

IV. Sed hic dicat aliquis, qua ratione fieri possit, ut brevi illo scholastici cursus tempore, quod si solam theologiam attendamus, quatuor annis fere terminatur, si philosophiæ duos annos adjungas, sex annis compleatur, tantarum rerum semina, & prima saltem principia tot disciplinarum comprehendere, & percipi possint? Cui rei facilis est responsio. Imprimis enim satagendum est, ut jam nonnullis subsidiis a teneris annis, & humanioribus litteris instructi accedant candidati, aut antequam ad cursum scholasticum admittuntur, imbuantur. Deinde si illud temporis spatium sumamus, quod tam in philosophia, quam theologia in asserendis ut plurimum opinionationibus, perscrutandis, & indagandis subtilitatibus, operosis quæstionibus, perperuis velitationibus, disputationibusque impendendum fuit; certe relinqu-
tur

tur sat amplum tempus, quod & linguis addiscendis, quantum pro primis rudimentis sat est, & primis etiam in historia ecclesiastica, conciliorum (& qui sunt alii fontes theologici) notitia jaciendis fundamentis, sufficit. Porro auxilia quædam e. g. geographiæ, chronologiæ elementariæ &c. quandam humaniorum & philosophiæ partem conficiunt; critices semina in puriore logice reconduntur. Atque adeo consultum sit, iis rebus jam in philosophia dare operam, & vacare, quæ deinceps usui futuræ sunt. Et quemadmodum, ceu præambulum aliquod, philosophia scholastica theologiæ scholasticæ poni solita est; sic etiam & hæc, & alia potissimum in philosophicam tractationem suscipiantur, quæ tam ad theologos futuros instituendos conferre, quam etiam studiorum laborem in cæteram ætatem expeditum reddere, & juvare possint. Quod vero singulare est, & theologiam singillatim attinet, hæc præcipuarum scientiarum principia ipsi theologiæ huic intime sunt unita, & eam constituunt: nimirum crebra locorum theologicorum mentio, & asserta testimonia. Quibus si separatim tam in tractatu præliminari de locis, & subsidiis theologicis, quam deinceps per integrum theologicum cursum quibusdam

epitomis, & compendiis rudis quædam delineatio de singulis in juniorum mentibus paulatim describatur, quam studiosi postmodum sibi ipsis relictæ perficere, expolire, extremamque ipsimet manum addere possint; eamque sponsam, quam maxime adamaverint, seu potius, quam officii impositi, aut sacra obedientiæ lex decreverit, prout valuerint, pulcherri-
mis coloribus illinire, exornare, & quam licuerit venustam, politamque redhibere satagant. Ut, si ita visum fuerit, & decor tantus sit, in publicum etiam prodatur, & orbi se spectandam præbeat. Quam vero hujus rei amplissima spes esset, si a juvenilibus annis ad veram eruditionem necessariorum quorumvis subsidiorum principiis imbuti, iis deinde confirmata ætate perfectis, qui ingenii viribus pollerent, si quo in genere quid utiliter, & digne lucubrare posse confiderent, illud præ manibus fumerent.

Alia in
hanc rem
documen-
ta quoad
primam
theologi-
cam insti-
tutionem.

V. Quoniam vero theologicum studium palmare est ac summum inter ecclesiasticos viros; omnis opera omnisque diligentia est impendenda, ut tota sua amplitudine commodiori, faciliorque, quo fieri potest, modo tradatur. Imprimis ne ita præcise ad clepsydram exigatur, id est scrupulose tempus ei præ-

præstituatur. Quam in rem illud solum moneo, quod multis e nostris etiam conducens maximopere visum est, ut strenue in isagogicis, quos vocant, scientiæ theologicæ principiis ac tractatibus laboretur, quo firmitus uberiusque sit præparatus animus, cum ad latam illam scientiam accedit. Quamvis ego hæc omnia non pro isagogicis habeam, quæ ad fontes theologicos referuntur, sed intimam theologiæ partem ducam, in quo potissimum otium theologicum consumendum sit. Non parum laboris expetit, eorum accuratam habere notitiam, quæ primo ipsam scripturam sacram, historiam ecclesiasticam, conciliorum, patrologiam, juris canonici principia, morales fundamenta attinent. Illud etiam primis statim annis maxime proficuum foret, ut linguis exteris addiscendis aut exercendis, nisi jam antea, quod maxime optandum est, principia earum hauserint, aliquam saltem navarent operam tirones: sic, ut qui præ cæteris ingenii capacitate, ac vigore pollent, Græce, Hebraiceque pro cuiusque genio, ingenioque docti fiant. Post cursum theologicum non statim sibiipsis relinquendi forent adolescentes, sed altioribus principiis eruditionis ecclesiasticæ, præprimis criticæ

philologiæ, historiæ, & antiquitatis ecclesiasticæ, juris canonici (& quidquid ad consummatam doctrinam facit) imbuendi forent: via etiam commonstranda, qua quisque ad aptam ingenio eruditionem valeat pervenire.

Studium
theologi-
cum ad
pietatem
collimare
quomodo
debeat.

VI. Superest, ut breviter fructus illos tangamus, quos in morum, & pietatis studio, studium theologicum rite institutum affert, ac promittit. Qui sacris non sunt initiati suas complere possunt partes, quamvis nulla eruditione singulari conspici clareant, virtutibus vero nisi resplendeant, suo muneri minime satisfaciunt. Ipsius litterarum studiis eum in finem atque eatenus incumbendum, *quantum & quatenus*, quæ sunt verba Em. Cardinalis de AQUIRRE epistola ad MABILLONIUM, *conferunt, aut conferre possunt ad pietatem, perfectionem christianam, religiosam, monachalem, & tandem ad perfectam charitatem erga DEUM, ac proximum.* (a)

At-

- (a) Et Ludov. VIVES E. I. de trad. artibus, Quocirca, ait, cum ea demum sit cujusque rei perfectio, suisque omnibus partibus absolutio, assequi finem, cui est condita, sola utique pietas est via perficiendi hominis: quare hæc una est rerum omnium necessaria: sine cæteris expleri potest homo, & numeris suis omnibus consummari, sine hac non potest: etiam cibo & quotidiano victu potest carere, pie-

Atqui vero hoc unice intenditur in nostra, quam designamus, theologia. Nil agimus, quam ut sacrae theologiae verbum restituatur divinum, eaque majestas, & decencia, quæ verbum hoc divinum decet; unde vigor evangelicæ legis ac perfectionis effloreat.

VII. Jam superius aliqua sunt allata de eorum studiis, qui unice pietati se dederunt, omnium rerum terrenarum pertæsi, quidquid humani est, in scientiis etiam aspernantur; quemadmodum ex illis fontibus, quos hucusque aperuimus, aquas in gaudio de fontibus salutis haurire possint. Hic aliqua dicenda de illis etiam, qui promiscue omnes frequentant hætenus requisitas disciplinarum species, quarum aliæ non sacrae, aliæ etiam videntur profanae. Demus, veneni quidquam secum ferre disciplinas, quæ sacrae non sunt: quis vero nescit celebre etiam illud alexipharmacum, quod contra veneni vim habetur, ac valet, venenum admixtum continere? Sic prorsus in nostra causa

In studio
artium
etiam
profana-
rum.

N 5

acci-

pietate nullo pacto potest, nisi sit futurus miserimus. Hoc est quod Dominus MARTHA dixit, sollicitæ non utique de supervacaneis, sed de quotidiano alimento, turbari eam circa plurima, unicum est necessarium, quod elegerit MARIA, sedere ad pedes Domini, & verbum illius audire.

accidere verissime plane deprehenditur. Antiquitatis venerandæ saluberrima exempla, Patrum piissima documenta, sanctissima conciliorum decreta, scripturarum sacratissima placita, ea sunt antidota, quæ veneno illi humanarum litterarum non solum virulentiam auferunt, verum etiam contra congenitum, & naturæ nostræ insitum malignissimum perversitatis virus salutes efficiunt:

Scilicet ingenuas didicisse fideliter artes

Emollit mores, nec sinit esse feros.

Quodsi ut ingenuæ artes & disciplinæ mores mitigare, & a feritate vindicare debeant, opus sit, ut fideliter discantur, quonam modo fidelius discantur, quam si ad optimum finem discantur? Qui vero melior finis, quam DEI divinarumque rerum cognitio, & discussio? Eam a nobis fidelitatem requirit DEUS, ut quidquid in hac orbis terrarum mole est, ceu nobis commissum & locatum, ad ipsius gloriam impendamus: atqui omnium rerum complexu etiam optimas scientias & disciplinas (ab aliis tanto sudore, & fere nullo eorum merito, quod rectum finem non spectarent, inventas) comprehendi quis neget? Quas ad divinam illam, reginam, & principem reliquarum, disciplinam, adhibendas

das trahendasque æquissimum ducimus: quibus illa demat, quod virulentum, & nocivum est, sibi que accommodas nobis vero utentibus salutare reddat. Quod gratissimum DEO accidere ambigendum non est, si eas etiam res, quæ reniti sua natura videntur, ad ejus honorem trahamus, ac veluti victimas brutas mactemus: neque eis ad curiositatem, ostentationem, aut alium perversum finem abutimur, sed eo unice dirigimus, ut in omnibus glorificetur DEUS.

VIII. Atque cum tam amplum sit hoc negotium, quod tam copiosa aliarum disciplinarum momenta in se complectitur, illud præcipue attendendum, cavendumque videtur, ne præcipitantia aliqua, ac præmatura acceleratio locum inveniatur. Quia enim re philosophus ille doctum ab indocto differre censuit, *bona spe*, eadem is theologus, quem requiramus; ab eo, quem non probamus, discrepare videtur. Hæc enim suis limitibus terminatur, illa fines nullos habet nisi bonam spem, si semel se quisquam in latissimum ipsorum autographorum campum immiserit, quod ab eo omnino fieri debet, qui aliquid dignum moliri in ista palæstra exoptat. *Bona spe* diu se nutriat, donec satis in
Cautio
necessaria
ad elabo-
randum
in theolo-
gia hac.
neces-

necessaria sibi doctrina enutritus sit; *bona spe* etiam alios suspensos teneat, qui avidius expectabunt sementem. Sunt enim hæc veluti hyberna sata, scholastica æstiva: illa postquam integro hiemis tempore partim terra, partim nive oblecta, & reclusa latuerunt, vere virescunt, æstate metuntur; hæc mox ut sunt sata, excrescunt, brevique adolefcunt. Quam ipsam ob rem illud mihi studium maxime appositum videtur, quod in silentio, ac solitudine religiosa commodissime claudi ad tempus queat, & veluti emori; id quod divini verbi effatu necessarium esse ad fructificandum intelligimus, nempe ad multiplicandum granum. Secus in scholastice usuvenire cernimus; ea enim quidquid quoquo die docet, jam etiam effutire jubet semper vivacissima, nec momentum mortua: quid igitur mirum, si grana non multiplicentur, quæ nunquam emoriuntur? In id ergo incumbendum, ut doctrinæ solidum corpus in animo efformetur, quod nisi diuturno labore & studio effectum iri nequit: cum tempore autem fructus sequetur uberrimus & reipublicæ christianæ saluberrimus, cum incremento honoris divini, salutisque animarum.



INDEX



INDEX RERUM MEMORABILIUM.

Abaelardus Aristotelis philosophiam primus in theologiam infert. p. [6. 8.](#)

Anni scholastici quomodo cum fructu transigendi? [196.](#) Præsertim in theologiæ studio. [198. seq.](#)

Aristotelis philosophia quomodo & quo tempore in Europam illata? [5.](#) In theologiam inducta multum auctoritatis accipit. [6. seq.](#) Quas ob causas? [Ib. seq.](#)

Artium liberalium neglectus. in scholasticis maxime carpendus. [94. 97. seqq.](#)

Barbaries sermonis in theologia scholastica ex metaphysicarum notionum affectatione. [40.](#) Et neglectu proprietatis [verborum. 42.](#) Ex vagis item notionibus & vocibus indefinitis. [44. seq.](#) Quibus remediis illa emendanda? [133. seqq.](#)

Brevitas in theologia scholastica laudanda. [14.](#)

Butilierii cum Mabillonio circa studia monastica dissidium unde ortum? [116.](#)

Clemangiis *Nicol. de*, circa subtilitates scholasticorum querelæ. [81.](#)

Damascenus *Joan.* primus theologiam *μεθοδικῶς* tractavit. [4.](#)

Dialectica quantam sibi in theologia licentiam arrogarit? [83.](#) Ejus abusus multorum malorum origo. [84. 85. seqq.](#) Moderatus usus plurimum adjumenti theologiæ adfert. [150. 151. 155. seqq.](#) Duo extremi scopuli in ea vitandi. [153.](#)

Dictionis ornatus non spernendi in theologia est momenti. [36. 37.](#)

Disputationes scholasticæ animi elationem fovant. [108. seq.](#) Ac Spiritum Christi [extinguunt. 120. seq.](#) Earum pruritus. [84. 86. seq.](#) & pervicacia in propugnandis sententiis semel susceptis. [89. seq.](#) Iis ingeniorum selectus ad officia publica impeditur. [114.](#)

Doctorum mediæ ævi de corruptione.

INDEX RERUM

ruptione scholasticæ quæ-
rimoniæ. [25. 26. seq.](#)

Gersonius *Joan.* scholasticæ
theologiæ correctionem
petit. [26. seqq.](#)

Graveſon *Hyacinth.* schola-
sticorum nēnias deplorat.
[74.](#)

Gregorii IX. ſummi Pontif.
querelæ de ſcholasticis de-
pravatione. [24.](#)

Hangeſti definitio veræ
ſcholasticæ. [131.](#)

Hæretici theologiæ ſcholaſti-
cæ inſenſi. [19. ſeqq. 131.](#)

Joannis XXII. de ſcholaſti-
ca theologia lachrimæ.
[25.](#)

Linguae Latinæ fata medio
ævo. [37. 38.](#) In eam quan-
tam ſibi licentiam ſumſe-
ſerint ſcholastici? [39. 40.](#)

Logicus hæreticorum patri-
archa Tertulliano dictus.
[152.](#)

Logomachia duplicis gene-
ris. [46. 48.](#) Earum malum
in theologia etiam præſer-
tim ſcholastica frequentif-
ſimum. [49. 52. ſeq.](#) Sæpius
ſchiſmatum cauſa exiſtunt.
[51.](#) Earum in theologia
ſcholastica origo. [53. ſeq.](#)

Qua ratione evitandæ?
[135. 136.](#)

Lombardus *Petr. Magiſtri*
ſententiarum nomen unde
adeptus? [3.](#) Ejus laus. *Ib.*

Methodus ſcholasticorum
commendanda. [128. ſeq.](#)

Monastica ſtudia diſciplinæ
baſis. [173.](#) Quomodo in-
ſtituenda, ac conſocianda?

Morum doctrina ob ſcholaſti-
ces vitia turpiſſime cor-
rupta. [104.](#) Ei malo quo-
modo medendum? [171.](#)
ſeq.

Opinionum in ſcholasticæ
diverſitas latam ad Pirr-
honismum & *σκέψιν* a-
cademicam viam aperit.
[76.](#) Multarum inde ſecta-
rum origo. [89.](#)

Pariſienſis academia ob ni-
mium dialectices uſum
exteriorum ludibrio expo-
ſita. [84.](#)

Philosophiæ in theologia ni-
mium ſtudium [90.](#) Cum
magno rei theologiæ de-
trimento conjunctum. *Ib.*
ſeq. In quo maxime e-
juſdem abuſus verſetur?
[93.](#) Ejus in theologia u-
ſus ſemper obtinuit. [156.](#)
Hodieque maxime neces-
ſarius.

M E M O R A B I L I U M.

farius. 160. Cautionibus tamen est opus. 158. Ejus in theologia præcipui fructus. 161. Quibus partibus potissime opus habeat theologus. 164. *seq.*

Philosophi morum doctrinam corrumpentes civitatibus pelluntur. 105.

Plato per tria principia num personarum in divinis Trinitatem indicare voluerit? 49.

Πολυμαθίας studium theologo summe necessarium. 167. In eo selectus faciendus. 170. *seq.*

Quæstiones scholasticorum vanæ & inutiles. 55. 56. *seqq.* Ac rerum prorsus imperceptibilem. 62. Multæ pietati & bonis moribus adversæ. 63. 104. 107. Plures supervacaneæ. 66. 72. Et ab hominis intelligentia remotæ. 69. 70. De iis doctorum virorum querelæ. 57. 60. *seqq.* Et remedia. 137. 138. 140. *seqq.*

Rationis in theologia scholastica abusus. 73. 74. Multa in doctrinam moralem mala intulit. 77. Fontibus theologicis neglectis. 81. Ejus principia in

theologia qualia esse debeant? 146. Quousque ei a theologo indulgendum? 78. 79. 144. *seqq.*

Scholastica theologia quibus incunabulis provecta? 7. Ejus origo ab Adamo vel **C H R I S T O** levi crisi repetitur. *Ib.* Vera statuitur. 8. 9. In omnes scholas & academias penetrat. 10. *seq.* Agro similis est bonis frugibus ac zizaniis referto. 123. Et vineæ ineptis cultoribus commissæ. 124. *seq.* Ad hæreticorum fallacias detegendas accommodatissima est. 18. Ejus quinque virtutes ex Vavassore relatae. 12. 13. 16. *seqq.* Quomodo vindicandæ. 127. Et quatenus eas fervarit, aut amiserit. 126. *seq.* Tractu temporis multis vitiis conspurcata. 32. *seqq.* Qua ratione corrigenda. 129. *seq.* Innumeris logomachiis scatet. 52. *seq.* Et quæstionibus inutilibus. 55. *seqq.* Contra eas remedia & regulæ. 135. 137. *seqq.* Ea absoluta cur minus ad studia ferveant theologi? 115. 116. *seqq.*

Scientiarum sæcularium utilitas in theologia. 95. De iisdem

INDEX RERUM MEMORAB.

- lisdem S. Hieronymi iudicium. *Ib. seq.*
- Servitus ingeniorum scientiarum augmentum impedit. 100. Quomodo declinanda? 168. 169. seq. Ex ea scholasticorū neglectus varietatis & lectionis propriæ contemplationis ortus. 98. 102.
- Sixti V. Rom. Pont. monitum ad excolendam theologiam scholasticam. 20.
- Stilus scholasticorum subtilitatibus ac tricis refertus. 112. 113. Optima ingenia a studio theologico revocat. *Ib.*
- Systemata theologiæ ad methodum scripturæ & fontium studium accommodanda. 185. Quanti hæc res utilitatis sit? *Ibid. seq.*
- Terminorum scholasticorum obscuritas mysteriorum explicationē impedit. 110. Maximo christiani populi damno. *Ib. seqq.*
- Theologiæ recte institutæ uberrimi fructus. 192. 193. seqq. Ejus ratio adumbrata. 176. seq.
- Theologus veri nominis quis sit? 173. 174. Ejus munia 176. Sedulo implenda. *Ib. seq.* Ejus eruditio qualis ac quanta esse debeat? 188. seq. Ei maxime cavendum partium theologicarum divortium. 177. Ac praxis a theoria discidium. 179.
- Vives *Lud.* de disputandi scholasticorū pruritu sententia. 86.
- Vocum technicarum utilitas. 25.

F I N I S.

ERRATA.

- P. 20. lin. 20. *evacuuntur*, lege *exacuuntur*. P. 70. lin. 4. *qua*, lege *quas*. Pag. 73. lin. 14. *utrumque*, lege *utcumque*. P. 95. lin. ult. *magnum*, lege *MAGNUM*. P. 146. lin. 23. *fieri*, lege *fieri*. P. 170. lin. 6. *ulla*, lege *ullo*.

DE
R A T I O N E
EXERCITIORUM
SCHOLASTICORUM

P R A E C I P U R

DISPUTATIONUM
CUM INTER CATHOLICOS, TUM
CONTRA HÆRETICOS IN REBUS FIDEI.

A U C T O R E

P. MARTINO GERBERT,

Monacho O. S. B. e Congr. D. Blasii in Silva nigra,
Em.mi & Rev.mi S. R. E. Cardinalis DE RODT,
S. Q. R. I. Princ. & Episcopi Constant. &c. &c.
Theologo.



Permissu Superiorum.

Litteris SAN-BLASIANIS. 1758.

THE INTERNATIONAL CONFERENCE

ON THE
UNIFICATION OF
THE
LAW OF
MERCANTILE
TRANSACTIONS
Held at
Geneva, 1934



OFFICE OF THE SECRETARY-GENERAL
LEAGUE OF NATIONS
GENEVA



PRÆFATIO.



Ejusmodi mihi est propositum thema, *de ratione exercitiorum scholasticorum*, quod potius usu diuturno, & experientia magistra est expediendum, quam longa institutione & certarum regularum præscriptione. Quapropter totam rem paucis percurrere liceret, nisi quædam ex superiore argumento *de recto & perverso usu theologiæ scholasticæ* huc maxime fuissent revocanda: nisi denique hic etiam non pauca occurrerent, quæ ad perversum usum notandum haud minus, quam rectum usum faciendum forent observanda. Agere nimirum in animo est, de illis exercitiis, quorum

P R Æ F A T I O.

rum in institutionibus theologicis usus est. Qua in materia studiose ea selegi, quæ his, quibus labor, iste noster dicatus est, tiro-nibus inquam potius usui esse possunt, quam magistris, penes quos dirigenda ac moderanda sunt exercitia scholastica. Quare paucis de *prælectionibus* prælibatis, tum indicatis solum, ac veluti digito ostensis aliis quibusdam exercitiis, quæ instituere vel omittere docentis est & magistri, statim ad illud processu, quod a discipulis potissimum absolvitur: *disputationem* intelligo, de qua majore sermonis parte agere proposui. Non quod magnopere probem, aut aliquo loco habeam usum illum in scholis perpetuo conficiendi, velitandique; sed quod hoc exercitium, quoad sua principia in omnem theologiam haud minus quam reli-quas scientias sese diffundat: tum etiam rectus illius usus, & moderatus in reliquis exercitiis, prælectionibus, collegiis &c. locum sibi vendicet. Certe elucescet ex orationis continuatione, me de disputationibus agentem, nihil minus quam de disputando præcise agere: imo id agere, ut rectam rationem in omni theologica tractatione statuam, perversam damnem: disqui-
ram

P R Æ F A T I O.

ram in argumentationum, ratiocinationum-
que theologicarum, quibus fere hæc disci-
plina a fide distinguitur, sedes & principia,
eorum veluti anatomia exhibita ac institu-
ta. Quod eo fine a me factum est, ut eo
apertius natura omnis argumenti theologicici
patefceret; atque hac ratione quid contra
eam actum sit, & peccatum elucescat, ratio-
que pateat ac via, omnia ad rectum revo-
candi usum. Multa hic ob vicinitatem ma-
teriæ recurrent, de quibus etiam est actum
de recto & perverso usu theologiæ schola-
sticæ: quædam priore illa dissertatione tra-
ctata sunt parcius, huc opportune dilata.
Ex quo censu illa sunt, quæ de principiis
rationis & eorum usu in theologia hic ac-
curatius, ut instituti fert ratio, pertractan-
tur. Quæ, mea opinione ni fallor, non
spernendum usum præbebunt, ad florem
facultatis theologicæ restituendum, quo u-
nice meus hic de ratione studii theologicici
spectat labor: dum ante annos aliquos ap-
paratum ad eruditionem theologicam edidi,
cui prodromum ad systema theologiæ uni-
versæ, cuius jam dimidia pars prelum elu-
ctata, prostat, altera in eo est, ut quam
primum sequatur; nunc autem postquam

P R Æ F A T I O.

de recto & perverso usu theologiæ scholasticæ egi, id superesse visum est, ut *de modo & ratione exercitiorum scholasticorum* hoc, quidquid est addam, eo minus negligendum, magisque curandum, quod prima theologiæ institutio his contineatur exercitiis, & profectus discipulorum non solum potissimum inde pendeat; sed etiam causæ ecclesiasticæ ac fidei catholicæ plurimum intersit paralogismos & sophismata adversariorum perspecta habere, & tum ad genuina revocare theologiæ christianæ principia, cum etiam in conflictu disputationis intra suos continere cancellos, ne extra orbitam ferantur. Quod multo hic periculosius est, quam in scholasticis disceptationibus, ubi de rebus fidei non agitur; & licet inutile sit ecclesiæ studium, perpetuo inter se digladiari, disputando de rebus indifferentibus; non tamen recta periclitatur fides, sicut in disputationibus cum hæreticis, contra avitam ecclesiæ traditionem novitates suas & errores fallacibus argumentationibus ratiocinationibusque involventibus, contra puritatem simplicitatemque fidei: quæ dici potest unica hostium fidei ars & armamentarium, unde tela sumunt, & adversus ecclesiam pugnant,

ac

P R Æ F A T I O.

ac impugnant fidei catholicæ dogmata, fucum facientes & officinas obtendentes sophistaræ pessimi, ad obfusandas veritates, & fidei integritatem laceffendam, ut dudum malas eorum artes PRUDENTIUS in præfamine ad *apotheosin* descripsit:

*Fidem minutis dissecant ambagibus,
Ut quisque lingua est nequior.
Solvunt, ligantque quæstionum vincula
Per syllogismos plectiles.
Væ captiosis Sycophantarum strophis,
Væ versipelli astutiæ.
Nodos tenaces recta rumpit regula,
Infesta dissertantibus.
Idcirco mundi stulta delegit DEUS
Ut concidant sophistica.*



SUM-



S U M M A R I A.

Caput I.

De principali scholastico exercitio, scriptorum aut prælectionum.

Caput II.

De exercitiis collegiorum, declamationum, disputationum, earum modo & præstantia.

Caput III.

De exercitio disputandi singillatim, quomodo illud vite instituatur.

Caput IV.

Disputationum utilitates declarantur.

Caput V.

De vitiiis exercitiorum seu disputationum scholasticar.

Caput VI.

De ratione dogmaticarum disputationum, ac imprimis de sedibus argumentorum ex verbo DEI.

Caput VII.

In argumentis theologicis quis sit usus rationis, philosophia, maximeque dialectices.

Caput VIII.

Qua ratione robur & securitas consequentiis & principiis rationis in theologia servetur.

Caput IX.

Ratio exercitii disputandi secundum præscriptam formam.

Caput X.

Illustrantur hætenus dicta eorumque usus ostenditur exemplis argumentationum theologicarum ex scripturis.

Caput XI.

Exempla disputationum ex traditione & controversiis fidei, unde earum utilitas ostenditur.


DE



DE RATIONE EXERCITIORUM SCHOLASTICORUM,

PRÆCIPUE

DISPUTATIONUM,
CUM INTER CATHOLICOS, TUM
CONTRA HÆRETICOS IN REBUS FIDEI.



C A P U T I.

*De principali scholastico exercitio,
scriptorum, aut præle-
ctionum.*


I.



Scio docendi, discendique ratio- Rationes tradendi
nes, ac modos nec posse, artes usa
nec debere scrupulosius potius,
ad uniusmodi formam & quam re-
regulas revocari. Possunt gulis hau-
disciplinarum methodi innumerabilibus riuntur.
viis institui, idque non solum in effin-

A

gen-



S U M M A R I A.

Caput I.

De principali scholastico exercitio, scriptorum aut prælectionum.

Caput II.

De exercitiis collegiorum, declamationum, disputationum, earum modo & præstantia.

Caput III.

De exercitio disputandi singillatim, quomodo illud rite instituatur.

Caput IV.

Disputationum utilitates declarantur.

Caput V.

De vitiiis exercitiorum seu disputationum scholasticar.

Caput VI.

De ratione dogmaticarum disputationum, ac imprimis de sedibus argumentorum ex verbo DEI.

Caput VII.

In argumentis theologicis quis sit usus rationis, philosophia, maximeque dialectices.

Caput VIII.

Qua ratione robur & securitas consequentiis & principiis rationis in theologia servetur.

Caput IX.

Ratio exercitii disputandi secundum præscriptam formam.

Caput X.

Illustrantur hæcenus dicta eorumque usus ostenditur exemplis argumentationum theologicarum ex scripturis.

Caput XI.

Exempla disputationum ex traditione & controversiis fidei, unde earum utilitas ostenditur.


DE



DE RATIONE EXERCITIORUM SCHOLASTICORUM,

PRÆCIPUE

DISPUTATIONUM,
CUM INTER CATHOLICOS, TUM
CONTRA HÆRETICOS IN REBUS FIDEI.



C A P U T I.

*De principali scholastico exercitio,
scriptorum, aut prae-
lectionum.*

I.



Scio docendi, discendique ratio- Rationes tradendi artes usu potius, quam regulis hauriuntur.
nes, ac modos nec posse,
nec debere scrupulosius
ad uniusmodi formam &
regulas revocari. Possunt
disciplinarum methodi innumerabilibus
viis institui, idque non solum in effin-

A

gen-

2 DE RATIONE EXERCIT.

gendis, ordinandisque systematibus; verum etiam in docendi, discendique exercitiis. Fatendum tamen est profectum in artibus, & scientiis maximam partem pendere ex ejusmodi rite institutis scholæ exercitationibus. Hunc in finem autem multo magis proficit diuturnus usus, & observationes, quibus compendia docendi, discendique animadvertuntur, quam regularum præscripta. Quapropter audiendi illi præprimis sunt in hac re, qui ætatem in præclaris disciplinis contriverunt. Et quoniam visum est, quid sentiam exponere, alia a me nolim expectari, quam quæ ab aliis in doctrina & eruditione vitam agentibus viris, inque orbe litterario celebratis, didici.

Consuetudo scripta dictandi in scholis, ejusque utilitates.

II. Videri queam in ipso statim sermonis ingressu ab hoc constituto animi decreto, deviare debere, si velim ex animi sententia agere in constituendo palmari scholæ exercitio, *prælectionum* scilicet, a quibus integra disciplinarum efformatio expectanda est. Longo usu, & consuetudine in omnibus fere orbis catholici pædagogis, academiisque obtinuit, ut prima tum philosophiæ, cum theologiæ institutio scripto excipiatur. Ipse MABILLONIUS favere huic mori vide-

videtur, non tam quod universalis omnium fere temporum praxis modum hunc utiliore evincat; verum quod magistro nimium negotii facessere credat, auctoris scholastici, prælo editi, opiniones mere explanare; cum difficillimum sit, ut in cunctis sibi plane arri-deat: præterea professor parum existimationis, auctoritatisque apud discipulos suos conciliet, nisi scripta proprio Marte composita iisdem tradiderit: Is insuper multo melius propria scripta discipulorum suorum ingenio possit conformare, quam si librum impressum iisdem explicet: tum vero scientiæ vividius discipulorum mentibus imprimuntur, si calamo exarentur, quam si legantur tantummodo. *Possunt siquidem, sunt verba MABILLONII (a) animo distrabi, dum a magistro explicatur auctor; at vero dum scribunt, se cohibere nequeunt, quin aliqua ratione attentos eidem se præbeant auditores, præsertim vero cum scriptorum explanatio continuo subsequitur.*

III. Non is sum ego, qui ausim tanti viri judicio, & sententiæ refragari. At-tamen negari non potest, quod obser-vatum a POSSEVINO (b) est, eos qui
Utilitates prælectionum maxime pro docente.

A 2

dictan-

(a) Tr. de stud. monast. P. II. c. 10. n. 1.

(b) Biblioth. sel. L. I. c. 26.

4 DE RATIONE EXERCIT.

dictandis prælectionibus potius ingenia prefferunt adolescentum, quam ut per veterum semitam deducerent, culturam ingeniorum optimam haud fecisse: cum hinc fiat, ne viva vox, quæ, secundum S. HIERONYMUM, nescio quid latentis habet energiae, in discipulorum influat animos: Prælectionibus sua quoque compendia & utilitates insignes sunt præ scriptorum dictatis. *Nascitur porro quaestio*, inquit DU-PINIUS, (a) *num utile sit atque conveniens ut professores auditoribus in calamum sua, ut voluerit quisque, dictent, vel an non melius foret, auctorem aliquem typis publicis expressum explicarent. Haud multis opus est, ut probetur posteriorem modum multo faciliorem, & professoribus pariter ac discipulis minus molestum esse, quia alteros ab operosa scriptorum novorum compositione, alteros a temporis jactura in describendo liberat. Adhæc difficile creditu est, professoris utcumque exercitati scripta hunc in finem pro studiosis composita, tam limata exactaque esse, quam sunt auctorum eruditorum libri, qui ante de eadem materia publico cum elogio prostant. Majori adhuc attentione editi typis libri, quam ea, quæ discipulis in schola dictantur, perlegi solent, plurisque ea, quæ publice prodeunt, quam quæ in scholis sonant,*

(a) Meth. stud. theol. c. 25.

nant, aestimantur. Vix fieri potest, aut saltem raro fit, ut professori sat otii sit, scripta elaborare debita accuratione: sæpe contingit, eos centrones ex uno alteroque auctore confarcinare. *Sæpe enim, ut eodem loco idem ait POSSEVINUS, ex alienis scriptis eadem præmunt, quæ volunt haberi pro suis, quare potius peregrina & mortua, vel echo nescio quæ obtundit aures, non mentem instruit.* Certe discipulis consultius foret in ipsis auctoribus, ubi filum & nexus doctrinæ habetur, minori negotio legere, & majori haud dubio fructu. Aut, si e re discipulorum non sit, lectione plurium auctorum obrui; potest magister, quæ ad rem legendo percepit, in prælectionibus proponere ceu apis sedula: cum sic magnum otium ei accedat, legendi colligendique doctrinam non solum discipulis necessariam, sed etiam doctori congruentem, ex qua cum iudicio & sagacitate præmere possit captui discipulorum proficua. Aliter tamen persuasus fuisse videtur laudatus POSSEVINUS. *Ipsis, qui prælegunt, idem inquit POSSEVINUS (a), occasio demitur, qua serio materias excutiant, ut qualis fons, talis inde necessario aqua, turbida nimirum ac sordida, scaturiat; quin-*

A 3

deni-

(a) Loc. cit.

6 DE RATIONE EXERCIT.

denique & antiquiores, ac perspicaciores interpretes; contextusque auctoris omittuntur. Alias vero professor occupatus, scripta compilando, facile se studiaque sua, & profectum negligit; ut deinceps, postquam optimam ætatem docendo consumsit, ineptus reddatur, eos ferre fructus, quos forte orbis litterarius ab eo exspectare potuisset.

Tum pro
discipulis.

IV. Non minus discipuli onere & sarcina scriptorum gravantur, & a profectu haud parum retardantur; dum necessum eis est bonas horas scribendo consumere iis rebus, quas interim repetita sæpius lectione optime memoriæ commendare, imo vix non memoriter ediscere quivissent. Et quia scripta solent, quam celeriter fieri potest, dictari; cogitationes potius distinentur in scriptione, quam scriptorum sensu, & intellectu. Quid? quod characteres ita properanter, præcipitanterque efformati, nonnisi improbo labore deinceps legi possint, qui magnam in ipsa lectione attentionis partem ad se rapit. Plerumque vero discipulis stomachum creant scripta male scripta, ut aut omnino non, aut cum fastidio legant; præsertim vero, quando semel scholas deseruerunt, ubi longe magis volupe est, per-
spi-

spicue pulchreque effectos typos, quam misere exaratas scripturas versare; cum semper fere major doctrina & eruditio, insignior ordo ac methodus, melior nexus in libris cum studio & diligentia toti orbi litterario propositis reperiatur, quam in scriptis sæpe sine sufficienti iudicio, & arte confutis, corrasis hinc inde fragmentis, atque emendicatis panniculis. Quod vix aliter fieri potest, cum tempus elaboratius aliquid, & suo Marte confectum procudere plerumque non permittat. POSSEVINUS (a) laudato paulo ante loco præter hæc alia quoque in hanc rem annotavit.

A 4

V. MA-

(a) Qui, *inquit*, dictata excipiunt, si nimis descriptioni sese immerferint, cum capita rerum notasse sat esset, haud minima damna patiuntur; primum quod scriptis fidunt plus, quam ut res animo comprehendant; sæpeque id verum sit, quod vulgato, & simplici, sed tamen vero carmine, dicitur: quodsi charta cadat, secum sapientia vadat. Præterea & ipse dicendi stilus, ac bene litteras formandi ratio abjicitur, quam enim scribendo celeritatem adhibent adolescentes, ea fit, ut nec manus deinceps recte aptetur, nec in auctoribus ipsis stilus ac dictio animadvertatur: qui cum eleganter scripserint, sæpe barbare explicantur a præceptoribus, ac mixtim, quod ex alienis laboribus, ut diximus, sua commisceant, multi vero pariant, quæ non par-

turie-

MensMA-
BILLONII
exponitur
ratione
scripto-
rum di-
ctando-
rum.

V. MABILLONIUS suavit, ut magister primum saltem philosophiæ cursum edocendo, auctorem aliquem typis excusum explanaret, seu etiam alterius professoris scripta dictaret. Quæ si ita sint, ut quid non etiam dictare queat ab alio typis datum aliquod systema? Imo nec hoc est inauditum, quamvis pudendum: cum tamen fructus profectusque par haberi possit ex descriptione systematis scholastici, sive manuscriptum illud sit, sive typis expressum; quin major, si hoc illo excellentius sit, quod plerumque contingit. Quare ergo MABILLONIUS illud, & non istud suavit? Sola fama, & existimatio magistri

turierunt. *Quam rem cum paritatibus illustrasset, addit postea:* Atqui cum vix percipi possit, quod tam celeriter, aut decurtatis dictionibus scribitur; ipsa scriptio, vel potius corruptio exequiæ sunt laborum: præterquam quod, qui labor in apparatus & reliqua huiusmodi impenditur, is non semel irritus est: quod eo in genere plerique libri jam evulgati sint, & quidem multis nominibus perfectiores, quam nostri. Quamobrem, si antequam descriptione conficeremur, a DEO lucem a peritis notitiam eorum hauriremus, magnum esset compendium &c. Refert etiam ibi academix Parisiensis & Societatis JESU consultum pro prælegendo. Etsi in academia Paris. & Lovanienfi floruisse dicatur paucis ab annis mos ille theoreticam in calamus dictandi.

stri in causa esse potest, aut certe temporis dilapidatio, quæ in describendo auctore millenis vicibus incuso fieret: quæ tamen ratio in dictando qualiacunque scripta itidem obtinet. Præterea isto suo consulto MABILLONIUS manifestum fecit, probe se secum reputasse, animoque perpendisse, quod nos paulo ante diximus, vix in primo cum primis studii scholastici cursu animum satis præparatum, & sufficienter instructum afferre posse eum, qui theologiam, aut etiam philosophiam traditurus est. Ut adeo in hoc consentientem habeamus summum virum. Imo conjicere licet, ac suspicari, MABILLONIUM, qui non minore animi moderatione ac humilitate, quam sapientia, & eruditione ornatus fuit, mori & consuetudini deferendo noluisse contra torrentem ire, aut refragari usui communi sui temporis.

VI. Hac in animi persuasione de mente MABILLONII magis confirmari forte queat, qui allatas ab ipso causas, & rationes opinionis consideret. Quod enim primum ait, difficillimum fore magistro, auctoris cujusdam opiniones mere explanare, eo quod futurum non sit, ut omnes arrideant: Ajo, neque neces-

Expenditur prima
MABILLONII ratio
proscripta.

A 5 sarium

IO DE RATIONE EXERCIT.

sarium esse, ut omnes arrideant. Quid enim prohibet, solutis causæ firmamentis ab auctore propositis, contrariam amplecti opinionem in illis materiis, quibus licet in utramque partem opinari? Quamvis putemus, dum prima traduntur artis principia, in ejusmodi rebus, nec multam operam ponendam, nec frequentem, præsertim in theologia, sed potissimum occupari in rebus necessariis, & dogmatibus constantibus; ne illis neglectis juvenum ingenia præjudiciis opinionum imbuamus. Quod si tamen professori visum fuit, his aut aliis occasionibus suas promere sententias, poterit illas per otium, quo abundat, brevibus schediasmatis complecti, discipulisque ad legendum, aut si e re sit, etiam scribendum tradere.

Item altera.

VII. Quod alterum attinet rationis momentum a MABILLONIO propositum, ac si parum auctoritatis existimationisque sibi magister conciliet, nisi scripta proprio Marte iisdem tradat: nisi me omnia fallant, puto docto, ac gnavo professori occasiones haud minores adesse, se doctrinamque suam & eruditionem discipulis probandi, hincque necessariam doctoris egregii famam & estimationem comparandi: si nimirum
otio

otio suo utatur ad assequendam doctrinae copiam, eruditionisque amplae supellectilem, quam commode horis praelectionis proferat; cum praelectiones cumprimis praeparatum animum efflagitent, & satis instructum, si digna quis discipulis proponere gestiat, & selecta, atque id ordine, & opportune; ut hoc modo pulcherrime stet magister, arri-gentibus discipulis aures, animisque eruditionem demirantibus, & dicendi facultatem, dicendorumque copiam. Quodsi etiam necessarium videatur, hanc existimationem scriptis consequi, multo melius hoc praestare poterit; si nonnunquam elaboratum & doctum meletema discipulis offerat, quam si ex aliorum identidem laboribus confarcinatum centonem obtrudat.

VIII. Hoc modo etiam supplere il- Ac tertia.
 lud commodum poterit prudens & sapiens magister, quod alias per scripta obtinetur, ea discipulorum suorum ingenio conformando; scilicet, quod auctori in hunc finem deest, propria industria aut calamo, aut ore perficiendo. Si enim dotibus ingenii ad hoc instructus sit, non deerunt consilia, & industriae, quibus quovis demum modo hoc effectum eat. Quamvis diffitendum non sit,

12 DE RATIONE EXERCIT.

lit, hoc præcipuum esse, quod suadere posset in calamus dictandi morem, institutiones scholasticas sive philosophicas, seu theologicas, quod eæ ingeniis discipulorum conformari valeant. Consultum ergo est, ut saltem, quæ accommodatiora discipulis novit professor propriis scriptis superaddat, observationes proprias in calamus dicter, aut in compendium redigat, quæ alibi diffusius habentur locis & auctoribus citatis, ubi plura haurire discipuli queant, dummodo diligentiam in se desiderari haud patiantur. Qui officio suo, inquit DU-PINIUS, (a) *rite funguntur professores, non minorem diligentiam & attentionem adhibent, ad solidum scriptum pro discipulis suis conficiendum, quam multi auctores faciunt in scripto publico. Si tanta illud elegantia non efforment, tamen sic satagunt, ut captui incipientium illud magis accommodum, methodoque scholæ convenientius efficiant, & paucis paginis res multas complectantur. Quapropter hac usu jam olim recepta & ante inventas typorum formas necessaria consuetudo; qua discipulis aliquid ad eorum informationem in calamus dictatur, reprehendi vel rejici in totum nequit; sed curam atque operam impendant professores, ut nihil inutile, & quod ad scopum*

non

(a) Meth. stud theol. recte instit. c. 25.

non pertineret, in chartas conjiciendum mandent, atque ut scripta isthæc, quantum fieri potest, in arctum contrahant; ne discipulis suis nimium in scribendis prolixis tractatibus negotii faceffant; sed curent ut ad impressa eos remittant, ubi materia, de quibus loquuntur, fusius tractata sunt; ut nihil allegent, nisi quod ad decisionem rei confirmandæ stricte pertineat; utque verbis paucis multa eloquantur.

IX. An vero scientiæ vividius discipulorum mentibus imprimantur, si calamo exarentur, quam si pure legantur, propter distractiones, quæ prælegendō non satis cohiberi queant, adhuc disquirendum superest. Et sane admitti debet, nudam lectionem, præcise in otio factam, evagationibus mentis multo magis obnoxiam esse, quam scriptionem. Nec illud prætereundum, idem distractionum periculum maxime apud volubilia juvenum ingenia subesse, in explicationibus a professore inter prælegendum faciendis. Ut enim hujus rei gnari observarunt, quæ quis e suggestu in auditorum cœtum spargit, vel per auditorum oscitantiam non audiuntur, vel non intelliguntur audita, & ut intelligantur, vix millesima pars sunt eorum, quæ sibi præcipue explicari auditores

Quarta,

14 DE RATIONE EXERCIT.

tores postularent. Verum huic incommodo obviam ire commodis remediis facile poterit sagax magister.

Ratio prælectionum ut debita discipulorum attentio, & eruditio comparetur.

X. Non unam attentionem auditorum conciliandi suggeret industriam magister usus. Illud in hac palæstra exercitari præprimis consulunt, ut familiari colloquio explicatio quantum fieri licet, transigatur, qua nimirum methodo optimi quique artium magistri inde ab antiquissimis temporibus scientias tradiderunt, ipse SOCRATES, PLATO, ARISTOTELIS, ac summi quique philosophi. Faciendum etiam est, ne discipuli elingues sedeant; sed ipsi dubia moveant, difficultates proponant, majorem obscurorum explanationem petant. A magistro prælegente etiam pro sua mente explananda rogentur, dictorum repetitio petatur, item solutio objectionum ex præcedentibus pendens, & quæ sunt alia sexcenta, quæ occasio præbebit ad manus attentionis conservandæ consilia. Ipsa etiam prælectio explanandorum tum a discipulis antea facta, tum a professore, jam mentes disponit, animos attentos reddit, voluntatem erigit, ingenium acuit, ut cum explicare incipiat instructor, omnia clarius patefiant, facilius capiantur, solidius imprimantur, & sollicitius conserventur.

XI.

XI. Præsertim si posthac tempore superstitite, ea, qua par est, diligentia, relegantur, ruminantur, & recoquantur explanata, iterumque statim ad repetitionem per septimanam & mensem horis toto fere fonte exhauriantur: quibus examinibus præter ordinarias repetitiones ad dictorum confirmationem explicationem &c. de septimana in septimanam, de mense in mensem, aut post singulas absolutas præcipuas materias factis, nihil fructuosius excogitari queat.

Repetitionum exercitium commendatur.

C A P U T II.

De exercitiis collegiorum, declamationum, disputationum, earum modo & præstantia.

I. **A**d insignem profectum faciendum solæ prælectiones non sufficiunt. Qualibuscunque ingeniis, sunt verba POSSEVINI (a), magnopere semper obsuit, cum defuerunt præceptores officio exigendi a discipulis pensum, repetitione, collatione, responsione (quotiescunque interrogantur) ac disputationibus. Quemadmodum enim perfecta agri cultio non.

Insignis, ac late patens collegiorum usus.

(a) Bibl. sel. c. 31.

*non est, si quis aret tantummodo, aut ser-
rat, sed tellure tegendum est semen; sic
non recte excoluntur ingenia, si post præ-
lectiones publicas, ea, quæ dixi, non ad-
bibeantur.* Exercitio prælectionum pro-
xime adjungi debent COLLEGIA.
Horum usitatam hætenus apud opti-
mos quosque doctores (nam eorum
non uniusmodi est ratio) formam in
ipsis etiam prælectionibus sequi, imi-
tarique queant magistri: cum non so-
lum ingenti studiosæ juventutis profectu
ac emolumento in scholis & academiis
hætenus obtinuerint, verum etiam eo-
rum opera, & adminiculo solo plu-
rimi disciplinis instructissimi evase-
rint. Possunt autem hæc collegia va-
ria esse, usu & opinione doctorum. Im-
primis ubi non videtur corpus totius
alicujus disciplinæ in collegiorum for-
ma transigendum, utilissimum tamen
fuerit, in collegio ad hoc instituto, quæ
in prælectionibus tractata sunt, repetere,
examinare, ac inculcare sub erudi-
ti & prudentis præsidis ductu: aut etiam
sub tali præside principales causæ,
materiæ, ac controversiæ sapienter e-
disseri queant. Cujusmodi collegia in
theologia plura habenda sunt, polem-
icum, dogmaticum, cum primis vero
biblicum, in quo præses libros biblicos
analy-

analytice exponat, & ad singula cujusque libri capita quæstiones maxime necessarias moveat, ac determinet. Novi etiam in quadam academia per celebri collegia ex locis theologicis perpetua vigere, consuetudine non tam diuturna, quam longe utilissima.

II. Collegia illa, conferentiæ, seu collationes, quarum varias species ac formas refert MABILLONIUS suo de studiis monasticis tractatu, sunt alterius loci, alia a me occasione tractanda, cum

DE OTIO CLAUSTRALI RELIGIOSORUM, item DE OTIO RURALI CLERICORUM quædam differere licebit: Sunt enim collationes istæ non gymnasmata scholarum, sed exercitia virorum, qui pulvere scholastico excusso ad altiorem eruditionem aspirant. Cujusmodi multas ab eruditissimis viris, aut zelosis pastoribus, celebratas recenset laudatus MABILLONIUS, ac ipse etiam noviusmodi generis consilium dat monachis magna sciendi cupiditate flagrantibus: si nempe tres aut quatuor singillatim varia ejusdem materiæ versarent volumina, proprio captui, geniove magis consentanea: hique semel aut bis per hebdomadam conventum celebrarent, conferendi gratia de illis, quæ singuli

Alia collationum genera inter viros eruditos, & ecclesiasticos.

B

inter

inter legendum notassent, vel circa dubia, quæ sibi obvenissent, ut sic se mutuo consulentes ea mature resolverent. Similis mos in congregatione SS. VITONIS & HILDULPHI viget. Refert porro idem MABILLONIUS modum Parisiis usitatum in conciliorum studio, qui facile ad historiam etiam ecclesiasticam aptari queat: secundum quem sodales singuli eodem studio distenti, eodemque ordine, convenientes quique dubia proponerent, & conferrent. Item alterum parochorum Parisiensium puncta quædam discutienda proponentium cujuslibet anni initio, qui deinde singulis mensibus in unum convenientes vicissim conferant de iis. Apud multos Germaniæ pastores quotidie etiam in vicinia nostra magis mos iste efflorescit. Huic affinis est sodalitas doctrinæ christianæ a D. CAROLO Borromæo instituta: ac illa ab ALEXANDRO Canigiano in archiepiscopatu Aquensi, uti habetur in conc. prov. Aquensi an. 1585. *Tit. de vic. foran.* distributis nimirum vicariis foraneis in certas diœcesis regiones, quarum singulæ octo circiter complectuntur parochias, in quarum medio vicarii isti sedem figentes singulos parochos, aliosque sacris ministeriis addictos clericos, semel unaquaque hebdomada congreg-

gregent, ac invocato divino Numine pastorales exhortationes nunc per se, nunc per alios haberi curent: Capitulis postea casuum conscientiae propositis, & disceptari solitis, tum etiam difficultatibus, quas quisque habet, communi collatione ad examen revocatis, & resolutis: Invigilante vicario foraneo moribus, & ministeriis parochorum, & aliorum sibi commissæ regionis sacerdotum; præterea cultui & reparationi ecclesiarum; de idoneis, aut incapacibus ad sacros ordines recipiendis. Quodsi praxis hæc persuaderi possit parochis ruralibus, aut clericis civitatensibus, utilius locabitur tempus, quam conventibus hætenus inter ejusmodi sacras personas institutis. Præsertim si communi sumtu in hujusmodi conventus loco, aut saltem amplioribus decaniis, vel civitatibus, bibliothecæ quædam ad communem usum adornarentur. Sed hæc alias. Addam alterum collationis modum ex MABILLONIO, si monachus aliquis, multa eruditione præstans, materiam quandam pertractaret, & quolibet in congressu de ea fermocinaretur, difficultates enodando, quæ sibi identidem objicerentur. Aut si etiam plures fermocinarentur de præfinita aliqua materia, ita ut unus materiam late exponat

& asserat, alter dubia in contrarium proponat, tum prior ea solvat &c.

Aliud exercitium scholasticum pene neglectum, nimirum declamatorium.

III. Hoc postremum collationum genus commonet nos exercitii cujusdam scholastici pene neglecti. Intelligo autem declamationes gymnasticas seu tractationem quaestionis cujusdam orationis a peritis commendatam, discipulisque praescriptam, cum primis theologis, ad augendam intelligentiam rerum sacrarum, firmandam memoriam, & comparandum habitum coram aliis de rebus tantis libenter, animoseque dicendi: tum etiam ut studiosi stilum exerceant, ac progressus alicujus sibi conscii, ad majora suscipienda incitentur. Possunt autem sodales studiosi vel singuli in singulis argumentis tali ratione se exercere, aut alter alterius argumentum censere, ad examen revocare, confutare, confirmare, sicque mutuam sibi praestare operam, & quasi attritu lapidum tum ignem pietatis, tum lucem ac splendorem doctrinae christianae, ac sinceræ religionis elicere. De hoc exercitio copiose egit *Andreas* HYPERIUS (a), & post eum LAURENTIUS a Villa Vincentio, ex quibus pauca de præstantia ejus

(a) De ratione studii theol. L. III. c. 7.

ejus adscribam. *Quam autem, inquit, hæc exercitatio theologiæ candidatos decent, non ex eo solum liquet, quod eos, qui docturi sunt populum in ecclesia, valere benedicendi arte atque usu necessum sit, verum etiam, quod ex præstantissimis theologis veteribus plerique rhetorice publice olim sunt professi, nec non præclara exempla orationum incredibili artificio elaboratarum post se reliquerunt; quæ profecto optarem tyronibus declamaturis interdum proponi &c.*

IV. Iidem auctores ceu sororem de-De utris-
clamationi jungunt disputationem. Hu-que exer-
jusmodi exercitiorum, inquit (a) LAU- citis de-
RENTIUS a Villa Vincentio, duo sunt clamatio-
genera cumprimis celebrata: alterum in num & di-
disputationibus, alterum in declamationi- sputatio-
bus positum: sunt vero vel eo nomine di- num.
ligentissime in scholis proponenda... quod
in iis cardo profectus studiosorum verti-
tar: Neque enim quantum promoverint,
quidve humeri valeant, quid ferre recu-
sent, percipere adolescentes unquam pote-
runt, nisi aliquandiu in hujusmodi pro-
gymnasmatibus virium ingenii periculum fe-
cerint. Sæpe compertum est eos, qui exi-
stimabant se egregiam navasse in sacris lit-
teris operam, & confidebant de quovis ar-
gumen-

B 3

(a) De rat. stud. theol. L. III. c. 6.

gumento theologico, sive apud populum, sive in cœtu condiscipulorum, posse cum laude differere, cum aliquid efficere meditarentur, quoniam neque disputationibus, neque declamationibus sese exercuerant, cœtos cum dedecore pene dixeram cum multorum risu, & sibilis re infecta abire. Conferta sunt istæc verba præclaris documentis: duo exercitiorum genera theologiæ candidato summopere commendata intelligimus, declamationum, & disputationum. Declamationum usus, quibus argumenta theologica perpetua oratione pertractata intelligit, an uspiam apud nostrates obtineat, haud scio: disputationibus vero omnes fervent scholæ. Jam indagandum est, rectene, an secus disputationes declamationum loco stabilitæ sint, & utrum horum exercitiorum alteri præster utilitare.

Utraque
hæc usita
ta veteri-
bus.

V. Qui, quæ veterum philosophorum discutiendi sua placita fuerit ratio, non ignorat, facile advertet, ambas has exercitationum formas apud antiquos illos obtinuisse, atque in christianas scholas, ut pleraque tanquam Ægypti spolia, traductas fuisse. Utriusque morem nobis describit libro secundo de finibus CICERO, qui complura Græcæ philosophiæ argumenta in Latium intulit.

Quo

Quo ex loco cum primis discimus, eos philosophos, qui scholam aliquam explicassent, solitos esse poscere in conventu quæstionem, id est, *jubere dicere, qua de re quis vellet audire*. Quod primum, ut idem asseverat, ausus est *Leontius* GORGIAS sequi institutum, postea etiam ad Latinos translaturum philosophos. Sed cum iste mos eorum maxime esset, qui sophistæ tum nominabantur, jam olim a SOCRATE, ex PLATONE cognoscimus, ejusmodi fannis exceptos esse. Ex eodem CICERONE etiam discimus, hunc morem plerorumque philosophorum antiquorum maxime Academicorum fuisse, ut unus quæstionem moveret, alter perpetua oratione responderet.

VI. Tradit idem CICERO SOCRATEM percontando, atque interrogando elicere solitum eorum opiniones, quibuscum differebat; *ut ad ea, quæ ipsi respondissent, si quid videretur, diceret*. Istum morem, cum a posterioribus non esset retentus, ARCESILAM revocasse commemorat laudatus CICERO, instituisseque, *ut qui se audire vellet, non de se quærerent, sed ipsi dicerent, quod cum dixissent, ille contra. Sed qui audiebant, quoad poterant, defendebant*.

B 4

senten-

sententiam suam. Ipse in libris suis philosophicis utramque est secutus, & declamatoriam, & Socraticam in disputando. Qua de re primo Quæst. Tuscul. libro ita loquitur, methodum Socraticam explicans: *Ut enim, inquit, ante declamitabam causas, quod nemo me diutius fecit: sic hæc mihi nunc senilis est declamatio. Ponere jubebam, de quo quis audire vellet; & id aut sedens, aut ambulans disputabam... fiebat autem ita, ut cum is, qui audire vellet, dixisset, quid sibi videretur, tum ego contra dicerem. Hæc est enim ut scis, vetus & Socratica ratio contra alterius opinionem differendi. Nam ita facillime, quod verissimum esset, inveniri posse SOCRATES arbitrabatur.*

Concertationes nostri ævi de Socratica vel syllogistica methodo.

VII. Nostra ætate, & proxima multum est disceptatum, utra disputandi methodus melior accommodatiorque, an hæc, quæ ab auctore Socratica dicitur, a modo autem per quæstiones, & responsiones *erotematica* nominatur; an altera per syllogismos: communiter tamen hæc probatur, quod disputantes intra orbitam contineat, simulque præstet, ut argumenta & rationes mentem distributius subeant, ut ita respondens fontes errorum feliciter detegere queat, cum per methodum *erotematicam* per-

perquam facile opponens vel respondentem, vel respondens opponentem, in fraudem abducatur, ut notarunt periti dialectici; per syllogismos autem optime disputationibus scholasticis modus ponatur. Nam, ut inquit GAUSSENUS(a) *in communis linea ducatur, ad quam pugnetur, ut sunt hominum ingenia cedere plerumque nescia, tota res in clamores & strepitus incompósitos abibit: eorum tantum religionem seu superstitionem non probamus, qui eam sibi & aliis conditionem ferunt, legemque iniquam ponunt, ut si se sophista intra paralogismi latebras abdiderit, eum ex hisce tenebris non aliter, quam per umbraticas dialecticorum formulas, extrahere fas esse putent.* Id ab aliis tamen est consultum, ne ita absurdi simus, ut cuncta ad formam redigi jubemus syllogisticam, hisce solummodo pugnemus armis: imo relictis aliis exercitiis, etiam declamationibus, hoc unum sequamur; quamvis illi major pars otii nostri attribui queat, quia præstat, utiliusque est,

VIII. CICERO de hac re egregiam De disputationum
tulit sententiam, quam hic afferam, non utilitate
quod hominis gentilis auctoritati aliquid præ decla-
tribuam, sed quod Ciceronis rationibus,
B s nes bus,

(a) De utilitate philosophiæ ad theologiam.

nes rem evincant , atque extra dubium ponant. *Ego autem arbitror*, inquit ille eodem libro secundo de finibus , *quamquam admodum delectatus sum ejus* (TORQUATI) *oratione perpetua, tamen commodius, cum in rebus singulis insistas, & intelligas, quid quisque concedat, quid abnuat ex rebus concessis concludi, quid velis, ad exitum perveniri; cum enim fertur quasi torrens oratio, quamvis multa cujusque modi rapiat, nihil tamen teneas, nihil apprehendas, nusquam orationem rapidam coerceas.* Tum & sequenti libro, & aliis compluribus in locis in eandem sententiam mentem suam exponit. Et quoniam ille popularibus quaestionibus, & forensibus causis enutritus in philosophicis etiam suis lucubrationibus alterum illum perpetuae orationis modum est secutus, quemadmodum ipse se de hac re accuset, audiamus, & damnet: *Ut hoc pulcherrimum esse judicem*, inquit in LUCULLO, *vera videre; sic pro veris probare falsa, turpissimum est.* Nec tamen is ego sum, qui nihil unquam falsi approbem, qui nunquam assentiar, qui nihil opiner: sed *quaerimus de sapiente.* Ego vero ipse & magnus quidem sum opinator (non enim sum sapiens) & meas cogitationes sic dirigo non ad illam parvulam cynosuram,

Qua

Qua fidunt duce nocturna phœnices in alto,
ut ait ARATUS, eoque directius guber-
nant, quod eam tenent,

Quæ cursu interiore, brevi convertitur
orbe :

sed ad Elicen, & clarissimos septemtriones,
id est, rationes has latiore specie, non ad te-
nue eliminatas. Eo fit, ut errem & vager la-
tius. Multa egregia sententia ista com-
plectitur, & quæ ad propositum nostrum
apprime quadrent, quæ hic articulatus
expendere juvat.

IX. Sed primo agamus argutiam il-
lam discutiamus quam ex ARATI versu
concinnavit, qua nihil legi unquam acu-
tius elegantiusque dictum, politius ex-
cogitatum. Cynosuram, quam jam po-
larem nominamus, quod proxime polo
adhæreat, constat esse stellam, ad quam
hodiedum etiam nautæ suum cursum
dirigunt, cum hoc a Phœnicibus pri-
mum esset factitatum, ut is ipse a CI-
CERONE allatus ARATI declarat ver-
sus. Est autem stella istæc ad caudam
ursi minoris ad septemtrionis polum
proxime posita; unde etiam nomen
compositum est cynosuræ: id est κυνός
ἄρα, quasi *canis cauda*, quod ursa mi-
nor, ut alibi idem affirmat CICERO,
cauda potius canina, quam ursi prædi-

Explica-
tur locus
CICERO-
NIS de
hac re.

ta sit: quæ, quoniam axi propius adjuncta, *interiore cursu*, ut ARATI verba sonant, *brevi convertitur orbe*: ea nempe cœli parte, quam sibi, ut est in *Bucolicis* VIRGILII (a), MENALCA 9 alter de præstantia inter se contendentium pastorum vult his verbis indicari depositis proemiis:

Dic quibus in terris (Et eris mihi magnus Apollo)

Tres pateat cœli spacium, non amplius, ulnas.

Quam ob causam nautis quam aptissima est, ad quam respiciendo, qua orbis plaga versentur, & quo cursum dirigant, possint discernere; cum cæteræ stellæ longius evagentur: cujusmodi Elices, seu septem illi triones, qui in ursa, ut vocant, majore sunt constituti, & nomen etiam plagæ boreali indiderunt, ut septemtrio diceretur. Igitur ut ad rem veniamus, seipsum redarguit CICERO, quod, dum philosophatur, non Phœnicum peritissimorum nautarum exemplo cogitationes suas ceu ad cynosuram illam parvulam, *ad tenue elimatas*, sed ad Elicen, clarissimosque septemtriones, id est rationes illas dicendi *latiore specie* circumductas dirigat, cum illi eo *directius gubernent*, quod

eam

(a) Eccl.og. IV.

eam tenent, quæ cursu interiore brevi convertitur orbe, ipse autem erret, & vagetur latius, satisque magnus existat opinator, qui certo vix aliquid apprehendat; nec sapiens sit talis, cui sua sint penitus explorata, & inconcussa. Quæ in sententia illud etiam optime explanavit, quod postea ex ZENONE retulit & ARISTOTELE, quorum opinione omnis vis loquendi in duas partes tributa sit, rhetoricam palmæ, dialecticam pugno similem, quod latius loquerentur rhetores, dialectici autem pressius. Quæstionem hanc etiam movet DU-PINIUS in utilissimo libro de methodo studii theologici recte instituendi c. 25. Sitne conveniens per objectiones & responsiones scholasticas discipulos actibus publicis exercere, ubi argumenta in forma proponant, atque resolvant? An magis ex re sit, eos lectionibus theologicis ad eam rem componendis tentare vires? Aut dubia sua paucis ac simplicibus verbis proponere, formæ scholasticæ se non adstringendo? Quæ de medio illo exercitii genere Parisiis & alibi usitato, pro exercitioribus maximæ utilitatis, dicit, notanda probe sunt, quo suo Marte ad componendum adstringantur. De eo autem, quo de modo agimus, sic sciscit. Sed

nec illud inficiandum est, quod objectiones & responsiones publicæ, prout methodus scholastica fert, tam ad ingenium exercendum, emendandumque, quam ad proponendas resolvendasque difficultates verbis paucis, modo accurato, limatoque, ita ut a via ne aberremus, permultum conferant, quia disputans hac ratione cogitur directe concludere, propositionemque negatam probare, aut datam distinctionem impugnare, donec difficultas exspiraverit. Egregia deinceps affert ad rite instituenda, & cum fructu, ea exercitia, quæ legi omnino merentur, quemadmodum alia etiam, quæ de variis exercitiis publicis & privatis in academia Parisiensi a multis sæculis usitata sunt.

CAPUT III.

De exercitio disputandi singillatim, quomodo illud rite instituat.

Quare de
disputandi
exercitio
pluribus
agendum
ducamus.

I. **D**e isto disputandi exercitio, prout ad theologiam attinet, pluribus jam agere propositum est: non tantum ea de causa, quod utilitate præstet: sed multæ aliæ sunt rationes, quare tractationem istam potissimum arti disputatrici tribuamus. Primum ejus frequen-

frequentissimus usus hoc requirit: deinde vitia in illam illapsa, & perversus ejus usus istud flagitat. Demum ac potissimum, quod theologia potissimam sui partem sit argumentativa, cum non sit tantum *νοητική*, sed etiam *διανοητική*, atque ex principiis suis conclusiones eliciens. Colligit enim theologus, inquit CANUS (a), *ex principiis fidei a DEO revelatis conclusiones suas, atque in principiis ipsis implicitas per argumentationem naturæ consentaneam explicat*. Et ut D. THOMAS dicit (b): *Ex articulis fidei hac doctrina ad alia argumentatur*. Quod ita insitum theologicæ facultati putavit Emmanuel CALECAS, ut cum NICEPHORUS, ac alii quidam Græci non ante multa sæcula argumentationes exesse ex theologia juberent, quod naturæ humanæ proprium est, ac consociationi, e medio hinc tolli ediceret. Qui syllogismos, (c) inquit oratione in hanc rem habita, & argumentationes penitus excludit a theologia, primum id quod humane naturæ proprium est, & hominum inter se colloquium & communionem tollet e medio: tum beatum PAULUM redarguet reprehendentem eos, qui ex aspectabilibus rebus

(a) De loc. theol. L. VIII. c. 2.

(b) P. I. q. 1. a. 8. ad 1^{um}.

(c) Apud PETAV. Prol. theol. dogm. c. V. n. 3.

rebus de DEO ratiocinari aliter minime potuerunt, & ex creaturis agnoscere creatorem. Vitio id etiam vertet theologis, si ve de iis, quæ ad hypostases attinent, si ve de divinis processibus disputantibus; quin ipsius salvatoris sententiam labefactabit, qua scrutari scripturas jubet. Perspicuum est enim, eum qui scripturas perscrutatur, non nisi argumentando legere.

Necessitas
philoso-
phiæ, præ-
sertim dia-
lecticæ in
disputan-
do.

II. Atqui hinc summa enata est necessitas non solum dialecticæ (cujus ope, tum in singulis scripturæ commatibus delirescentia argumenta eruantur, tum ex dogmatibus etiam conclusiones rite elicerentur) verum etiam metaphysicæ, ac reliquæ philosophiæ, quæ generalissimos explicet terminos, quorum maximus usus est in disputationibus theologicis; eoquod theologi in suis disputationibus, quæstionibusque multa in philosophia disputata supponant, aut ex ea vel propter adversarios, vel propter inolitum usum theologica philosophicis notionibus effe-
rendi, aut etiam propter auditores lecto-
resque disputare cogantur. In quo tamen dialectica omne fert punctum, utpote, qua omnis disputandi ratio vergit, præ-
sertim in adversariorum paralogismis de-
tegendis: si ve veri illi sint hostes, ut in
rebus fidei hæretici, in aliis quæstioni-
bus

bus etiam orthodoxi ; sive tales, qui exercitii tantum causa se adversari fingunt. Et quoniam fieri nequit, ut veritas non sit uniusmodi, semper apud unam partem perversæ ratiocinationes existant, oportet, quæ logico artificio extricantur: sive error malæ partis consistat peccato in logicam, hoc est, in ipsa forma argumentandi versetur; sive contra propositum dogma ac thesin, aliasque veritates pugnet in *materia*.

III. Hac arte inter disputandum Disputa-
tiones
in quem
finem su-
scipiendæ. rigi debemus in prosequenda veritate, quam cæcū unicum finem disputantes sibi proponere debent, non ut victoriam obtineant, & adversarium ad silentium redigant, sed ut disputandi contentione, & operosa indagatione veritas elucescat, & vincat. Studiosi autem, in hac palæstra jugiter exercitari, apti ac habiles redduntur, haud secus ac milites armorum exercitiis, ad eam strenue tuendam, aut obsessam expugnandam: per ejusmodi etiam exercitia disputatoria, cum ad munera academica, tum ad omnis generis studia, felici successu tractanda, rite præparantur, atque, quantum in arte & scientia profecerint, publice ostendunt. His aliisque de causis disputationum exercitium institutum est, & quam-
C diu

34 DE RATIONE EXERCIT.

diu recte constitutum mansit, hoc modo se habuit tum apud studiosam juventurem, tum apud eos, qui veritatis disquirendæ studio abripiebantur. (a)

Quid disputantes inter se maxime spectare debeant, & observare.

IV. Quodsi hoc animo ad disputandum accedatur, in hunc finem collimantes adversæ partes inter se congregiantur, optime locabitur tempus, in hoc exercitio consumi fuerum. Opus est autem, ut præparati ad hoc accedant studiosi; utque ambo, & respondens, & opponens, sint gnari officii, & muneris sui. Uterque probe noverit ratiocinationum ac syllogismorum regulas; respondens quidem, ut data quavis occasione dextre ostendere queat, si propositam argumentationem in leges syllogisticas, siue generales, siue speciales, arietare contingat: opponens vero, ut sibi ab ejus-

(a) Fuerunt quidem olim, ait *Lud. Vives*, *Lib. I. de causis corrupt. art.* sed inter juvenes, institutæ disputationes, quo excitaretur vigor ille animi sæpe torpens, & alacriores essent ad studia, vel ut vincerent, vel ne vincerentur; tum ut altius infigerentur, quæ a magistris acceperant: inter viros autem natu grandiores fuit quædam opinionum ac rationum collatio, non ad victoriam intenta, sed ad enucleandum verum. Nomen ipsum testatur, dici disputationes, quod per eas veritas ceu putaretur, ac purgaretur.

ejusmodi vitiosis syllogismis caveat: ante omnia vero uterque materiam propositam disputationi exacte perspectam sibi reddere studeat. Ut enim recte sciscit VIVES libro de disputatione: *Caput est in omni altercatione, ut sciatur, quid positum sit in controversia, & de quo disputantes contendunt; alioquin enim temere ac ridicule multa ultro, citroque jactabunt.* Nisi hoc sedulo observetur, opponens facile in vitium petitionis principii, vel ignorationis elenchi labetur, & respondens nunquam solide argumento adversarii satisfacere poterit; haud secus, ac quando argumenti vis, & sensus non probe est cognitus; tunc enim vix aliter fieri poterit, quam ut in logomachiam disputatio delabatur. Quam ob rem institutum est, syllogismos singulos accurate assumere, ut appareat, respondentem mentem opponentis recte percepisse: quo officio vix perfungi potest is, qui argumenti arcem, & vim non perspicit. Aut certe continget, opponentem importuna responsione ab eo, quod est in quaestione, abduci, ut probare cogatur id, quod ad praesentem controversiam non pertinet, & ad cujus probationem se non praeparavit. Quare status quaestionis semper ob oculos versari debet, & ad hunc limandæ, exigendæque

dæque accuratissime tum responsiones, tum oppositiones: quæ ut eo fixius thesin propositam feriant, opponens laboret, ut thesin, quam impugnare vult, recte intelligat, & si vel minimum de sensu dubitet, ex respondente quærat, an non hoc, vel illud positione sua significare velit. Id etiam maxime inquirat, in quo sita sit arx causæ, & capitalis nodus: quo cognitio, atque huc facta irruptione, materia proposita optime & solidissime disceptabitur, ac præterea hoc modo mens idonea reddetur, veritatem etiam absconditam invenire, de ea acute judicare, ac eam aliis perspicue & eleganter, siubi opus est, exponere.

Quales
materiæ
esse debeant, de
quibus disputetur.

V. Nihil magis disputantes sollicitos habere debet, quam ut materiam dignam ad disputandum afferant, quæ nimirum disputationem in utramque partem sufferat, nec sit luce clarius, ut nihil contra eam opponi queat, aut a nemine unquam serio in dubium vocari. Deinde, ne pierati, & honestati sit contraria, caveatur: unde merito ejusmodi quæstiones exulare a disputantium cathedris deberent, quæ DEO injuriosæ, aut auditoribus scandalo & offensioni esse possint, e. c. DEUM non existere, DEUM esse mendacem &c. Quæ

fi

si etiam disputationis causa afferantur, ut major veritati lux accedat, piis tamen auribus & linguis horrori sunt. Sed tamen hominum perversitas, quandoque invitos compellit hæc disputare. Ab illis vero abstinere tuto cuique licet, quæ versantur circa res nihili, aut nullius, vel exigui usus, utilitatisque. *Multi multum disputant*, ut alicubi dicit (a) D. AUGUSTINUS, *de his rebus, quas majori prudentia nostri auctores omiserunt, ad beatam vitam nec profuturas discentibus, & occupantes, quod peius est, multa prolixa & rebus utilibus impendenda temporum spacia.* Idem illud ad TITUM (b) versans, ut a stultis questionibus, genealogiis, contentionibus, & pugnis abstineatur, in hunc modum loquitur: *Quibus respondeo, multum subtilibus, & laboriosis rationibus ista requiri, ut vere percipiantur, utrum ita, ac non ita sint: quibus ineundis ac tractandis nec mihi jam tempus est, nec illis esse debet &c.* Hoc nomine arguuntur mollesti & contentiosi sophistæ, qui maxime abesse ex facerrimis theologiæ adiutis debent, ubi non tantum loci religio, sed etiam amplissimus dignissimarum, utilissimarumque materiarum cam-

C 3

pus,

(a) Lib. II. de doct. christ.

(b) Tit. III. 9.

pus, & apparatus se offert in scripturis, ecclesiæ, conciliorum, sanctorum Patrum monumentis, quibus ceu terminis continentur non solum sedes & promtuarum materiarum, sed etiam argumentorum, ut paulo post pluribus ostendemus. Hoc solum monemus, ut ex ista etiam immensa copia & suppellectili ea præ cæteris prudenti judicio seligantur, quæ aut præsens adversariorum insultatio, aut aliæ circumstantiæ opportuniæ suadebunt: quod sedulo inter alia monent, qui de hac re præceptiones dederunt. *Quod ad materiam*

a *attinet, (a) sunt verba LAURENTII a Villa Vincentio, deligantur theses, non de rebus frivolis, aut absurdis, quales ferre solæ hætenus in schola concrepabant: non item de nimium sublimibus, atque arduis, sed de iis, quarum usus cognitioque ad recte tum sentiendum, tum vivendum est necessaria, nec non quas pro temporum ratione, & ecclesiæ statu sciri maxime expedit. Jo. MALDONATUS oratione quadam Lutetiæ habita insignia de hac re præcepta tradit. (b)*

b

VI.

(a) De ratione studii theol. L. III. c. 6.

(b) Primum, ut nemo quidquam in ulla arte, nisi quod verum, aut probabilius esse putet, ad defendendum proponat. Alterum, ut nunquam

VI. Quodsi disputantes, in usum re-
 vocatis hisce præceptionibus, suas quo-
 que proprias quasdam animi, & cor-
 poris dotes addant, pulchre consistet
 disputatrix disciplina. Imprimis ut ad
 finem usque actus disputatorii mentem
 placitam atque sedatam servant, & ita
 affectibus suis temperent, ne inter di-
 putandum nimium incalescant. Dein-
 de ex omni disputatione arceantur ge-
 sticulationes nimiae, immodesti clamo-
 res, nimia verboritas, & multo magis
 odia, fraudes, stratagemata, dicteria,
 scuriles invektivæ, verba aculeata, sales
 dentati: neque enim innoxios, quibus
 auditorum attentio excitatur, & acui-
 tur, e disputationibus eliminandos cen-
 semus, quibusve potius adversarii ani-
 mus componitur, & ad hilaritatem, ani-
 mique moderationem revocatur; tan-
 tum abest, ut ad iram, mutuaque di-
 cteria concitetur. Quod contingit, si
 verbis contumeliosis laceffatur, præser-
 tim argumento ab invidia ducto, id
 quod consequentariis familiare, qui ex

Alia præ-
 ceptiones
 pro dispu-
 tantibus.

C 4

alio-

quam de rebus, quæ pietatem lædere, vel
 minnere posse videantur, nisi ipsa fortasse
 aliquando pietas a nobis postulet, ut se cum
 aliquo suo periculo minore a majore periculo
 liberemus. Deinde ut de rebus aut inutilibus,
 aut alienis, aut ridiculis, abstineatur. *Vid.*
LAUN. de var. Arist. fort. c. 14.

aliorum placitis consequentias vel ridiculas, vel periculosas deducunt, animo contemptum, odium, aut persecutionem concitandi. Atque hæc aliaque consulunt præscribuntque idonei, harumque rerum periti magistri, ad rite formandum disputandi exercitium.

CAPUT IV.

Disputationum utilitates declarantur.

Magnæ utilitates ex rite institutis disputationibus sperandæ.

a

I. **Q**uin disputationes sic institutæ magnam utilitatem præstent, dubitari nequit. Eæ vero rum ipsos, qui hoc disputandi exercitio occupantur, spectant, cum res disputationi subiectas. Quod primas quidem attinet; *Primum disputativa*, utor verbis Jo. GERSON (a), *inter consocios disputatione robur sumit; disputationem intelligo, non proterviam, non cervicosam, non amaram, non pertinaci animositate tumultuantem, sed modestam, qualem esse decet veritatis inquisitionem, quæ acuat, & excitet ingenium, quæ studium promoveat, & inflammet, quæ stabiliat quoque veritatis positionem, falsitatis oppositione patefacta. Hinc fit, ut non extimescat studio-*

(a) Epist. ad studentes collegii Navarræ secunda.

studiosus etiam in propatulo defendere, quod secretius se bene didicisse cognoverit. Non solum ergo disputando acquirimus habitum, & facilitatem sine præparatione verba faciendi, verum etiam mens nostra assuescit attentioni, adeo ut disputatio a doctis merito inter eas artes referatur, quibus attentio excitatur, & augetur. *Quod autem ad disputationes, & ut vocant, circulos attinet,* inquit POSSEVINUS (a), *ea nobis, non sophistarum congressus, sed exercitatio saluberrima est ad firmanda ingenia, uti ad corpus roborandum exercitatio valet.* Dum enim singulari vivacitate res agitur, profundius mente reposta hærent, quæ afferuntur in medium, discutiunturque, & longe major attentionis conciliatur vis, evagationibus omnis via præcluditur, quas professor in prælectionibus vix cavebit, maxime in teneris adhuc, nec satis confirmatis adolescentum animis: quorum quo excitatio & vivacior, eo plerumque volubilior est indoles. Accidit autem, ut hic fructus ex disputationibus in reliqua etiam exercitia & privata studia recadat, quæ deinde majore attentione & diligentia tractamus, discimusque omnia enucleare, disquirere, ac indagare.

C 5

II. Ani-

(a) Bibl. selecta. L. III. c. 2.

Maxime
ad inda-
gandam,
patefa-
ciendam-
que veri-
tatem.

II. Animus etiam disputando aptius veritatis luce collustratur; primo, quod talia in disputationibus proferantur, quæ vix in libris reperiās (a), ut observat non nemo. Si qui libri a viris doctis conscribuntur, aut lectiones, sive publice, sive privatim, habentur, plerumque illi supponunt, lectores, auditoresque suos multa jam cognoscere: cum vero in utramque partem disputatur, omnia enodantur; non tantum difficilia, sed & minuta ac levia explicantur; nihil occultum manet, diversæque, quas unaquæque res habet, facies deteguntur. Quid? quod veritas eo apertior prodeat, dum ei adversantia examinantur: sicque quam plurima caligo ex discipulorum mentibus dispellitur, quæ solent involvi, quibus adhuc rerum oppositarum sensa præjudicant. Sunt hæc veluti cortinarum vestiumque impedimenta, quibus deductis ipsa per sese veritas clarissime conspicienda patescit. Id in causa est, ut veritatis adumbraturi simulacrum vestibus spoliata exhibeamus, quia, quo est apertior, tanto magis conspicua, ac propius ad prototypon accedit. Vestibus itaque fucis, & quidquid claram veritatis contemplationem moratur, & impe-

(a) Mercure Suisse de l'an 1736. du Mois de Mars.

impedit, sublatiſ (quæ ab iis, quos e-
jus decor & lux offendit, injecta ſunt,
queiſque infuſcata eſt) ad pulcherri-
mam, integerrimamque veritatis ſpe-
ciem pertingimus, quod quemadmo-
dum in theologia nullo non tempore uſu-
venerit, paulo poſt manuſtum evadet.

III. Nec veritatis ſolummodo pate-
factio iſtis exercitiis fit, ſed facilis & ex-
pedita itidem redditur ejus deſenſio. Disputan-
di conſue-
tudo habi-
les reddit
ad deſen-
dendam
veritatem.
Hac enim veluti palæſtra ad aſſerendam
propugnandamque veritatem exerce-
mur, uſum porro conſequimur, ut ad
rectam normam rerum momenta expen-
damus, rationeſque ſic neſtamus, qua-
rum certa & evidens ſit conſecutio, in-
concuſſum robur, inexpugnabilis firmitas.
Hinc etiam veritatis umbras haud
difficiliter propulſamus, & quæ veri ſpe-
ciem ſolam habent, a veritate ipſa acri
judicio diſcernimus. Hæreticiſ ſane an-
tiquiſ, & recentibuſ modus iſte exoſuſ
fuit, quoniam cominuſ iſto genere pu-
gnæ robuſto, & acuto, conſodiuntur.
Omnia aguntur iſtiſ in gymnafmatiſ
ſumma contentione, diſcutiunturque
maxima acribia. Etiam judicandi facul-
taſ illiſ perficitur, fitque, ut in noſtriſ
judiciis & ratiociniis rectam & rationi
convenientem methodum obſervemus.

IV. Hac

44 DE RATIONE EXERCIT.

Atque re-
ligioni
plurimum
opitula-
tur.

IV. Hæc & complura alia ita com-
mendant eristicen illam, qua dejectis il-
lis, quæ ad labefactandam veritatem
objiciuntur, novis ea stabiliminibus ful-
citur, & confirmatur: quæ nihil necesse
est singillatim referre, cum ea magister
usus sit docturus; a nobis vero ad ea,
quæ singularia sunt instituti nostri, pro-
perantibus hæc abundius etiam dicta vi-
deri possint. Dicendum enim potius est,
quid eristice ista theologiæ profuerit dif-
ficillimis temporibus, & acerbissimis ad-
versariis contendentibus, quos non ve-
ritatis studium, sed voluntatis obstina-
tio ad obnitendum, contraeundumque
induxit, ut hinc conjectura fieri possit,
quid ad veri investigationem valitura sit
apud eos, qui amice inter se de firmita-
te veritatis disceptant, & congregiuntur.
Quamobrem cum veritas magnis in vo-
lucris occulteretur, ac quasi corticibus te-
gatur disputationem ita dictam putat
Ludov. VIVES, ut quemadmodum vites,
nuces, ferrum, aurum putantur, ita in
examine veritatis remotis vel falsis, vel
ambiguis vel incertis, ad ea veniatur,
quæ procul dubio sunt vera.

Deprava-
tiones ta-
men di-
sputato-

V. Sed enim, quod in humanis fieri
consuevit studiis, ut res optimæ per-
verso usu depraventur, id omnino theo-
logiæ

logiæ disceptatrici accidisse, deplorandum est: eo mali prolapsa est, ut divinam hanc disciplinam in invidiam adduxerit. Dum in vanas & aculeatas captiones sermō de divinis rebus degenerasse visus est, tum dicendi etiam genere barbaro, intempestivis clamoribus, inconditis vociferationibus, strepitu ac tumultu concertationum, decor & majestas divinorum oraculorum, non minus in sermonibus & disceptationibus, quam scriptis theologorum periisse videri queat. Quorum prius illud sanctissimos juxta & sapientissimos quosque contra eristicen concitavit, ut expellendam prorsus extrudendamque existimaverint: alterum sedatiores quosque ac otii eruditi amantes ita offendit, ut fastidium, stomachumque non sustinuerint. Hujus rei momenta quædam, dum ita vacat, & tempus fert, enodare propositum mihi est, & si quod remedium morbo jam pœne desperato, reliquum est, conferre.

CAPUT V.

De vitiis exercitiorum seu disputationum scholasticarum.

Vitia disputatoriae
artis.

I. **T**am insanabilis contagio nonnullis est visa, contortum illud, & illigatum disceptationum scholasticorum dicendi genus consecuta, ut sicuti verat HIPPOCRATES, morbis desperatis adhibere medicinam, sic illi ulcus istud tangendum sibi minime sint rati, relinqui satius existimantes, quam poenitendam operam in eo consumere. Potissima reprehensionum capita constant fere ipsius dialecticae, & philosophiae perverso usu, aut rerum etiam non satis dignarum lectione. De quibus quatenus theologiam ipsam afficiunt, *de recto & perverso usu theologiae scholasticae* egimus. Peccata in dialectices sanas leges commissa habent equidem antiquissimam querimoniam, ut hinc elucescat, ea in rerum sacrarum disceptatione frequentia jam inde a christiani nominis incunabulis fuisse. Atque hinc tot Patrum sunt notatae sententiae, quibus in omnem dialecticem aut acrius inveherentur, aut eam penitus tollendam e scholis christianis putarent,

rent, quod alibi jam monui. Posterioribus temporibus ad nostra propius accedentibus, multo altiores radices agente hoc malo, querendi rationes multum sunt auctæ; ut jam quam maxime onerata sit omnis legibus adstrictæ disceptationis causa, dum suos prætergressa fines, altius pro conditione pervolans, divinis sese rebus totam immiscuit. Dum philosophia omnia jam axiomata theologica defendenda in se recipit, materiamque theologicam suis terminis involutam, sua etiam arte explicare gestit; logica vero omnia suis principiis, suisque artificiis transigenda in theologia suscipit. *Atque hæc pervagata est, verba sunt eruditissimi PETAVII (a), postremis hisce sæculis bene multorum querimonia, qui metaphysicis istis, ac dialecticis contentionibus, & subtilium questionum disputationumque laqueis, & ambagibus totam asserunt fædatam, & adulteratam esse theologiam, atque in sophisticam transisse versutiam, pristina gravitate ac majestate funditus amissa. Non tamen damnat prorsus eristicen, ut eam exulare e scholis velit. Quamvis enim causæ aliquid subesse puter, quod politos & litteratos interdum moveat, ut argutis, & enucleatis divinarum rerum* dispu-

a

(a) Proleg. theol. dogmat. c. 5.

disputatoribus succenseant, illisque vehementer assentiatur, qui intra modum rationemque contineri acutorum, & curiosorum hominum industriam oportere statuunt, utilissimam tamen disputandi disciplinam ob id neutiquam condemnat, ac respuit.

Quæ corrigenda,
non ars
disputandi
abjicienda
est.

II. Et sane, si in humanis, divinisque rebus, quæ ad hominum manus & industriam semel pertigerunt, omnia ea antiquanda forent, quæ perverso studio depravantur, quid jam reliquum esset in rerum natura, aut sacris etiam, & religiosis mysteriis? Careremus saluberrimis, sacerrimisque rebus, omni-que cœlestium rerum cognitione, quarum nullum existit genus, quod non perversorum hominum impietas lacessere conata sit, & evertere. Quare, quod in istis rebus faciendum putamus, ut eas a pravitatibus vindicemus, & eripiamus, ne sanctissimis sacramentis ingenti nostro detrimento ultro nos privemus; idem, si æquitas cordi est, hic præstandum. Ea, quæ minus sunt recta, corrigere, quæ depravata restaurare, redintegrareque debemus. Horum quædam solummodo capita, a viris peritis animadversa, hic recensere animus est, quæ videntur apertius, obstina-

stinatiusque negligi, minusque adverti, quorumque haud desperandum videatur remedium.

III. In primis ergo, cum finis & Disputatores hoc die veritatis adaptioni non student. scopus principalis omnis legitimæ disputationis sit, veritatem indagare, eandemque veluti ex tenebricoso specu in lucem educere; quis persuadere sibi possit, aliquam hujus optimi finis, ac scopi haberi rationem, cum nihil unquam rati confici & stabiliri contueamur? Utraque adversans inter se pars in eadem semper persistat opinione, & quidvis potius moliri eligit, quam pati velle, ut a sua deiciatur sententia. Huic rei causam præbet præpostera quædam menti insidens persuasio, convinci rationibus alterius turpe esse. Cui tamen malo facillime obstititur, modo in animum sibi quisque inducat, hominem se esse errori obnoxium, quem cum quis agnoverit, & falsus fuerit, multo esse laudabilius, se eo liberatum profiteri, quam eidem pertinaciter inhærere, eundemque procaciter defendere. Veritati igitur ab adversario clare & solide demonstratæ cedendum, nec existimandum, partes nostras esse, ut sententiam mordicus defendamus, & gloriam in contradictionis quæramus diuturnitate.

D

IV.

Pertinaciter inhaerere opinionibus susceptis eruditi non est.

IV. Sic certe sentiunt, quibus est sanum, & integrum recti iudicium; cum contra ii plerumque sint obstinatores, quibus parum prudentiæ, aut etiam scientiæ inest: qui necdum suo experimento didicerunt, quam falli sit primum, & decipi. Iis vero, quibus multarum rerum est peritia, eorum etiam erratorum præsens est conscientia, quibus sese suo studio liberarunt: hinc rationum, auctoritatisque pondere ducuntur, quibus deferendum esse iusta suadet causa. (a) Istud de se confitentem virum inducam summum, *Melch.* CANUM (b), cuius exemplo utinam omnes saperent, discerentque & rationibus vinci, & auctoritatibus

(a) Petrus POIRETUS, *si hac uti liceat auctoritate, ita affectos esse sentit homines vere eruditos: Ingenue, inquit, profitentur de rebus ipsis plurima se nescire, quæ vel ab infantulo, aut a muliercula, ubi res id feret, discere parati sint: imo quod plus est, cum solus DEUS sit falli nescius, non modo ipsi se falli posse agnoscunt; sed & quando DEUS ad humilitatem conservandam permisit eos falli, aut quando ex naturæ nostræ imbecillis conditione contigit errasse; illico seipsi lapsos esse, candide & aperte (ubi id vident) profitentur, atque declarant; idque quod humilinus AUGUSTINUS libro retractationum integro exsecutus est, ex animo coram retractare nequicquam verentur. De triplici erudit. L. I. P. III. n. 41.*

(b) De locis theol.

bus cedere, qui in scientiarum maxime theologiæ studio decurrunt, quibus vir ille scriptis suis optime consultum voluit. Quæ ad rem præsentem sunt ejus dicta, sic habent : *Ego, inquit, etsi non sum is, qui nihil unquam falsi approbem, sed ea, quæ differo, tamen non arroganter præjudico, nec revoco ad arbitrium meum, sed vel sanctorum testimoniis, vel ratione probabili consentaneaue confirmo. Sic jure ac merito possum a viris doctis postulare, ut de me non nisi causa cognita judicent. Quodsi rationibus, quibus ego ducor, falsam me habere sententiam doceant, gratissime accepturus sum ; ut vero sine argumento quisquam sola me asseveratione vincat, fieri certe non potest. Ita vir ille, si ab aliis certius aliquid perciperet, suisque rationibus se falsam sententiam rueri doceretur, gratissime accepturus fuerat ; cum multi sint, quibus nulla suppetit constans, & firma ratio, flecti tamen se non sinant ; quin & adversos animos in eos capiunt, qui suis erroribus patrocinari detrectant, veritatisque in se suscipiunt tutelam. Quod ut nunquam non turpe, tum in illis certaminibus, quæ ad eruendam veritatem sunt instituta, turpissime fit, ubi ad hoc convenitur, ut decertetur contrariis rationibus, ac veritas, dilutis, quæ sunt adversa, asseratur.*

Si difficul-
tas soluta
deficitur
absque
nota igno-
minia.

V. Neque aliquid dedecoris habere potest, si rem veris momentis, non vero præjudicata libidine perpendamus, ut opponens, quam primum sentit nihil solidæ relinqui difficultatis ad veritatis stabilem, & inconcussam rationem nondum solum profiteretur acquiesceretque: maxime cum ob id, quod quisquam in contrarium aliquid proferat, non ideo in tali sententia esse credatur, sed velle experiri, num qui adversam rueretur partem, satis firmus steter, nec lacerti adeo sint debiles, ut ad quemvis cedant impetum. Sic ego multis incommodis obviam iri posse autumo: si quis sibi persuadeat, hoc solum suum esse munus, dum disputat, ut quod assertæ opinionis adversari existimet, in medium afferat discutiendum; quod dum fuerit præstitum, & soluta dubii perplexitas, jam tuto se posse obmutescere, nec honoris sui flagitare rationem, ut ulterius obnitatur: itaque si unico argumento, aut syllogismo res confecta sit, eidem steter. Hoc qui spectat, nunquam sollicitus fuerit, ut per ambages ad rem descendat, quo possit quam diutissime in acie consistere; sed quod est rei caput, aggredietur, idque quam arctissimis phalangibus: cumque ratio semel defecerit, contraeundi conatus jam cessabit; quem
in

in infinitum produci necessum est, si ita sit obfirmatus animus, ut quidquam remittere nolit. Hinc captiosis cavillationibus aditus omnis foret præclusus, lites innumeræ amputarentur, arrogantia illa, & pertinax studium defendendi propriam opinionem, quod latissime regnat, quam longissime propulsaretur: istarum enim omnium rerum veluti radice sublata, ipsæ per sese conciderent. Insignia comoda hæc facienti cum POSSEVINO (a) promittere licet.

VI. Sed nostris moribus illud fateri cogimur, quod a CICEONE agnitum olim est, ut plerique errare malint, eamque sententiam, quam adamarunt, pugnacissime defendere, quam sine pertinacia, quid constantissime dicatur, exquirere. Quin & illud a CANO (b) observatum, deploratumque in studio theologico est, quod in gymnasmatis ple-

Quod minime observatur plerumque in scholasticis velitationibus.

D 3 rum.

(a) Ad eam igitur, *inquit ille*, qui se ita in disputationibus composuerit, ut veritatis inquisitione plusquam nominis celebritate gaudeat, majorem plerumque aliis pertinacioribus coronam reportabit, quod virtuti cedere, faterique se nescire, ut discat, laudabilius sit, quam litigare, ac duplici interim damno affici, affectatæ ignorantiae & pertinaciæ. *Bibl. sel. L. I. c. 34.*

(b) De locis theol. L. VII.

54 DE RATIONE EXERCIT.

rumque usuvenit, ut complures ad discordiam nati esse videantur, qui tunc optime se differuisse putent, cum contra doctores dixerint, ut non tam verum invenisse velle videantur, quam adversarios convincere, concertationibusque & rixis totas chartas implere. Sed hæc communes sunt querimoniæ, quas meas hic loci facere nolim, sentinam malorum, primamque scaturiginem, ac fontem demonstrasse contentus, veritatis nimirum unice consecutandæ neglectum, qui est ceu fomes multicipitis canis illius, in scholasticis concertationibus omnia latratu suo obrudentis, implentisque: quem Cerberum dicerem, si ad solas inferas hæreticorum portas, nec etiam catholicarum scholarum fores & conventus illapsus omnia susque deque verteret, & confunderet.

De involu-
lucris &
lubricitate
termino-
rum scho-
lastico-
rum.

VII. Primum hoc est funestum caput in scholasticis congressibus, si veritatis consecutandæ neglecto studio, obfirmatus est animus in obnitendo. Sequitur alterum non minus detestandum, cum veritas involucri implicata, ceu Medusæ caput anguibus implexis, speciem & formam amittit, neque conspectum sui, aut interiorem contemplationem permittit. Sibilis omnino, tor-

tuo-

tuosisque flexibus omnem congregien-
tis attentionem conatumque sic eludit
innexorum serpentum lubricitas, quos
si comprehendisse etiam, & fortiter ma-
nu jam premere, ac tenere reatur aliquis,
elabi contingat. Viderur insuper studiose
factum, ut insignie disputandi instrumen-
tum intricatissimum redderetur, quo ma-
jori esset admirationi, & veritas potius
absconderetur, quam explicaretur. Mi-
reretur quis forte, quæi accidat, ut post
tot acerrimas concertationes nihil un-
quam certi conficiatur, & possint viri
non imparis ingenii, dexteritatis, &
perspicaciæ, sententiis perpetuo inter
se dissidere, & contrariis rationum pon-
deribus in diversa abripi; cum tamen
ut vere est ab ARISTOTELE animad-
versum, verum vero contrarium non
sit?

VIII. Cujus rei quidem causa hæc Unde ne-
reditur, posse cuiquam veritatis lu- cesse est
cem claram affulgere, alteri non item: frequen-
posse item in rebus verisimilibus & pro- tissimas in
babilibus ex utraque parte rationes exi- disputa-
stere, quæ hunc in istam, alterum in tionibus
illam flectant. Sed viderur etiam fre- oriri lo-
quenter contingere, apud illos maxi- goma-
me, qui publice disceptant, ut potius chias.
sit verborum dissensio, quam mentis.

D 4

Nam-

Namque, etsi alibi hoc usuvenire viris perspicacibus & acutis non satis dignum putamus, tamen in disputationum æstu facillime evenire posse concedi debet. Tum vero in illis, quas scholasticas dicimus, disquisitionibus hoc fieri primum quam maxime est, in quibus artificiosis terminorum nexibus omnia transiguntur; ubi notiones obscuræ, versatiles, ambiguæque sunt. Quare quidem videmus, tam gnaviter & inconcusse in arena scholastica consistere solere eos etiam, quibus mediocris saltem adest naturæ, & scientiæ suppellex, bonitasque. Habent enim latebras suas; habent munimenta vocum, & terminorum, quibus tuto se condant, atque adversus machinationes omnes, & quævis arma sese tueantur: &, quod mirum sit, pugnantes etiam inter se opiniones nonnunquam iisdem terminorum formulis causam suam agunt.

Ad quas
fundendas
suapte natura
sumus pro-
clives.

IX. Subesse quidquam causæ, ut theologis etiam hac in parte succenseamus, quis neget? Est enimvero communis hæc humani torporis, & cæcipientiæ labes, qua ab ipsis incunabulis inficimur, ut voces sensu intellectuque cassas fundamus, cui multum fomitis præ-

præbet ipsa etiam scholastices cumprimis indoles. Hinc tanto pertinacius hæ-
rere, & latentius serpere necessum est
hoc malum, quoniam postquam cre-
vit nobiscum, temporisque diuturnita-
te veluti in naturam abiit, disciplina
etiam confirmatur. *Homines* (in hanc
rem proloquitur studiosissimus genui-
næ veritatis speculator MALEBRAN-
CHIUS (a) & sibi & aliis satisfacere con-
sueverunt, dummodo verba aures non of-
fendant, tametsi sensum non habeant; sa-
tis est, ut ab hominibus recipiantur: hæc
est, quæ in orbe valet, moneta. Exclusa
est ex commercio hominum veritas, usque
eo, ut neque loquentes, neque audientes ul-
lam ejus rationem habeant. Scire loqui,
summum naturæ donum videtur, quam
imaginatio parit loquendi facultatem, cer-
tissima plurimis placendi ars est. Hæc ille.

a

X. Neque vero est diffitendum, scho-
lasticam cumprimis disciplinam hac in
parte quam maxime peccare: ut quod
CICERO suis temporibus de academia
asseruit, de scholastice hodie valeat, ut
sit *loquax*. Eam vero loquacitatem nul-
libi amplius, quam suis in quotidianis
circulis, & disputationibus ostendit.
Quid igitur mirum, si inter tot verba

Nimia lo-
quacitas
in dispu-
tationibus
auget ma-
lum.

D 5

cur-

(a) *Recherche de la verité. T. III.*

cursum, citissimoque hiatu profusa, ubi vix attentioni locus esse potest, quam plurima sint, quæ nihil in se nisi litterarum complectantur elementa? Et quoniam quotidie experimur, ut quisque ad loquendum est procacissimus, ita fere rationis egentissimus, fieri nequit, ut scholasticos sæpe ratio non deficiat, ad ineptas ac minutas conclusiones abducantur, atque in consequentiis nimium abscedant a constitutis finibus: qui integros dies de rebus obviis quibusvis sic inter se disceptant, ut nunquam verborum satis reperiant, & spiritus illis potius, quam sermo sit exhauriendus.

Item terminorum
obscuritas, & distinctionum
ambiguitas.

XI. Maxime hoc evenire proclive est in illa terminorum, abstractionum, præcisionum, distinctionum, ut dixi, voluntate, quæ vel PROTHEO sunt mutabiliores, & obscuritate, multiplicitateque sua quoquo versum inclinari valent, & inflecti. Liceat hujus rei exemplum ex ipso vestibulo, primoque theologiæ aditu afferre. Quis sanæ mentis de objecto theologiæ litem movere posset, atque in quaestionem vocare auderet, theologiam de DEO, rebusque divinis tractare, seu, quod idem est, DEUM & res ad eum pertinentes objectum theologiæ constituere, nisi terminorum scholasticorum
invo-

involutio perplexitatis aliquid pareret, abstractiones formalitatum, intentionumque, & similium monstrorum, materiam disceptandi inexhaustam miniftrarent. Quis mutire contra ausit, esse theologiam certiozem cæteris scientiis, utpote veritati fideique divinæ subnixam? Sed cum res ambagibus, diverticulis scholasticorum terminorum committitur, fit, ut dici, disputarique nunquam satis possit.

XII. Accidit porro nonnunquam, ut perversum etiam studium isti vitio accedat, atque in disputationibus, cum vinci sit dedecus, & obloquendum semper sit, nec tamen occurrant, quæ cum ratione dicantur, soni solum fundantur. Quam ego rem propudiosam sane cum graphice a clarissimo WERENFELSIO (a) descriptam videam, illius verbis adumbrabo: *Sæpe, inquit, indicium est, respondentem nihil observare in opponentis argumento, quod tuto negari possit. Taceret, si tacere liceret: fatetur assensum, nisi hoc turpe videretur. Vult aliquid reponere, etsi quod reponat, non reperiatur. Hic inter arcana reipublicæ disputatoriæ, in qua salus respondentis suprema lex est, hoc est præcipuum: simul*
ac

(a) De logomachiis erudit.

Affectatio
maligna
fundendi
voces no-
tione va-
cuas, aut
dubias.

a

ac nihil est, quod respondeas, vicisti, *sc* quid dicis, quod non intelligat adversarius, quod nunquam certius assequeris, quam si ipse dicta tua non intelligis. Inter stratagemata hujus militiæ non postremum est censendum, si hostem nulla ratione repellere potes, oculos ejus conspergere pulvere obscuræ cujusdam distinctionis (optimæ illæ sunt, quæ ne quidem a proferentibus intelliguntur) ut illo excæcato post varios ictus, qui adversarium fatigant, te non ledunt, honeste retrocedere possis. Hic si opponens insurgere vult contra respondentem, quid aliud impetit, quam verba inania omni sensu destituta. Superpetit festivum ejusmodi exemplum ex

a. Michaele MONTANO (a) qui vidisse se ait quemdam amicorum animi causa disputantem cum quodam, qui eruditus suo tempore habebatur. Composuisse illum, nescio quem, sine sensu, & ordine centronem ex variis locutionibus confutum, plenum vocabulis, quos terminos artium vocant, eosque quasi objectiones alteri proposuisse, atque ita integrum diem hominem hunc ita derinuisse, qui durante ludo illo serio objectiones propositas diluere, apteque ad omnia respondere sibi videbatur. Quod
iste

(a) Essais de Montaigne L. I. c. 24. du Pedantisme.

iste lusus gratia fecit, necessitate constricti nonnunquam aut perturbatione sensuum faciunt disputatores. Quodsi verum fateri velint, qui sunt aliquando ad angustias in disputando redacti, ut eos ratio deficeret, his artibus usos se non diffitebuntur, nisi eadem religione prohibeantur, hic suam astutiam, quam illic inscitiam, profiteri. Nec hic semper res sistit, etiam ad iras, convitia, cavillationes, imo calumnias itur.

XIII. Sed quo delabor? Non hæc rerum sunt perversitates; hominum minime ingenuorum officinae, apud quos disputandi exercitium animum & mores corrumpit. Fuit hæc digressio facienda, ut inter eas vitilitigationes discrimen constaret, quæ voluntate non accidunt, easque, quæ sunt affectatæ. Harum pars posterior, optandum est, ut prorsus exulet: priores, quod in omnes scientias, ipsa etiam theologiæ sacra irrepant, nec ulla solertia & vigilantia satis possint caveri, semper ludent quidem, ac deplorant ii, quibus studium est, & sollicitudo scientiarum; qui summopere enituntur etiam, ut pro viribus quisque eas propulsare satagat, maximamque attentionem isti rei tri-

Aliæ corruptiones a perversitate animi, aliæ a depravatione studiorum.

tribuere neminem pigeat. Hoc in studio majores nostri sanctissimi viri documento nobis sunt, qui ipsi nonnunquam inter se, dum rebus consentirent, de verbis certarunt: nec pauci illi quidem sæpe fuerunt, inter quos tales ferverent lites, sed in id toris ingenii viribus incubuerunt, ut sese extricarent. Quorum exemplis edocti formidare discamus, ne dum de maximis rerum momenti putamus inter nos controversiam esse, solarum vocum sit discrepantia.

Qua ratione obviandum malo isti.

XIV. Cui malo obviam ibimus, si mathematicorum imitemur morem, atque eorum philosophorum, qui hodie maxime ad mathematicam accurationem nonnisi in definitis vocabulorum notionibus acquiescunt, in quibus nihil vagum, sed constans insidet significatus. Et quando dogmata obscuris sunt implexa terminis, illis involucris expedire juvat ac expedit, atque simplicem, apertamque ejus speciem inspicere. Hac arte dici non potest, quantæ lites sint abrumpendæ, quanta veritati lux, & splendor accessurus. Vereres luctatores in luctis nostris scholasticis sectari haud abs re fuerit, ut nuda sint verba, sicut illorum nuda corpora, ceu oleo tamen deliata & delibuta, hoc est, liquida.

Quod

Quodsi omnia sint impedita & involuta, accidere potest, ut sola nobis frivola, larvæ aut puppæ objiciantur, contra quas inglorie conflictemur.

XV. Est hoc palmare, quod diximus, si voces nostras in disceptationibus scholasticis hominis cum ratione disputantis esse velimus; secus ad veritatis indagacionem inepti prorsus reddimur, quæ ratione fit & intelligentia, verbis impeditur. Præstaret multum, & erroris deceptionisque omnem auferret fucum, si cum spiritibus illis angelicis, quæ mente concepimus, alio quovis intelligibili modo invicem panderemus. Sed quoniam corporis moles, & massa, cui immersa est mens nostra, facit, ut & sensuum adminiculo intelligendum nobis sit, & quæ intellectu, rationeque concepimus, sensibili vocum ministerio declarare debeamus, & invicem communicare; maxima nobis est adhibenda cura & attentio, ut, ad quem scopum sunt inventa verba, ad patefaciendum latentem animi sensum, eum obtineamus: obtinebimus autem, si sine fuco & ambagibus simplici ac nativæ veritatis imagini verba coaptabimus: id quod fieri cum primis concedet in summe ardua de fide tractatione.

Studentum maxime perspicuitati in disputationibus.

De ambagibus nimis scholasticarum præsertim disputationum.

XVI. Usuenit multis disputatoribus, quo diutius, uno veluti spiritu, premere adversarium, insectarique possint, *medium*, ut vocant, eligunt, quam longissime accitum, nihil plerumque minus, quam theologicum quid spirans: cui subtilitatis multum, soliditatis parum adhæreat; possit tamen protrahi ad libitum, & in omnes partes trahi, quod ei, cui opponitur, ceu *TANTALI* pomum sit, perpetuo ad os vergens. Habet hoc malum præter temporis jacturam, quod hisce talibus sine ullo unquam fructu consumitur, illud maximum & perniciosissimum damnum, jam olim a GREGORIO *Nazianz.* (a) agnitum, ut *propemodum exigua quedam particula videatur esse magnum fidei nostræ mysterium.* Quodsi ille de aureo suo tempore hæc arguenda existimavit, quo limpidissimi fluxere theologici fontis rivi, quid si sequiorem a non paucis sæculis attigisset ætatem? Si aliquando concertationibus scholasticis, quæ nunc vigent, adfuisset? Multæ solo nomine theologicæ sunt: ubi præter acuta aliqua, tortuosa, & involuta, aliunde magis, quam ex fontibus sacris theologiæ hausta, ac repetita in medium afferuntur argumenta. S. GREGORIUS *Nazianzenus*

in

(a) Orat. 33.

in carmine de vita sua invehitur gravissime in tales *audaces linguas*, & *multiplices textus*, ut vocat, *per quos simplicitas fidei pereat*. Sunt autem, ni fallor, nil aliud quam intrusæ illæ, & quam longissime accersitæ argumentorum sedes, & *media*, in tenuissima fila ad instar telarum araneæ protensa, quibus nihil est imbecillius ad sustinendum *carcerem* illum & sepimentum artium, atque adeo theologiæ, nempe dialecticam (sic enim & a Patribus, ut philosophos taceam, vocari solet) quæ ad coercendam humani ingenii petulantiam, ad munimentum adversus quosvis adversantium insultus, ad firmum in pugna constitutorum præsidium, facere deberet: Hic *carcer* ille *imbecillus*, ut porro ibidem canit, *araneæ telæ*; quæ *levia illigare solent*, suntque *robustis risus magisque contemnuntur a cordatis*, quam ut *jurgis talibus sese immiscere velint*. Quapropter *rumpantur*, suadet idem, *aut solvantur validis sermonibus*, & *qui inciderunt, effugiant laqueos*. PRUDENTIUS præfatione ad apotheosin, hæc vivis coloribus expressit:

*Fidem minutis diffecant ambagibus,
 Ut quisque lingua est nequior.
 Solvunt, ligantque questionum vincula
 Per syllogismos plectiles.*

E

Va.

*Vae captiosis sycophantarum strophis
Vae versipelli astutia.*

*Nodos tenaces recta rumpit regula
Infesta dissertantibus.*

*Idcirco stulta delegit DEUS
Ut concidant sophistica.*

CAPUT VI.

De ratione dogmaticarum disputationum, ac imprimis de sedibus argumentorum ex Verbo DEI.

Exemplo
ex HOMER-
O illu-
stratur
defectus
scholasti-
carum di-
sputatio-
num.

- I. **Q**uod si mihi liceat in hac sacra
theologiae causa profano aliquo,
atque etiam poeticis figmentis
implicato, exemplo uti, in promptu est,
quo nihil congruentius, aptiusque pos-
sit effingi, illud poetarum *Coriphai* HO-
MERI, dum *Μῆνιν* seu *iram* illam cecinit
fortissimi ACHILLIS, quæ in causa fuit,
quare Græci tamdiu Troja, atque adeo
HELENA sua potiti non sint, namque
ut HOMERI verbis utar (a)

Εξ ἧ δὴ τὰ πρῶτα διαστήτην ἐρίσαντε
Ατρεΐδης ἀναξ ἀνδρῶν, καὶ δῖος Ἀχιλλεύς.
*Ex quo sane primum dissenserunt liti-
gantes*

*Atreidesque rex virorum, & divus Achil-
les,*
(a) Il. a. ob

ob ablatam ACHILLI ab AGAMEMNONE BRISEIDAM, quam is jacturam ægre ferens

Δακρύσας, ἑταίρων ἄφ' αὐτοῦ ἔζυτο νόφι
 λιαθεῖς.

Lacrimans a sociis sedit seorsim separatus.

Quamobrem Græci in oppugnatione Trojæ hujus ope diu destituti multis stragibus affecti sunt, nec antea aliquid sua in obsidione profecerunt, quam ACHILLEM sibi reconciliassent, qui solus HECTORI par esse posset. Quodsi fas esset HELENAM theologiam nominare, dicerem ejus adipiscendæ gratia gymnasmata nostra cœu ad Trojam institui: sed dum strenui in hac pugna belliduces de BRISEIDA, CHRISEIDAQUE inter se disceptant, ipsa relinquitur HELENA. Hoc est, dum scholastici athletæ domesticis tricus indulgent, ipsam arcem, qua theologia retinetur, negligunt: dum ACHILLES, cum armis illis suis e cœlo acceptis, (quod illi fingeant) abest, frustra pro theologia decertatur.

II. Quis sit ille, qui in pugnis pro Arma cœtheologia plurimum valeat; quæ sint lestia verbi Dei in cœlitus demissa arma, quam plurimi diu theologi non perpenderunt; donec susceptæ placæstra. revocandi studium, & sollicitudinem in-

jecerunt. Qua in re non possumus non deprædicare nostrorum temporum felicitatem, quibus passim restitui, genuina ad pugnam theologicam arma videntur; tum etiam vis omnis, & conatus pro vindicanda arce theologica, atque ex hostium manibus liberanda conservandoque PALLADIO instrui, dum, elapsis sæculis, lites strenuos in hac pugna viros inter seipso commiserunt, pro metaphysicis quibusdam atque logicis subtilitatibus, pro quibus tamquam aris & focus decertatum est: neglectis a DEO concessis armis, id est, sermone divini-
 rus ad nos delapso, cujus virtute solummodo, si quid in pugnis theologicis præstandum, efficitur.

Arma hæc
 quomodo
 tractanda.

III. Ne vero id nobis eveniat, si temere hæc arma usurpemus, quod PATROCLO accidit, dum ACHILLIS armis instructus incautus in aciem descendit; eo dirigente sunt adhibenda coelestia arma, qui agmen ducit ecclesiasticum (a): *Qui potens sit exhortari in doctrina sana, & eos, qui contradicunt, arguere.* Hoc ducis christiani munus & officium statuit PAULUS. Qui ipsi arma illa, gladium verbi DEI, arroganter sibi quisque tractandum sumunt, suis
 mani-

(a) Tit, I. 9.

manibus pereunt. Secus faciunt, qui in ecclesia vera stipendia merent, & pro ea ac sub ea decertant prælioque se committunt, ut ecclesiæ sub duce suo militantis ordo flagitat. Scripturarum sensum illum tenent, quem ecclesia constituit; traditionum autem divinum depositum ab eadem ipsa suscipiunt. Quare quidem, quod perperuo usu inde a fundata supra petram ecclesia obtinuit, quæ communis omnium temporum fuit doctrina in ecclesia, tanquam divino ore traditam custodiunt. Unanimes etiam Patrum in conciliis confessu definitum, quod est conspirante doctorum sententia stabilitum, id inconcussum tenent & venerantur. Hinc genuinæ sedes agnoscuntur theologicarum argumentationum, verbum divinum scriptum & traditum ab ecclesiæ pastoribus agnitum, exploratum, explicatumque, ac fidelibus subministratum, vel consentiente doctrina, communique observatione, vel singularibus decretis & statutis. Quoniam vero longus temporis tractus inde ab incunabulis ecclesiæ exactus est, doctrinaque ecclesiæ infinitis pœne monumentis sparsim est consignata, quam diutino usu exercitatus, ac indefesso labore perfunctus sit oportet, qui stre-

nue versare in ista palæstra petit, istæc sibi in animum inducenti patebit.

Cardinalis
PERRONII
modus, utendi his
armis
contra
Protestantes.

IV. Singularem artem, armis his contra inimicos fidei utendi, nuper docuit Cardinalis PERRONIUS in opere illo magnæ industriæ, judicii, & eruditionis, *Replica*, adversus responsum regis Angliæ, ipso statim in limine. Ubi omnino ad ecclesiam seu Patres, tanquam ad judicem fidei & controversiarum, hac ratione recurrendum esse voluit, ut unice auctoritate ista disputaretur, probareturque catholica doctrina absque consequentiis, deferendo judiciariæ potestati de controversiis. Enata est Cardinali hujus rei occasio & consilium, ansam præbentibus ipsis adversariis Lutheranis & Calvinistis, dum de usu principiorum rationis, & consequentiarum robore tantopere inter se digladiati sunt, illis ea penitus a fidei controversiis excludentibus, his eorum patrocinium assumentibus; PERRONIO vero hinc provocante ad agnoscendam auctoritatem externam, & ministerialem, interpositam inter verbum DEI & nos, tanquam senatum seu curiam inter legem principis & subditos; unde certo habere possimus sensum scripturæ jam ante determinatum, & conclusiones fidei plane decisas,

ac

ac dijudicatas, ut habet præfatione *Replie* suæ, in qua fundamentum totius operis jacet.

V. Non est mei consilii nec instituti, Communis modus ac ratio, his armis utendi in theologia. hoc loco meam de hac re mentem exponere, & erit paulo post occasio pluribus ista dispiciendi. Nunc ad propositum hoc notamus, & theologum moneamus, ac veluti manuducimus ad armarium illud sibi proprium fontium theologorum, in quibus si bene fuerit versatus, non deerunt opportuna arma, quibus in conflictu cum adversariis quibuscumque strenue depugnet: sine his vero non verit se theologum minime habendum. Non hic prohibetur humana industria, & sagacitas, quæ ceu manus esse debet, quibus arma tenemus, sed solum caveatur, ne alienis utamur armis. Quam in rem egregie differit CALECAS Græcus (a) contra NICEPHORAM: *Non universe argumentari est malum, sed tantummodo ad id, quod propositum est, non congruis uti principiis, ac putare fidem naturalibus demonstrari principiis. Quod si quis ad id, quod in questione est, eorum aliqua, quæ de DEO identidem existunt, communia principia fidei, & ratas, ac definitas Patrum sententias, accomodet, quibus*

E 4

insti-

(a) Apud PETAV. Theol. dogm. T. I. c. 13.

institutiis, ac nullo eorum, quæ posita sunt, everfa, consentanea istis aliqua concludit: quemadmodum antiquis Patribus de consubstantiali, deque aliis multis fidei questionibus disputantibus usuvenit, nibilo secius fatendum erit, conclusionem illam esse scripturæ sententiam, quæ quidem ex illius pendet principiis, ac causis congruit, a quibus oritur. Hoc unum est, quod hic contendimus, non ut humanas operas a disputationibus theologicis excludamus, sed indicemus arma militiæ DEI, quibus pugnemus. Ipse præcipit, inquit auctor (a) inter opera S. ATHANASII, scrutamini scripturas, scrutationem vocans diligentem attentamque occultorum inquisitionem ex scripturis sanctis: est occultorum declaratio spei firmitermentum, promissionum eventus, salvatoris inventio. Invenimus illum, de quo scripsit MOYSES & propheta. His vocibus & PAULUS ad stabiliendam veritatem usus est. Quod si PAULUS, qui audivit arcana verba, arcanorum ille mysta, qui CHRISTUM in se habuit loquentem, privata auctoritate, citra sacram litterarum testimonium, usus non est: quei non periculosum nunc fuerit, curam divinæ legis abjicere, & cordis nostri opiniones proferre? Quisquis hic est, promtuarium theologicum recte nobis demon-

(a) Confut. quar. propos. T. II. op. S. ATHAN.

monstrat, non proprias inventiones, sed traditas a DEO ecclesiæ suæ doctrinas: quas in omni pugna, sive fidei, sive exercitii causa suscepta ventilare debet, & adversæ parti opponere theologus; alias quamvis magna contentione nihil aget. Fidem enim nostram nihil firmare potest, nisi progrediatur a fide, & sit fundatum in fidei principiis.

VI. Utinam ista de rebus divinis disputandi ratio vigeret, ac tandem aliquando consentientibus theologorum studiis & suffragiis in usum jure postliminio revocaretur, quod votum omnibus cordi esse deberet: bene sic cum ecclesia, bene cum academiis ageretur: DEI nomen pie celebraretur, veritas divina gloriose triumpharet, neque studiosa juvenus tempus & florem ætatis perderet in pelago scholasticorum metaphyfico emetiendo. Hoc omnino faciendum, nisi rationis tribunal in theologia erigere velimus, principia conclusionum theologicarum ex ratione ducendo, atque ex ipsa de articulis religionis nostræ statuendo: nisi denique propriis cogitatibus hanc divinam scientiam involvere, subtilibusque quibusdam textis carpendis cum sophistis araneorum operam imitari lubeat. **Quod**

Cavendum hic a perversa theologizandi ratione multorum.

E 5

cum

74 DE RATIONE EXERCIT.

cum esset factitatum multis retro sæculis a turba theologorum, dum ipsi nequitiam hoc adverterunt, male de re christiana cogitantibus ansa data est & occasio, *spiritum* quendam *privatum* obtrudendi, sibi que, spreta omni ecclesiæ auctoritate, intellectum, ministeriumque divini verbi penitus attribuenti. Calvinistas hic omnia ad rationis trutinam revocasse, etiam Lutherani exprobrant, quamvis cum Lutheranis scripturam perpetuo crepent: scholastici vero multi excessisse dici possunt, si verum fateri fas sit, quod scripturas divinas, auctoritatesque fere exesse jusserint ex disputationibus, rationes meras substituentes ac philosophemata, suis subtilitatibus immergi, seductique. Utinam tam parum vera hæc forent, quam sunt indigna republica theologica orthodoxa; quam firmior multo tot curis, laboribusque constitui ejus valuisset status, ut quivis conjectari potest, qui in mentem revocarit, quantum profectum sit ab eo tempore, ab illisque, a quibus ad suam normam reductum est studium theologicum; ubi remisso ludicris inanum sophismatum glaucomatis nuntio, perplexis impeditisque scholarum tricis rejectis, quibus ceu in spinis pœne suffocatum est verbum divinum,

num, theologica tractatio opportuna est suscepta, ventilanturque theses fidei ac verbo divino, non rationis inventis innixæ.

CAPUT VII.

In argumentis theologicis quis sit usus rationis, philosophiæ, maximeque dialectices.

I. **D**emonstrato jam veluti armario, unde in arenam descensurus theologus arma mutuet, superest, ne quid sibi cum hoste congruenti, ad illius propulsandum impetum deesse queratur munimenti aut propugnaculi, illud etiam indicetur: *Facultas dialectica*, verba sunt S. BASILII (a), *muri instar est dogmatibus, quod ea non sinit facile diripi, & quorumlibet incursioni patere. Quam in rem etiam HILARIUS (b) opportune, Fidem, ait, non nudam apostolus, atque inopem rationis reliquit, quæ, quamvis potissima ad salutem sit, tamen nisi per doctrinam instruatur, habebit quidem inter adversa tutum refugiendi recessum, non etiam reti-*

Ratio & philosophia munimenti & instrumenti instar in theologia.

a

b

(a) Ad cap. i. II.

(b) L. XII. de Trinit.

76 DE RATIONE EXERCIT.

retinebit constantem obtinendi securitatem, eritque, ut infirmis sint post fugam castra, non etiam ut arma habentibus adsit interrita fortitudo. Quin igitur sit locus aliquis in theologia philosophiæ & sanæ rationi, in dubium revocari nequit, ne frustra videatur auctor naturæ rerum divinarum semina humanæ indidisse menti.

Nec audiendi, qui omnem rationis usum in disputationibus theologicis damnant.

II. Igitur faceffant, qui principiis rationis utendum non esse in controversiis theologicis dicunt, quod alias transitus fiat de genere ad genus, μεταβασις εἰς ἄλλο γένος: ac si per quemcunque rationis usum ratio fundamentum & principium fidei constitutur, eique magisterium in theologia tribuatur, atque mixtura ex theologia & philosophia fiat. Hac ratione olim catholicam doctrinam rejiciebant Ariani de ὁμοσσίᾳ, quod iisdem verbis in scriptura non containeretur. Donatistæ argumenta S. AUGUSTINI simpliciter rejicienda putarunt, quod dialectices ac rationis principiis constarent. Illi etiam adversus quos agit auctor Confutationum quarundam propositionum inter opera ATHANASII, Apollinaristæ vel Monophysitæ, nec quærendum, nec loquendum ex scriptura præcipiunt, sua

sua ipsi fide contenti. (a) Hodie eadem infania laborant, qui omnem consequentiarum principiorumque rationis usum a theologia, & doctrina fidei eliminant etiam in Incarnationis dogmate: ut adeo iisdem merito verbis revincantur, quibus refellit antiquos illos laudatus auctor ille vetustus (b): *Vix reperti sunt, qui omnia, quæ ad homines attinent, evertere contenderent, ac satagerent, ut homines non ultra rationales, neque ea, quæ naturaliter bona sunt, accurate ediscerent, quique dicerent, omnibus perutile esse, ut simpliciter, & absque prævio examine, sacrorum librorum voces acciperent... Quamobrem ad illud Verbum caro factum est audiendum compellunt, nec pie intelligere permittunt, quasi qui potestatem habeant, cujusque mentem arbitratu suo trahendi, non ad id quod decorum est & utile. An verbum audiam, nec congruentem sensum requiram? Ubi igitur aut sermonis consequentia, aut auditoris utilitas? Fortassis & ad brutorum morem homines mutari præcipiunt, siquidem verborum sonos auribus quidem percepturi sunt, ex sensu vero nihil fructus animo percepturi.* III.

(a) Inter op. A T H A N. T. II. Prop. II. p. 562. E.

(b) Ib. Prop. IX. adversus eos, qui dicunt, ita accipiendas esse sacrae scripturae voces, ut non consideretur, quænam illæ significant.

Quanta
ex illa o-
pinione
sequantur
absurda.

III. Hæc opinio ab auctore illo vocatur hæresum omnium audacissima, errorum omnium compendium, & mater fœcundissima. Et sane si semel quis animum inducat, fidem sectari sine omni prorsus judicio & disquisitione; nihil adeo falsum & absurdum erit, quod talis non admittat. Nec potior causa & ratio existet suscipiendi christiana dogmata, quam deliria Ethnicorum, aut Mahumedis impietates, impuritatesque: imo, qui ita persuasus est, pronus ad Atheismum, abnegandamque omnem penitus religionem ac Numen erit, quæ probari nisi ratione nequeunt. In omni igitur persuasione animi rationis quoddam judicium intercedat, necesse est. *Hinc porro efficitur, inquit Dan. HUE-
TIUS (a), ea, quæ proponuntur ad creden-
dum, ejusmodi esse, ut credibilia videantur:
hoc est, ut causa nulla sit, quamobrem mens
judicet, talia credi nec posse, nec debere.
Hæc autem mentis dijudicatio sit adhibita
ratione, nec voluntatem cujusquam insti-
gat DEUS; ut mentem jubeat incredibili-
bus assentiri; hoc enim esset mentem dare in
perturbationem, summamque ipsi vim in-
ferre.*

IV. Quid

(a) Quæst. Alnet. L. I. c. 4. n. II.

IV. Quid vero dicamus de theologia hac nostra, in cujus potissimum gratiam hæc scribimus? Ea profus non subsistere videri possit sine rationis usu: tum quod illa suppeditare debeat principia cognitionis generalia, quæ intellectui connata sunt, & ad omnem intelligentiam intercedunt; tum quod conclusiones theologicæ non solum ratiocinationis modum, verum etiam rationis principia includant, atque inter theologi officia illud etiam numeretur, consensum fidei & rationis ostendere; pondera & momenta probationum ex locis theologicis expendere; causæ firmamenta, ac fundamenta indagare, dijudicare: verbo dicam, omnia illa præstare, quæ theologicam scientiam a simplici fide discriminant. *Theologia*, ait CANUS (a) *citra naturæ rationem fieri non potest; cum enim sit homo rationalis, est illi ingenita ratiocinatio, sive agat secum quid, sive cum altero; sive velit humana, sive divina cognoscere. Quare ubi homines differant, rationem naturalem repellere nec debent, nec vero possunt, nisi homines esse desierint: ratio enim res omnes continet; quoquo te verteris, præsto est; nulla disputatione excluditur. Quamobrem, qui naturalem rationem ab usu theologiæ remotam esse*

(a) De loc. theol. L. IX. c. 4.

esse volunt, ii omnem a theologia disputationem excludunt, sine qua tamen, quid in unaquaque re verum sit, discerni, & comprehendere non valet &c. Et hoc quidem ita se habet non in accessoriis tantum argumentis, quæ ab auctoritate non repetuntur; verum etiam in veris nominis theologicis conclusionibus quibuscunque, siue eæ ex duabus sumtionibus per fidem cognitæ deducuntur, siue quæ ex una de fide, & altera per rationem cognita derivantur: deduci enim nisi per rationis officium non possunt.

Quousque
in theologia sit locus
rationis.

V. Dispiciendum itaque, quousque vela danda, quousque contrahenda in usu rationis. Imprimis non sunt puræ putæ naturales ad probandas conclusiones theologicas adhibendæ, ut illæ sepositis argumentis ex principiis vere theologicis usurpentur. Cavendum etiam, ne frequentius post rationes etiam theologicas accumulemus naturales; sed cum demum rectum in disputationibus theologicis rationis usum esse putemus, quando aut principia rationis, aut ratiocinationis modum argumentis vere theologicis jungimus, sicque veritatem connexionis, non sententiarum, a natura repetimus. Ille non solum licitus,

tus, sed etiam necessarius est in theologia rationis usus, quem qui damnat, rationis eo ipso expertem se ostendit, & causam christianam omni firmamento destituit.

VI. Multo autem minus hic ferri possunt, qui ideo rationi & consequentiis locum nullum in disputationibus theologicis concedunt, quia rationem cum fide pugnare putant, aliasque naturales, alias supernaturales veritates fingunt. Hi ne dum disputandi exercitia e medio tollunt, quin etiam naturam omnem subvertunt, si de ratione loquantur, prout in abstracto, præcisa ejus corruptione & cæcitate originaria, accipitur: quæ corruptio cum omnimoda non sit, reliquit adhuc lucem aliquam, cujus ope possimus pertingere ad tenuem rerum divinarum cognitionem, a qua ratio ipsa multum juvatur; ut hinc divinæ doctrinæ totam se tradere debeat, & conformare judicium, cum firmissima persuasionem, quidquid ratio contra fidem obgannit, esse falsum, atque innatis ignorantiae tenebris involutum. Ita D. AUGUSTINUS epist. ad MARCELLINUM: *Si ratio contra divinarum scripturarum auctoritatem redditur, quamlibet acuta sit, fallit verisimilitudine; nam vera esse non potest. Rursus si manifestissima, certa que rationi velut scriptura-*

Præsertim detestandi, qui rationem fidei oppositam putant.

F rum

rum sanctarum objicitur auctoritas, non intelligit; qui hoc facit, & non scripturarum illarum sensum, ad quem penetrare non potuit, sed suum potius objicit veritati; nec quod in eis, sed quod in se ipso velut pro eis invenit, opponit.

Qualis
ratio ad-
hibenda
in dispu-
tationibus
theologi-
cis.

VII. Ut igitur tuto possimus fidere in disputationibus theologicis rationi, eam illustrari divino lumine petamus; eamque adhibeamus, quæ lumine gratiæ illustrata est, atque non ex suis principiis innatæ corruptionis & ignorantiae statuatur, sed eam conformem divinæ revelationi exhibeat, procedatque secundum normam bonæ & necessariæ consequentiæ, pro facultate a DEO rationali creaturæ indita, qua dijudicatur coherentia doctrinæ cœlestis, quid ex illa consequatur, quid cum illa consentaneum sit, secundum reliquias imaginis ac veritatis divinæ in homine, non accedaneam corruptionem ac cæcitatæ caliginem; ad quam dispellendam divino munere cœlestis nobis est tradita doctrina.

Quos ea
usus præ-
stet.

VIII. Hoc modo vocare in subsidium sanam rationem atque philosophiam, eo etiam nomine contentam, non solum proficuum, verum etiam necessarium est, si consistere recte debeant exercitationes nostræ disputatoriæ, ne-
que

que velimus omni credere, atque abripi doctrinæ vento, & irrationabile reddere fidei obsequium, neminique persuasibile. *Credanne sine iudicio, expostulat sæpius laudatus doctor (a), nec inquiram, quid aut fieri possit, aut utile sit, aut deceat, aut DEO gratum, aut naturæ congruum, aut veritati consonum, aut scopo accommodatum, aut mysterio consentaneum, aut pietate dignum sit? Ecqua utilitas erit mihi? Aut quis menti fructus, quæ horum nihil secum reputavit, sed auditum quidem sono verborum obtulit, nullam vero dictorum cæpit intelligentiam? Deinceps si omnibus simpliciter adhibeamus aurem, nec enascentem ex eorum dictis absurditatem confutaverimus, nec dogmatum pugna, quæ ex perversa illorum interpretatione oritur, solutionem efflagitaverimus, quis imposterum amplius veritatis viam inveniet? Quis non facile in præcipitium hæreticorum dogmatum incidet, non considerans novorum dogmatum inconvenientiam, nec veritatis exigens convenientiam?* In omni igitur eventu theologo principiis rationis, consequentiarum, reliquæque philosophiæ est opus: maxime autem ei, qui disputando velut in arenam theologicam descendit, contra adversarios quosvis tutam præstiturus doctrinam christianam, aut probaturus,

F 2 necessa-

(a) Inter op. S. ATHAN. T. II. p. 581. C.

necessarius est rationis interventus, quæ homini ideo data est, atque a philosophis exculta, ut verum a falso discriminare possit: quo officio defungitur subsidio principiorum ac notionum communium, regulis item consequentiarum, & demonstrandi artificio. Ut enim CLEMENS Alexandrinus sciscit(a): *Philosophia utilis est ad DEI cultum & pietatem iis, qui fidem colligunt per demonstrationem.* Quod vero in comprobanda, asserendaque doctrina christiana valet, multo magis in ea contra adversarios defendenda locum habet, & paulo post idem sanctus Pater docet, sapientiam seu fidem christianam per philosophiam, & rectam eruditionem lorica muniendam, & sophistis inaccesfam servandam. Est tamen attendendum, ne quid hic excedamus.

Instru-
menti lo-
co sit ra-
tio & phi-
losophia.

IX. Imprimis igitur tenendum, solum ut instrumento, neutiquam ut *fundamento*, locum competere rationi, & philosophiæ: ut, quoniam ratio, & sana philosophemata fidei adversa non sunt, adjungamus principia naturæ revelatis, atque fide tenendis articulis; ut talia inde conclusa eliciamus, quæ fidem divinam illustrent, intellectionem autem perficiant & scientiam. Est vero in

(a) L. I. Stromat.

in nostris argumentationibus medius, quem vocant terminus in principali rationationis sede seu syllogismo, ex superius indicato verbi divini seu scripti, seu traditi, ab ecclesia nobis propositi, armario depromendus; cui si a ratione, aut ex philosophia, *extrema* addantur, conclusio inde fluet, doctrinam theologiam paritura.

X. Duo hic sunt caute declinandi scopuli, ne talia argumenta effingamus, in quibus adversarius ipsum rationis, seu philosophiæ axioma in dubium revocare possit: cum tum disputatio non amplius theologica, sed philosophica futura sit, ut alibi jam monui. Hoc vitium in scholasticis taxatur pariter, atque illud secundum, quod in suis disputationibus ex principiis logicis, pro medio termino sumtis, disputant, ac inde suas conclusiones accersunt. Propositis namque quæstionibus, non scripturas cæterosque theologorum argumentorum locos ac sedes, sed axiomata & maximas topicas, aut eo etiam aliquid minus, substernunt, in eorumque disputationibus loci theologici muti sunt. At nos de theologia ex principiis theologis disputandum esse vel ex ipsa philosophia discimus, neque

Quæ in u-
su princi-
piorum
rationis
cavenda.

vagandum extra orbem scientiæ, in qua versamur, logica nos edocet. Porro cum theologia sit supra omnes scientias, eam subjici principiis philosophicis non ineptum modo, verum etiam iniquissimum est, atque indignissimum. Quare summa theologiæ injuria fit, summus philosophiæ abusus committitur, quando ex illius principiis de effectis theologicis judicium instituitur, mixtumque quid ex philosophia & theologia efficitur.

Quando &
quousque
etiam ratio
medium
terminum
suppeditare
queat.

XI. Idcirco probe dispiciendum, cum rationem philosophiamque in theologia adhibemus, ne secus, quam expedit, *medii termini* inde assumantur, sed ex locis theologicis; aut si aliquando fiat, non quidem id fiet ex necessitate, quasi theologia ex proprio suo principio confirmandi sua dogmata sufficiens non sit; sed vel ideo, ut appareat, non solum lumen gratiæ, verum etiam naturæ lumen non prorsus ad veritates divinas percipiendas cæcutire. Quod tamen parce & caute faciendum, si forte post allata argumenta ex principiis theologicis desumta otio abundemus, lubeatque post fortem armatum velitem subinde in hostem immittere; aut si adversarium nanciscamur, qui scripturæ

pturæ nil defert, vel præter rationem nihil audire vult; quamvis hoc casu a proposita quacunque quæstione ad deducendum errorem transferri disputatio possit, ostendique, frustra in divinis, & supernaturalibus omnia ad rationem exigi. In minus tamen principali argumentatione & syllogismo, qui thesin non immediate ferit, etiam quandoque contingit, medium terminum ex ratione esse: quando nimirum adversarius nexum medii principalis cum majore extremo negat, hoc est, ipsum principium rationis, in quæstionibus præsertim mixtis, quæ constant altero termino revelato, altero naturali. Quod si igitur nexus termini naturalis cum revelato negetur, probandus est is ex ratione; nisi (quod non infrequenter fit) nexus iste etiam in scriptura contineatur. Alias disputatio theologica in philosophicam abit & sophisticam: quando vel adversarius malitiose negat verum principium rationis, hincque sophista esse arguitur; vel alter tale principium rationis affert, quod probabile solum ac verisimile sit, & sic limitatione distinctioneque eludi queat: unde in alterutra parte sophisma delitescere necessum est.

F 4

XII. Huic

Qualia
principia
rationis
sint adhi-
benda in
argumen-
tando.

XII. Huic malo tunc obstitimus, si nulla alia principia naturæ & rationis in medium afferamus, ad probandum, nos recte medio termino ex scriptura desumpto usos esse, quam quæ a nullo sanæ mentis in dubium vocentur, aut ab adversario admittantur sine hæsitatione pro universalibus axiomatis, regulisque æternæ veritatis. Principiis autem probabilis solum veritatis, quæ verisimilitudine possunt decipere, & ita sophisticè concludere; quæ item ab adversario facile negari, eludique valent, ut sic disputatio transferatur aliorum a proposito scopo theologico, quantum fieri potest, est abstinendum, theologica gravitate sanctitateque plane indignis. Secus contingit nos circumferri omni vento doctrinæ, ac divinas æternasque veritates partium studiis, sectis, hæresibus etiam, & periculosis aberrationibus prostitutas exponi. Profecto qui in rebus theologicis sive leviter sive graviter errant, inde decepti sunt, quod aut non sanis rationis principiis, sive etiam sanis non sane usi sint, maleque applicarint. Quod postremum in illis maxime mysteriis frequenter contingit, quæ divina prorsus sunt, & rationem æque excedunt, quam naturam nostram; mysterium e. c. Trinitatis, Incarnationis &c. quæ velle principiis

cipiis & axiomatis naturalibus implicare, dijudicareque, aperta insania est. Qua laborant hodierni præsertim Antitrinitarii, Sociniani, qui fidem ratione metiuntur, nec aliquid credendum ducunt, quod non capiunt.

XIII. His ita constitutis, ut constet, Non in quando, quomodo, & quibus naturæ omnibus principiis sit usus; restat, ut, qualem mysteriis ea usum præstent, statuamus. Quoniam idem locus principii rationis est. nostræ dogmata, quibus nulla prorsus est cum rebus naturalibus connexio; alia quæ nexum aliquem habent, quæ *mixta* vocantur, ut sermone superiore jam distinximus, patet alio modo in his rationem intervenire, aliter in illis. Cum enim dogmata *mixta* arctius cum natura sint copulata, plus etiam in illis ratio valet, ut licet non ex ratione dijudicari possint (quod paulo ante in omnibus dogmatibus, totaque christiana doctrina negavimus) disceptari tamen secundum rationem debeant. Solent hoc vocare iudicium discretionis, iudicio decisionis integro permissio verbo DEI. Quia nimirum etiam *mixta* dogmata solum connexa sunt, & implicata termino alicui naturali, hinc non aliud iudicium, arbitriumque rationi

competit, quam de hoc nexu, non de integra propositione aut sententia, cuius principalis pars supra ipsam posita est, utpote divina & supernaturalis. Quodsi etiam rationem contingat in quibusdam, ut in articulo de existentia DEI, creatoris, & gubernatoris, totam propositionem judicare, solum tamen secundum partem id præstat, rei quidem existentiam, non modum & naturam comprehendendo penitus. Idcirco autem naturaliter in istis totam discernimus sententiam, quia cum natura connexa est; ens enim contingens necessarium præsupponit, a quo per creationem existat, conservetur, & gubernetur. Aliter res se habet cum mysticis unice religionem spectantibus, quæ si cum naturalibus nexa sunt, de hoc nexu, ut diximus, judicat ratio, iudicio discretionis: si autem prorsus mystica, ubi nihil commune habet mysterium cum natura, e. c. in mysterio Trinitatis, liquet nec iudicium istud competere rationi, nisi aliquibus paradigmatis, exemplis, ac analogiis, quæ tamen plerumque valde sunt disparata, & toto cælo distant.

Judicium
de contra-
dictione

XIV. Illorum autem iudicium, quæ videntur cum aliqua aperta contradictione

ctione implicata, ad rationem pertinet, rationi e-
 quæcunque sint mysteria, de quibus tiam in
 quæstio institui potest, etiam unice ac mysteriis
 præcise divina ac supernaturalia, quæ competit.
 nullum cum veritatibus quibusque na-
 turalibus nexum, ac conjunctionem ha-
 bent. Cum enim verum vero contra-
 riarî nequeat, ut jam notavimus, quan-
 do de contradictoriis, seseque invicem
 tollentibus est disputatio, rationis arbi-
 trium excludi nequit; dummodo cir-
 cumspecte hic ratio procedat, contra-
 dictionem non fingens, ubi nulla vera
 adest. Quod facile hac mentis nostra
 cæcitate contingit, quando perversa ra-
 tio suis phantasmatis abducitur, non so-
 lum in dijudicandis rebus supernatura-
 libus, sed etiam in indagandis rerum
 naturis, quarum ingens pars adhuc ma-
 gnis etiam & perspicacissimis ingeniis
 abscondita est. Neque vero existiman-
 dum est, hoc de contradictione judi-
 cium aliud esse quam judicium discre-
 tionis ac nexus, cum agatur de asse-
 rendo aut negando alicui subjecto præ-
 dicato competente; quod nihil aliud
 est, quam dispicere, utrum prædica-
 rum subjecto conveniat, nec ne, eique
 sit connexum, vel non.

XV. Hoc

Judicium
de nexu
rationi
competit.

XV. Hoc autem judicium nisi rationi concedatur, disputari amplius nequit, nisi forte per nudam historicam relationem. Quandoquidem vero demonstratio & convictio fieri debet, etiam ubi medius terminus ex scripturis est, semper hic usus rationis intercedit. Et quoniam usu venit, eo etiam in syllogismo, cujus medius terminus ex congruis theologiæ sedibus est depromptus, ut nexum illum medii termini cum extremis neget adversarius, accidit, ut aliorsum deflectatur disputatio, nec proxime de conclusione illa theologica a nobis intenta, sed de nexu *medii* cum *extremis* procedat: aliud autem est conclusio theologica, five nexus majoris & minoris extremi; aliud nexus medii cum extremis. Probatur conclusio theologica per medium terminum e genuinis theologorum argumentorum locis petitum; ostendere vero nos bene usos principio theologico, per rationis principia necessario fit; quo accidit, ut rationabile etiam sit fidei nostræ obsequium. *Quæ enim*, præclare in hanc rem loquitur S. CLEMENS *Alexand.* (a) *ex demonstrationibus conficitur oratio, perfectam animo facit fidem, ejus quod consequitur; ut non putet, id, quod demonstra-*

a

(a) L. I. Stromat.

*stratum est, aliter se habere; nec sinit, ut
iis succumbamus, quæ nobis per fraudem
incurrunt.*

XVI. Atque hic alter ille rationis, ac Quod est
philosophiæ in theologia est usus diale-
cticæ proprius, nempe consequentiarum, conse-
exercitiis gymnasticis sume necessarius. quentia-
Dum constituto quopiam, in quo inter rum ex
disputantes convenit, consecutiones ne- logica.
ctuntur: quibus si disputationes spolias,
vires nervosque omnes dempseris: ait
enim AUGUSTINUS, *Verum disputa-
torem ostendere CONSEQUENTIA* bis,
*quæ vel scientia, vel fide retinebant homi-
nes, ut per ea vera, de quibus se perspi-
ciunt consentire, cogantur alia vera, quæ
negaverant, approbare, & sic verum, quod
falsum antea putabatur, discernatur a falso.*
Quibus sanctus hic doctor ea, quæ alibi
differtius de diversitate doctrinæ conne-
xionum & sententiarum exponit, innuit.
Sed sinamus eum suis verbis mentem
explicare suam: *Aliud est, inquit (a),
nosse regulas connexionum, aliud sententia-
rum veritatem: In illis discitur, quid sit
consequens, quid non consequens, quid repu-
gnans &c. in veritate autem sententiarum,
ipsæ per se sententiæ, non earum connexio,*
consi-

(a) Idem de doct. christ. L. II. c. 33.

consideranda est. Ut vero constet, unde utraque harum veritatum sit haurienda, eundem edifferentem percipiamus: *Cum sint vera connexiones*, ait paulo post priora, *non solum verarum, sed etiam falsarum sententiarum facile est veritatem connexionum etiam in scholis illis discere, quæ præter ecclesiam sunt: sententiarum autem veritas in sanctis libris ecclesiasticis investiganda est.* Haud obscure hæc stabiliunt ea, quæ paulo ante de medii termini electione ex ipsis theologicis rebus diximus: qua in re cardo theologicarum disputationum vertitur, estque momentum illud, quod, dum nonnulli non satis attendunt, de ejusmodi rebus disputationem institui posse negant, quæ nihil scholasticarum perplexitatum, argutiarumque in se continent.

Notiones
rerum, &
methodus
ex ratione
& philoso-
phia.

XVII. Alia quædam necessitas occurrit rationis, philosophiæque in theologia usus; terminorum, notionum, tractationis, & methodi. Cum enim de divinis rebus differendi, cogitandique nulla sit facultas, nisi humano modo, atque opitulantibus sensibus, aliter fieri nequit, quam ut res divinæ imperfecte a nobis comprehendantur, declarenturque humanorum conceptuum schemate. Optandum quidem foret, ne ita faciendum esset;

effet ; sed quoniam aliter non possumus, vel inde dignoscamus, quam parum in rerum tam sublimium, atque intellectum nostrum transcendentium speculatione valeamus. Res multo magis in philosophiæ ad theologiam adjunctione elucescit ; accidit enim, nescio num vitio quodam, an necessitate, ut jam inde a nascente ecclesia mysteria nostra ad philosophorum loquendi formulas & terminos passim sint adaptata ; quæ si jam negligere quis petat, scientiam fere theologicam vix aliquam consecuturus videatur. Neque enim jam in rerum cœlestium explanatione simplex illa dicendi ratio obtinet, quam apostolus (a) in se deprædicat : *Sermo meus, inquit, & prædicatio mea non in persuasibilibus humanæ sapientiæ verbis, sed in ostensione spiritus, & virtutis, ut fides vestra non sit in sapientia hominum, sed in virtute DEI &c.* Talis erat doctrinæ cœlestis apud divinos illos & θεοπνεύστους homines forma & conditio. Quam primum vero ab illis tractari cœpit, qui humanarum scientiarum, philosophiæ præprimis adminicula ad eam attulerunt, artium etiam earum terminis dogmata nostra subdiderunt, quos jam nemo theologus possit ignorare. Qua de re suo loco sumus locuti.

CAP. VIII.

(a) 1. Cor. II. 4.

CAPUT VIII.

Qua ratione robur & securitas consequentiis & principiis rationis in theologia servetur.

Unde
principiis
rationis &
philosophiæ
ro-
bur in
theologia
accedat.

I. **E**æ, quas enarravimus, sunt causæ, ob quas theologo rationis, & philosophiæ usus necessarius est. Estque materia digna quam hic tractemus, ob fundamenta ad rei decisionem illustrationemque in superioribus jacta. Quæstio vero est, quei fiat, ut non gravi hoc pondere e sua sublimitate deprimatur theologia, & cum falli humana ratione sit pronissimum, in hac vero summi momenti scientia omnis error non solum fœdissimus, sed etiam periculosissimus existat, quæ affulgeat securitatis certa fiducia, si in disceptandis rebus fidei ratione & philosophia uli simus, quin nos decipi, aut aberrare a vero contingat, etsi nullus per se certus esse queat, quod legitimæ suæ sint consequentiæ, ac vera principia rationis, ea firmitate, quæ ad fidem divinam in nobis producendam sit sufficiens. Regula fidei, ejusque assensus aliunde quam a nobis dependet, nostra præsertim corrupta ratione, tantis igno-
ran-

tantiae tenebris obfessa; ut adeo perpetuam erroris formidinem involvat, cum fidei infallibilitate non constantem.

II. Mota hæc quæstio ad aliam nos ^{Defectus} ducit dudum a nostris agitatam contra ^{confe-} temporum horumce sectarios, qui so- ^{quentia-} lam scripturam judicem controversia- ^{rum No-} rum, assertricemque dogmatum con- ^{vatorum,} stituunt. Qui si sibi constare velint, nec sua in fide vacillare, omniaque fallibili rationis humanæ judicio committere, præter apertam, nudamque litterarum in scripturis speciem, nihil admittere valent. Quodsi enim consequentiis locum dent, aut etiam principia rationis adhibeant, eorum conclusa, hanc debilem secuta partem, nil nisi fallibile pro humani intellectus cæcutientia consecutabuntur. Ut adeo homo, qui rationem fallibilem sequitur, non possit esse certus suæ fidei, oportetque pro eadem fallibilitate & incertitudine rationis, conclusiones & omnia argumenta Protestantium non necessaria, sed tantum probabilia, & suspecta esse; cum ratio per sua principia & consequentias in argumentis theologicis media intercedat inter scripturam & conclusiones, & sic fides a ratione dependeat.

G

III. Hanc

Historia
litis de
hac re illis
impactæ.

III. Hanc litem Protestantibus impactam esse proxime elapso sæculo, maxime Calvinistis, constat a PERRONIO primum Cardinale, ut jam superius memini; tum scriptis compluribus libellis, imo integris voluminibus a Jesuitis nonnullis, nominatim GONTARIO, ARNALDO, VERONIO, strenuis pro fide orthodoxa pugilibus. VERONIUS, qui hanc rem methodice egit, mox capite primo methodi, quam Veronianam dicunt, statum quæstionis informans tria illis largiter tribuit: quod eos nomine Reformantium compellere non detrectet: alterum, quod per puram scripturam reformationem non refugiat: Et tandem, quod Genevensis præli admittat scripturam. His ita antecederet positis sic pergit: *Hoc tamen unum vos meminisse pervelim, ut purum verbum DEI producat, non conceptiones vestras, vestrasque commentationes: quas si mihi obtruseritis, jam a confessione vestra, & fide data, acceptaque, per summam perfidiam abitis. Nec ego sano sim cerebro, mentisque compos, si repudiatis antiquorum, conciliorumque, & cæterorum fulcris, vestris commentationibus adnitar. Igitur juxta ea, quæ superius disputata sunt, quæque bona fide polliciti estis, & ex articuli quinti (confessionis) mente, duo tantum a vobis postu-*

postulo: Alterum, ut solo *DEI* verbo contenti veritatem eorum omnium commonstretis, quæ, ut memoratis, creditu sunt necessaria, quibus sane baud invitus fidem adhibebo, si eam veritatem bibliis contineri vel Genuensibus ostenderitis. Alterum, ut ex iisdem bibliis errores me meos dedoceatis, quod utrumque postulo: nam id & ipsi facturos vos recipitis, cum docetis, scripturam esse regulam omnis veritatis, quodque aliam agnoscatis nullam.... Aveo itaque per solum scripturæ sermonem de vestra fide edoceri. Nec, ut opinor, illud detrectabit vestrum aliquis, cum destinati sitis, ut nos nova luce collustretis: primum vero, quod postulare institi, signantius, expressiusque aperiam, ut nempe ex sola scripturæ doctrina vestrorum mihi palam faciatis articulorum veritatem, a quibus nostra pendet correctio. Hanc methodum ab ejus auctore, aut potius illustratore, Veronianam dictam quam perhorruerint, juvat audire ex quodam ipsorum sectæ theologo, Nicolao WEDELIO (a) in hac ipsa causa pro suis decertante partibus: Solent, inquit, hodie Romanenses doctrinam evangelii contentam in confessionibus Anglica, Gallica, Belgica, Polonica &c. oppugnare ex eo, quod omnia argumenta, quæ adversus Pontificios afferuntur, constant principiis rationis,

G 2

(a) L. I. c. 1. de rat. theol.

nis, quod quidem licitum non sit; quod si verum est, hoc est, si principiis rationis uti non licet in argumentis theologicis, concidunt profecto omnia Protestantum argumenta, adeoque ipsa doctrina tota falsa erit. Nulum enim est argumentum nostrum, quod adversus Pontificios proferimus, in quo non sint principia rationis; nam etsi medius terminus e scriptura sit desumptus, tamen evidentia, ac vis connexionis perpetuo deposcit principia naturæ, regulas consequentiarum, axiomata rationis. Satis ingenue hic auctor arcem causæ prodit, declaratque, in quo sita sit ratio hæc procedendi contra Reformatores eos, qui, omni alia sprete auctoritate, solam scripturam pro iudice fidei agnoscant, debere ex hac sola, exclusis principiis rationis quibusvis & consequentiis, quæ ad fidei sublimitatem ascendere nunquam possint, omnes suos, nobiscum controversos, articulos probare, & quasi aperto exponere obtutui: argumenta vero, quæ contra nos afferunt, nisi ita nuda, & evoluta omni rationis admixtione, non solvenda esse, sed tantum rejicienda. Hæc methodus cum magno assensu, applausuque suscepta est, multosque patronos nacta non solum apud catholicos, sed etiam apud Lutheranos, quibus itidem opportunum est, locum principiiis ratio-

rationis & consequentiis non concedere, imo etiam simpliciter rejicere ejusmodi argumenta. Sed illi alio consilio hoc egerunt quam VERONIUS, qui argumento tantum ad hominem hic utitur, & adversarios ex propriis principiis arguit. *Nam*, inquit cap. 11. §. 3. majoris operis, *hac methodus superstructa est ipsorum principiis, quibus positis certum est, eos non posse probare Trinitatem, Incarnationem, & alios articulos principales contra eum, qui hoc modo contra eos procederet.*

IV. Quare frustra causam hanc ad ipsos etiam deflectit catholicos WED-
 LIUS loco citato: *Si principiis*, ait, *rationis uti non licet in argumentis theologicis, tum argumenta omnia ludibrio exponuntur, quibus Reformati, Lutherani, & Pontificii eos oppugnant, qui ab ipsis omnibus communiter pro hæreticis habentur. Sumamus exemplum; pergit, adversum Samosatensiorum hæresin bodie in Polonia, & Transsylvania sæcundissimam, omnes tam Reformati, quam Lutherani, & Pontificii deitatem Filii ὁμοούσιον cum Patre & Spiritu sancto probant ex iis locis, in quibus CHRISTUS Filius DEI verus & naturalis dicitur. Syllogismus talis est: Qui verus DEI Filius est, is est verus DEUS, Patri consubstantialis: at*

Conantur
 in hac re
 communem
 nobis-
 cum face-
 re causam.

CHRISTUS est verus DEI Filius: ergo est verus DEUS. Hic si Samosatenianus hoc principio nixus majorem neget, & dicat esse hic principium rationis, esse verum in philosophia, sed non in theologia, consequentiarum regulis non utendum in controversiis theologicis, & quæ hujus generis alia dici solent: anne mirum hoc, aut inconueniens videbitur illis, qui eam sententiam de principiis rationis non admittendis in argumentis theologicis tuentur. Sic ille communem causam catholicorum cum grege suo facere est annisus de admittendis in doctrina theologica rationis principiis.

Exponitur
quomodo
se habeant
confe-
quentiæ
eorum.

V. Sed quantum in hoc fallat, non est opus pluribus declarare; res enim in propatulo est, & est perspicua impostura. Quoniam enim Reformatores scripturam unice fidei principium statuunt, nec aliam infallibilem agnoscunt in rebus fidei auctoritatem; si præter scripturam aliquid in controversiis theologicis obtrudunt, ut puta rationis principia, perit dogmatum suorum firmitas. *Memineris, inquit VERONIUS c. I. operis minoris, nihil tuarum mihi interpretationum, nihil consequentiarum loco divini sermonis esse obtrudendum: vel enim ejusmodi interpretatio sedet in scriptura, vel*

vel in ea sedem habet nullam? Sedem ibi habet? Eam igitur interpretationem enunciet scriptura, quod idem faciat quavis propositione, quam mihi interpretaris: edicat ipsa Germanam esse eam interpretationem, quam venditas: tuarum enim partium est, instar organi duntaxat & instrumenti eam proferre: sin vero sedem in scriptura nullam habet tua commentatio, tuam fidem doli & mendacii arguis: proinde aliam de tuo cerebro veluti aliquam Pallada comminiscere, & parturi, tum de illa disceptabimus. In majore opere c. 8. octo vitia recenset, quibus consequentiæ & principia rationis Protestantum laborent. 1. Ait scripturam nullibi vel unam quidem ex illis consequentiis continere. 2. Nunquam ex sola scriptura eas defumtas esse. 3. Sic scripturæ adimi judicium controversiarum, & rationi tradi. 4. Rationem nostram errare, ac falli posse; & sic argumenta, quæ principiis illis consent, vitiosa esse. 5. Quod scriptura nullibi doceat conclusiones, quæ per principia rationis ex ea deducuntur, esse articulos fidei. 6. Quod consequentiæ Reformantium incognitæ sint Patribus primorum quatuor sæculorum, imo contrariæ. 7. Quod omnes sint saltem probabiles, & philosophia malesana, sive sophismatis

tis nitantur. 8. Maxime si per principia rationis, & consequentias scripturæ, atque inde formando, eliciendoque dogmata, dignitas fidei detrahatur, & scriptura sola non amplius pro iudice agnoscat, sed fallibilis ratio.

Causa catholico-
rum me-
lior.

VI. Aliter nobiscum catholicis sese res habet: cum enim scripturæ traditiones atque ecclesiæ auctoritatem adjungimus, cujus iudicio ratione etiam & arte e scripturis collecta stent, cadantque, ejus infallibilitate consolidantur, roboranturque theologemata. Si non agnosceremus, præclare in hanc rem effatur VERONIUS in majore opere c. 70. *auctoritatem infallibilem ecclesiæ in interpretatione scripturarum, quemadmodum adversarii nostri talem non agnoscunt, incerti essemus complurium articulorum fidei nostræ, non secus atque errantes, id est Protestantes, incerti sunt omnium articulorum fidei suæ. Non enim habent loca scripturæ expressa, nec consequentiam infallibilem in ullo puncto controverso inter illos & nos. Quod plus est, & notatu dignum; si in illo principio religionis suæ persistant, quod secundum MOLINÆUM est: Nullum hominem hodie posse controversiarum iudicem esse cum infallibili certitudine, non credunt Trinitatem, nisi per*
phan

phantasiam, & qualemcunque imaginationem: eandem esse rationem aliorum articulorum fidei, qui verbis expressis in scriptura non extant, & in quibus fundamentum nullum aliud habent, quam consequentias fallibiles. Et in minore opere methodus Veroniana inscripto c. 3. *Indubitatam*, inquit, **CHRISTUS** Dominus opem suæ pollicitus est ecclesie, & ea duce & magistra in gemino scripturarum sensu expromendo falli non potest, quodque inde dimanat: Huic enim ut ecclesie auscultemus, imperat; hanc nec ulli ministro, nec sectario cuiquam opem promisit **DEUS**, multoque minus audiendos esse præcipit. Ex quibus conficitur, quam dispar nostra sit causa ab illa heterodoxorum, dum consequentiis, principiisque rationis agimus in theologia. Nos enim catholici, quoniam ecclesie judicio ratiocinationes nostras subdimus, cujus falli nescia sit auctoritas; fundamentum fidei in petra stabilimus: ut non jam simus, secundum **PAULUM** (a): *parvuli fluctuantes, & circumferamur omni vento doctrinae in nequitia hominum, in astutia, ad circumventionem erroris.* Quod adversariis evenit, qui depravatæ, millies aberranti, ad deceptionem aliis inferendam, æque ac in se sufferendam, maxime proclivi rationi fidunt.

G S

VII.

(a) Eph. I. v. 12.

Ratio hu-
mana &
confe-
quentiæ
per judi-
cem infal-
libilem
probanda.

VII. Sed hæc alias : nunc enim istud solum agimus, ut declarem, quo Lydio lapide sint consequentiæ, & principia rationis in theologicis ratiociniis præbanda ; atque ut constet, quid roboris hæc illis addat. Neque enim illud inficias imus, rationem, si recte sit constituta, verum assequi posse, sanamque etiam in rebus theologicis gignere opinionem. Sed hæc sibi non constant, nisi sit judex, qui suo consultu aberrare a vero non possit ; qui rationi recte judicanti deferat, fallentem, falsamque corrigat : Hæc omnia complexus est S. AUGUSTINUS trito illo : Contra rationem nemo sobrius, contra scripturam nemo christianus, contra ecclesiam nemo pacificus senserit.

Quomodo
Protestan-
tes putent
principiis
rationis in
rebus fidei
robore ad-
esse suffi-
ciens.

VIII. Omnem movent lapidem adversarii, ut hic & ipsi infallibilem judicem extendant ; ut legitimas præstent consequentias suas ; inconcussam ac fidei congruam firmitatem concilient dogmatibus suis, quæ subsidio consequentiarum, ac principiorum fidei fabricare consueverunt. WEDELIUS tale iudicium infallibile in veris & orthodoxis, ut ipse liberaliter vocat, doctoribus suæ sectæ reperiri putat, non quasi errare, & labi ἀπλῶς non possint, sed in quantum

tum sanæ rationi non adversantur, eamque ut instrumentum fidei sequuntur. Alibi adhuc liberalior iudicium rationis in rebus fidei pertinere dicit, 1. Ad omnes homines, quibus doctrina aliqua proponitur, seu ad quemvis intellectorem. 2. In specie pertinere ad partes contendentes, seu disputantes. 3. Ad viros politicos, qui in disputatione præsident. 4. Imprimis ad pastores, tum seorsim consideratos, tum vel maxime in synodo, vel concilio. Cave vero existimes in ulla harum parte sic arbitrium eum collocare, ut alius ab ejus iudicio dependeat: ubi manifeste se prodit principii petitio. Sic pastori præconcione tribuit institutionem subjectarum ovium, ut non fundetur auditor in auctoritate pastoris, sed tantum in verbo, cui inservit tum prævia institutio pastoris (id est mentem præiudiciis de sensu scripturæ implet) tum ratio seu logica naturalis ipsius auditoris. Eodem modo iudicio synodi acquiescere fideles facit, ut tamen sua quisque discretionem & iudicio stet, atque de ipsa synodo discernat. Universim autem tale iudicium tenet esse de veritate connexionum in omnibus omnino enunciationibus, sive eæ in sola consequentiæ discretionem, sive etiam in principio.

piorum rationis examine consistant. Atque in hoc statuit promissum protestanticum, se ex sola scriptura probaturos doctrinam suam, nimirum excludendo auctoritates humanas, & principia rationis a fundamento doctrinae suae, quod tantum in verbo locatum sit: non autem excludendo principia rationis, ut instrumentum, quo apprehenditur, & applicatur fundamentum illud.

Examina-
tur eorum
systema.

IX. Sed nihil hæc proficiunt: ad quoscumque enim arbitrium consequentiarum, & principiorum fidei referant, semper juxta ipsorum principia etiam illud judicium humanum est, consequenter fallibile, ut adeo de veritate, infallibili persuasione, certi fieri nequeant. Unde sequitur, nullum articulum doctrinae ipsorum posse esse articulum fidei, utpote quos non probant nisi intercedentibus consequentiis, aut principiis rationis fallibilis. *Neceffe est, in hanc rem effatur Card. PERRONIUS*
 (a) *confugere ad consequentias extractas per instrumentum rationis, quæ hoc modo intervenit tanquam media inter scripturam, & conclusiones inde eductas. Hinc fit, ut si ipsa non sit certa & infallibilis, sed tantum probabilis & conjecturalis, fides etiam*
quæ

(a) Præf. responf. ad ser. Regem Angliæ.

quæ ab eo discursu dependet, eandem naturam induat. Imo, ut recte judicat VERONIVS, neque fidei articulus esse poterit talis propositio, utpote errori patens, cum frustra quis fidei molem superstruere nitatur basi tam caducæ. Neque etiam quoquo modo ad fidem pertinere queat, quod non omni sua parte divinum sit, atque verbo DEI innixum, quin quodammodo fundamentum pariale sit interpretationis nostræ: relicta præsertim unicuique hac auctoritate. Quæ res non potest nisi summum chaos & ingentem confusionem in ecclesiam inducere, infinitasque religionis formas, ob diversitatem & contrarietatem iudiciorum. Quibus si etiam apud probos & orthodoxos lumen divinum adjungas, nil nisi principium petis; nec ab incertitudine penitus liberaris, eoquod illud semper adhuc dubii remanet, quænam dissidentium pars rei veritatem attingerit: quod rursus est proprio & privato iudicio decernendum, cui fidere periculosum: cum nihil aliud sit, quam humano fallibili iudicio deferre; si etiam synodo, aut pastori, juxta protestantica principia, te credas. Quodsi enim errare potest tota ecclesia, ut vult Reformantium doctrina, longe erit in lapsum, erroresque pronior minister,

110 DE RATIONE EXERCIT.

ac etiam synodus aliqua particularis, etiam nationalis.

Afferiturque securitas catholico-
rum, ecclesiae se-
deden-
tium.

X. Sola igitur ecclesiae catholicae doctrina necessariam ad constituendam fidem firmitatem praestat & securitatem in usu consequentiarum & principiorum rationis, quae admittit auctoritatem externam & ministerialem, interpositam inter verbum DEI & nos : ut sit juxta laudatum PERRONIUM tanquam curia judiciaria inter legem principis & subditos, nobisque exhibeat sensum scripturae jam plene determinatum, & decisiones fidei plane formatas, & velut ovo suo exclusas. Hoc in causa est, ut licet magna pars dogmatum principiis rationis sit implicata, ac magnus etiam consequentiarum usus, sint tamen non pauci, qui consequentias ad fidem posse pertinere negarint : scilicet non consequentiarum vis, quantumvis manifesta, fidem facit, sed competens iudicis controversiarum tribunal infallibile apud ecclesiam a DEO constitutum. Quod innuit ac totum complexus est VERONIUS c. 3. methodi suae, dum oggerenti adversario, ac urgenti, catholicos etiam doctores fidei loco suggerere & succurrere, ea quae necessario & luculenter ex scripturae fontibus deducunt, ad hoc pri-

primo respondet: Inter fideles constare neutiquam, id de fide videri, quod per consequentiam manat; ac proinde fas esse cuius catholico, id pernegare citra erroris, aut cuiusvis rei alterius suspicionem. Postea, cum adversarium argumento proprio fatigasset, tertio responderet recursum ad promissiones ecclesiæ factas, quam auctoris sententiam superius jam adduxi.

XI. Hæc de ista causa (quæ videri poterat nonnihil a nostro proposito remotior) afferre volui: tum ut modum istum (non ita pridem tam celebrem & frequentem) panderem, impugnandi adversarios, qui proximis sæculis reformandi ecclesiam, & ad scripturæ orbitam reducendi, audax & impertinens negotium susceperunt: cum etiam ut ostenderem, unde principiis rationis & consequentiis robur & firmitas accedat, si fidem ecclesiasticam facere debeant; atque theologus quivis intelligat, in usu principiorum rationis & consequentiis non minus se de statutis philosophorum, & regulis logices, sollicitum esse debere, quam de ecclesiasticis constitutionibus & canonibus. Nunc quæ adhuc residua sunt, de disputatoria arte theologica prosequamur.

Quid hæc tractatio ad præsentem materiam conferat.

C A P U T IX.

*Ratio exercitii disputandi secundum
prescriptam formam.*

Disputan-
di forma
ex fontibus theo-
logicis.

I. **E**x hucusque dictis ea omnia mo-
menta facili negotio colligi va-
lent, quæ requiramus ad dogma-
ticas disputationes rite obeundas : tum
vero, quod paulo ante laudavimus, D.
AUGUSTINI testimonium compendio
omnia recenset, dum ne scripturæ, ec-
clesiæ, rationique contraeamus, suadet:
*Contra rationem nemo sobrius, contra scri-
pturam nemo christianus, contra ecclesiam
nemo pacificus senserit.* His omnis theo-
logica disquisitio absolvitur, atque una-
quæque veritas catholica asseritur. Sin-
gillatim autem certamina & disputatio-
nes de rebus theologicis institutæ his
concurrentibus conficiuntur ; quam-
quam non idem cuiusvis istorum sit mu-
nus, ut diximus.

Ratio, ec-
clesia, ver-
bum DEI
qualem u-
sum ha-
beant.

II. Ratio enim consecutionum regu-
las nobis tradit solum, & veritatis, sem-
per sibi similis, indita naturæ semina in
divinarum rerum discussione promit;
ut declaret superare quidem captum
suum, quæ de se nobis DEUS reve-
lavit,

lavit, minime vero repugnare. Ecclesia verbum DEI incorruptum consignat, neve imbecillitate nostra connata labamur, indulto sibi a DEO perpetuæ assistentiæ, nunquam a vero aberrandi, divino beneficio, servat; suo item iudicio, quæ sane conformiterque veræ doctrinæ, aut secus a nobis sint conclusa, discutit. Verbum denique divinum basis ac fundamentum est, cui universa moles theologica inhæret: fons & scaturigo, unde omnis christiana veritas dimanat: Gazophylacium, unde thesauri scientiarum divinarum hauriuntur. Igitur verbum divinitus nobis revelatum, ratione opitulante, ecclesia dijudicante, omnem theologicam veritatem conficit.

III. Quoniam vero, ut diximus, non Veritas
 pari passu ambulant tria istæ in verita-
 tum divinarum patefactione, hinc di-
 versam etiam jam superius ex S. AUGU-
 STINO veritatis rationem stabilivimus
connexionum & sententiarum, quarum am-
 bæ studio & labore multo sint adipiscen-
 dæ, discendæque; studiosi theologiæ sum-
 mopere interest nosse, qua via hanc ut-
 riusque veritatis disciplinam nancisci
 queat: illud autem perspicue docet san-
 ctus doctor eo in loco, quo hanc de
 isto veritatum discrimine tradit doctri-
 nam.

nam. Cum sint, inquit (a), *veræ connexiones non solum verarum, sed etiam falsarum sententiarum, facile est, veritatem connexionum etiam in scholis illis discere, quæ præter ecclesiam sunt: sententiarum autem veritas in sanctis libris ecclesiasticis investiganda est.*

Studium
præprimis
fontium
theologi-
corum
commen-
datur.

IV. Est igitur theologo opera danda philosophicis scientiis, unde connexionum veritatem illam discat, quid consequens sit, aut quid etiam repugnans sanæ rationi. Sed multo major opera impendenda ecclesiasticis libris, qui sententiarum veritatem ecclesiæ conceditam, & in ea custoditam pandant, & explicent: quod sedulo faciunt, qui veram consecretantur theologicam disciplinam. Non solum enim ea monumenta diurna nocturnaque versant manu, quorum auctores dictis fidem certam omnino faciunt; sed etiam ætate, canitieque, ut ita dicam, venerandi de traditionibus, atque veteri christiani nominis doctrina perhibere testimonium valent: inde sua argumenta depromunt, five fides contra adversarios propugnanda; five in corde credentium roboranda; five etiam in scholasticis agonibus exercitii causa adstruenda; talibus namque
armis

(a) S. August. Lib. II de doctrina christ.

armis fortius defenditur, firmitus stabili-
tur, certius sustinetur. Nullibi vero est
dialecticæ usus omittendus, cum dispu-
tationes instituuntur: *Nam*, ut inquit
GREGORIUS Nazianz. (a) *logicis dispu-*
tationibus trita in lucem profertur veritas,
Et ut lapidum conflictu, attrituque ignis,
ita inventis argumentis, explicatisque, ve-
rum elicitur, Et veluti exprimitur.

V. Atque hæc sunt ea momenta, qui-
bus tum theologicæ tractationes, cum
præcipue disputationes, de quibus hic
singillatim sermo nobis est, instructæ sint
oportet, si suis numeris debeant esse ab-
solutæ: nec illis similes, in quibus de theo-
logicis haud aliter, quam de philosophi-
cis disceptatur; numquam theologicis
ex fontibus assumuntur argumenta; id
solum cautum esse videtur, ne dissensus
fiat a veritatibus orthodoxis, non ut in-
de causarum firmamenta repetantur. Nos
autem volumus, aut integris argumentis
ex prædictis sedibus theologiæ propriis
agi, aut si axiomata rationis adhibemus,
ut faculam quandam adhibendam, qua
lux divinæ veritati aliunde accendatur;
ratiocinandi vero arte, ut necessario pa-
randæ nobis scientiæ instrumento, uten-
dum

Cujus rei
neglectus
in disputa-
tionibus
scholasti-
cis carpi-
tur.

H 2

dum

(a) Orat. II. de theologia.

dum. Auctoritatibus ergo potissimum perficiuntur tales disputationes.

Scholasticis annis sume necessaria esse consecretanda non incerta, & curiosa.

VI. Quo uno remedio nos oprime confultum exercitiis scholasticis disputandi censemus, præsertim quoad finem illum scopumque, qui spectandus est in prima theologorum adolescentum institutione. Ut enim liberaliter demus, etiam reperiri inter eas disceptationes, quæ non intime ex theologiæ visceribus reperuntur, nec jucunditate, nec etiam utilitate prorsus destitutas; non video tamen, quare adolescentibus ista tradi debeant, dum scholasticum demensum accipiunt. Anni perpauci sunt, quibus immensum theologiæ campum decurrere debent: quod si præterea in devia, & diverticula ducantur, fieri aliter non potest, quin domi peregrini sint, qui foris semper vagantur. Quid vero possit cogitari stultius, quam extranea curare, domesticis superfedere? Necessaria præterire, ac curiosa solum consecretari? Quod illis maxime nocet, quibus constitutum est tempus, quo prima scientiæ semina suis percipiant animis; quidquid de illis sit, qui sibi sunt relictæ, & scholasticum pulverem absterferunt. Certe auspicanda talibus rebus studia minime sunt. In excolenda communi, receptaque christianæ
veri-

veritatis, religionisque causa, abunde nobis laboris relictum est, ut incerta & litigiosa prosequi, quæ magis ad turbas, factionesque instruendas, quam ad veritatis explicationem conducunt, minime conveniat, insuper habito religionis arduo negotio, cujus loco nescio quæ vitilitigationes, vagæ opiniones, & controversiæ flocci tam publicis, quam privatis docendi disputandique exercitiis ferveant, lubricisque studiosorum animis instillentur. Cum econtra, si communia solum scripturæ, & ecclesiæ placita, & quæ saltem minus sunt partium contentionibus exposita, in theologicis concertationibus prima discipulorum coctione traderentur, melius res theologica, ecclesiasticaque haberet.

VII. Minus tamen idcirco in pugna scholastica exerceri haud contingeret studiosos theologos. Innumeri sunt, qui communem fidei nostræ adorian-
In asserendis fidei dogmatis theologo elaborandum.
 tur causam, ut proin ad publicum profligandum hostem, omnium intersit, subsidium ferre laceffitæ veritati. Quod si etiam inter nostrates controversiæ sint, quæ in veritate catholica momentum habent, atque ad eruditionis ecclesiasticæ perfectionem faciant, iis theologus sese exercebit graviter & serio;

utpote in scientia, quæ æternam hominis attineat salutem; quod ante omnia præ oculis habere theologus deber. Prima hujusce sacrae disciplinae tractatione prorsus faciendum est, ut, quæ certæ sunt veritatis dogmata, ea obtineantur; quæ si haberi nequeant pacifice, extorquenda sunt ab hostibus quibusvis, necessario certamine: non enim pax quærenda cum dispendio veritatis. *Melius, secundum NAZIANZENUM (a) dissidium pietatis causa ortum, quam vitiosa concordia.* Pro CHRISTO ergo libenter sustinendum, neque nisi ejus causa belligerandum.

Exempla
sanctorum
Patrum.

VIII. Hæc non verbis tantum expresserunt sanctissimi illi priorum temporum Patres, verum etiam ac multo constantissime opere exhibuerunt: *Tametsi, inquit laudatus Pater, alioquin pacati & moderati sint antistites, hac tamen in re lenes & faciles esse non sustinent, quum per silentium & quietem DEI causa proditur: verum hic admodum bellaces sunt, atque in configendo acres & feroces.* Dicit hæc eo in loco, ubi pulcherrima hujus rei simul tractat exempla, agens de laudibus ATHANASII, qui se facillimum præbuit, ea in componenda
lite,

(a) Orat. XXI. de laud. ATHAN.

lite, quæ inter catholicos ejusdem dogmatis homines, nomine solum dissidentes, orta fuerat, eodem narrante ibidem GREGORIO: an nimirum tres, in Trinitate personas τρία πρόσωπα, aut τρεῖς ὑποστάσεις, dici oporteat (a) ATHANASIUS, ut narrat GREGORIUS, *utraque parte lene ac benigniter accita, verborumque sententia diligenter & accurate perpensa, posteaquam concordēs reperit, nec quantum ad doctrinam ullo modo inter se dissidentes, ita negotium transigit, ut nominum usum concedens, rebus eos constringeret.* Aliter ATHANASIUS agendum sibi putavit, ubi cum hæreticis res fuit; iisque in causis, quæ religionis caput attingebant: quo in negotio nulla hostium fraude circumveniri, nulla potestate compelli, nec arte aliqua adduci adigique potuit, ut aliquid remitteret: quod dum Patres illi Ariminenses negligerent, malis Arianorum artibus delusi sunt, cum ATHANASIUS, constantissime concilii Nicæni decreto inhærens, fidei integritatem invictissime conservavit. Hæc pro modulo suo sequi debent exempla, theologiæ tiro-nes, ut contra cristiani nominis hostes intrepide consistere in acie jam assue-
fiant, dum primis regulis & fundamen-

H 4

tis

(a) GREG. Naz. Ibid.

tis etiamnum ad palæstram theologicam exercentur: in reliquis pugnis parci & sobrii, ne, dum minus necessariis tempus terunt, summe necessaria negligant.

Conferendum esse etiam de rebus theologicis extra disputationis æstus.

IX. Neque existimet aliquis, vel illud tempus, quod residuum est, ab illis concertationibus, quibus momenta religionis catholicæ defenduntur, impendi posse agitandis quæstionibus, concertationibusque adscititiis: ac si thelogiam nostram perpetuo armatam incedere oporteat, neque unquam pacifice sago deposito, sumtaque toga degere. Equidem videtur hac de theologia fuisse existimatione longo tempore magna theologorum pars: sed est hæc falsissima opinio, methodusque, quæ juvenutis theologicæ ingenia corrumpit: ut dubitem, an non huic persuasioni plurimam hostium suorum partem debeat ecclesia, dum de quavis re disputare, & universam religionem in controversiam revocare assuescunt theologi; certe theologia inde detrimenta experta est. Perpetua hac digladiatione dum otium consumitur, historiæ & antiquitatis ecclesiasticæ studium negligitur, neque quem discipuli in doctrina præsertim morali progressum fecerint,

runt, experimentum capitur, tempore huic negotio impendendo ablato: quorum prius eam theologicæ eruditionis partem complectitur, quæ theologum, qualem formare politiora consilia gestiant maxime deceat: alterum nemine diffidente artem artium, curam animarum, munerisque pastoralis peritiam continet: in quo fere fructum studii theologici omnem sistere deprehendet, qui universam studiorum nostrorum rationem propius spectabit. Quare sæpenumero mecum cogitavi, quænam ratio iniri possit, studiosæ juventutis diligentiam in illis etiam experiendi theologicis materiis, quæ longius a contentione absunt, & tamen theologiam ornant, summaque tum delectatione & eruditione, cum etiam utilitate necessitateque discuntur, ac docentur. Habent hujus rei, consilii que quidpiam collegia theologica, quæ magno cum fructu instituuntur. Participant ea aliquid contentiosæ & pacatæ simul exercitationis. Quodsi aliquando præjudicia facessant, & contendendi more scholasticorum æstus, studiumque deferbeat, collationis quoddam genus in dando diligentiae studiosæ juventutis specimine, magno commodo in hac re futurum confido: ubi incommoda quarum-

vis conflictationum minus ad rem theologicam conferentium facillime evitari queant, si consilii ratio recta teneatur: scilicet a discipulo responsum ad quæstionem propositam reposcatur, quo scite dato, potioribus addictis rationibus, quibus responsio fulcitur, quid in contrarium videri possit, in medium afferatur, argumento non longe adscito, tractoque: quo diluto ad alia sine ambagibus processus fiat. Sed ad propositum redeamus.

Damna ex
tractatio-
ne quæ-
stionum
supervaca-
nearum.

X. Ut vel minimus iis quæstionibus in theologia relinquatur locus, quæ in utramque perpetuo disceptantur partem, nulla finiendæ unquam litis spe, illis omnibus quæstionibus aditus est præcludendus, quæ in locis vere theologicis fundamentum nullum habent. Accidet hinc, ut non solum omnia in scholis & ecclesia sint pacatiora, sed & studia tractentur majore cum fructu, profectuque. Econtra dum infinitis aliis quotidie ex aliis emergentibus litibus distrahuntur adolescentum ingenia, patiuntur tum ipsi, tum res litteraria sacra detrimentum. Teneri incipientium animi sic occupantur præjudiciis, a quibus nec ipsi doctores immunes sunt; quæ semper in vita evitanda sunt, non

non alia cum aliis commutanda; cum tamen caveri non possit, ut discipulorum ingenia, quando præ oculis habent controversias, in utramque partem agitari solitas, in diversa non abripiantur, quin aliquid firmi teneant. Quid si quæstiones ejusmodi theologiæ plane extraneæ, meræ tricæ philosophicæ, humani cerebri inventa sint? Juvenile lubricius est judicium, quam ut possit inter perpetuos rationum conflictus constanter veritatis ponderi deferre, atque earum rerum suscipere arbitrium, de quibus neque inter doctores hætenus convenit. *Foculare visum est*, ait CICERO (a), & a multis sæpe derisum illud GELLII Græcia proconsulis, qui convocatis apud Athenas philosophis, auctor fuit, ut aliquando controversiarum aliquem facerent modum, pollicitus illis suam operam, si posset inter eos aliquid convenire. Si ineptum, velle, ubi nulla spes affulget, inter dissidentes partes concordiam conciliare, multo ineptius fuerit, de illis rebus tota vita frustra disputare & contendere, quorum desperatur consensus: aut saltem eo tempore talibus rebus incumbendum non est, quo artis principiis imbuedum est ingenium informandumque, in
ea

(a) L. I. de legibus p. 166. ed. Lamb.

ea præsertim disciplina, quæ tot assertarum etiam veritarum habet adversarios, quos oppugnare necessum sit, ut facta recta sit ecclesia, atque ab hostium irruptione tuta. Romana respublica, dum adversus externos depugnavit, victoricia semper tulit arma, & orbi terrarum dominata est: tandem intestinis bellis consumpta ruit, atque consummata est. Catholica Romana ecclesia non habet, quod de sua ruina timeat, cum assistentem, atque pro se pugnantem habeat divinum Spiritum, quem perpetuo eidem adfuturum, apertissimis testimoniis scriptura adpromisit. Enimvero hostium numerum ac vires accrescere, audaciam stimulari, nemo inficias ibit, quando domesticas foveat lites, quibus causas fidei tueri incumbit.

Quibus rebus discipulorum animi imbuendi ex hæcenus dictis colligitur.

XI. Hæc mea est sententia; eam vero hunc in finem protuli, ut quoniam tractandi theologiam provinciam suscipi, inita viæ rationem reddam, qua studiosæ juventutis profectus juvetur, meliusque accuretur bonum. Sentio autem hoc præstandum, si necessariis primum communibus & assertis imbuantur discipuli; controversiæ eæ tantum disceptentur, quæ contra publicos veritatis hostes defenduntur, aut si qui ex nostris

stris contentiosius in dubium vocent, quod ad religionis negotium propius pertinet, & eruditionis momentique non modicum præsefert. De aliis rebus theologo dignis pacifice conventio fiat: incertorum & jurgiorum scholasticorum nulla ratio habeatur. Universim vero nihil in disquisitionem theologicam veniat, quod ea, de qua res agitur, theologia, revelatis nimirum veritatibus nixa, proprium sibi non vendicet: hoc est, quod ex nativis ac vere theologicis principiis non sit repetitum: quod mihi ad restaurandam ac primigeniæ suæ integritati restituendam theologiam, idque eliminandum, quod corruptum clamant in ea, præsentissimum remedium superesse videtur.

XII. Neque hoc difficile futurum est, aut ideo exercitia disputandi interci-
 dent, sed meliorem dignioremque nanciscuntur faciem. Loci argumenta colligendi, ac sedes longe amplissimæ sunt, atque multo plures, quam sicca illa sophistica in arena. Neque enim veritas theologica, qua religio christiana, fidesque catholica est fulcienda, tutius fortiusque asseri queat, aut de ejus firmitate certius experimentum sumi, quam collatione, comparationeque locorum
 ver-

Qua ratio-
 ne hæte-
 nus præ-
 cepta usu
 terenda.

verbi divini revelati ; contextu orationis, propria nativæque sententiæ explanatione, adhibita ecclesiasticæ traditionis, assertionisque forma, analogia fidei, doctrina canonum, sententia doctorum, usu, praxique ecclesiarum, relatione historicorum factorum, omnisque antiquitatis ecclesiasticæ expensis momentis, atque libratis: quibus sobria adhibeatur dialectica, consecutionum, ratiociniorumque iusta teneatur forma. *Namque*, ut sæpe jam ex D. AUGUSTINO inculcavimus, *aliud est nosse regulas connexionum, aliud sententiarum veritatem*: Et CICERO (a) alia in causa quædam edisseruit, quæ etiam theologo usui futura sunt: *Quæ omnia, inquit, quasi sepimento aliquo vallabit differendi ratione, veri & falsi iudicio, scientia & arte quadam intelligendi, quid quæque rem sequatur, & quid sit cuique contrarium*. Isto modo si rationis ac philosophiæ rectus usus cum dogmatibus catholicis copuletur, ordinata quam pulcherrime stabit theologia, & depugnabit gravissime, quando nobis erit cum hostibus res: quodsi domestica curet negotia, maxime christianis in moribus formandis, dignitatem omnem, sanctitatemque spirabit, quæ Spiritus sancti

tem-

(a) L. I. de legibus ad finem.

templum deceat. In exercitiis etiam disputandi illud obtrinebitur, ut ne argumentationum fila tendi, protrahique contingant eousque, quod in subtilitatibus humano e cerebro natis, aranearumque telarum instar duci solitis, proclive est. Accider, ut ambages omnes tollantur; rei statim jugulum petatur; lites de nomine procul absint, ac evagationes quævis; hæreamusque firmiter & immote, ad quem collineamus scopum. Sed ille palmaris maximeque eximius erit fructus, ut sic dogmata theologica, ex involucris scholasticis evoluta, resplendeant: cujus rei peculiari dissertatione duo de sacramentis exempla posuimus, *efficientiam & characterem*.

C A P U T X.

Illustrantur hætenus dicta eorumque usus ostenditur exemplis argumentationum theologicarum ex scripturis.

I. **D**emonstrationum est summa vis ac maximus usus in omnibus scientiis, quibus certa cognitio parienda est. Quæ sit earum necessitas & usus insignis rebus in theologicis, ubi
 Recapitulatione eorumq; dicta de demonstrationibus
 sum-

theologi-
cis.

summe arduum vergitur religionis negotium, quæ hucusque sunt exposita declarant. Talis vero cum sit demonstrationum natura, ut ex certis & indubitatis principiis alia colligamus, principia autem non eadem sint aliis in scientiis quam nostra in theologia, quæ ex revelatis a DEO veritatibus suas elicit cognitiones, qualiter tamen ex infinitis suis principiis rite demonstrando procedat docuimus: patuitque, quam perverse illi agant, qui in theologicis theologia principia non adhibent, nec ea familiaria sibi reddere laborant illi ipsi, qui maiorem in partem egregios sese dialecticos jactant, nec tamen advertunt, dialecticis regulis sese quam maxime obniti, quæ cavent: ne *de genere in aliud* disputando prolabamur, neque ex alienis principiis arguamus.

Ac confirmatio ex scripturis sacris.

II. Neutiquam vero hac ratione disputandi opera peritura est, quod cum auctoritatibus sic omnia transigantur, filium illud ac catena consecutionum, ex quibus argumentationes componuntur, nullum futurum sit. Qui præscriptam in superioribus perpenderit, usuque exercebit methodum, experimento discet, posse etiam ex principiis mere theologicis secundum omnes locos a dialecticis

eticis traditos argumenta trahi, ut verores magis confirmetur, & contra obtrectatores ruta sit, afferam ex ipsis sacris litteris exempla; neque ejusmodi tantummodo, quæ nudis consequentiis sunt confecta, sed quibus etiam axiomata rationis insint: consequentiarum item duplicem speciem in iisdem scripturisprehendere est; unam earum, quæ ex topicis sunt elicita, alteram ex textibus scripturæ.

III. Unicum caput vigesimum secundum MATTHÆI omnium horum exemplorum exhibet: Imprimis enim argumentatione in forma, ut vocant, judicavit *CHRISTUS* cæsari censum esse dandum, dum ab Herodianis requirebatur: Principio autem e natura petito, arguit eodem in capite Sadducæos, conjuncto sacra scripturæ e veteri testamento testimonio. Sadducæi malam formarant consequentiam contra resurrectionem corporum ex lege MOYSIS argumentando, nuptiarum in hac vita contractarum, & in altera renovandarum difficultate; *CHRISTUS* vero principio e lumine naturæ accersito, *DEUM nempe non esse DEUM mortuorum, sed vivorum*, eos redarguit, resurrectionemque mortuorum adstruit: *De resurrectione autem mor-*

Argumentorum
exempla
plura ex
Math. c.
XXII

tuorum, inquit, non legistis, quod dictum est a DEO dicente vobis: Ego sum DEUS ABRAHAM & DEUS ISAAC, & DEUS JACOB? Non est DEUS mortuorum, sed viventium. Multi multa hic disquisierunt de vi & natura argumenti a CHRISTO allati: quidam etiam illud robore ac virtute apodictica destitutum asserere non sunt veriti, tantum non sophistam, absit blasphemia verbo! CHRISTUM facientes: qui neque nexum doctrinæ Sadducæorum ob negatam immortalitatem animæ absurditatem resurrectionis corporum concludentes, attenderunt; neque satis digne de DEO conditore nostro judicant. DEI perfecta sunt opera, adeoque, dum corpori humano animam immortalem conjunxit, neutiquam permittere potest, ut in æternum ab eo post mortem separatum maneat, quin illud resuscitet. Hæc qui singula considerarit vim ineluctabilem argumenti CHRISTI deprehendet, paucis verbis integram demonstrationum catenam complexi. Sed ad alia pergamus. Messia id est suam divinitatem CHRISTUS Pharisæis eo ipso capite ex illo psalmi centesimi noni commare, *dixit Dominus Domino meo*, demonstraturus argumentum repetit: *Si ergo*, inquit, *DAVID vocat eum Dominum, quomodo Filius*

Filius ejus est? Judæi enim Filium DAVID Messiam futurum secundum naturam humanam scientes, DEUM futurum non promiscue agnoscebant. Itaque exiguo temporis spatio CHRISTUS omnes vere theologicos ratiocinandi modos nos docuit; fuerunt enim, ut ex evangelista patet, hæc omnia eodem temporis tractu peracta; ut abscedentibus Herodianis, statim Sadducæi, post hos Pharisæi, sint subsecuti.

IV. PAULUS itidem, cum de velandis fœminis, non autem viris, ad Corinthios suos scriberet, formas, quibus in theologicis disputationibus locus esse posset, est complexus: locum recitemus: (a) *Omnis vir orans, aut prophetans velato capite, deturpat caput suum: omnis autem mulier orans, aut prophetans non velato capite, deturpat caput suum.* Hic veluti disputationis thesin constituit apostolus. Medium probationis jam priore versu præmissum erat: *Volo autem vos scire, quod omnis viri caput CHRISTUS est: caput autem mulieris vir.* Tum postea argumentum instruit: *Vir quidem, ait, non debet velare caput suum; quoniam imago & gloria DEI est, mulier autem gloria viri est.* Deinde ex

Ex PAULI quodam loco argumentorum theologicorum formæ ostensæ.

I 2

histo-

(a) 1. Cor. XL

historia Genesis probat, mulierem gloriam viri esse: *Non enim*, verba sunt apostoli, *vir ex muliere, sed mulier ex viro: etenim non est creatus vir propter mulierem, sed mulier propter virum: Ideo debet mulier potestatem habere supra caput suum propter angelos.* Hic ex causa & fine creatæ mulieris regi ejus caput debere ostendit apostolus. Ne vero quis putaret, causam hanc creationis mulieris virum principalem esse, non DEUM, statim addit: *Verumtamen neque vir sine muliere, neque mulier sine viro in Domino: nam sicut mulier de viro, ita & vir per mulierem; omnia autem ex DEO.* Postea jam ex naturali rationis judicio porro arguit: *Vos ipsi judicate, ait, decet mulierem non velatam orare DEUM? nec ipsa natura docet vos, quod vir quidem, si comam nutriat, ignominia est illi: mulier vero, si comam nutriat, gloria est illi: quoniam capilli pro velamine ei dati sunt.* Atque sic PAULUS ratiocinium suum absolvit. Sed ut res adhuc manifestior fiat; alia his exempla adjungere juvat, ut qui has formas minus idoneas ad disceptandum rati sunt, dedoceantur; alii, quemadmodum in usum redigantur, exemplis biblicis doceantur.

V. Pri-

V. Primum de ratiociniis, quæ solis ^{Exempla} consequentiis constant, agamus. CHRIS- ^{confe-}
 STUS apud JOANNEM Judæorum abje- ^{quentia-}
 ctionem declarat ista ex causa, quod ^{rum in}
 verbum DEI non audiant: *Qui ex DEO* ^{scripturis.}
est, (a) inquit, *verbum DEI audit: pro-*
pterea vos non auditis, quia ex DEO non
estis. Apostolus etiam ex eo, quod po-
 testates sint a DEO ordinatæ, conclu-
 dit hominem potestatibus subdi dehere:
Omnis anima, (b) ait, *potestatibus subli-*
mioribus subdita sit: non est enim potestas,
nisi a DEO; quæ autem sunt, a DEO
ordinatæ sunt: Itaque qui resistit potestati,
DEI ordinationi resistit. Sic & PETRUS
 arguit, scripturæ interpretationem ne-
 minem sibi suo sensu arrogare debere, nec
 humana prudentia, aut perspicacia sine
 luce Spiritus sancti, sensum & intelle-
 ctum ejus perspicere: *Hoc primum intel-*
ligentes, ait (c), *quod omnis prophetia scri-*
pturæ propria interpretatione non fit: non
enim voluntate humana allata est aliquan-
do prophetia, sed Spiritu sancto inspirati
locuti sunt sancti DEI homines. Gene-
 sis c. 3. homo in humum reversurus as-
 feritur, quia de humo sumtus sit. In-
 finitum foret, omnia ejusmodi exem-

I 3

pla

(a) Jo. VIII. 47.

(b) Rom. XIII.

(c) 2. Petr. I. 20.

pla sacrae scripturae adferre: hæc speciminis loco esse possunt, ut qui scripturas lectitant, talia annotent, discantque expedite argumenta invenire, propositionem aliquam causalem eliciendo, & rationem cogendo.

Argumen-
torum ex
ipsa scri-
ptura pe-
ditorum
exempla.

- VI. Ad eas consequentiarum formas pergimus, quæ propius ad institutum faciunt: qua ratione nimirum ipsi sacri scriptores novi testamenti ex aliis scripturis veteris testamenti argumenta elicerunt. In evangeliiis obvia sunt exempla, quædam eorum supra commemoravimus: ex PAULO deinceps tantum aliqua, ne longiores simus, attexamus. Is parem Judæorum cum gentibus sub peccato statum ostensurus psalmographi testimonio rem conficit. *Causati enim sumus*, (a) inquit, *Judæos & Græcos, omnes sub peccato esse, sicut scriptum est: quia non est justus quisquam: & quæ deinceps sequuntur. His autem ita constitutis porro suum urget argumentum, ut concludat, operibus legis Judaicæ non justificari hominem. (b) Pari ratione scortationem prohibitam idem gentium apostolus ex illo Genesis probat: Erunt duo in carne una. (c) CHRISTI deitatem*

(a) Rom. III. 9.

(b) Ib. V. 11.

(c) 1. Cor. VI.

tem PAULUS Hebræis demonstraturus, multis testimoniis e vetere lege adductis id præstat; consequentiis etiam adductis ex ministerii præstantia, & gloria ipsius, atque præ angelis excellentia. (a) Paria pro CHRISTI divinitate reperies eadem ad Hebræos epistola capite secundo. Quin imo nemini ignotum est, quid Athenis a PAULO sit factum, cum disputationis suæ argumentum ex aræ cujusdam inscriptione, quæ Ἀγνώστῳ Θεῷ dedicata erat, accepit.

VII. Quodsi etiam in scripturis divinis exempla requiramus, in quibus rationis humanæ axiomata conspiciantur, præter illud clarissimum ex MATTHÆI vigesimo secundo ad comprobandam contra Sadducæos resurrectionis mortuorum fidem; idem MATTHÆUS aliud nobis de CHRISTO scriptum reliquit, similiterque MARCUS refert. (b) Cum enim CHRISTUS cæcum mutum, & dæmonio obsessum liberasset, turbasque hoc miraculum in summum stuporem adduxisset; Pharisei calumniabantur, eum in principe dæmoniorum ejecisse dæmonium, quos falsi CHRISTUS arguit

Argumen-
ta CHRISTI, in
quibus
principia
rationis.

I 4

ratio-

(a) Hebr. I.

(b) Matth. XII. Marc. XI.

ratiocinio constante axioma naturali: sic vero ratiocinatur: *Omne regnum divisum contra se desolabitur, & omnis civitas, vel domus divisa contra se non stabit &c.*

Apud JOANNEM CHRISTUS Judæis peccatum, quod in eum non crederent, partim naturali ratione, partim suamet ipsorum confessione coarguit perspicua argumentatione. Cum enim CHRISTUS cæco a se sanato suæ divinitatis fidem revelasset, missionisque officium exposuisset: In judicium se nempe venisse in hunc mundum, ut, qui non vident, videant, & qui vident, cæci fiant. Pharisæi cum hic se tangi persentiscerent, atque ex CHRISTO percontarentur: num & ipsi cæci essent? Sic sunt excepti: (a) *Si cæci essetis, peccatum non haberetis: nunc vero dicitis, quia videmus: peccatum vestrum manet.*

Similia ex
PAULO ar-
gumenta.

VIII. Ex PAULO etiam ut quædam specimina exhibeamus: Corinthiis per obvia humani commercii documenta monstrat, atque etiam addita ex veteri testamento allegoriæ applicatione confirmat, demum naturali æquitatis ratione concludit, ministros evangelii nutriendos: (b) *Quis militat, ait, suis stipendiis*

un-

(a) Jo. XVIII. 23.

(b) I. Cor. IX.

unquam? Quis plantat vineam, & de fructu ejus non edit? Quis pascit gregem, & de lacte gregis non manducat? Numquid secundum hominem hæc dico? An & lex hæc non dicit? Scriptum est enim in lege MOTSYS: non alligabis os bovi trituranti. Nunquid de bobus, cura est DEO? An non propter nos utique hoc dicit? nam propter nos scripta sunt, quoniam debet in spe, qui arat, arare, & qui triturat, in spe fructus percipiendi. Si nos vobis spiritualia seminavimus, magnum est, si nos carnalia metamus. Haud secus naturali ratione ex dissolutione conjugii, mortuo uno conjugum, declarat legem veterem morte CHRISTI, ac nostra in CHRISTO expirasse, solutamque esse. (a) Ad eosdem Romanos inductione a figulo sumpta quodvis vas pro lubitu suo formante disputat, conficitque DEUM non posse accusari, si peccatores suis ipsorum culpis, propriisque demeritis perire permittat.

I 5 CAP. XI.

(a) Rom. VII. 1. &c.

CAPUT XI.

*Exempla disputationum ex traditione
& controversiis fidei, unde earum
utilitas ostenditur.*

Theologi-
cæ dispu-
tationes
exposition-
ibus re-
lationibus
historicis
&c. tran-
siguntur.

I. **A**ntequam rem ipsam aggrediar, monere debeo, in theologicis disputationibus non omnia semper consequentiis & syllogismorum formis transigenda esse, cum magnam partem theologica eruditio historica notitiâ, aut hermeneutica arte constet, quæ nexibus ratiociniorum non admodum indigent, sed simplici solum expositione, declaratione, explicationeque ex utraque adversantium parte absolvuntur. Dum etiam loca parallela, aut *ἀντίπαρα* continentur; aut ex aliis locis theologicis, præsertim sacrae traditionis, & historiae, antiquitatisque ecclesiasticae, monumenta conferuntur: cujus rei major multo in theologicis est usus, quam prima fronte is forte existimet, qui in scholasticis velitationibus solum est exercitatus. Usus hic se extendit ad universam rem christianam illustrandam, atque dogmatum veritatem asserendam, eorumque in orbe catholico omni tempore consensum commonstrandum.

II. In

II. In theologia christiana doctissimi illi Exemplo
juxta ac sanctissimi viri, Patres, sacrarum SS. PP.
præprimis scripturarum auctoritate contro-
versias suas transegerunt; nec non &
traditionis, & doctorum christianorum
testimoniis, qui in re christiana doctri-
næ laude floruerunt. His armis hære-
tici omnes prostrati sunt, disciplina ec-
clesiastica constituta, & conservata. Ex-
emplis omnia christiani nominis mo-
numenta sunt repleta. Obvia quis cu-
juspian concilii acta in manus sumat, aut
quorumvis ecclesiasticorum negotiorum
controverfiarumque, quæ unquam in-
de a christiani nominis primordiis fide-
les inter se commiserunt, historiam per-
vadat, his omnia transegisse intelliget:
quibus & hæreticos convinci cogno-
scet, qui scripturæ suis propriis delira-
mentis infuscatæ, omne judicium de-
ferunt, & illorum falsam sententiam de-
prehender, qui scholasticas disputatio-
nes ad contortas & subtiles vitilitiga-
tiones restringunt, in quibus argumen-
ta ex sedibus theologiæ propriis non
repetuntur, sed futilibus philosophem-
atibus decertatur, principiis vero
theologicis omnis fere locus occluditur.
Quibus nos ineptiis relictis, momenta
vere theologica, & digna, quæ in hac
sublimi & cœlesti disciplina locum oc-

cu-

cupent, exemplo sanctorum Patrum in nostris exercitiis ad manum sumamus, atque eorum robur & firmitatem illis machinis tentemus, illisque munimentis, quæ aliena non sunt, sed domestica & ex armario proprio petita, nisi quantum adminiculis rationis, ceu instrumento, opus est.

Ac juxta naturam disputationum dogmaticarum.

III. Varie autem aut conciliorum pontificisque summi decretis, aut perpetuo doctrinæ usu, consensuque, sacrarum a DEO hominibus manifestatarum veritatum lux accenditur; quam rheologus istis ex locis accipit, & in disciplinæ suæ articulos refert. In exercitiis vero gymnasticis ex contrariorum oppositione veritas evolvitur ceu ex nubium obvolutione, quæ lucis hujus divinæ in se nitorem non minuit, oculis tantum nostris quandam obscuritatem offundit, quibus dispulsis gravior longe sit ejus species, ut a tenebris deinceps nihil timeat, quas cæci in se sufferendo, aliis etiam injicere allaborant. Neque etiam hic vane quis formidet, in disputandi ratione dogmatica, ubi auctoritatibus plurimum est locus, funem aut seriem innexarum sibi ratiocinationum esse defuturam. Non enim sententiis nudis rem agimus, sed consequen-

sequentiis inde elicitis, axiomatibus insuper additis, si opportunum, ex sana philosophia, & ratione: declarationibus, expositionibus &c. etiam locum damus, ex consensu orthodoxæ antiquitatis, analogia fidei, natura rei subjectæ, locis parallelis &c. Unde possit perpetuum, non orationis, sed argumentorum trahi filum, syllogismorum, & quæ sunt alia argumentandi genera, catena connexorum serie, ita ut vel auctoritas dialectice disposita opponatur, vel posita prius auctoritatis sententia argumentum postea inde deducatur, aut consequentia seu conclusio ex testimonio mox subnectatur, & qui sunt alii modi a dialecticis constitui soliti, aut usu etiam, ipsoque exercitio suapte se prodentes, cui usui plura ad hoc momentum attinentia promenda relinquo. Is tam antiquus existit in religione christiana, quam ipsa fere religio in omnibus controversiis fidei ac disquisitionibus sacris locum nactus, a quo tempore illæ increbuerunt. Distinguit autem theologiam a fide, atque a simplicitate illius theologiæ, quæ felicius quidem foret, si hominum studia abessent præsertim autem adversantium puritati fidei molimina.

IV. Est

Quantum
lucis veri-
tati fidei
accedat,
si impu-
gnetur, &
adversa-
rios nan-
ciscatur.

IV. Est hoc, ut animadvertit doctis-
simus PETAVIUS (a), usu prius om-
nium temporum, quam AUGUSTINI
testimonio comprobatur, singulas quas-
que hæreses intulisse ecclesiæ proprias
quæstiones, contra quas diligentius de-
fenderetur scriptura divina, quam si
nulla talis necessitas cogeret. Ac tum
multa ad fidem catholicam pertinentia,
dum hæreticorum callida inquietudine
agitantur, ut adversus eos defendi pos-
sint, & considerantur diligentius, & in-
telliguntur clarius, & instantius prædi-
cantur, & ab adversario mora quæstio
discendi existit occasio. Nec solis tunc
argumentis (porro sagacissime conjicit
idem ille celeberrimus theologus) &
sententiis, catholica contra illorum im-
petus causa fit instructior; sed etiam
defectu vocum, & cautione vigilantius
ab eorum insidiis, calumniisque defen-
ditur: *Cum enim graviora hostium pro-
diere certamina, ut ait (b) GREGORIUS*
M. tunc sunt profecto subtiliora sensuum
spicula requisita, tunc argumentorum ob-
stacula, tunc perplexior indagatio verborum.

Exemplis
ostendi-
tur.

V. Istius rei innumera in medium af-
ferre licet exempla: ex illis duo gene-
ra,

(a) De theol. dogm. Tom. I. Lib. I.

(b) L. XIII. Mor. c. 3.

ra, in quibus præcipua fidei catholicæ vergunt capita, ex antiquitate feligimus, *θεολογίας*, quo nomine vetustiores, quæ Divinitatis Trinitatisque erant, solum complectebantur, & *οικονομίας*, quo verbo Incarnati Verbi mysterium explicabant. De primo *θεολογίας* mysterio primum agamus.

VI. Quis in veterum illorum Patrum Ante A.
sententiis, Nicæna synodo, Arianaque RIUM mul.
perfidia superiorum, non omnino rudis ti Patres
& peregrinus ignoret, eos nonnunquam non satis
incautius, nec ad eandem *ἀκριβειαν*, quæ limitas de
postea adhibita est, de Trinitate, sin- Verbi di-
gillatim de divini Verbi æqualitate cum vinitate e-
Patre, scripsisse. Utut enim eorum or- diderunt
thodoxiæ nihil detrahamus, fateamur sententias.
tamen, necessum est, verbis nonnun-
quam ejusmodi eos esse usos, quibus
aut simpliciores, ne quid gravius cum
PETAVIO dicam, decipi, & in erro-
rem duci quiverint, imo quæ malignis,
& perverso studio abreptis, pestilen-
tium dogmatum occasio extiterunt: quod
de Ariana hæresi verissimum deprehen-
ditur. Ut enim TATIANI, ORIGENIS,
TERTULLIANI, haud meminerim, quo-
rum in aliis etiam rebus enormes fue-
runt errores; nec LACTANTII etiam
rationem habeam, cui majus studium
vide-

videtur fuisse elegantiae sermonis, quam accuratio doctrinae. JUSTINI sanctissimi martyris, acerrimi fidei nostrae propugnatoris, sententia non una est notata a doctis, ubi minorem Patre Filium, etiam antequam nasceretur, & homo fieret, ponere videtur. De eo conqueritur GREGORIUS *Nissenus* eadem fere eum expressisse verbis, quae ARIANI doctrina tenuerunt, *Patrem supremum conditorem, ac DEI inferioris opificem*. Ejusmodi etiam de ATHE-
NAGORA, THEOPHILO, IRENÆO, CLEMENTE & DIONYSIO *Alexandrinis*, GREGORIO *Taumaturgo*, METHODIO, LUCIANO, viris sanctitate, & doctrina celebribus, sententias non satis limatas de Verbi divinitate animadvertunt eruditi, ex quibus ARIUS venenum suum vendibile reddere conatus est, auctoritateque stabilire, quamvis alia horum ipsorum sanctissimorum virorum fidei rectae congrua testimonia contra eundem ARIUM afferri potuerint, & allata sint, quibus & ab errore, & a patrocinio erroris sunt liberati. Unde vero acciderit, ut constantem, eundemque non semper usurpa-
verint sermonem? Nisi quod necdum laceffita ab hæreticis hujusmodi dogmata certis etiamnum non fuerint con-
stri-

stricta terminis, quos ultra citraque verum jam non confisteret.

VII. Hæreticorum vero semel ex una parte emerfis erroribus, ita etiam iisdem contraire sategerunt, ut in adversum prolapsi visi essent quandoque Patres. Cujusmodi ex allatis superius non pauci, dum SABELLIUM persequerentur, & Patripassianos, qui iisdem multorum opinione sunt cum Sabellianis, divinasque confundebant personas, in oppositum postea ab ARIO in vectum errorem nonnihil inclinarunt, quemadmodum superius est dictum. Qualis imprimis DIONYSIUS ille *Alexandrinus*, cujus contra SABELLIUM epistola *Tom. I. conc. ed. Labb.* est descripta, in qua indigna quædam Verbi divinitate sunt ab eo prolata; de quibus a cognomine DIONYSIO admonitus sese purgavit, & catholicum dogma professus est, ut ex altero ejus scripto, quo PAULI *Samosateni* impias quæstiones ad se exaratas diluit, elucescit. Post ARII vero hæresin, caput efferentem, quidam, nominatim MARCELLUS *Ancyranus*, dum vehementius in ARIUM invehuntur, in Sabellianismum incauti incidisse visi sunt. Sed jam certis veluti finibus contra u-

Magis
assertum
dogma
dum ad-
versarios
est na-
ctum.

K

tras-

trasque extremitates constitutis, cui a-
pertæ veritati obsistendi libido non est
imprudens peccare nemo valet, amba-
rum partium deviis contra hæreticos
præclusis.

Idem con-
tigit an-
tequam
divinitas
Spiritus
sancti la-
cesseretur.

VIII. Qualis de Verbi, parum ab-
similis de Spiritus sancti divinitate est
ratio. Non ejusdem modi omnia an-
tiquorum de ea sunt effata, ut nihil
de apertis Pnevmatomachorum com-
memorem erroribus. Certe de Spiritu
S. opinionum mirificam varietatem S.
GREGORIUS Naz. (a) suo tempore
notarat: quem alii energiam meram, id
est, efficientiam dicebant; alii creatu-
ram; alii DEUM; alii, cuinam attribuen-
dus generi esset, ignorabant, sacras, ut
ajebant, litteras veriti, quæ nihil su-
per hac re expressum haberent. Itaque
nec venerabantur ipsum, nec dehone-
stabant, medium quiddam obtinentes.
S. BASILIUS seditionem veritus, pub-
lica in concione DEUM appellare Spi-
ritum S. non est ausus. Nec Constan-
tinopolitana synodus DEI nomen Spi-
ritui S. expresse tribuit, cum tamen
Filium DEI DEUM de DEO aperte pro-
nunciet. Quæ in causa sunt, quare non
so-

(a) Orat. 37.

solum Sociniani, qui Trinitatis fidem subvertunt, verum etiam catholici nonnulli, veluti ERASMUS in sua ad S. HILARIUM præfatione, neque hunc, neque alios antiquiores DEUM appellasse Spiritum sanctum putent: sed mendacii convicti sunt a nostris, qui luculentis testimoniis ex veteribus illis collectis, eorum de Spiritus sancti divinitate catholicam professionem ostenderunt; licet non dilucida adeo voce, ut subinde aliud verba referre non videantur. Nempe nondum contra hæreticorum obstinationem publicis monumentis stabilito non solum fidei consensu, verum etiam notionum, ac vocum usu. Patet igitur fidem mysterii Trinitatis, seu *θεολογίας*, dum contra hæreticorum insultus disputando defenditur, elucidari.

IX. Idem in mysterio *ὁμοουσιότητος*, seu Incarnati Verbi, observare est, quod variationis doctorum ex adverso pugnantium inter se strina perverforum dogmatum impetu est quasi dum quo-
 satum: quorum alterum divinitatem, ad utram-
 alterum humanitatem laceffit; aliud vinctam CHRI-
 culum *ἐνώσεως*, seu unionis scindit, a-
 liud confundit: ut jure possit usurpari, gnatur,
 quod NOVATIANUS (a) auctor peran- definitur.

K 2

ti-

(a) Lib. de Trinit.

tiquus scripsit : *Revera inter duos latrones crucifigitur CHRISTUS, quomodo fixus aliquando est, & ita excipit haereticorum istorum ex utroque latere sacrilega convicia.* Num vero sana & catholica ecclesiae fides, utraque ex parte erroris patente via, in utrum latus paululum deflexa est? aut hostium utrinque irrumpentium incursioni concessit? Imo eorum animadversis insidiis mediam sese tunc maxime communivit, & circumvallavit, cum facta laceffitio est, contra eos similiter, qui vel divinitatem Verbi divini in dubium vocabant, cujusmodi Carpocratiani, Cerinthus, Ebionitæ; quam eos, qui carnem non revera susceptam, sed sola specie contendebant, quos Græci *Δοκητὰς* & *Φαντασιαστὰς* nominant: quo ex genere extiterunt SIMON *Magus*, VALENTINUS, MARCIO, MANES & alii. Contra hos, qui in primis statim nascentis ecclesiae temporibus impietatis erexerunt funestum vexillum, mox obfirmata est christiana veritas, & definita, ut a solis aperte & obstinate refragariis quidquam non sani dogmatis proferretur: veluti saeculo tertio PAULI *Samosatensis*, sequente PHOTINI, nostris temporibus Socinianorum error contra divinitatem Verbi

bi

bi graffatus, ab omnibus explosus, & di-
ris devotus sub ipsis initiis est.

X. Sed in illa de *ἐνώσει*, seu unitione Idem pa-
Verbi divini cum humana natura, lite, tet in do-
quæ serius invaluit, & NESTORII, post- gmate de
eaque EUTYCHIS contrariis studiis est unione
excitata & forā, non ad unam eandem- natura-
que regulam omnia veterum sunt exa- rum in
cta dicta. Unicum CYRILLUM Ale- CHRI-
xandrinum proferamus, qui ad asseren- STO.
dam mysterii Incarnationis fidem divi-
no concilio difficilibus illis, quibus ma-
xime impetita est, temporibus datus
est. Hic dum NESTORII insaniam a-
crius insectatur, pressiusque urget, non-
nulla effatus est, quibus postea EUTY-
CHES ad nefarium suum dogma stabi-
liendum maligniter est usus. Ut hinc
non satis fuerit, si ita loqui fas sit, ad
limanda quævis de isto Incarnati Verbi
mysterio dicta ex una tantum parte in-
cessens NESTORII factio, nisi ei e con-
trario respondens EUTYCHIS undique
catholicum dogma ad præscriptos cer-
tos terminos addiceret, & concluderet.
In Monothelitarum hæresi, quæ ad
idem Incarnationis dogma spectat, &
Eutychianæ ramentum est, satis idem
patet, quam non uniusmodi sanctorum

150 DE RATIONE EXERCIT.

Patrum, ac etiam summorum Pontificum fuerint effata; donec urgentibus hæreticis, & attentionem exstimulanti-
bus, uniformis dictorum ratio enata est
& constituta, quibus limitibus consiste-
re debet cui standi in fide, amor inest
ac cura.

Quod se-
ctarios ho-
diernos
confun-
dit, com-
mendat
autem di-
sputandi
exerci-
tium.

XI. Quæ res acerbe ferit nostri ævi
sectarios, qui alia, quam ex ultima an-
tiquitate repetita testimonia audire de-
trectant, de illis dogmatibus, quorum
firmitas necdum laceßita multam con-
tentionem non exigebat, aut sapiens
œconomia non promiscue propalabat;
seu etiam, cum unius solum partis la-
beseßtabatur fides, ad alteram pronius,
procliviusque ferebat disputatio. No-
bis vero illud inde confectum, conclu-
sumque emergit: sanctiones, ac placita
catholica, cum adversarios patiuntur,
& impugnantur, invalescere, & solida-
ri, & quæ antea libertate effandi im-
providis fraudi esse potuerint, nunc etiam
dictionum formulis adstricta, nutandi,
titubandique potestatem auferre. Id
quod mirifice pugnarum scholasticarum
dignitatem attollit, quibus veritatis pro-
pugnatio proposita est, non refragandi
obnitendique protervitas; ut jure dia-
lecti-

lectica, seu disputandi ars sicut a PLATONE & aliis philosophis, tum etiam SS. Patribus sepimenti instar disciplinis cæteris, ita theologiæ haberi possit, ejusque usus in disputationibus summe sit commendandus, si ita instituantur, ut hactenus a nobis est præscriptum.





INDEX

RERUM MEMORABILIMUM.

A.

Anni scholastici rebus necessariis ac theologo dignis transigendi. [116.124.125. seq.](#) Quod passim hodie a scholasticis negligitur. *Ib. seq.*

Argumentandi ratio ex sacra scriptura. [129. 130. seqq.](#) Per consequentias. [133. 134.](#) Et rationis principia ostenditur. [135. seqq.](#) Alia item forma ex traditione [138. 139. seqq.](#)

Argumentationum theologicarum sedes quæ sint genuinæ? [67. 98. seq.](#) Quomodo iis rite utendum? [71.](#)

Ariani doctrinam de *ὁμοούσιῳ* quare rejecerint? [76.](#)

Axiomata rationis qualia in in concertationibus theologicis afferenda. [88.](#) Eorum in [theologia usus, 128.](#)

C.

Ciceronis locus ex Arati versu de disputationum utilitate depromptus explicatur. [27. seqq.](#)

Collegia discipulorum profectui maxime utilia. [15. seq. 120.](#) Varia eorum genera adferuntur. [17. 18. seqq.](#)

Conclusio theologica quid? [92.](#) Quomodo sit probanda? *Ib.*

Consequentiarum quid sint? [93.](#) Earum in theologia usus summe necessarius. *Ib. seq.* Quæ iis securitas in disputationibus theologicis fervetur. [96. 106. 110.](#) De earum robore cum Protestantibus [controversia. 98. 100. seq.](#)

Cynosura quid & unde composita? [27.](#) Ad eam Phœnices respicientes cursum suum dirigunt. *Ib.* Applicatur

INDEX RERUM

tur ad dialecticum tractandi modum? *Ib.*

D.

Declamationes gymnasticæ theologiæ candidatis maxime utiles. 20. *seq.* Veteribus usitatissimæ. 22. Hodie pene negliguntur. *Ib.*
Demonstrationes veri nominis quæ sint? 128. In theologia etiam quam maxime obtinent. *Ib.* Hujus rei exempla ex sacra scriptura. 129. 130. *seqq.*

Dialectica murus ad communienda theologiæ dogmata. 75. *seq.*

Disputationes moderatæ animi attentionem plurimum juvant. 40. *seq.* Perpetuæ fontium theologicorum neglectum inducere. 120. 121. Ad veritatem indagandam. 42. Ac contra adversarios defendendam maximum usum præstant. 25. 43. *seqq.* Multis hodie vitiis laberant. 45. 46. Quomodo hæc corrigenda? 48. 50. *seqq.* Theologicæ ratione, ecclesia, & verbo divino conficiendæ. 112.

Disputatorum officia. 34. *seqq.* Et vitia. 47. Moder-

norum præsertim scholasticorum. 49. 50. 53. *seqq.*

Distinctionum scholasticarum perplexitas. 58.

Dogmata *mixta* quæ vocentur? 89. In iis quodnam *judicium* rationi competat? *Ib.* *seq.*

Donatistæ rationis usum e theologia abesse volunt. 76.

Du-Pinii mens circa *prælectionem* auctorum. 4.

F.

Fides ab hæreticis impugnata majorem firmitatem ac lucem accipit. 142. Ejus rei varia exempla. 143. *seq.* 149. 150.

Fontium theologicorum studium commendatur. 114. Neglectus carpitur. 115.

G.

Gregorius Nazianz. disputationes longius accersitas damnat. 64. 65.

I.

Judicium *discretionis*? 89. *Contradictionis*? 90. *seq.* & *consequentiarum* quid? 93. Quomodo hæc rationi com-

M E M O R A B I L I U M.

competant in dogmatibus
& mysteriis fidei? [91.92.](#)
seqq.

M.

Mabillonius auctorum prælectionibus scriptionem præfert. [2.3.](#) Ejus rationes expenduntur. [8.9.11. usque 15.](#)

Marcellus *Ancyran.* in Arium vehementius investus in Sabellianismū incidit. [145.](#)

Medius terminus in disputatione theologica unde assumendus. [86.87.](#)

Methodus docendi diuturno potius usu, quam regularum præscriptis haurienda. [1.2. seq.](#)

N.

Neglectus fontium theologicorum carpitur. [115.](#)

Novatores solam scripturam controversiarum judicem statuentes. [97.](#) Dogmatum suorum firmitatem sustolunt. *Ib.* Principiis rationis fallibilis innixi. *Ib. seq.* Eorum consequentiæ quibus vitiis laborent. [103. seq.](#) Unde consequentiarum robur desumendum putent? [106.](#) Causa cadunt. *Ib. seq.*

P.

SS. Patres in disputationibus domesticis sobrii, contra ecclesiæ hostes bellaces. [118.](#) Eorum exemplum imitandum proponitur. *Ib. seq.* [139.](#) Ex iis multi ante Arium de Trinitate incautius sunt locuti. [143. seq.](#) De divinitate item Spiritus S. [146.](#) Et verbi Incarnati. [149. seqq.](#) Unde hoc acciderit? [144. seq.](#)

Perronii *Card.* ars singularis argumentandi contra Protestantes. [70.](#) Unde ei hujus rei occasio enata? *Ib.* Perspicuitas verborum potissimum in disputationibus confectanda. [62.63.](#)

Possevini de prælectionum utilitate sententiæ. [7.](#)

Prælectiones professoribus & discipulis utilissimæ. [3.4.6. seqq.](#)

Prudentii descriptio sophisticarum [concertationum.65.](#)

Q.

Questiones inutiles ac supervacaneæ e theologia eliminandæ. [122. seq.](#) Via & ratio ostenditur, qua fieri istud queat. [124.125. seq.](#)

R.

INDEX RERUM

R.

Ratio in argumentis theologicis maximi est usus. 75. 79. Ac necessitatis. 82. 83. seq. 93. 94. seqq. Qui ejusdem ex theologia principia exesse volunt, rationis expertes se ostendunt. 76. 77. 81. Ad Atheismum & innumeros alios errores proni. 78. Cum fide nequaquam pugnat. 81. Instrumenti loco tantum adhibenda in rebus theologicis. 84. Quis ejus rectus usus. 80. 82. Duo circa eam scopuli caute declinandi. 85.

Romana respublica ab exteris vinci nescia, intestinis bellis consumitur. 124.

S.

Scholastici cum Græcis ante Trojam comparati. 66. 67. Eorū concertationes haud raro veritatem abscondunt, non explicant. 54. Frequenter logomachiis referatæ. 55. seq. Quando præter loquacitatem & terminorum obscuritatem nihil fere solidi habent. 57. 58. seq. Multæ solo nomine theologicæ sunt. 64. Ea-

rum graphica descriptio. 59. 60.

Scripta dictandi incommoda. 6. 7.

Socratica methodus qualis fuërit? 23. Ab Arcefila revocata. 16. Num præstet methodo disputandi per syllogismos? 24. seq.

Spiritus S. divinitas variis opinionibus primis temporibus obnoxia. 146.

T.

Terminos philosophicos theologus ignorare nequit. 94. 95.

Theologizandi perversa multorum ratio. 73. Maximum reipublicæ christianæ damnum infert. 1b. seq.

V.

Verbi Incarnati divinitas a variis varie lacescita. 147. 148.

Veritas disputationum finis. 33. A scholasticis pene neglectus. 53. *Connexionum & sententiarum* quid, & quale discrimen? 93. 113. Ejus simulacrum cur vestibus spoliatis exhibeatur? 42.

Veronii cum Protestantibus de principiis rationis & consequentiis lis. 98. 99. 103. 104.

W.

MEMORABILIUM.

W.

Wedelius in quo iudicium
fidei infallibile consti-
tuat? 106. & ad quos ar-
bitrium consequentiarum

in rebus fidei referat. *Ib.*
seq. Ejus systema examina-
tur. 108. *seqq.*

Werensellii graphica descri-
ptio disputationum scho-
lasticarum. 59. 60.

FINIS.



ERRATA.

- Pag. 31. Lin. 6. pro *διανοηκῇ*, lege *διανοητηκῇ*.
36. 11. *cognitio*, lege *cognito*.
46. 3. *scholasticorum*, lege *scholasticarum*.
 122. 6. *addictis*, lege *additis*.
127. 4. *contingant*, lege *contingat*.

547

15
E

